

甯志備考序

吾甯邑志修於嘉靖乙卯迄今已七十餘載中間官方
戶口土風民物其沿革損益不能不與歲月俱遷流而
紀籍零落故老凋謝則文與獻咸不足恃識者往往抱
蠹冊而怒如崇禎乙巳夏邑侯甌甯謝公慨然有意修
葺錄其所編次副本若干卷強屬不佞逡巡謝不敢承
則轉以屬趙無聲先生不佞私竊為茲志幸得人也先
生志節懷懷嫉惡如風而開敏博洽於書鮮所不讀於
世故物情鮮所不諳解以彼其才是宜抽金匱石室之
藏以潤色鴻業於一邑志何有既董筆受事業有端緒
而浮言間之侯亦憂去於是綜其前後所摭摘者彙為

甯志備考序

一

一編而題之曰甯志備考備之為云以言乎業之未竟
也雖然於吾邑誠為未竟之業而於先生直為一家之
言乎哉蓋先生之說曰離經譯史稽古證今是吾輩讀
書事志不可不修書不可不讀不佞殊有味乎其言修
志所以經一邑也讀書則非為一邑讀也先生雅負經世
之志而跼蹐寒羶無用武地不得已而以其牢騷感憤
寄之乎吟詠吟諷俛仰憑弔之間其情悲其風期固已
遠矣顧不佞自為吾邑慮竊謂志終不可不修而有先
生備考在將異時秉筆邑乘者事半功倍恆必由之故
因先生問序而輒為原始題之簡首庶先生苦心或亦
藉是以不泯云

南京工部左侍郎奉
詔晉階資政大夫邑人祝以函撰

甯志備考序

邑志考引

志安昉昉於春秋春秋者孔子不得志於時所為作也
今天下郡邑皆有志秉筆者不惟其爵惟其人他不具
論令典四月淮陽亦嘗舉先為廣文時所草而彙之為
淮陽志矣吾甯古鹽官縣更而州州又更而縣代居海
國無虞播遷而近乃罹海患劇守土者方日夜憔悴畚
鍤紛紛又奚暇弄不律圖不朽為當湖趙無聲先生者
其學博綜抉奧其下筆排山倒峽而其人則慷慨木強
自庚子逮今困公車三十年研穿裘敝邑邑不得志乃
退而振鐸吾甯登壇之日凡士之翹楚必拔不爽躍冶
必創不貸不蘄諧俗而蘄諧理遇公正一發憤不避忌

甯志備考序

三

袒左右聽者解頤心服五年於茲每恨邑志築舍以忝
文獻乃為作備考其目凡十有二其法詳古畧今詳舊
畧新則吾因是而重有感於今也自日用飲食以至衣
冠言動自鐘鳴鼎食以至甕牖繩樞目之所睹耳之所
聞無一衷於古而懷於舊者矣獨一郡一邑然乎哉積
妖釀災遂至犬羊訐於北魚龍吼於南所在不甯吾邑
倍遭其毒斯時也誠得志而志之覽古傷今砥新還舊
俾怒濤息而匏歌興所係豈尠哉既脫稿為付厥氏將
擊易水而游曲江迺以玄晏屬典得毋謂吾友者不欲
得其語而惟典之友也意典拙不逢年艱不諧世差足
武先生之後塵也乎先生不得志而作備考余不得志

而為備考序其歸一而已矣維時偶憇郡北別業朱葉
盈眸綠蔬適口時雨新霽種種快人正泚筆而先生惠
焚餘至亟讀客問盡吐肝膽皆言人所不能言不敢言
者一切知罪無所撓其慮又何有於邑志之一鱗
崇禎庚午陽月第八洞天外臣許令典識

邑志考引

史不得其官不傳不得其人不傳不當散佚漫漶之時
不傳古今自龍門外作者寥寥非泐泐洋不經則訛漏無
當所謂其官是其人其時非也天下郡邑山川禮樂財
賦政事人物之屬各有紀載亥豕之訛隨時刊定則信
而傳傳而可久吾邑乘蕪廢踰一甲子矣受事茲土者
或手摘簿書棘刺難脫或放情流浪說鬼談神而於乘
誌則棄如嚼蠟所謂其時是其官是其人非也吾無聲
趙先生以端品積學振鐸吾甯日與羣弟子冥摻遐覽
上自星緯雲石下自鳥獸草木中及興亡成敗悔吝憂
虞之故靡不朝夕殫究既彙快編作渡世津梁而更以

甯志備考序

五

其餘暇弔平原睢陽之遺烈挹紫薇橫浦之流風每俯仰
滄桑沈寥增慨時邑使君有敦趨先生登壇橐筆為邑
乘計者先生意廓落殊弗屑喟然曰惡乎誌八騶雙戟
雖盲亦史屈首一經而不得志於時縱使眼如箕口如
河腹如笥穎君子墨亦將匿笑於石田之側乃退而作
備考曷備考乎文獻無徵志士扼腕後世得知己足以不
憾亦曰備考乎云爾所謂其時是其人是其官非也今
天子銳意文治羣彥鱗集使先生進而備考中秘又進而
備考顧問名山之業方駕子長庶幾官不負人人不負時
立言其有籍乎予小子且得載問字之酒與先生上下
千古焉茲因備考之成而姑述其幽憤之概如此若致

美文詞以為信且傳傳且久則吾豈敢
崇禎庚午立冬日門人葛徵奇頓首拜撰

甯邑志考序

古有良史才未必有良史品品與才俱良而不能身任
怨勞內私其好憎外怵於威富將傳穢傳寃為禍等烈
即今實錄難成成且屢遷改秉筆之難概可覩矣予有
平水土之責於甯間或握符治甯事古昔嘉言懿行今
日土性民風亦既遐覽而洞悉之洋洋大海滂渤洗洋
非尋常一管城子所能傳信也有第一人趙無聲先生
者為甯士師六年以刪潤二十一史墨汁之餘譔甯志
備考采詳鑒慎獨斷獨成比於舊志倍十之五雖近事
少所增入而耳目之前易為簡括後有秉筆者稍加采
輯即是全書直命曰志可耳惡乎備余受讀卒業而知

甯志備考序

七

其造於甯者大也爰捐俸錢以襄劖氏文出乎一手而
功竣於三旬更數十年時移事換有民社之任者將文
獻乎斯編以續之則余實為之嚆矢云
崇禎庚午十月之望攝杭州府知府事古黔劉元瀚羽
波父序於子瞻隄畔

小引

周禮外史掌四方之志今郡若邑博士古外史秩也國初郡邑博士得參中秘之席百年來第飽苜蓿而歎侏儒嗟乎博士不當史耶吾師無聲先生冥摛逖覽上下二千年間既已多所撰著迺頃來振鐸吾甯登壇之暇復讀甯志而喟然以諸生請輒操不律從事及成又遜謝不任志題曰備考嗟夫人禍天刑史往往有餘懼先生其慄昌黎之誠與所載筆大較詳往昔而闕畧耳目之前蓋郭泰不臧否人物庶幾近之雖然漢書成而雜記不廢於西京晉史出而世說終傳於江左有如明詔忽下分遣黃衣使者采蘭石渠之副不能遺甯甯

甯志備考序

八

又奚能置是編表東海之雄風也抑生有說焉太常博士叔孫通既綿蕞漢儀奏曰諸弟子儒生隨臣久與臣共為儀願陛下官之高帝悉以為郎先生亭亭孤節干霄直上度必不願為叔孫吾黨小子請以魯兩生服膺先生可乎海昌門人談以訓拜手謹識

凡例

一修志之說起自戊辰夏時諸生有嗜古者伎癢呈縣縣令弗省已矣踰年己巳春余方襄試會城而令忽移牒理前事余亦姑置之逮夏五試竣始傳檄採故實迺未幾而居奇之議起余遂一意謝絕惟是離經譯史稽古證今自是吾輩讀書事志可不修書不可不讀則備考所由作也

一是編卷凡十二幾十五萬言而於邑志及談子外志戒弗敢掠美第間摘其一二之必不可缺者余所主惟圖經郡志而參以歷代正史本朝典則典故憲章通紀旁郡邑志等書更及百家雜說凡關涉甯者一

甯志備考例

九

切不嫌獵取要以藏書甚貧掛一漏萬亦曰聊以備考云爾

一編中分門標款不盡摹古如儒官之不列縣屬也名臣名儒諸目以易鄉賢也牧政流績以易名宦也文夫女子總彙為獨行也水利之別於山水也祠廟之別於寺觀也此皆微以臆見評定亦惟是一家之言不妨直任其愚以俟異時之秉筆邑乘者

一編中詳古畧今其於今也又詳舊畧新懼古事易湮信舊人論定也若嘉靖丁巳後為邑志所未入者雖事堪垂則人足儀世概不得輕置品題或以大義相督不得盡謝亦必於本條之下明註某某記令讀者

知說所自來易於摻別簡證云

一志者記也猶里人言記取日記云耳義貴質貴核雕繪無取焉矧備考猶為記之記乎近古泚程畸人令侯為余邑作志局諸名士於局令士各獻竒以故文多異彩顧丹鉛太工識者不無諛墓美新之憾余老矣吹影鏤塵故非力所及樸而俚即目為里人無辭焉一是編捐俸助梓繫惟明府劉公為政而始終拮据克襄厥成則太學陳梁庠士吳維熊實與有勞法得並書

崇禎庚午冬孟雪日當湖鈍叟趙維稟識於海昌之天濤閣

甯志備考目錄

卷一

沿革

星野

疆域

形勢

山水

山嶺

龍湫

泉洞

井石

池海湖浦

城池

坊市

衢巷

橋梁

郵傳

卷二

壇壝

祠廟

公署

分土

甯志備考目錄

一

編戶

風俗

土產

土貢

卷三

土賦

課程

征徭

鹽課

郵政

卷四

水利

海患及治海類
河防及治河類

祥異

古蹟

邱墓附

卷五

縣官制

鹽監官制附

縣官題名

鹽監官題名附

牧政

流蹟

卷六

學宮制 社學射圃附

學田學租附

學職 官制體統題
名宦績併

禮樂

卷七

典籍 舊藏書目
邑先輩著述目

續藏書目

選舉諸科 特薦辟科
奏名科

明經科
賢良方正科

懷才抱德科
進士科

稅戶人才科
鄉舉科

鄉貢科

附武科
封

卷八

名賢後賢附

名臣良臣附

甯志備考目錄

二

卷九

名儒文人附

逸民先民附

獨行懿行附

義俠

流寓

方伎

卷十

武衛 官制額
民兵額

署寨

軍額

軍糧額

方外 僧寺

道觀

禪宗

立宗

佚事

卷十一

遺文類 祝序文

記

劄

贊

誌銘

卷十二

遺詠類 古

律

絕

頌

目錄終

甯誌備考卷一

當湖鈍叟趙維寰輯

沿革 一之一

海甯縣屬杭州府周以前甯地介在吳楚越間未知誰屬自秦代周罷封建置郡縣而以吳越地置會稽郡領縣凡二十四時在杭者曰錢塘曰餘杭曰富春曰海鹽漢代秦高帝之十二年封劉濞為吳王吳領縣二十六其在杭者五而海鹽仍與焉東漢順帝永建四年分浙江以西為吳郡統縣凡十三其在杭者三而海鹽仍居其一班固漢書注曰海鹽縣故武原鄉有鹽官輿地廣志云鹽官本漢海鹽縣地吳王濞煮海為鹽設鹽官於

甯志備考卷一

沿革

一

此後因以為名是鹽官在秦漢時其地皆隸海鹽未名縣也嘉興志云三國時吳大帝黃武四年割由拳海鹽二縣地為鹽官縣唐書輿地志亦云三國吳置鹽官縣然則鹽官之名縣實始自孫吳矣晉太康元年分天下為十九州州統郡郡統縣時吳郡屬揚州統縣凡十一而在杭者三曰錢唐曰富春曰鹽官觀晉自是歷宋齊梁鹽官皆屬吳郡陳武帝永定二年割吳郡之海鹽前京鹽官三縣地置海甯郡治鹽官觀陳後主禎明元年割海鹽縣屬鹽官地見吳記是年置錢唐郡尋改吳郡為吳州而以錢唐郡屬焉鹽官仍屬吳隋文帝開皇元年罷吳州及海甯郡而改吳郡為蘇州陞錢唐郡為杭州廢

鹽官入錢塘屬杭州隋書云平陳置杭煬帝大業三年

復改杭州為餘杭郡仍置鹽官屬之廣輿志云隋時鹽

官屬餘杭疑此時也州一曰大業二年改杭唐高祖武德

元年四年曰罷餘杭郡復為杭州領縣四惟錢唐餘杭於

潛新城而鹽官不與焉唐書云武德中鹽官屬東武州

七年省鹽官入錢唐貞觀元年分天下為十道杭屬江

南道杭時領縣四而鹽官仍不與則以前省入錢唐也

四年乃復置錢唐置鹽官縣廣輿志云唐時鹽官屬杭

州蓋在貞觀四年後矣玄宗天寶元年復改杭州為餘

杭郡領縣九而鹽官居其一肅宗至德二年仍改餘杭

郡為杭州鹽官仍隸杭州武宗會昌四年陞鹽官為緊

甯志備考卷一

縣五季朱梁初錢鏐為吳越王杭時為國屬吳越國臨

安志云朱梁龍德三年析錢唐鹽官地置錢江縣今仁

和即錢江也宋太宗太平興國三年吳越國除杭復為

州鹽官仍隸杭州建炎三年高宗南渡都臨安陞杭州

為臨安府領縣九前此九縣有紫溪唐山而無仁和昌

化建炎九縣即今之九縣自是不復更矣紹興五年鹽

官陞上縣尋復與外六縣並陞畿縣元世祖至元十三

年仍改臨安府為杭州十五年又改名杭州路二十一

年又改杭州路為浙江行省而鹽官之屬杭俱如故成

宗元貞二年以戶口繁盛陞為州文宗天曆二年以海

患甯息始改鹽官州為海甯州入明吳元年杭州行省

內附仍改路為府洪武二年仍改海甯州為海甯縣隸杭故總之一海甯也而其名凡六最初曰海昌府在三國吳曰鹽官縣在六朝陳曰海甯郡在元曰鹽官州又曰海甯州其曰海甯縣則定自本朝云。按三國志獻帝建安八年陸遜以東西曹令史出為海昌屯田都尉兼領縣事夫漢晉間止有海鹽鹽官而三國時已有海昌吳錄地理志云鹽官本名海昌吳時改名鹽官而沈約宋志又云非也鹽官乃漢舊縣葛澧錢唐賦亦云於潛鹽官起自漢家然則海昌之名始自何代無從考矣星野一之二

星野之說頗屬荒渺似可存而不論顧據占考驗亦自

有不盡証者請據述舊聞俟知星者測焉周禮保章氏註星紀吳越斗牛分野漢地理志吳地斗分越地牛女分陳卓范蠡諸人分星丹陽入斗十六度會稽入牛一度由此觀之杭嘉在斗牛之間而鹽官正在杭嘉之間大較可知矣粵稽春秋以來魯昭公三十二年夏吳伐越史墨曰越得歲而吳伐之必受其凶不及四年越果滅吳漢孝景二年七月丙子火與水晨出東方因守斗占曰其國絕祀斗吳也又為越三年吳連七國及吳王亡走越越攻而殺之國除元鼎中熒惑守南斗占曰熒惑所守為兵亂守之久其國絕南斗越分也其後越相呂嘉殺其王及太后漢兵之滅其國東漢熹平元年十

月熒惑入南斗中占曰熒惑所守為兵亂斗中為吳是
年十一月會稽賊許昭聚眾自稱大將軍晉安帝隆安
四年正月月犯填星在牽牛五月孫恩破會稽復寇海
鹽劉裕追擊破之宋大明八年六月有流星大如五斗
甌赤色有光照見人面尾長一丈餘從參北東行直下
經東井過南河没占曰民饑吳越有兵其後兵起殺傷
甚眾隋大業九年五月熒惑逆行入南斗色赤如血如
三斗器光芒震耀長七八尺於斗中句已而行占曰有
反臣兵大起斗吳越分反臣楊玄感父封於越朱燮管
崇亦於吳郡擁眾反唐建中十九年三月熒惑入南斗
色如血斗吳越分色如血者旱象也太歷十年正月歲

甯志備考卷一 疆域

四

星熒惑合於南斗占曰饑旱吳越分也光化三年十月
太白鎮星合於南斗占曰吳越有兵宋建炎元年秋斗
牛間有紫氣冬十月孝宗生於嘉興次年高宗移蹕錢
塘定都百五十餘年凡此皆占驗之歷歷著明者是安
得以六合之外而概置之

疆域 一之三

宋圖經云鹽官縣西北一百三十里舊二十二鄉今九
鄉本漢海鹽由拳二縣之境見太平寰宇記

縣志載此於沿革中

非是宜改 其詳載縣志及外志

入疆域 一之四

錢塘屬邑鹽官為最在浙之朝陽為吳之右臂白鋪江

面青點海門層樓起而蟠練橫星漢低而枯槎活潮生
信大雷霆藏龍戰之聲潤下功深蜀井喪虎形之味僧

贊甯惠
力寺記

江防輯略云甯邑南有赭山實惟江門東有黃灣實通
海港兩端相距百四十里而中無城守先年島夷屢犯
首趨龕赭後據石墩人民死徙不可勝數苟有巖城扼
其險要使賊無駐足之所東不得過素花而窺硤石南
不得浮錢唐而犯省會縣治得此兩翼庶不獨當風波
之衝此亦經海之總要也餘詳邑志外志

山水一之五

自甯邑西南望則有葛嶼山去葛嶼東一里為盤山盤

甯志備考卷一

形勢

山水

五

山南去八里為赭山赭山西里許為禪機山東半里
許為文堂山諸山皆瀕大海赭山與越之龕山南北
對峙而海潮出沒其間是謂海門山有獐獾雉雀之
屬

雷山在江心山形圓小雅稱翠鬱

巖門山穹窿峭拔疊嶂蟠薄故號主山山有塔東去十
里為蜀山西一里為河莊山又東一里為胡家山舊
名黃山一曰越山山無佳植獸有獐獾狐兔鳥則文
雉鴉雀

茗山植有竹松鳥有山雞鴝鵒

山在治
西北

硤石山二一曰審山號東山一曰紫薇山號西山二山

相對中隔河流而皆在硤石鎮土人合稱硤石山云

自硤石山以下皆在治東北東南

花山坦夷盤薄如崗如陀山多白鷗火鳩亦茂松竹

黃山巉巖峭拔其植有楊梅山茶

菩提山即靈泉山也山有靈泉井因以名山植多桂竹

鳥有鷓鴣文雉

錢山舊多水仙今所植多蒼松翠竹鳥有鷓鴣山雀

小尖山去石墩里許登小尖西望石墩猶邱阜耳

妙果山綿延尖聳其尾鑿斷即為素花山故素花一名

龍尾

夾山卉有菊植有桃竹松檜禽多文雉鸛雀獸有兔狸

甯志備考卷一

六

○嘉興志云以其居金粟金牛之間故名夾山海鹽

有金粟山

尖山萃律崛起亞於金牛上有高峰可百丈許周十里

其巔置烽堠南臨大海鳥有白鷗文雉

黃灣山山形聳峻林木蒼鬱植有斑竹鳥有白鷗畫眉

獸則獐兔

金牛山高三百丈許望之蒼翠青鬱多雉兔獐獾之屬

○吳地記云海鹽縣西五里有會稽山是陸華兄弟

逐金牛處○按海鹽今無會稽山而甯有金牛山則

金牛即會稽也然金牛去海鹽約數十里而記云西

五里何歟詳外志

自金牛稍北為廟山山形深窅洞曲其西為鳳凰山下有烽堠其東為崧山又東里許為望夫山山形峭拔亦置烽堠其上自廟山以下諸山皆無竒花異植烏龍山在談山東二里許山形壁立昂峙若翔若翔水清能鑿毛髮

石棋山巖阻幽邃窳窳岑蔚

諸山之外尚有橫山蠓山管山箬帽山黃陀山白鶴山葛嶺山青陽山中亦有佳者具詳談子外志其自葛嶺以下山形高下與在縣之東南隅去縣道里遠近俱詳邑志不錄

甯之嶺一曰赤兔嶺一曰赤土詳邑志外志

甯志備考卷一

七

甯之洞三曰蜀山洞曰紫薇洞曰金牛洞俱詳邑志。圖經云金牛洞甚深曾有好事者游焉入其中見蛇怪自是游人遂絕

甯之石五曰望夫石曰怪石曰箭石曰盤蛇石曰秦王磨劍石俱詳邑志

甯之水莫大於海海在縣南十里。按海去縣十里據縣志言也余自萬曆丁巳游甯出城南望海無所見時吳亦臨令甯余問之曰沙漲三十里許去海遠矣及天啓乙丑余至甯出城南僅百步而大海已偏几硯間於觀濤甚邈至丁卯戊辰則沙復漲十里許及崇禎己巳秋十里沙隄不半月忽盪盡潮勢洶湧仍

偏城百步而近脫海若未肯悔禍恐甯民未得安枕也然戊辰之七月廿三日海嘯殺人無算是時沙隄十里宛然無恙而卒無救於甯則沙之有無亦何關利害乎滄桑之說自古有然要在甯吏甯民修人事以應之耳

甯之湖十有五曰臨平湖。圖經云臨平湖今大半屬仁和縣沿革所謂析鹽官地為錢江縣者即此是也。曰建興湖曰谷湖曰竹浦湖。圖經云舊有寫本圖經載建興湖深五尺勝百斛舟谷湖竹浦湖並深五尺勝八十斛舟今皆廢。按圖經考異云寫本圖經作建興湖臨安志則云吳建甯中開名建甯湖今故老相傳無建甯之稱當是臨安志誤

甯志備考卷一

八

洞石海湖

曰淡塘湖。圖經云淡塘西至府九十里章瑋作兒童塔記云直縣之西有水曰淡塘其派自錢源來惜乎來脈雖遠而源流不深故未能有佳驗苟濬之使深當富貴世世不絕往魏伯珣宰邑邑人張少良嘗贊是役竟不果

曰郭店湖曰新江塘湖查二湖源流止是一水獨郡志詳於郭店邑志詳於新江耳

曰高湖曰月湖曰硤石南湖曰茶湖曰縣市湖曰二十五里塘湖曰洛塘湖曰袁花塘湖曰彭墩湖以上諸湖源流及去縣治方隅近遠俱詳邑志

甯之浦凡二曰黃灣浦曰百尺浦。按邑志二浦皆載入水利余謂浦即湖港之類今黃浦清浦皆以水得名非論利害不得入水利

甯之港凡十三曰白彈港曰黃土港曰吳姚塘港曰石棋港曰夾山港曰秋門涇港曰天門港曰馬牧港曰褚家港曰赭山港曰東陳村港曰混水港以上諸港其詳俱在邑志

甯之龍湫一在長安中間號中間龍潭載邑志

甯之泉四一曰雪峰泉在縣東南五里壽聖院元延祐間盪入海載郡志一曰紫薇泉見縣志一曰靈泉縣志附見於井曰靈泉井余謂井與井泉不同井由人造

甯志備考卷一

九

浦港龍泉井池

泉自地溢當列之泉舊傳有橫浦先生詩載圖經今佚一曰烏龍泉即烏龍井故老相傳謂臯蘇將軍黑馬跑地得泉因以為名則名泉近是

甯之井七曰市邑十井曰馬自然丹井曰葛仙翁丹井曰異井曰禪師井曰義井曰石井俱詳邑志

甯之池五曰泮池邑志不載曰放生池曰白洋池曰磨劍池曰靈龜池。圖經曰靈龜池舊有尼寺今廢有顧況詩

按嶺洞石皆生於山宜附山湫泉井池皆水宜附水邑志外志或列之古蹟或列之水利皆非係古蹟者不妨於古蹟詳見係水利者不妨於水利詳見若但

舉其名自當以類列也

城池一之六

海甯舊城隋大業十三年築今在縣治西北四十一里
周六百步高八尺唐永徽六年改築今縣治周四百
六十步高二丈濠闊五丈深四尺經見圖入元圮至正
十九年江浙行省命左右司都事陳元龍築高一丈
五尺周七里九十步時有城海甯詩戶部尚書宣城
貢師泰為之序序載邑人胡奎有築城謠載題入國
朝洪武永樂嘉靖間信國湯和都指揮谷詳知縣蔡
完相繼增築高廣鑿池濬濠屹為保障覘邑。余考
郡志云至正十九年張士信城杭州遂城海甯按此

海甯志備考卷一 城池 坊市 十

則邑志所謂陳元龍築者何據豈是時士誠降元江
浙行省即士信為之歟

坊市一之七

邑坊今制十一具詳縣志。按宋坊亦十一其節義安
化曳裾仁賢狀元亞魁六名皆與今同今忠義坊則
宋名忠孝若墨卿信義宣化善化四坊今皆易名矣
宋諸坊皆令魏伯珣建邑人張少良書詳經見
甯牌坊十有九俱載縣志其建自嘉靖晚年及隆歷以
來者俱未備

邑市今制具詳縣志。宋圖經云縣市舊在縣西北一
百步唐貞觀四年置開元十一年令路宣遠徙於治

西南二百五十步鄉市二一日長安市一日硤石市
衢巷一之八

入鎮海門而北拱辰門以南橫計之其東為字民坊為
醋坊橋為觀音菴街為酒坊橋街為城隍廟街為瓦
石堰為養濟院巷其西為南寺巷為雙廟巷為錢家
巷為醋坊巷為安國寺巷為北道宮巷為永安橋街
○入春熙門而西安戍門以東從計之其南為勝安
橋街為崇儒坊為雙仁巷為雙廟橋街為永平倉街
為打鐵巷為八營巷其北為亨會坊為惠康橋街為
回回巷為豆腐巷為射圃亭街○出鎮海門而南百
步許即海塘沿海南東西皆沙場鹽舍○出拱辰門

甯志備考卷一 衢巷

十一

而北為厲壇街為田雞街為光華橋街為油車街為
二十五里塘○出春熙門而東為放生街為教場街
為張姬關為道人塘為六十里塘為袁花塘其東南
則海塘也○出安戍門而西為賣魚橋街為社壇橋
街其西南則海塘

橋梁一之九

甯志橋凡四十縣志脫簡可考者僅九余據郡志補三
十一新增一○曰清平橋在縣南八步與鼓樓相對
舊名三思○曰中和橋○曰勝安橋在縣東六十二
步舊名烏鵲宋建泰四年重建一名昇仙○曰嘉泰
橋在縣西東六十餘步舊名善建圖經云橋側有唐

咸通間所立經幢今不存。曰紀家橋縣西七十三步。曰雙廟橋縣西二百一十四步。曰行春橋縣西二百一十九步。曰醋坊橋縣西一百三十步。曰監橋縣西南二百四十步。曰傅家橋縣西北二百六十六步。曰師古橋縣東北一百二十二步。曰惠康橋縣南東北二百六步。曰永安橋縣西北二百八十五步。曰安國寺橋縣西北三百五十八步。下跨放生池。曰延恩寺橋縣西北三百五十步。曰酒坊橋縣北二百二十四步。跨瓦石堰。曰海昌橋縣東南一里二百一十五步。曰環橋縣東一十里。跨轉塘下北河。曰渾水石橋縣東二十五里。跨轉塘下北河。曰崇教橋縣東四十八里。曰丁家石橋素花市鎮。曰王道橋袁花北鎮達嘉興。曰長安橋縣北二十五里。俗呼虹橋。跨運塘河。曰盧家橋縣西北二十五里。跨運塘河。曰莊婆堰橋縣西北三十里。跨新江河。元至大二年建。曰薛婆橋縣東北一十二里。元至正二十一年建。曰斜橋縣東北二十里。明永樂五年建。曰通浦堰橋縣北五里。跨二十五里塘。下東河。明永樂十五年建。今塞。曰光華亭橋縣北一里一百三十一步。跨二十五里塘。河舊建亭三間於橋上。正德間火燬。今止存橋。葉韜有詩載談志。曰環秀橋縣東北六十里。洪武

三十五年建。曰狀元坊橋。宋張九成所居處。新建萬家渡橋。長安南三里。以上三十二橋。談志載二十六。凡郡志所不詳者。俱詳談志。若中和渾水丁家王道狀元五橋。則談志不載。

郵傳一之十

甯之急遞鋪。凡十有六。以傳遞文移者。詳縣志。

國初因元之舊。甯有長安驛。今廢。詳縣志。圖經云。唐時有賦亭驛。在縣西南二十步。開元中。柳遵為邑令。置今廢。又有義亭驛。在縣西北二十五里。地名長安。西至臨平驛三十里。北至石門驛四十三里。貞觀五年。置舊名桑亭驛。八年改名義亭。又有迎候亭。

甯志備考卷一郵傳

三

在縣北二里。唐咸通二年置。今廢。在宋有光華亭。去縣北一里。宋淳熙四年。令魏伯珣置。又有海昌館。在縣口三百五十步。舊名班宣。後改宣化。嘉定元年。令潘景夔重修改。今名。又有海昌亭。在縣西北二十五里。長安上閘之旁。自杭循東道行上湖。必於此。艤纜以需。啓鑰閘。亦有亭。舊無名。

按今之漕運及使節往來。皆取道下河。長安吉驛湮廢已久。此條似亦可削。但自崇德而南。凡取道上河者。信宿抵杭。比下河實便。故今之商旅由上河者。往往十六七。異時滄桑變易。事固難知。仍存以備考。

甯志備考卷一終

當湖鈍叟趙維寰輯

壇壝二之一

社稷壇 舊在縣城北白馬廟後莫知所自始宋大觀中縣令歐陽珣即其舊新之元至正三年改建於州治北一里大德五年議置西南郊州守高愿易地如制更置木主稱海甯州社州稷入國朝洪武十一年改建於縣西北三里正德三年知縣丁儀為復建今處增置宰牲齋宿等舍

右所載壇制沿革錄郡邑志微有異同

按

大德係元成宗號至正係順帝號至正去大德幾七十年不應前後倒置乃爾蓋世祖滅宋在至元十三

甯志備考卷二

壇壝

一

年更置社稷當在此時而舊志誤至元為至正誤三十年為三年又誤縣治為州治世祖時鹽官仍縣未改州即成宗時亦未有海甯名也曰海甯州社州稷俱誤一曰大德間知州高源非高愿未詳孰是。按圖經云社稷壇制在縣北二里後遷縣北一里半莫詳歲月今縣學有政和二年令歐陽珣修壇碑記嘉定元年令潘景夔重修增置更衣之次仍令守者環植松柏。圖經考異云壇在縣北二里舊有寫本圖經則曰在西南比歲縣西南之忠孝坊西十字巷口錢氏墳園因治地得舊甃皆有社字坊側有石橋邑人猶稱社稷橋意舊壇在其旁近云則所云西南者

良是按歐陽珣碑記今猶在聖殿前東廡之南北面碑上勒圖制頗精細與今碑不同
風雲雷雨山川壇

邑厲壇

鄉厲壇

旗纛壇

以上四壇俱詳邑志。按郡志壇壝雜見於祠廟中非是當以縣志為正

祠廟二之二

城隍廟今制詳邑志不重列。按宋圖經云廟在縣治東三十八步邑人稱為永固王。圖經考異云臨安志云父老相傳本府城隍舊額號永固王紹興二十

二甯志備考卷二 祠廟

二

年別封保順通惠侯則邑人稱王襲府號非也

雙廟。今制詳郡邑志不重列。宋圖經云廟在縣治

西一百三十步祀張許雷南姚五公鍾禮部必萬作

重修記云歲月失載不可考新城縣亦有許公廟乾

道三年令耿秉聞於朝敕賜靈惠廟額而鹽官則襲

睢陽之稱至今號雙廟規制卑隘紹熙二年令陳恕邑

人曾伋率邑人即其故地新之羣公各有祭文及題

咏。圖經考異云今殿後介福堂西梁題云雍熙四

年建東梁題云天聖八年令王可回重修上棟題云

令趙彥駿則淳熙年也而鍾禮部乃云歲月莫考何

耶。按臨安志有許將軍廟在縣西一百三十步梁

大同二年建今邑中並無許將軍廟意即雙廟是謂
梁大同二年建恐非

雙仁祠。在縣西北安化坊吳越王錢鏐建祀顏真卿
而以其從兄杲卿配享元末燬明正德九年知縣曹
珪重建嘉靖二十八年知縣高尚志重修歲以八月
望日致祭

張文忠公祠。在城南書院中祀宋狀元張無垢先生
于有成撰記

名宦祠。在學宮祀宋朱公綽 王昞 刁廡 陳恕

魯鎰 元臧夢獬 王公輔 明方直 榻明德

羅能 李芳 郭郊 蔡祐 李完凡十四人

甯志備考卷二

三

鄉賢祠。在學宮祀梁戚衮 顧歡 唐褚無量 許

遠 顏真卿 宋郭知運 張九成 施德操 楊

璿 楊由義 史徽 許明懋 沈升 李貞 孫

子良 胡奎 姚哲 祝琪淇 徐寬 祝萃 陳

珉 查益 許元奎 毛鵬 唐琳 查繪 董載

陳忠漸凡二十九人

三皇廟。郡志云宋有三皇廟八一在郡治七在海甯
等各縣今廢

東嶽行祠。詳邑志。宋圖經云祠舊在縣東北二里

紹興二年徙縣東二里

昭烈王祠。今廢載邑志。宋圖經云慶元三年主簿

按二十九人尚
失寫一人姓名
楊璿下當補凌
景夏

趙希楷建附葆真庵後載祀典嘉定元年新宜興丞
趙彥摺又立祠於安國寺東

烏龍大王廟。詳縣志。宋圖經云崇祐廟在縣東八
十二里烏龍王廟始興十一年以禱雨驗賜今額按此則金牛山下舊係烏龍大王廟即崇祐廟也

福濟廟。詳邑志。宋圖經云廟在金牛山下舊係臯

蘇將軍廟舊圖經云山下有臯小郎碑紹興初碑尚
存已不知何代人父老相傳昔臯蘇二王逐黃巢至
此不獲遂死之因立廟國朝紹興十年以禱雨驗敕

賜今額此與邑志小異

白馬神廟。詳郡邑志外志。圖經考異云劉拱記曰
郭西大廟有白馬神者今廟乃在北且邑人以王稱

甯志備考卷二

四

恐非

胡令公廟。詳談子外志。圖經考異云令公不知何
許人俗傳不一難信臨安志云孤山智果院彌勒佛
閣注云晉天福四年錢忠獻王遣令公胡進思往娶
州雙林發傳中士塔此豈是與。按圖經作於宋而
猶不能確以為是乃外志言之鑿鑿何也必有所考

朝宗王廟。有宋高宗祭文見郡志

翁使君廟。在縣南二里見圖經郡邑志俱不載

漢壽亭侯廟。在處有之其在邑之鎮海門者崇禎二
年秋八月燬邑人重建

致忠祠。在城祀副千戶呂忠歲以正月二十三日致

祭見郡志亦未詳志不載

秦王廟

西楚霸王廟上二廟見圖經

驃騎將軍蘇公廟詳外志

靈順行祠

五土廟

天妃宮

朱將軍廟

巖峯曹將軍廟上祠廟五

陸司空祠見郡志

閻少卿廟

甯志備考卷二

徐偃王廟

五郎廟上三廟俱不載見圖經

龍祠

崔府君廟

廣福廟

周將軍廟

郭店新廟上祠廟外志

按郡志以先師廟啓聖祠並列之祠廟中大非若名

宦鄉賢二祠固不妨與顏許諸公並列也

元成宗大德三年加鹽官海神曰靈威弘祐公加吳大

夫伍員曰忠孝威惠顯聖王二神皆以海患故加封

然祠廟不知何在但據元史錄之

附府學鄉賢祠甯邑先達祀其中者凡七人曰顧歡曰褚無量曰許遠曰張九成曰施德操曰楊璿曰楊由義

忠烈祠。在郡城祀諸武臣之死倭變者十人而甯有其一曰姜楫

兩浙名賢祠。在孤山之陽祀兩浙先賢四十八人而甯有其七即前顧歡以下七人也。按以上諸祠俱在郡城以甯人與其中併記之

公署 二之三

諸已載邑志者不重列獨據郡志及宋圖經補其未

甯志備考卷二 公署

六

備以俟參考

海甯縣署。建自宋太平興國四年蘇夢齡為之記記載

起政和七年令王昞重建陳昱為之記記載淳熙十

年令陳申重建獄屋莫淑光為之記記載。元改縣

為州。我明洪武二年仍改縣署皆仍舊萬曆五年

知縣蘇湖重建總記今署之制中為正堂堂前為甬

路甬路中為戒石亭東西序為六房正堂東隅為架

閣庫西隅為耳房庫後為穿堂又後為知縣宅正堂

西為二縣丞宅折南為吏廨堂東為軍器庫為典史

宅折南為主簿宅儀門東為土地祠西為延賓館儀

門外東為申明亭西為旌善亭二亭各鄉鎮俱前有

有共三十五所

譙樓即大門也

見郡志

按郡志所謂今制特就陳善修志時言善修府志在萬曆初年去今踰五十年矣中又不知幾更據余今所見正堂西二宅一居清軍丞一居典史東一宅居管糧丞而主簿宅在儀門內之東土地祠延賓館則俱在儀門外之東申明旌善二亭東西相對其架閣庫則徙正堂之西隅耳房庫徙正堂之東隅穿堂之西別有小廳為令宴憇之所由穿堂而進有廳有甃屋計四層以居令衙眷若堂前露臺俱用石版平鋪最為華整則新自天啓間鮑令觀光凡此皆郡志所未及也其他曲折未易縷數請以俟宅其中者

甯志備考卷二

七

縣署之東有東司。張甯海塘志云僉憲山錢公以塘工告成撤其羨材重建按察分司即所謂東司也其西舊有府館令改為安化王祠祠署規制未詳邑有二巡司一曰石墩巡司一曰赭山巡檢司二司各有公署在其治所規制未詳

永平倉在縣治西南官署即在倉內已廢其規制未詳常平倉即預備倉在北門外河西社稷壇之北中有廳事兩旁為廩屋外有門正德間令曹珪建嘉靖十二年令胡堯時重修

邑有便民倉在長安鎮中有廳有宴憇處有吏書房有庖湍漕糧俱於此兌運本縣管糧丞自十月開倉後

恒駐劄其中上司之督糧者及縣令亦時至焉規制未悉

甯有陰陽學在拱辰門內之西規制未詳

甯有惠民藥局在大街西規制未詳

邑中有稅課局在大街今革其署已為民佃甯舊有硤石長安稅課局轉塘湯鎮稅課局又有海甯硤石二河泊所長安驛長安壩等署今官革署俱無可考

甯有千戶所去縣治東百步許所署雖不及縣而比於東司宏敞倍之前後左右堂房門舍頗備後有旗纛壇其中規制曲折不能悉

甯志備考卷二

八

甯有接官亭在拱辰門外皆有廳事每詔至則迎龍亭置其中而縣令率其屬行禮焉

甯有養濟院今在縣北二百五十步署制未詳。按成化志宋建於縣西一百步後廢紹熙二年令陳恕重建於光華亭之北元徙於甘棠橋南。圖經云故老相傳謂養濟院今新宜興丞趙彥摺所建昭烈王祠即其故址紹熙二年令陳恕重修

甯有鹽場二一曰許村場署在城內北寺街一曰西路場署制未詳

甯城外東西鄉各有鹽倉鹽使者以查盤至間往觀焉倉有廳有平屋有鹽廩一曰官建一曰鹽商建

附宋公署制。圖經云縣治太平興國四年建以鼓樓為門亦名敕書樓刻漏在焉仍置鈺鼓以鳴夜漏。初始不知歲月樓之側翼以二亭曰手詔曰宣詔樓距中門十七步門之東為丞尉廨尉廨之前有隙地以演教弓兵因名教場。令廨與丞尉廨相比以西為上簿廨則在縣治之西皆有便門以通往來兩廡列帑藏犴狴屬焉曹局各有區別令之堂曰清愛曰燕喜門曰延佇以通後圃圃有堂曰平政曰綠繞有亭曰錦香曰仰高舊名芥納曰梯雲西廨之後有便室曰讀書林其側曰進德齋花卉夾徑松檜參天可為公餘游息之地若夫初始增修間有記以識歲月有詩以咏

甯志備考卷二

九

物情不可盡考。丞廨在縣治東十六步元符元年建淳熙四年丞歐克世重修邑人張少良作記廨之後有軒曰挺立主簿竇思永有詩以紀其實廨之東有室曰涉筆城之巔有亭曰芸香下瞰小圃雜植花卉焉廨之東偏有井不知鑿自何時其水品在尉廨晞梅井泉之下。主簿廨在縣東五十二步元豐八年建紹興十三年徙於縣西五十四步廳之側有堂曰省身曰學古舊名雅飾自鍾禮部必萬作簿易今名。尉廳在縣東三十步雍熙三年建大中祥符二年重修淳熙五年尉陳士良葺治之廳之東有堂曰晞梅政和二年建諸名公題咏在焉堂前一井味甚甘以青石為闌上

有政和元年刻字邑人云此為邑中第二水嘉泰三年尉趙師羽立亭於城之巔禮部鍾公必萬名之曰送雲亦嘗賦詩又有小圃為縱步之地圃中有茆亭曰仙隱今題匾不存。○監稅官廨即務為之。○五巡檢廨各即其寨為之。○酒官無稅各僦居民舍

宋鹽課。○買納場在縣南二百步舊號臨平監太平興國四年置今雙廟介福堂有通直郎守光祿寺丞知臨平監王克濬題識其官廨在鹽倉之西榜曰鹽監。○蜀山場在縣西二十七里與岫門亭爨相接紹興初海岸圯移置邑南百餘步。○巖門場在縣西三十里併隸蜀山催煎。○上管場在縣西南一里淳熙

甯志備考卷二

十

間以蜀山岫門下管催煎兼監俗稱西四場其官廨以舊非正官所寓無定今雖辟正猶寓獄祠。○下管場在縣東一十八里併隸蜀山岫門催煎其官廨舊在蜀山場紹興初海岸圯隨場移縣南。○南路場在縣東六十里有催煎官廨在黃灣巡司南二里許。○素花場在縣東六十里併隸南路催煎。○黃灣場在縣東六十里併隸南路。○新興場在縣東三十五里亦併隸南路。○運鹽官有廨即在買納官廨之西圖經考異云故老相傳昔無訟堂即舊正廳後別剏正廳堂遂為宴饌之所以無訟名之題扁今不存今西廳是也以重建縣廳記考之政和八年令王昞別

為治事之所而增大之翼修廊以處羣吏以設帑藏
前為大門又前為樓以榜縣額其後則為燕息之堂
焉按此則知廳舍至王令而畢備故老之言信不為
妄雖中更變故而剏大弗及至紹熙元年令陳恕重
修累政必加營繕不可盡考又以廳記考之鼓樓係
政和八年王令建重修縣令樓記云樓極版題宣和
五年令金譽修則知今縣樓剏於政和而修於宣和
令陳恕因其弊而又修之實紹熙元年也今縣額牌
之左題云崇甯丙戌建豈今之縣樓非王令剏始耶
抑舊縣之牌始於崇甯王令剏今樓而不欲泯其年
耶未詳。考異又云縣丞陳昱作廳記謂縣有丞甫
甯志備考卷二

十一

十年設官之初每事草具廨舍尤隘陋由是一新之
時政和十年也逆而計之舊廨當剏於大觀間。考
異又云故老相傳簿舊無廨舍嘗寓安國寺紹興。
年主簿鄭烈徙於縣西五十四步即今地也意舊廨
毀於兵火暫寄安國耳尉張諤作題名記云主簿李
掾欲剏題名於廳左柱上得十三人前有鄭君序今
猶隱然可考
外史氏曰蓋余讀圖經公署志而不能不為憮然昔
之丞簿尉猶之丞簿尉也官非加於今而署中所題
識者曰挺立曰學古曰晞梅綽有超然塵外之致焉
肯以錙銖升斗屑其慮哉沿至於今同其官不同其

趣至有不知挺立學古為何說晞梅為何物者噫無
言吏治矣

分土二之四

宋土地額要領已載邑志若郡志所載雖詳以太瑣碎
不錄

元土地額無考

國朝土地額邑志已載但據郡志補其未備

洪武十年田地山蕩共一萬二百八十八頃六十一畝
內田六千八百六十七頃一十三畝。地二千九百
七十六頃九十九畝。山一百七十七頃一十六畝
。蕩二百六十七頃三十三畝

甯志備考卷二分土

土

永樂二十年宣德七年正統七年景泰三年天順六年
成化八年上五冊官民田地山蕩池皆九千四百六十
五頃四十八畝八釐

內官田四百七十五頃五十八畝一分有奇。官地
一百九頃一十三畝二分有奇。官山三十八頃六
十九畝四分八釐有奇。官蕩四十八頃四十三畝
三分有奇。官池一畝九分

民田六千二百六十六頃五十八畝一分有奇。民
地二千六十四頃八十九畝三分有奇。民山一百
四十九頃八十一畝八分有奇。民蕩三百一十頃
三十七畝六分有奇。民池一頃九十四畝九分有

奇

成化十八年弘治五年弘治十五年上三冊官民田畝
山蕩池皆一萬五百五十四頃四十二畝五分有奇

內田七千四十五頃二十五畝五分有奇。地二千
九百三十二頃八十二畝一釐有奇。山二百一十
頃一十八畝六分有奇。蕩三百六十四頃一畝二
分有奇。池二頃一十四畝九分有奇

正德七年嘉靖元年嘉靖十一年嘉靖二十一年上四
冊官民田地山蕩池皆九千四百六十七頃二十六畝
四分六釐有奇

內官田四百七十六頃一十六畝三分有奇。官地

甯志備考卷二

三

一百九頃二十九畝八分有奇。官山三十八頃六
十九畝四分有奇。官蕩四十九頃一畝八分。官
池一畝九分

民田六千二百六十六頃六十九畝五分有奇。民
地二千六十五頃。畝九分有奇。民山一百四十
九頃八十一畝八分有奇。民蕩三百一十頃五十
九畝六分有奇。民池一百九十四畝九分有奇

嘉靖四十一年官民田地山蕩池共九千四百六十七
頃二十六畝四分有奇

內官田四百七十六頃一十六畝三分有奇。官地
一百九頃二十九畝八分有奇。官山三十八頃六

十九畝四分有奇。官蕩四十九頃一畝八分有奇。
○官池一畝九分

民田六千二百六十六頃六十九畝五分有奇。民地二千六十五頃○畝九分有奇。民山一百四十九頃八十一畝八分有奇。民蕩三百一十頃五十九畝六分有奇。民池一頃九十四畝九分有奇。隆慶六年田地山蕩塘基共九千三百二十七頃六畝九分有奇。

內深村田地魚蕩八千七百五十七頃二十五畝二分有奇。塘南地一百五十二頃九十七畝八分有奇。草蕩一百二十九頃○畝九分有奇。山水蕩

甯志備考卷二

編戶

十四

漚二百八十七頃六十九畝九分有奇。忠臣祠基地一十二畝九分有奇以上俱錄郡志

編戶 二之五

宋元戶口額已載縣志不重列獨元額郡志曰至元縣志曰至正當是至元

國朝戶口額已載縣志者不重列獨補其未備

正統七年。戶七萬一千七百六十六口二十三萬一千六百九十六

景泰三年。戶七萬一千一百口二十六萬八千七百九

成化十八年。戶六萬六千五百一十一口二十三萬

六千一百五十一

弘治五年。戶六萬六千四百二十三口二十三萬六千五十一

嘉靖四十一年。戶六萬六千二百九十八口二十四萬二千七百九十三

隆慶六年。戶六萬六千二百九十八口二十四萬二千七百九十三

以上六條皆縣志所不載今據郡志補之

嘉靖元年。戶六萬六千二百八十九口八萬八千九百七十二

嘉靖十一年。戶六萬六千二百八十九口八萬八千

甯志備考卷二

五

七百五十二

以上二條邑志已載但戶數與前後不甚懸而口數差至十四五萬恐死亡流徙未必若是甚也乃郡邑志所載皆同何與或曰口字下當有十字然以十八萬較二十四萬亦差六萬歷稽前後累冊未有減至二萬外者且以累朝休養而戶口往往日減偽增固不可偽減之所留餘果在民間乎是不可不核毋為異時奸胥口實也

風俗二之六

甯邑風習如隋志及蘇夢齡所記已詳舊志

李洪記云風俗簡儉農夫深耕蠶婦織紝樂歲家給人

足斥其羸奉釋教惟謹緇褐塞路不耕蠶而仰食於民者不知幾千指云

陳善云先達如許睢陽之節義張侍郎之理學許黃門之高尚斯誠願為執鞭而不得者乃近世景行前修之士雖亦不乏而沿流襲弊者往往有之或廣貲產以相誇或報睚眦以自快或以鬪牆起鵲蝮之訟或緣嗜利恣漁獵之圖四境鷓訐之風以漸日甚耕夫蠶婦終歲勤動曾不得宿飽而富者益饒貧者益瘠矣求如往歲之斥其羸以奉釋教者恐亦不多見也挽頽復古其在賢者乎。節物所尚附見於後

正月元旦先夕汎掃堂室架松柴於爐中是日五鼓興

甯志備考卷二

風俗

六

焚之大家則爇炭取旺相意也隨盛陳花燭糕果於各神及祖先前貧富隨力又以糖豆米團祀竈謂之接竈祀畢即分餉米團於家衆取團圓意次則秉燭焚香拜各神祖先又次則聚家衆聚立中堂卑幼拜賀尊長畢則男子出拜其宗黨親友各致祝詞謂之賀節人家各設酒筵客來拜者延坐三五行即辭出

設筵延客郡城皆是早大小人家開門皆放炮謂之然甯俗則間有之

開門炮各家插柏枝於門大家則置之祠堂并有合插梅花於瓶中者。立春前一日官僚迎春於東郊前陳鼓吹雜劇以導芒神土牛出城士女聚觀填塞街巷謂之看春其所歷人家有設香燭者或包五穀

拋擲芒神土牛中者以為佳兆此後延客多用春餅是日亦有焚松柴爇炭者。月之初八日年老佞佛者俱往附近寺院念佛謂之頭八佛十八日亦然謂之二八佛時男女雜沓所在皆爾而東嶽廟尤盛。元宵前後張燈五夜十五為最盛時簫鼓喧鬧往來觀燈者至夜分始罷菊花燈獨盛於雙廟凡賽花筒賽鼓版者於此畢集焉而菊花燈與元宵鼓遂居甯邑三絕之二大小人家又各製米團供神佛分食之謂之燈團亦取團圓意也。先是初三夜至十一夜鄉村婦女俱迎天姑卜一歲吉凶問田蠶豐歉亦有召_姑廟者若燈夜卜則以為不靈驗

二月初一日唐宋時謂之中和節有挑菜之會今民間春分前後必輪年值會會首醵金具牲酒祀土穀神祀畢即為社會飲但無定期

二月初三日有雙廟會會首設優樂迎張許諸公於廟祀之諸家與會者以十數人計每歲更番輪值自唐宋至今不絕是夜養蠶之家各包裹蠶子置綿衣中寢於身下謂蠶得人氣始生也亦有全家避出不舉燈者謂可免鼠侵之患。清明節各家門簷徧插楊柳或戴之首家各設奠祀祖先又各備具祭掃墓所掛紙錢於樹杪家製青團供祀分食之亦古寒食遺意云

四月立夏日以諸果品雜置茗椀親鄰彼此餽遺名曰
七家茶亦古八家同井比鄰相餽之意此亦郡城俗尚甯間有之
是日各相戒勿坐戶檻謂可不病夏。是月為蠶月
養蠶之家各閉戶即親鄰不得輕入尤忌丐取。月
之十一日邑人皆齋戒往祀城隍神

五月五日相傳為天中節先於朔日懸五色花紙於門
亦古五色絲辟兵避病之意庭下則以瓦盆雜植葵
艾菖蒲至日先以角黍牲酒牲祀神享先畢則家眾
聚飲雄黃蒲酒食石首魚又以雄黃酒噴洒四壁祛
諸毒也家貼符於門堂中或懸天師像或刻艾作虎
形畫蛇蝎等物或書赤口白舌盡消滅帖子黏屋壁

甯志備考卷二

六

為禳禱或取益母稀簽諸草為藥皆在午時先期親
戚互相餽遺等於歲節僧道則以辟惡靈符分送檀
越醫家則以雄黃及諸品香餽於所嘗往來者是日
武弁率軍兵於演武場行射柳事。是月十三日相
傳謂漢壽亭侯誕生日往往醵金設會至有盛張臺
閣徧迎街巷致男婦雜沓聚觀者於南廟尤獨盛云
○芒種前後鄉村各具牲酒祀土神謂之發黃梅各
相勸飲而後插青彼此相助曰伴工。夏至日設奠
祀先祖或曰惟鄉村然城中則否。若午日競渡則
甯以少水未之見也

六月六日浴貓犬於水習俗相沿不知所謂。是月廿

九日安國寺有觀音會甚盛男婦禮佛者動以千計有不遠數十里沿塗膜拜而來者先一夕諸進香者皆雜坐殿中以待漏諸殿不能容則集於露臺丹墀或於僧舍謂之宿山自廿九日起至次日終每絡繹不絕是日前後有洗階雨往往驗時諸商賈各以奇貨來稅房張肆必半月餘散謂之趕節

七月立秋日人各飲少水相傳謂飲之可無痢症。七夕則設瓜果為乞巧會或細切茄絲和麪為餅油煎食之。十五日用釋氏盂蘭盆法用素饌素餛飩享先或召僧道作法事施食放湖燈以資冥福有喪之家於十三日五鼓即設茶餅迎先靈晝則具奠至十七夜則具奠以送即無喪之家先迎後送亦畧相同送時多用腥饗

甯志備考卷二

九

八月中秋親友以月餅相餽遺是晚大家有設宴玩月者然不若元宵端午之盛。是月自十三至十八日男婦往海上觀潮者頗多里人則釀金作社會如春社然。二十四日各家祀竈

九月九日名重陽節各家市蒸栗糕以供神及祖先豪家亦有為登高宴者。是日有雙廟會與三月三日同。霜降前一日閩帥揚兵大道以迎旂纛民多往觀

十月朔俗謂之十月朝各家設祀饗先大家多出郊拜

祭於墓所略仿清明禮。立冬日各家採野菊煎湯
澡浴

十一月冬至祀先享神交拜賀先期親友餽遺略仿元
旦之一二

臘月十二日養蠶之家各以鹽鹵茄灰薰揉蠶子藏之
穀殼中至廿四則出之浴於川以待春至。廿四日
各家祀竈亦祀土神蓋歲終報禮意也。丐者於是
日前後裝竈公竈母貌鳴鑼相逐以乞錢物亦古逐
疫意云。此日以後各家拂塵換桃符門神更寫春
聯貼合家歡圖於壁諸酒果品物貧與富各隨力營
辦街坊鼓吹之聲從此直徹元宵矣親友之相餽遺

甯志備考卷二

示

往來者盒擔塞道。除夕前之二三日內各家具羊
豕酒果或三牲報祀城隍百神其奠祖先多在除夕
是夕大家則懸掛影像然香燭於堂不設影像者即
潔拭祠堂陳列供具及夕則架松柴於門外焚之或
有焚於五鼓者有喪之家則熾炭於爐內燈下舉家
骨肉合家歡飲或至夜分謂之守歲各家以赤豆為
飯留至元旦和新炊食之謂之隔年飯亦有燃燈牀
下謂之照虛耗者亦有以酒果祀牀神祈兒女安寢
者其禱竈抱鏡出廳響卜者亦往往有之爆竹聲不
絕幾達旦

土產二之七

甯邑物產甚饒舊志頗悉茲特補其未備

穀之屬曰稻名色甚多大較不出粳糯二種然亦有早晚不同山縣多早甯邑地近嘉湖種多晚曰菽有斑豆有褐豆有寒豆有裙帶豆

蔬之屬曰冬菜俗稱為長梗白宜久藏曰蒿菜曰山藥有紅白二種白者佳曰胡荽俗稱芫荽可用點茶曰筍園筍邑地皆有毛筍出東南諸山皆不廣曰芹曰茵俗名為蓋有可食有不可食

果之屬曰香圓曰香芋曰茅栗曰茨菰曰西瓜曰甜瓜曰香瓜曰棗海甯棗名甚著核細而味佳名鹽官棗俗訛為羊冠棗按此據郡志書之余戊辰病覓之不

甯志備考卷二

土產

三

得詰其故曰往時棗園已盪入海種絕久矣為存其名云

藥之屬曰百合曰芍藥曰貝母曰天門冬曰蓖麻子曰茴香曰見腫消曰金銀花曰蒼耳子曰益母草曰充蔚子即益母草子曰菊花曰稀簽草曰山梔子曰地骨皮曰枳實曰枳壳曰枇杷葉曰兔頭骨曰狸骨曰蟾酥曰蜂子曰蜜蠟曰蜂房曰鼈甲曰桑螵蛸曰原蠶蛾曰蛇蛻曰蜈蚣曰白頭蚓

織之屬曰木棉布曰苧布曰麻布曰兼絲布曰絲曰綿曰綿紬紬出安國寺者佳出硤石寺者更佳價亦倍往時一貪令取之無度於其售也且抽稅焉寺僧遂

相約但官長問則曰杼袖久空無復織者非重價密
購之不可得

竹之屬曰鳳尾竹

花之屬曰臘梅檀心磬口者佳曰紅梅曰蜀葵有五色
曰秋葵曰錦葵花小而紫曰秋海棠曰長春曰酴醾
曰木香曰紫荊曰紫薇曰千葉桃曰夾竹桃曰木筆
曰玫瑰曰玉蘭曰茉莉曰蘆花曰蓼花

草之屬曰木棉曰孔麻曰青秧曰茅曰蒿曰辣蓼曰酒
藥草曰燈心曰芭蕉曰雞腳草曰金絲荷葉曰老少
年曰吉祥草曰萍曰荻草類甚繁已入藥品者俱不
列

甯志備考卷二

五

貨之屬曰茶邑東南諸山有之然不廣味亦薄曰菊花
燈亦曰橘花燈以其圓也居甯三絕之一曰石舊硤
石所採紅石粗甚近採鳳凰諸山石堅碧可用曰磚
瓦

羽之屬曰戴勝

鱗之屬曰鱣曰鯉曰鯖曰鰈曰鱈曰黃頰曰土鷺曰鱉
鮓曰銀魚曰金魚金魚名色甚多近乃有三尾五尾
者弘正間未之有也亦足覘世變矣

蟲之屬曰蠶曰蜘蛛曰喜子曰蜂曰蟻曰蛇曰虺曰螂

蛆曰蝦蟆又一種名蟾蜍曰蜥蜴俗名潛龍曰蝮蛄曰邱

蚓曰螳螂曰蝟曰寒蟬曰蟋蟀曰促織曰螢曰蛙俗名

田雞曰蝴蝶曰蜻蜒曰蝙蝠曰水蛭俗名曰蚱蜢即詩所謂螽斯一母百子者曰蠶曰蚊曰蠅曰蚋曰蟬 邑志無蟲部

毛之屬曰鼠曰鼠狼曰田鼠曰水鼠其不載者俱詳邑志 土貢二之八

成化十年貢額

粟穀一百斤 乾生薑一百斤 蜜陀僧一百斤

續隨子二十斤 山梔子三百斤 銀箔八帖 弓

七百七十三張 箭七千三十七枝 弦三千八百

六十七條 雜色毛皮八百五十八張 翎毛一十

一萬六千一百根 鷓鴣一隻 兔七隻 鶉鴒二

甯志備考卷二 土貢 三

十隻 鷓鴣五隻

本縣稅課局帶辦。翎毛三千四百六十根。魚鱧七

斤一兩

赭山湯鎮稅課局帶辦。翎毛一千八百四十根。魚

鱧四斤

長安稅課局帶辦。翎毛一千根。魚鱧二斤

本縣河泊所帶辦。翎毛三萬六千一百根。魚鱧七

十五斤

硤石河泊所帶辦。翎毛一萬二千一百三十根。魚

鱧二十五斤

按郡志本府各縣通貢其在成化 千張

下缺字當從成化 杭州府志補全

箭一萬八千二百枝弦一萬條毛 五百六十
張翎毛五十萬而甯於其間分辦十之四彼八邑者
分辦其六此其故何也豈甯邑獨饒於他邑抑爾時
當事者爭之不力耶或曰府自有府貢各縣各自有
貢余不得其詳姑載以備考

甯誌備考卷三

當湖鈍叟趙維寰輯

土賦 三之一

宋賦額已載邑志不重列

元賦額已載邑志不重列

國朝賦額

洪武十年

夏稅。絲一萬九百五十二觔四兩。綿一千二十九觔三兩。租錢五十五錠四貫七百八十七文。○小麥一千九百六十一石。

秋糧米七萬一千四百六十九石四斗。租豆五百六石九斗。

甯志備考卷三 土賦

一

永樂二十年宣德七年正統七年景泰三年天順六年
成化八年凡六冊

夏稅。○官田麥四十石三斗四升有奇。○絲四千八百六十八兩有奇。○官地麥三百五十石一斗一升有奇。○絲一千二百一十七兩有奇。○綿五百九十兩有奇。○租鈔二百四貫五百三十五文有奇。○官山絲一百六十三兩有奇。○租鈔二百九十九文有奇。○官蕩麥六升七合有奇。○絲一百三十一兩有奇。○租鈔一十三貫六百四十一文。○民田麥七百五十八石六斗有奇。

○絲一十三萬一千四百二十五兩有奇。○民地麥二百六十二石八升有奇。○絲二萬九千二十六兩有奇。○綿一萬五千五百八十一兩有奇。○民山絲七百一十四兩有奇。○民蕩麥二升八合有奇。○絲一千二百九十三兩有奇。○綿二錢八分有奇。○民池麥一斗一升有奇。○絲三兩四錢七分有奇。○綿二錢五分有奇。

秋糧。○官田米二萬二千四十九石一斗六升有奇。○豆八斗二升有奇。○官地米二千六石九升有奇。○豆二百四十九石三斗七升有奇。○官山米一百五十九石七斗一升有奇。○官蕩

甯志備考卷三

二

米四百六十二石七斗八升有奇。○官池米一斗九升有奇。○民田米四萬七千六百三十九石一斗一升有奇。○民地米二千六石一斗八升有奇。○民山米六十七石五斗七升有奇。○民蕩米三百六十七石八斗七升有奇。○民池米九石一斗四升有奇。

成化十八年弘治五年弘治十五年凡三冊

夏稅麥一千四百一十一石四斗一升有奇。○絲綿一十八兩^萬五千二十二兩有奇。○租鈔十三錠三貫四百七十六文

秋糧米七萬五千一十八石一斗七升有奇

正德七年嘉靖元年嘉靖十一年嘉靖二十一年凡四冊

夏稅麥一千四百一十一石四斗一升有奇。絲綿一十八萬五千二十二兩有奇。租鈔四十三錠三貫四百七十六文

秋糧米七萬五千二百八十四石五斗四升有奇
嘉靖四十一年

夏稅麥一千四百一十一石四斗一升有奇。絲綿一十八萬五千二十二兩有奇。租鈔四十三錠三貫四百七十六文

秋糧米七萬五千二百八十四石五斗四升有奇

甯志備考卷三

三

隆慶六年

夏稅麥一千四百一十一石四斗一升有奇。絲綿一十八萬五千七十二兩有奇。租鈔四十三錠三貫四百七十六文

內起運京庫折銀麥九百二十一石六斗二升全折每石折銀二錢五分共銀二百三十兩四錢五釐每兩外加解京路費銀二分五釐。折絹絲綿一十二萬九千七百六十八兩有奇每絲綿二十兩折絹一疋共絹六千四百八十八疋一丈二尺有奇。存留本府織染局絲五萬五千二百五十四兩有奇今本縣遞年新增會計併入局絲四十九

兩有奇共絲五萬五千三百三兩有奇每兩折銀四分三釐有奇共銀二千四百一十九兩五錢三分有奇。資盈庫鈔四十三錠三貫四百七十六文每貫折銀二釐共銀四錢三分六釐有奇。本縣永平倉麥四百八十九石七斗九升有奇每石加耗併船腳五升俱本色聽給海甯所官軍月糧。○農桑絲綿八百三十八兩有奇折絹四十一疋二丈七尺有奇。

秋糧正耗米一十萬七千八百三十二石九斗八升有奇。

內起運京庫折銀米二萬三千三百一十五石八斗

甯志備考卷三

四

四升有奇全折每石折銀二錢五分共銀五千八百二十八兩九錢六分有奇每兩外加解京路費銀二分五釐京倉兌運漕糧米三萬四千二百三十石每石加耗七斗七升內派本色兌運漕糧每石加隨船耗米四斗蘆蓆米一升交給官軍領運折色輕費每石加耗三斗六升該耗米一萬二千三百二十二石八斗全折每石折銀五錢解淮安府收庫聽給官軍沿塗剥淺併協濟補造船隻等項支用。○南京各衛倉秋米八千一百六十七石歷年本折坐派不等俱候派單至日會計派徵。實運本折正米六千五百三十九石一斗三升有奇。

內本色水兌米三千六百六十一石九斗三升有奇每石加耗六斗五升折色米二千八百七十七石每石連耗六斗五升共折銀六錢俱解南京戶部交納二項餘耗解府聽候司道明文取用。派剩正米一千六百二十石八斗六升有奇內一米二百三十一石四斗六升有奇每石連耗六斗五升折銀七錢一米三百八十九石三斗九升有奇每石運耗六斗五升折銀六錢二項俱解太倉銀庫交納每兩外加路費銀一分。徐州廣運倉改兌米一千八百九十三石每石加隨船耗米四斗二升蘆蓆米一升交給官軍領運。永福倉米九

甯志備考卷三

五

百四十七石每石加耗併船腳米五斗俱本色願納折色者會計每石連耗折銀六錢。存留兌軍行糧米三千二百六十石每石加耗五升該耗米一百六十三石共正耗米三千四百二十三石全折每石折銀六錢以銀五錢抵石給軍餘一錢解府貯庫聽候司道明文撥給取用。本縣永平倉秋米三千四百七十八石六斗九升有奇加耗不_併等放給本縣官員俸糧併官軍月糧支用

鹽糧。原續新增併遇有閏年徵米五千一百八十九石九斗四升。存留本縣儒學倉鹽米三百五十石全折每石連耗俱船腳米三升折銀八錢取

貯縣庫給師生俸糧。○永平倉鹽米三千三百八十石二斗六升有奇每石加耗併船腳米五升俱本色聽給海甯所官軍月糧。○撥派兌軍項下楞木松版折銀米九十石七斗有奇每石折銀五錢共銀四十五兩三錢五分有奇內銀六兩八錢四分六釐以銀四錢准楞木一根共准一十七根有奇餘銀三十八兩五錢八釐有奇以銀二錢五分准松版一片共准一百五十四片有奇給官軍領運。○鹽餘米一千一百八十九石四斗四升有奇聽候明文解司充餉撥抵等用。○鹽鈔折銀二十九兩八錢三分三釐有奇遇閏加銀二兩九錢八分有奇內派起存各半起運外加解京路費一分

甯志備考卷三

課程

六

以上俱錄郡志

課程三之二

洪武十年

酒醋課程錢鈔三伯六十六萬八千六百四十文。歷日工本錢鈔二伯九十七萬五千二百二十文。茶引由五百五十道工墨錢五十五萬文。房地役官賃錢二十萬八千五百四十七文。農桑絲四十二觔九兩四錢二分。黃麻五百二十觔。棉花一百二十觔。

永樂十年

酒醋課程鈔九百六十三錠二貫八十文。油榨冶
鑄課鈔二百一十錠四百文。窑竈課鈔二十八錠
三貫文。房地賃鈔六十三錠一貫七百六十文。
樹株課鈔二貫四百五十文。茶引由工墨鈔六十
二錠三貫文。農桑歲徵絲八百三十八兩零折織絹
四十一疋二丈七尺九寸有奇。本縣稅課局商稅
門攤等鈔二萬一千八百二十四錠二百文。硤石
稅課局商稅門攤等鈔七萬七千六十三錠五百文
。長安稅課局商稅門攤等鈔二萬三百二十四錠
四貫八百文。赭山湯鎮稅課局商稅門攤等鈔一
萬七千九十五錠四百文。本縣河泊所魚船等課
鈔二千八百八十四錠二貫五百四十文。硤石河
泊所漁船等課鈔一千五十錠二貫五百三十文

成化十年

歲辦課程鈔三百六十五錠六百一十文

此項疑即前油榨茶

引諸件額辦農桑絲八百三十八兩六錢二分折絹

四十一疋二丈七尺九寸三分。本縣稅課局歲辦

課鈔二萬二千六百三十二錠一貫五百八十文。

赭山湯鎮稅課局歲辦課程鈔一萬六千一十四錠

八百文。長安稅課局歲辦課程鈔二萬二百七十

六錠三貫五百一十文。硤石稅課局歲辦課程鈔

八千一百五十八錠一貫三百五十文。本縣河泊

所歲辦魚課鈔二千八百八十四錠八百三十文。
硤石河泊所歲辦魚課鈔一千二十錠一貫四十文。
隆慶六年

本縣歲辦油榨冶鑄課鈔三百六十五錠六百一十
文折銀三兩六錢五分一釐遇閏加鈔二十三錠九
百九十文折銀二錢三分一釐零係里甲均平銀內
帶辦。本縣稅課局門攤酒醋等項課鈔共二萬二
千六百三十二錠一貫五百八十文折銀二百二十
六兩三錢三分三釐零遇閏加鈔二千四百八十錠
四貫四百六十文折銀二十四兩八錢八釐零內派
縣市鎮該銀一百二兩八分五釐零巡攔八名內存

甯志備考卷三

八

局一名催辦七名役銀五十六兩抵鈔餘銀四十六
兩八分五釐零均派縣市鋪行出辦袁花鎮該銀一
十四兩二分三釐零巡攔三名役銀一十二兩餘銀
二兩二分三釐零本鎮鋪行出辦轉塘鎮該銀三十
一兩八錢七分九釐零巡攔三名役銀二十四兩餘
銀七兩八錢七分九釐零均派袁花鎮鋪行出辦郭
店鎮該銀六十八兩七錢一分零巡攔二名役銀一
十六兩本鎮鋪行出辦銀一十八兩原撥硤石局差
用巡攔一名役銀一十二兩抵數之外尚欠銀二十
二兩七錢一分零均派硤石鎮鋪行出辦酒醋鈔銀
九兩六錢二分四釐零各鎮現在鋪行店戶出辦有

閏照額加派鋪行辦解。赭山稅課局巡攔役銀抵辦課鈔一萬六千一百四錠八百文折銀一百六十兩一錢四分一釐零。閏加鈔一千六百九十錠二貫八百文折銀一十六兩九錢五釐零。係巡攔一十三名役銀抵辦。硤石稅課局門攤巡攔役銀抵辦課鈔八千一百五十八錠一貫三百五十五文折銀八十一兩五錢八分三釐零。閏加鈔七百七十三錠一貫八百九十文折銀七兩七錢三分三釐零。係巡攔二名併鋪行出辦。閏加派鋪行辦解。長安稅課局門攤巡役銀抵辦課鈔二萬二百七十六錠三貫五百一十文折銀二百二兩七錢六分七釐零。遇

甯志備考卷三

九

閏加派一千四百五十四錠一貫三百八十文折銀一十四兩五錢四分二釐零。係巡攔八名役銀併鋪行出辦。閏加派鋪行辦解。本縣河泊所魚船巡攔役銀抵辦課鈔三千八百九十九錠五十文折銀三十八兩九錢九分零。閏加鈔五百四十七錠三貫二百四十四文折銀五兩四錢九分六釐零。係巡攔二名役銀一十六兩併魚戶辦銀七兩二錢七分一釐零。長安埠頭生理船戶辦銀五兩五錢六分九釐零。新增船戶辦銀一十兩一錢四分八釐零。閏加派魚船戶辦解。硤石河泊所魚船戶課鈔一千二十錠一貫四十文折銀一十一兩二錢二釐零。遇

閏加鈔一百八十六錠一貫一百文折銀一兩八錢六分二釐零係魚船戶辦銀八兩埠頭船戶辦銀二兩二錢二釐零遇閏加派魚船戶辦解。魚課本縣稅課局魚膠七觔一兩熟鐵六十九觔三兩二錢二項共價銀一兩九錢四分九釐零水腳銀三分八釐零路費銀一錢九分四釐零遇閏加膠十兩鐵五觔十二兩八錢價銀一錢六分六釐水腳銀三釐三毫零路費銀一分六釐零巡攔役銀抵納。長安稅課局魚綫膠二觔熟鐵二十觔二項共價銀五錢六分水腳銀一分二釐路費銀五分六釐遇閏加膠四兩鐵一觔十二兩八錢價銀五分六釐水腳銀一釐一

甯志備考卷三

十

毫路費銀五釐六毫巡攔銀抵納。赭山湯鎮稅課局魚綫膠四觔熟鐵三十六觔十八兩八錢二項共價銀一兩五分六釐水腳銀二分一釐零路費銀一錢五釐零遇閏加膠六兩鐵三觔二兩價銀九分二釐零水腳銀一釐八毫零路費銀九釐二毫零巡攔抵納。本縣河泊所魚綫膠七十五觔熟鐵七百二十二觔二項共價銀二十兩四錢四分水腳銀四錢八釐零路費銀二兩四分四釐遇閏加膠六觔四兩鐵六十二觔三兩二錢價銀一兩七錢四分四釐水腳銀三分四釐零路費銀一錢七分四釐零里甲均平銀內帶徵。硤石河泊所魚綫膠二十五觔熟鐵

二百四十觔九兩六錢二項共價銀六兩八錢五分
三釐水腳銀一錢三分七釐零路費銀六錢八分五
釐零遇閏加膠二觔一兩三錢零加鐵二十觔三兩
六錢零價銀五錢七分一釐零水腳銀一分一釐零
路費銀五分七釐零里甲均平銀帶徵

按課程額已載邑志但與郡志所載詳畧甚懸似
多掛漏為備錄郡志以俟長吏之有心釐剔者其
宋元額除已載郡邑志外餘多煩瑣且不切本朝
並削

征徭 三之三

征徭即徭役縣志甚略郡志頗詳其間亦多參差不

甯志備考卷三

征徭

十一

合備錄之以俟夫留心民事者首尾二幅微有缺文
今亦缺之以存其實

里甲三辦銀共八千五百九十九兩一錢五釐有奇
額派銀共一千三百三十六兩六錢五分五釐有奇
內筆管料銀三十二兩一錢五分六釐零。銅絲鐵
綫銀六十八兩四錢九分九釐零。貓紫竹料銀一
百八十兩八錢五分一釐零。銷麂皮銀九十八
兩六錢六兩六釐零。藥材銀正料三十七兩二錢
二分六釐津貼路費銀。八兩一錢八分。釐。
甘蔗銀二兩一錢六分一釐零。弓箭弦條銀五百
三十五兩四分七釐零。胖襖褲鞋銀三百一十三

兩八錢六分七釐零

坐辦銀共四千二百三十六兩二錢二分七釐有奇

共果品銀一兩。牲口銀年例三十二兩

五錢。蠟茶銀年三十四兩八錢一分九釐零加派

二百六十九兩六錢四分零。筭筍銀年例七兩八

錢加派一兩三錢二分九釐零。歷日紙料銀一

百七兩八錢一釐零遇閏加銀五錢八分零。淺船

料銀五百七十七兩八錢五分四釐零。漆木料銀

一十一兩八錢一分一釐零。四司工料銀一千二

百一十四兩四錢八分八釐零。段疋銀一千七百

五十五兩二錢五分二釐零遇閏加銀一百五十五

甯志備考卷三

三

兩三錢四分九釐有奇

雜辦銀共三千二百二十六兩一錢五分二釐有奇

內科舉禮幣進士舉人牌坊銀二百四十四兩九錢

六分一釐零。軍器路費銀二十四兩四錢二分八

釐。武舉銀一兩九錢四分九釐。戰船民六銀二

百五十一兩一錢。上司各衙門新官到任隨衙下

道家伙祭品猪羊等物銀一十四兩三錢八分五釐

零。上司各衙門書手工食銀四十六兩七錢四分

四釐零遇閏加銀二兩一錢。本縣祭祀銀一百四

十兩四錢。本縣鄉飲酒禮銀二十兩。羅匠路費

銀六十三兩六錢五分遇閏加銀五兩三錢二分。

年字下疑失去一例字

匠役路費銀一十一兩四錢六分八釐零遇閏加銀九錢六分二釐零。部運南北二京稅糧銀絹委官水手銀一十兩七錢。膠鐵油榨鑄冶課鈔銀三兩六錢五分一釐零遇閏加銀二錢三分一釐。膠鐵料價併水腳路費共銀三十兩五錢六分七釐零遇閏加銀二兩五錢九分三釐。募夫工食銀三十六兩。三院二關二司各道本府年例冬夏紅紗紵絲桌幃等銀七十五兩三錢八分八釐零。本縣桌幃坐褥銀一十兩。三院考試生員試卷果餅花紅紙劄府學^銀一十兩。三院查盤委官駐劄合用心紅油燭柴炭併吏書下程銀四兩五錢。三院司道按臨

二甯志備考卷三

三

併本縣朔望行香講書紙劄筆墨銀五兩。上司併府縣公宴鄉飲酒席祭祀新官到任齋宿幕次桌椅牀帳器皿及公館家伙什物使客轎乘等項修整銀三兩五錢。上司本縣桃符門神銀一兩五錢。省城各衙門修理料銀五百九十一兩三錢七分五釐。○箋綾函紙劄工食銀四兩四錢一分五釐。拜賀萬壽正旦冬至令節習儀香燭銀四錢八分。迎春芒神土牛春花春鞭酒席銀四兩。孤老布花木柴銀四十三兩。歲考生員試卷果餅花紅紙劄筆墨銀府學四十三兩二錢七分三釐縣學七十六兩六錢六釐零。季考生員激賞花紅併試卷等項

銀八十兩。歲貢生員旗匾花紅酒禮銀二兩八錢三分。起送科舉生員卷資路費花紅酒禮銀二十八兩二分六釐零。迎宴新舉人合用旗匾花紅酒席等銀本府四兩本縣四兩。起送會試舉人路費卷資酒席銀五兩三錢三分三釐會試舉人水手銀七十二兩。賀新進士旗匾花紅酒禮銀本府二兩三錢三分三釐本縣二兩三錢三分三釐零。縣送過往使客下程油燭柴炭銀二十二兩六錢。本縣操練軍兵民壯犒賞銀一十兩。府縣應朝官員起程併復任祭門三牲酒果香燭等銀本府三錢三分三釐零本縣二兩。府縣新官到任祭門三牲猪羊

甯志備考卷三

古

酒果香燭等銀本府一兩二錢五分本縣二兩六錢六分零。府縣陞遷給由官員酒席祭江猪羊銀本府一兩本縣二兩八錢。人夫工食銀二百二兩馬八疋連草料鞍轡併馬夫工食共銀九十五兩五錢四分二釐零。修城民七料銀二十五兩八錢七分二釐。修理本縣新官衙宇等處銀二十四兩。修理本縣儒學教官衙宇銀八兩。修理分司公館銀四兩。修理城垣銀三十兩。心紅紙劄銀本府一百六兩六錢本縣一百三十八兩。預備雜用銀三百兩。交際公費銀本府三十兩本縣一百兩。附載龍袍架扛路費銀一百三十九兩五錢。部運袍

服委官水手銀六兩

均徭銀共八千四百九十五兩七錢二分三釐有奇

內力差共銀二百九十兩。內斗級一十八名每名役銀一十五兩合一百七十兩遇閏每名加銀一兩二錢五分本府廣豐倉六名廣積倉八名本縣預備倉四名。又斗級二名每名役銀一十兩合二十兩遇閏每名加銀八錢三分三釐本縣永平倉

銀差共銀八千二百二十五兩七錢二分三釐。內祇應白米庫役銀九百九十八兩武林驛。祇應銀三百二十兩浙江驛。二百三十二兩六錢一分五釐零吳山驛。庫役銀一百六十兩遇閏加銀一十

甯志備考卷三

五

三兩三錢三分三釐本府資盈庫。鋪陳銀五十兩武林驛。耳房庫役銀四十二兩遇閏加銀三錢五分本縣。一名役銀四十兩本府織染局。七名半每名役銀三十兩合二百二十五兩本府六名布政司一名半。歲貢生路費銀三十兩本縣。祇應銀二十五兩本府遞運所。巡鹽應捕一十名每名役銀二十兩六錢合二百六兩遇閏每名加銀一兩七錢一分六釐零。本縣新官家伙銀。兩五錢六分六釐本府。兩。本縣巡攔一十三名每名抵課銀一十二兩。錢一分八釐合一百六十兩一錢四分一釐零遇閏共加銀一十三兩三錢

按二十一兩之一字與
三十六兩之六字疑有
一字錯寫

四分五釐。柴薪皂隸二十九名每名役銀一十二兩三錢合三百五十。兩七錢遇閏每名加銀一兩一百六十八名^兩遇閏每名加銀一兩布政左堂一名右堂一堂管糧道一名金衢道一名甯紹台道一名溫處道一名按察司提學道一名運司一名本府六名。健步三名每名役銀一十一兩合三十六兩遇閏每名加銀一兩布政司杭嘉湖道一名按察司水利道二名。柴薪皂隸四十四名每名役銀一十二兩合五百二十八兩遇閏每名加銀一兩布政司一名織造府十二名本府十一名運司三名都司經歷

甯志備考卷三

六

二名斷事二名本縣十一名海甯所守領二名。皂隸三十五名每名役銀一十二兩合四百二十兩遇閏每名加銀一兩撫院七名布政司三名右堂一名管糧道一名杭嘉湖道一名溫處道一名理問所二名按察司堂上十一名清軍道三名金衢道一名溫處道一名經歷一名照磨一名都司斷事一名。弓兵一名役銀一十二兩遇閏加銀一兩按察司嘉湖道。獄卒二十五名役銀十二兩合三百兩遇閏每名加銀一兩本府二十三名布政司理問所一名都司斷事一名。庫子四名役銀一十二兩合四十八兩遇閏每名加銀一兩布政司廣濟庫二名架閣庫

二名。水手四名役銀一十二兩合四十八兩遇閏
每名加銀一兩運司。館夫三名役銀一十二兩合
三十六兩遇閏每名加銀一兩織造府。教官家伙
銀一十二兩縣學。齋夫六名役銀十二兩合七十
二兩遇閏每名加銀一兩縣學。抵鈔巡攔一名役
銀一十二兩郭店稅課局。又巡攔八名每名役銀
十二兩合九十六兩本縣長安稅課局。弓兵八十
名每名役銀十一兩合九百二十兩遇閏每名加銀
九錢五分八釐零石墩赭山二巡司各四十名。皂
隸二十名每名役銀一十兩八錢合二百一十六兩
遇閏每名加銀九錢本府。甲首二名役銀一十兩
甯志備考卷三

志

八錢合二十一兩六錢遇閏每名加銀九錢布政司
右堂。籠馬夫一名役銀十兩八錢遇閏加銀九錢
布政司經歷。隸兵二十五名每名役銀十兩三錢
合二百五十七兩五錢南京把門看倉看監。膳夫
八名每名役銀十兩合八十兩遇閏每名加銀八錢
三分三釐零縣學。掃殿夫一名役銀十兩遇閏加
銀八錢三分三釐零府學。漕運衙門供應銀九兩
。庖厨館夫一十七名每名役銀九兩合一百五十
三兩遇閏每名加銀七錢五分撫院二名武林驛十
五名。獄卒十名每名役銀九兩合九十兩遇閏每
名加銀七錢五分本縣。巡攔一十九名每名役銀

八兩合一百五十二兩本縣稅課局八名轉塘稅課局三名郭店稅課局二名硤石鎮稅課局三名本縣河泊所一名硤石河泊所二名。門子六名每名役銀七兩二錢合四十三兩二錢遇閏每名加銀六錢本縣二名縣學四名。皂隸二十八名役銀七兩二錢合二百一兩六錢遇閏每名加銀六錢本縣。甲首六名役銀七兩二錢合銀四十三兩二錢遇閏每名加銀六錢本府。鋪兵四十四名役銀七兩二錢合三百一十六兩八錢遇閏每名加銀六錢夏村許村費村駱家四鋪各五名縣前定海二鋪各三名陳橋談村諸村下管松林謝家邵家蔡家談山九鋪各二名。庫子三名役銀七兩二錢合二十一兩六錢遇閏每名加銀六錢理問所一名縣學二名。掃殿夫二名役銀七兩二錢合十四兩四錢遇閏每名加銀六錢縣學。工腳二十六名役銀六兩合一百五十六兩遇閏每名加銀五錢本府批驗所六名許村西路二場各十名。巡攔三名役銀四兩合十二兩袁花稅課局。丁一百一十八名每名役銀四兩合四百七十二兩布政司九名按察司十四名本府三十七名運司八名本縣五十名。門子三名役銀三兩合九兩布按分司府館各一兩。解京富戶二十三名役銀二兩合四十六兩。海塘夫一百五十

名役銀二兩合三百兩

驛傳丁糧僉馬價水馬夫銀共八千九百一十兩八錢一分八釐有奇

內糧僉馬價銀共一千五百七十四兩三錢一分五釐。內給直隸鳳陽府宿州夾溝驛上馬四疋中馬三疋下馬一疋徐州桃山驛上馬六疋黃河東岍驛中馬二疋利國驛下馬一疋半直隸順德府邢臺縣龍崗驛上馬二疋。邱縣中邱驛上馬一疋下馬一疋會同館中馬一疋下馬一疋河南開封府鈞州新鄭縣永新驛上馬。疋。津縣廩延驛下馬一疋南陽府裕州。驛中馬一疋

甯志備考卷三

九

山東兗州府滕縣臨城驛上馬。疋。滕陽驛中馬四疋丁僉馬價銀共七百二十八兩七錢五分三釐零。內給薊州遵化縣遵化驛上馬三疋順天府豐潤縣永濟驛上馬五分四釐七絲六忽三微九塵五渺九漠河南開封府鄭。上馬九疋中馬二疋均州清潁驛上馬。水馬銀一千三百七十五兩三錢九分三釐有奇

解府給修造遞運所座船併龍衣船

夫銀五千二百三十二兩三錢五分六釐有奇

給遞運所龍袍船夫併走差船夫工食

兵餉銀額派。三十一兩七錢五分二釐有

奇外防夫門子銀四十六兩八錢

以上總撒數亦多有不合處姑照郡志錄之以俟
當事者

余讀征徭一款而知胥吏之所以獻媚縣官縣官之
所以受制胥役其弊皆原於此志之宜詳而不宜略
也明甚十目所視十手所指其嚴乎

鹽課三之四

許村場鹽課司

本場額派。本色鹽四千一百五十三引二百二十
二觔四兩零該給客銀一千六百六十一兩四錢二
分有奇。折色鹽四百三十九引二百二十一觔一

甯志備考卷三

鹽課

二十

十四兩零該給客銀一百七十五兩八錢二分有奇
洪武初年實在辦鹽竈丁二千八百九十一丁每丁
辦納鹽價銀七錢一分一釐有奇。嘉靖年間實在
辦鹽竈丁三千七十六丁每丁辦納鹽價銀六錢六
分八釐有奇。萬歷年間實在辦鹽竈丁三千八百
二十九丁每丁辦納鹽價銀五錢四分有奇。其灘
場草蕩坍漲不常原無定數

西路場鹽課司

本場額派。本色鹽四千五百九十引二十七觔四
兩零該給客銀二千七百五十四觔兩四分有奇。
折色鹽五百七十四引二百七觔一十一兩零該給

客銀二百二十四兩七錢一分一釐有奇

洪武年間本場實在辦鹽竈丁一千五百二十丁每
丁辦納鹽價銀一兩九錢五分九釐有奇。嘉靖至
萬曆實在辦鹽竈丁五千三百七十三丁每丁辦納
鹽價銀五錢五分四釐有奇。其灘蕩無定數同前
以上俱錄郡志按縣志所載引數丁數頗多參差
未詳孰是姑存以備考

附府課額

成化十年●本府坐派許村場鹽課司額鹽五千一
百四十四引八十二觔。派西路場鹽課司額鹽五
千一百四引三百九十二觔

甯志備考卷三

三

萬曆六年。本府坐派仁和場及許村西路二場鹽
課司共辦額鹽二萬八百五十六引九百五十七觔
零折銀九千三百三十六兩二錢零。此見郡志三場
止言共辦無分
數

按縣志不載府課但事關本縣二場似不宜缺略
姑照郡志錄之以備參考

附宋課額

太平興國中鹽官有買納場以總納八場鹽課歲額
一十三萬三千九百七十三石七斗六升。內蜀山
場歲額五千九百二十六石三斗一升。崑門場歲
額二千五百八十三石一升併隸蜀山場催煎。上

管場歲額四萬三千九百七十三石七斗六升。下
管場歲額二萬六百七十七石九斗四升。南路場
歲額二萬六千二百八十二石五斗。袁花場歲額
一萬五千一十七石六斗八升。黃灣場歲額九千
一百二十一石六斗一升。新興場歲額一萬九千
二十九石六斗一升。

按宋額俱見圖經查總撒數微有不合以無關本
朝姑錄舊文云

郵政三之五

甯有預備倉成化志云建自洪武初者凡五一在黃
崗市一在硤石鎮一在安國寺一在十七都一在長

甯志備考卷三

郵政

三

安鎮永樂初重建今只有一其法歲豐則勸義出粟
收貯其中荒則許下戶借貸秋成抵斗還官著為令
正統以後法漸弛乃令民犯笞罪以上非流徒論死
者並聽納穀贖罪以備賑濟或曰今北門之長平倉
即是

甯有孤老院建自洪武五年收熒獨之無告者處其
中每口月給米三斗柴三十觔冬夏布各一疋小口
給三分之一後又改孤老名為養濟詔月給分四等
三十五年復詔存郵載之律令憲綱。按郡志云宋
故有養濟院逮自崇甯元年迨高宗定都臨安則置
安濟院居諸無告者月給以常平米又置慈幼局收

養人家遺棄小兒元世因之亦如宋例本朝所建仿
宋元遺意也

按祖宗立法所為加惠甯民者德意甚盛顧法久弊
生有司奉行鮮睹實事如預備倉雖設而賑貸無聞
也戊辰海變亦嘗一議賑發而被賑者大半皆衙門
積猾灾民什不得二三焉孤老糧雖未嘗不給而食
糧者未必真孤老其登籍也必有所費其支給也必
有所扣回思立法初意果如是否有治人無治法旨
哉言乎

甯有惠民藥局令官醫生住其中凡民之有病而貧
不能延醫者官醫為之定方療治藥材給自縣官其

甯志備考卷三

三

建置詳縣志

甯有厲壇以祭無祀鬼神始自洪武初各鄉俱有今
止邑厲存歲以清明七月望十月朔三舉祀其詳載
禮制

甯有漏澤園建自嘉靖八年在縣西一里外所以瘞
暴露遺骸者。附宋漏澤園。圖經云在縣治西南
三里戒壇院之側紹興三年令陳恕重修築牆立門
典民田三十畝以其利屬僧院為棺木埋葬費仍以
榜文刻石今在戒壇院又云叢塚有二一在長安閘
之北紹熙元年令陳恕易民地五畝作為大塚以瘞
道亡及暴骸者仍置屋居以守之又買田五十餘畝

俾收其利為埋葬工料等費一在硤石審山之北有
山地二十餘畝故老相傳謂舊有此。圖經考異云
按葉延年記云紹熙甲寅之明年春疫大作令魯館
訪其歿不能葬者得千骸悉火化之作三叢塚以瘞
其骨其二在硤石長安然不言在何處及質之故老
云硤石舊有叢塚不知初自何時長安者乃令陳恕
所置且記謂有三而今止二或漏澤園亦其一歟如
此則三塚皆舊有或魯令重修之耳陳恕考縣令淳熙十年
六月到任至紹熙三年八月任滿而魯館即在後塚
是月
之作甲寅甲子一脩於當無疑也查甲寅初蓋上邇高
塚以瘞暴骸而疫大乃在館時言之重脩更無疑
者延年作記主於頌美故不言脩而言作亦文士之
甯志備考卷三
雷

常
耳

唐
歷代蠲卹併詳於後

文宗太和六年浙西觀察使奏杭州八縣大疫詔發米
二萬石賑之

宋

哲宗元祐六年浙西大水詔發米五十萬石錢十萬緡
以賑

高宗建炎三年定都臨安時以知府李光奏詔免九縣
逋稅詔曰朕遭時艱難遂為行國駐驛去處小民理
合優異寬卹其臨安人戶拖欠歲租等物並與放免

日後官吏如有復行催徵者以阻格詔令論自後凡遇寒暑遇水火遇諸慶禮臨安之民時有賑卹。帝性慈惠用法每從寬厚凡諸獄具詔有司依式檢校枷以乾木為之輕重長短刻識其上笞杖不得留節目亦不得釘飾加筋膠之類仍令官給火印紹興十三年令御史臺檢點仁和錢塘二縣獄具錢塘大杖一重五錢一重半勛仁和枷一多一勛一重半勛縣官俱降級有差自是各屬縣無不奉行惟謹又詔囚之乏饋食者日支官錢二十文外路支十五文毋令缺食

孝宗隆興二年詔臨安府各縣釋繫囚此後乾道三年

甯志備考卷三

三五

行四年一行。淳熙元年詔臨安府各縣免民丁身錢此後七年一行八年一行十年一行。十一年以府臣請免臨安府各縣逋稅。十四年以九縣民饑詔發米二十萬賑之

光宗紹熙元年詔免臨安府各縣民丁身錢。二年詔蠲臨安府各縣逋賦

甯宗慶元元年詔臨安府各縣貫罪囚以大疫故終甯宗之世貫罪囚凡三十二。四年詔免臨安府各縣民租。嘉泰元年復詔免民租

明

洪武九年十二月杭州府以水災被賑。十年九月詔

免杭州府屬縣今年田租以浙西常被水小民貸息必重故與全免。十三年春定兩浙竈戶鹽額於是許村等四場減鹽六千八百三十七引。十五年詔浙西稅糧官田減半民田全免於是杭州府諸縣俱奉詔蠲租

永樂二年冬杭州府水災詔免今年田租。三年秋杭州府大水復詔免今年租稅

洪熙元年詔免海甯縣流徙復業民租糧時浙江守臣奏海甯民逃徙者九千一百餘戶欠夏稅絲綿四萬餘觔糧三萬餘石乞恩豁免上謂戶部尚書夏原告曰一縣民幾何而逃者至九千餘戶此必官不得人

甯志備考卷三

三

科斂無度所致其速移文令府縣官加意存卹逋稅悉如詔書蠲免

宣德二年戶部上言仁和海甯二縣田為潮衝入海者二千一百六十三頃有奇其田額秋糧宜豁詔從之又言戶絕官田蕩七十三頃八十畝有奇宜召民承佃如民田例減租額詔可於是本府本縣共減官田糧四萬三千二百一十六石。七年杭州府奉詔減

官田地糧額

正統五年冬巡撫周忱奏請藩臬官二員專理杭嘉湖三府荒政詔可。六年巡按康榮以杭湖二府水災特甚米價騰涌而二府官廩有二十年之積恐年久

紅腐請發三十五萬石糶於民間朝廷不費而民受實惠詔從之

天順元年五年曰四月杭州府奉詔免各縣去年被災處糧米

成化元年秋府臣奉詔賑饑從戶部尚書馬昂請也。九年以巡撫劉敷請蠲赭山湯鎮稅課局賠納稅錢弘治四年秋致仕禮部尚書鄒幹上疏乞免各縣災傷田糧時幹休致已十三年年八十四矣目擊災傷而有司莫以告故特言之上重其請詔可仍命有司備綵幣羊酒厚加慰勞。十六年秋杭州府各縣以旱被賑。十七年府臣復詔免民秋糧

甯志備考卷三

三

萬曆十六十七年大荒民饑死者載道時科臣楊文舉奉詔賑饑兩浙

崇禎元年秋七月海嘯殺人無算撫臣上其事詔甯邑秋糧改折一半時海鹽災輕乃得全折

按以上凡言兩浙浙西言府言各縣者雖不專甯而甯必在其中故併書之

甯誌備考卷四

當湖鈍叟趙維寰輯

水利四之一

甯水之為利害莫大於海故首舉甯海之為患於歷代者其次則漸及諸河而併及修築之議勢固有緩急也

海患及治海類

甯城之南亘於東西者曰捍海塘唐書地理志曰鹽官海塘長一百二十里開元時重築曰重築則前此有築可知但無可攷

昭宣帝天祐四年秋八月吳越國築捍海石塘時錢鏐

為吳越國王曰石塘則前此所築未必皆石石塘當自是始

甯志備考卷四 水利

一

宋孝宗淳熙四年臨安府築海塘是年九月海塘為潮

所衝壞二百餘丈事聞詔築之按史止言臨安府不言某縣然府屬之受海患

者惟仁和鹽官而鹽官尤劇法不得遺鹽也

甯宗嘉定十二年鹽官海失故道潮衝平野二十餘里

至侵縣治蘆洲港瀆及上下管黃灣黃岡等鹽場皆圯

蜀山淪入海中聚落田疇幾失其半鹹水滄及四郡時

守臣上言鹽官舊去海三十餘里無海患故鹽竈繁盛

課利易登去年海水忽漲橫衝沙岸每一潰裂輒數十

丈日復一日蘆洲港瀆蕩為一壑今潮勢深入逼近居

民萬一春水驟發怒濤奔湧海颶佐之呼吸滄桑百里

之民甯不俱葬魚腹乎况京畿赤縣密邇都城內有二

十五里塘道通長安牖上徹臨平下接崇德漕運往來
客船絡繹今海水入塘兩岸田畝皆被滄沒及今不治
恐裏河隄岸久之亦必潰裂乞下浙西諸司條具築捺
之策務令捍隄堅壯土脈充實庶不復罹前劇詔從之
嘉定十五年都省臣上言鹽官海塘衝決上命浙西提
舉劉垕專任其事垕上言鹽官東接海鹽西距仁和北
抵崇德德清境連平江嘉興湖州南瀕大海原與縣治
相去四十餘里數年以來水失故道早晚兩潮奔衝南
北遂至縣南四十餘里盡淪入海近縣之南原有捍海
古塘亘二十里今東西兩段並以衝毀侵入縣治兩旁
止存中間古塘十餘里萬一水勢激盪不息不惟鹽官

甯志備考卷四

二

一縣不可復存而向下地勢漸卑恐鹹流沿漫將蘇秀
湖三州等處田畝皆不可種植其為害非獨一邑也詳
今日之患大概有二一曰平地陸沉一曰鹹潮泛溢陸
沉者固無力可施其泛溢者祇因捍海塘衝損每遇大
潮必盤越北注今亟宜築土塘以捍鹹潮其所築基塘基
南北各有兩處在縣東近南則為六十里鹹塘近北則
為袁花塘在縣西近南亦曰鹹塘近北則為淡塘嘗驗
兩處土色虛實袁花塘淡塘差勝鹹塘且各近裏未至
與海潮為敵勢當東就袁花塘西就淡塘修築庶可禦
鹹潮之盤溢其縣西帶淡塘連縣治左右共五十餘里
合先修築若縣南去海一里餘縣治民居盡在其中幸

古塘尚存此何可棄之度外也今將現管樁石就古塘加工築壘一里許為防護縣治之計其縣東民戶日築六十里鹹塘萬一又為海潮衝損則前功盡棄當計用木石修築袁花塘以捍之上詔可

元大德三年鹽官州海塘崩詔禮部尚書游中順同本省官相視議修築會虛沙忽漲不能施力

仁宗延祐元年鹽官州海溢己未庚申間陷地至三十餘里壞民居無算時議於州後添築土塘然後築石塘東西長四十三里後復以沙漲中止

泰定帝元年十二月鹽官州海水大溢壞隄塹侵城郭有司以石園木櫃捍之不能止

甯志備考卷四

三

二年八月鹽官州大風海溢捍海隄崩廣三十餘里袤二十里徙民居千二百五十餘家避之

四年正月鹽官州海潮大溢捍海塘崩二十餘步四月後崩十九里時發丁夫二萬餘人以木柵竹絡磚石塞之不止詔天師張嗣成修醮禳之復不驗乃命都水少監張仲仁往治沿海三十餘里下石園四十四萬三千三百有奇又木櫃四百七十有奇工役萬人

致和元年三月鹽官州海岸崩詔遣使禱祀造浮圖二百十六蓋用西僧法謂潮可鎮壓也不驗四月海復溢詔發軍民塞之為置石園二十九里

文宗天歷二年庸田司奏言鹽官海患已息民得安堵

乃改詔鹽官州為海甯州

元世修塘總記。鹽官州治舊去海岸三十里有捍海

塘二後又添築鹹塘在宋時亦嘗崩陷至成宗大德三

年塘崩都省委禮部郎中游中順

一曰詔禮部尚書游

暨本省官

相視會虛沙漲難於施力議中寢至仁宗延祐之己未

庚申間海汎失度累壞民居陷地三十餘里時省憲官

共議宜於州治之北添築土塘然後築石塘東西長四

十三里未幾沙復漲議復寢至泰定即位之四年二月

風潮大作衝捍海小塘壞州郭四里杭州路上言與都

水庸田司議欲於北地築塘四十餘里而工費浩大莫

若先修鹹塘增其高闊填塞溝港且濬深近北備塘濠

甯志備考卷四

四

塹用椿密釘庶可護禦江浙省准下本路修治都水營

田司又言宜速撥丁夫堵閉水衝入處其不敷工役於

錢塘仁和及嘉興等附近州縣諸色人戶內斟酌差倩

否則淪沒不已旦夕誠為可慮工部議海岸崩摧重事

也宜移文江浙行省督促庸田使司鹽運司及有司發

丁夫修治毋致侵犯城郭移害居民五月五日平章禿

滿迭兒茶乃史參政等奏言江浙省四月內潮水衝破

鹽官州海岸令庸田司官徵夫修堵又令僧人誦經復

差人令天師致祭臣等集議世祖時海岸嘗崩遣使命

天師祈祀潮即退今可令直省舍人伯顏奉御香令天

師依前例祈祀制曰可既而杭州路又言八月以來秋

濤洶湧水勢愈大現築沙隄岸東西八十餘步造木櫃石圍以塞其要衝本省左丞相脫歡等議要置石圍四千九百六十抵禦衝啣以救其急擬比浙江之石塘庶可為久遠計其工料用鈔七十九萬四千餘錠糧四萬六千三百餘石接續興修致和元年三月省臣奏江浙省併庸田司修築海塘作竹籬蔭內實以石鱗次疊疊以禦潮勢今又淪陷入海見圖修治倘得堅久之策移文具報臣等集議此重事也旦夕駕幸上都分官扈從不得圓議今差戶部尚書李家奴工部尚書李家賓樞密院屬衛指揮青山副使洪灝宣政院僉院南哥班與行省左丞相脫歡及行臺宣政院庸田使司諸臣會議修

甯志備考卷四

五

治之方合用軍夫除戍守州縣關津外酌量差撥從便添支口糧合役丁力附近有田之家及僧道也里可溫答失蠻等戶內點倩凡工役之時諸人毋或阻壞違者罪之合行事務提調官移文稟奏施行有旨從之四月二十八日朝廷所委官暨行省臺院及庸田司等官議昔大德延祐間欲建海塘未就泰定四年春潮水異常增築土塘不能抵禦議置版塘以水湧難於施工遂作籬蔭木櫃間有漂沉欲踵前議壘石塘以圖久遠為地脈虛浮比定海浙江海鹽地形水勢不同由是造石圍於其壞處壘之以救目前之急已置二十九里餘不曾崩陷畧見成效庸田司與各官同議東西接壘石圍十

里其六十里塘下舊河就取土築塘鑿東山之石以備崩損文宗天曆元年十一月都水庸田司言八月十日
至十九日正當大汎潮勢不高風平水穩十四日祈請
天妃入廟自本州岳廟東海北護岸鱗鱗相接十五日
至十九日海岸沙漲東西長七里南北廣或二三十步
或數十百步漸見南北相接西至石囤已及五都修築
捍海塘與鹹塘相遠直抵嵩門障禦石囤東至十一都
六十里塘又東至大尖山嘉興等三路所修處海口自
八月一日至二日探海二丈五尺至十九日二十日探
之先二丈者今一丈五尺先一丈五尺者今一丈西自
六都仁和縣界赭山雷山為首添漲沙塗已過四都五

甯志備考卷四

六

都鹽官州郭東西二都沙土流行水勢俱淺漲沙東過
錢家橋海岸原下石囤石櫃並無頽圯水息民安於是
天曆二年遂改鹽官州曰海甯州

國朝永樂六年海甯縣海決陷沒赭山巡檢司。九年
秋詔修海甯海塘先是工部上言海甯仁和二縣風潮
溺死居民漂蕩廬舍坍塌城垣請發軍民修築詔許之
自是工役起是年冬十一月塘成合仁甯二縣計修築
者萬一千一百八十五丈。十一年夏五月大風潮仁
和縣十九都二十都皆淪入海詔兵部侍郎張某往築
海岸役軍民十萬計浙東西諸郡俱為騷動死者載道
三年間費不啻十萬而患率如舊

按實錄是年止言仁和但仁甯二縣接壤

是時修築甯甯必與焉觀十六年之遣祭於甯不於仁又云為屢被潮患連年修治迄無成功則大較可知矣故併錄○十六年冬十一月詔保定侯孟瑛禮部侍郎易

英祭海神於海甯時瀕海諸縣屢被潮衝連年修治迄難底績故有是命既祭後患頗息○十八年通政使岳福上言今歲仁和海甯二縣夏秋霖雨海潮泛漲塘之淪入海者千五百餘丈赭山岳門山舊有海道今皆淤塞故潮勢愈猛患滋大請亟修築詔從之

成化七年閏九月工部侍郎李顥奉命來甯祭海神○十二年夏浙江守臣上言杭嘉湖三府海甯海鹽等縣海塘衝壞數多亟宜修治部議令各府先在官物料支用不足則於附近無災處所移借協濟詔從之○十

甯志備考卷四

七

三年二月海甯縣海決時潮水橫衝一潰數仞偪盪城邑瀕海之祠廟廬舍器物淪漂畧盡縣官上其事於府府上之鎮巡因命採石臨平安吉諸山初用漢捷緝法不就乃斲木為大櫃編竹為長絡引石下之汎濫乃定仍作副隄十里以防泄鹵一時富民爭相賑施凡七閱月而役竣

按郡志云成化間海甯潮水直偪城下知府陳建擬開支河築內隄於以洩水捍衝穀即

此時也

萬曆三年夏五月颶風大作海嘯海鹽及海甯甯民溺死者百餘漂房屋二百餘間塘圯鹹水湧入內河壞田地八萬餘畝時縣官估計應修塘凡二千三百七十八丈計修築工料銀五千二百二十八兩四年九月會知

縣蘇湖新蒞任巡撫徐棡察其才可任事遂以塘付之湖定議以五年二月十三日興工至四月而役竣計費纔一千九百七十六兩

崇禎元年七月廿三日海嘯海甯殺人無算是日午前風日清朗纔過午狂颶風猝發雷雨如注申酉間忽報海嘯登城望之見潮頭直架樹杪廬舍蕩折瀕海居民有舉家斃者有一家十九口止存二者延至夜半風濤稍殺厥明縣官出勘城東西被災者凡四十餘戶橫尸路隅殆不忍見云事聞於朝議修築海塘時縣令謝紹芳屬衙官張瑞傑董其役張第以修河塘法從事未幾潮嚙之旋築旋圯踰年績弗成於是三臺畢臨相視議甯志備考卷四
八

工費撫按會題甯邑履畝加賦一分合計之得九千餘金而道府捐助又各有差於是郡臣丞劉元瀚奉臺命來董其役

陳善海塘曰議海甯縣治南瀕海海之上即塘塘距城僅百武東抵海鹽西抵浙江延袤百里塘西南有赭山南與龕山對峙夾為海門是為海潮入江之口說者謂海濤浩瀚至此東不得肆輒怒而東迴及其迴也又有石墩山以障之則益怒而於是東西盪激害乃中於甯查甯邑舊志塘之外有沙場二十餘里沙場之內有陸地草場桑柘棗園一百六七十頃有奇乃今悉盪入海孤城若塊萬姓如魚脫更內蝕滄

桑之變在轉盼間懷乎危哉宋元以前勿論我明自
洪武至萬曆海凡五變五修築矣永樂九年海大決
保定侯孟瑛奉命徵九郡之物力歷十三年而始奏
功嗣後成化甲午弘治壬子嘉靖戊子迄今萬曆乙
亥海或溢或決塘隨築隨圯雖勞費不如永樂之甚公
私亦既騷然夫海決甯邑而役及九郡者何也甯地
於吳為陞於越為首地形最高故俗諺相傳謂吳江
塔巔與長安壩址並有如海甯一決注之列郡如建
瓴然則障甯者即所以障列郡也萬曆五年春巡撫
徐公按治甯海多潰闕為之駭詫因與水利陳公詔
翁謀合慮察縣尹滇南蘇公可屬大事即以其役委

甯志備考卷四

九

之蘇亦毅然身任閱三月而役竣修埧塘一千六百
六十三丈築新塘三百二十丈其費公帑止一千九
百餘金亦可謂事半而功倍矣然余更有說焉海甯
之塘與海鹽異鹽塘有大患亦有大利害甯塘似無顯
患而實有患而實隱憂蓋鹽塘有內河可開故潮勢
至此既為分殺而引其流更能使草場悉為膏腴是
大患弭而大利興也若甯塘逼近城郭無內河可開
幸潮勢緩於鹽耳設一旦海嘯直薄邑治其為隱憂
可勝道哉聞甯邑額設捍海塘夫一百五十名每歲
編派役銀三百兩為之令者誠加意海防每遇潮汛
即遣官巡視稍有傾圯即委廉能吏領銀修築毋令

涓涓不止此亦徹桑之計也萬一天祐甯民塘十年無恙則銀之積益富縱興大役亦不必派及平民矣至如築塘之法余竊有取於海鹽乙亥之決海鹽為甚其修築也造完前塼石塘七百五十丈及原欠石塘八十三丈二尺修砌半塼石塘一千七百九十二丈築舊土塘二千二百一十六丈築新塘七百一十二丈五尺新開內河白洋三千三百九十五丈而其為費也始計之謂非三十萬不可及撫臺徐公親行海上命有司詳估價值曰十六萬足矣衆乃譁然駭其太簡及工告成費止十萬餘金減原估五萬四千有奇是徐公之施德於浙民大也至其慮湍激之為害

甯志備考卷四

十

也有盪浪木椿以砥之慮其直薄隄岸也為斜階以順之其累石也上則五縱六橫下則一縱二橫石齒鈎連若絙貫然即百計撼之其能搖乎修甯塘者誠一準海鹽新塘之式是則一勞永逸之計也安得任事若徐蘇二公者與之籌海事哉

按陳先生議其言甯塘之利害與鹽異似也而其所以異則非也甯城之逼海者在南而鹽城之逼海在東餘三方皆實地皆有內河可開安在海鹽之勢可殺而甯不可殺哉余竊謂鹽之患大甯之患小鹽東面距海塘自北而南潮則自東而小瀆頭直衝塘肋故塘易圯而為害劇若甯則南面距海塘自東而西

潮亦自東而西濤頭直衝龕赭海門甯特其經行處耳當經過時遇旁有隙竇自然不免滲入蓋隙竇之引潮以入非潮之決塘以入也此甯患之所為小於鹽而其為力亦易於鹽者也乃當事者動憂金錢不繼夫甯自嚴尹寬建議後額設海塘夫一百五十名年儲役銀三百兩為修築費亦既著為令矣倘能以此三百金隨時補葺小有潰決即圖欵塞亦何至一潰不可支者如有力者負而趨曾無分毫及塘何乃今一議工役非請給上司則加派編戶蓋塘不修而民以海病塘修而民又以塘病此其故難言之矣而說者曰戊辰之變安見甯患之小於鹽夫戊辰之變雖十仞之塘弗能禦也是豈由人力哉

甯志備考卷四

十一

河患及治河類

甯邑諸內河無大利害凡水之能為利害者惟蓄與洩甯諸河之所為蓄洩者大要不出塘堰笕閘之類今第舉其名而利害之槩可具悉也縣志載入山水類非是甯諸河塘載在縣志者八曰鹹塘曰淡塘曰新塘曰運塘曰園花塘曰六十里塘曰二十五里塘曰范蠡塘曰郡志又有小塘湖塘云小塘在縣北五里山水衝漲沙石壅塞湖塘在縣西北一百五十步昌鄉古塘行路今查縣北無所謂小塘者惟北門外一小河通郭店河約可十里其地非有山水之衝特多沙土壅塞疑即所謂

小塘也若二十五里塘在縣西北為郡邑往來古道此即湖塘矣郡志有湖塘無二十五里塘其為一塘可知又查外志有南塘無六十里塘亦實一塘也而郡志又有洛塘郭店塘新江塘縣志皆不載總之有一河即有一塘數難枚舉第紀其著者可耳

甯之堰載在縣志者九曰莊婆堰

今改為橋

曰李六堰曰黃

家堰曰瓦石堰曰長安堰曰長安新堰曰通浦堰曰凌家堰曰莫家堰查郡志無凌莫二堰而有水沒堰在笮類外志無瓦石堰今當以縣志為正

甯之為壩者六曰張飛壩曰楊灣壩曰上圩壩曰張宅壩曰葉家壩曰楊家壩六壩皆載郡志而雜見於笮中

甯志備考卷四

三

余謂壩與堰類皆以隄水使不得通也笮以通水與壩不類宜另列之縣志皆不載

甯之閘凡十長安三閘曰上閘曰中閘曰下閘別有王家閘石家閘姚沈規閘寺涇規閘萬家閘洪範閘石家閘十閘俱詳縣志而郡志又有許村閘沈水閘黃灣閘范沈閘四閘雜見笮壩中其寺涇姚沈二閘則但言閘無規字王家閘則曰規閘萬家閘或云即范沈閘外志只載長安三閘。按寺涇姚沈范沈石家石家規洪範王家規此七閘舊傳謂之伍公七閘余謂閘於水在蓄洩之間而笮主通水混閘於笮非是另列之甯之笮載縣志者凡三十四與外志同其名具詳於後

而郡志則於三十四窳外猶有瑞谷窳嚴太師窳毛家窳鄔馬涇窳縣志有尹千六窳而郡志無尹千六有沈千六未知孰是窳所自起見縣志

甯之為陡門者四曰濮家陡門曰朱家陡門曰余家陡門曰馮家陡門陡門不知何狀而雜見於窳閘中或即其類也然嘉興郡治西亦有陡門乃大行塘殊非窳閘類吾不知其解矣陡門一曰斗門或曰嘉興斗門乃地名非關水

按以上堰壩閘窳陡門起十一都東盡一都分西北東南二區區分為三。一莫家堰二凌家堰三許村閘是為西北區第三分。四黃仲二窳張飛壩五尹千二窳楊灣壩六沈千六窳上圩壩七鄔馬涇窳張

甯志備考卷四

十三

宅壩是為西北區第二分。八瑞谷窳九德洋涇窳葉公壩十朱涇窳濮家陡門十一寺涇窳是為西北區第一分。十二蔡沈窳十三姚沈窳十四丁沈窳十五萬沈窳十六梁窳窳是為東南區第三分。十七嚴太師窳沈木窳十八周徐窳水沒堰十九方姚窳朱家陡門二十馮馬窳余家陡門廿一戈家窳楊家壩廿二石家窳馮家陡門廿三毛家窳是為東南區第二分。廿四王家閘廿五尹家窳廿六鄭家窳廿七郭馬窳是為東南區第一分。梁廣窳源馬牧港嚴太師窳源淡塘河寺涇蔡沈二窳會倉河丁沈萬沈梁廣三窳會孫伯山陡門尹家鄭家郭馬三窳

會郭店河黃仲二笵別出司隄涇與諸笵河同達九曲新江下河。此外尚有高家笵向家笵蔡家笵萬家笵周涇笵沈家短笵何八笵朱八三笵趙玘笵陸家笵吳涇笵惠因庄笵郭菴短笵是皆未詳何區何方甯邑田疇所以備旱澇者大都不出此

宋神宗熙甯元年詔杭之長安秀之杉青常之望亭三堰監護使臣並以管濟幹河塘系銜常同所屬令佐巡視修固以時啓閉從提舉兩浙河渠官胡淮請也

長安三閘紹聖間提刑鮑公請築累沙檣木為之後壞於兵火紹興八年運司吳公請易以石迨紹熙二年提舉張公重修設閘兵百二十人為額居處有屋車注有

甯志備考卷四

古

具崇甯二年又於閘旁易民田以濬兩澳環築以隄其後澳岸毀壞居民侵之兵額亦復廢缺遂失舊制嘉定元年歲饑邑令潘景夔曾建議復澳之舊而費大役廣

議卒中寢

經圖

孝宗淳熙二年兩浙漕臣趙礪老言臨安府自長安牘至許村巡檢司一帶漕河淺澀請官出錢米發兩岸居民開濬

光宗紹熙元年鹽官令陳恕修築二十五里塘塘在縣西北由縣治達長安鎮舊因河流決溢兩岸傾圮甚為民病恕募民濬河即以其土築岸視舊加廣一丈加高二丈以石甃之遂無崩決民號為甘棠隄

宋〇〇中浙部水溢詔賜緡錢議賑時兩浙轉運使毛漸上言錢不可繼宜亟治水乃按錢氏有國時故事起長安堰至鹽官徹清水浦決其水入於海

按清水浦今不知何處漸

亦不知宋何時人姑錄郡志附於宋末

元順帝至正十年海甯州達魯花赤當住知州張光祖修長安三閘長安舊有二澳環築以隄上澳九十三畝下澳一百三十二畝水多則蓄於兩澳旱則瀉注於三閘入元澳為民所侵庸田司命住與光祖修復之國朝天順元年杭州知府胡濬興治水利時仁和海甯二縣運河淤塞濬躬親督視一切覓壩堰閘疏導一新其所開渠曰胡公渠閘曰胡公閘

甯志備考卷四

五

西湖灌田議曰杭州城北上塘瀕河田由仁和抵鹽官昔稱千頃今益數十倍而地高水下嘗苦旱自先賢放湖入河引河溉田而歲始登蘇賢謂白

陳善治河議曰海昌父老嘗為余言邑中水利計修治者在先審河之淺深塘之險易與窺閘之堅瑕惟茲諸河硤石深九曲深園花之東長安郭店之半南皆半深運河淺二十五里河亦淺市河尤淺故園花自轉塘以上長安自壩以下郭店自鎮以下運河二十五里河皆田漕兩病是所宜亟復者也其塘則園花固新塘固六十里塘亦固而運塘旋築旋決其勢險淡塘鹽鹹塘並海尤險更宜為之計久遠徹桑之慮不可一日忘矣其窺

則凌家尹千二沈千六鄔馬瑞谷德洋蔡沈方姚戈家
毛家鄭家郭馬諸處勢皆完厚若莫家黃仲二若朱涇
寺湮姚沈丁沈若梁廣嚴太師周徐馮馬諸窳俱低薄
不堪瀦蓄若石家一窳則其底水且嚙之穿矣修治宜
急甚於沃焦釜而莫家黃仲二以下亦皆宜究弊源塞
害孔勤為培築者也伍公七閘昔稱美善今皆廢圯差
强者許村閘耳夫視民利害安坐而不為興革者怠也
近者尹千二朱涇以東歷梁廣方姚諸窳方謀改易建
閘其議良是顧所當圖詎止此乎白洋故池今居水無
幾黃土港之東西利賴匪細今皆涸轍矣是宜深瀦而
廣溉也長水以下河面浩渺是為倭盜出沒之孔道通

甯志備考卷四

六

邑所倚為吭背者設柵置守非衣衲之上計乎煮海販
鹽之徒爬塘挖徑以自便蟻穴可畏其漸不當杜乎運
塘之盜決而陰壞者其奸不當察乎若乃著為成規責
旁近諸戶計所業多寡通力開塞毋相規避俾早有溉
潦無潰則昔者嚴尹寬鄭諭日休之議可振舉也嚴寬水利

論載縣志鄭日休議無考

祥異四之二

諸已載邑志及外志者不重列

漢蜀後主延熙十二年冬十一月寶鼎出臨平湖即吳
之赤烏十二年也一日二年杭地特屬吳臨平屬鹽

官詳郡邑志

吳天璽元年石函出臨平湖函內有小青石刻皇帝字

見郡志

晉武帝咸甯三年秋八月吳臨平湖開先是有謠湖塞天下亂湖開天下平遂有以謠獻媚於吳主皓者謂青蓋入洛之兆時都尉陳訓私謂其友人曰青蓋入洛銜璧之事耳未幾吳亡

安帝元興二年冬十月臨平湖水赤

劉宋文帝元嘉中鹽官民家產白雀吳郡太守劉禎以獻邑志云十八年獲白雀二十四年產白雀

蕭齊武帝永明七年夏六月鹽官獲白雀。九年鹽官石浦有海魚乘潮上潮退不得去長三十餘丈色黑

甯志備考卷四 祥異

七

無鱗有聲如牛土人呼為海燕取食之

陳後主禎明元年冬十一月臨平湖開時後主惡之自鬻於佛寺為奴蓋厭之也未幾陳亡

唐德宗貞元六年夏浙江大旱人病暍疫死者甚衆文宗太和五年杭州大水傷稼。六年五月杭州八縣大疫

僖宗中和三年天有聲於浙西聲如轉磨又無雲而雨時謂為天泣

昭宗天復三年春三月浙西大雪平地三尺餘有氣如煙其味苦

宋真宗咸平二年杭州府箭竹生米如稻饑民採之充

食

神宗熙甯八年鹽官縣饑

哲宗元祐六年浙西大水杭民死者幾五十萬人

高宗紹興元年浙西枯槁生穗安撫使劉光世奏賀上

曰朕在潛邸梁間生芝草手碎之其勿賀。五年秋

八月臨安府屬縣大水。二十九年雷震上管場事

詳邑志。三十二年飛蝗徧於杭之畿縣聲如風雨

孝宗淳熙九年臨安府屬縣蝗。十四年九縣皆饑

甯宗慶元三年秋七月鹽官縣螟。嘉定二年飛蝗入

臨安府諸縣其來也若煙霧蔽天其墮也每亘十餘

里時郡邑捕蝗多者至八千石。三年春臨安府諸

甯志備考卷四

六

縣大水鹽官尤甚民溺死甚衆。十二年鹽官海決

衝平野二十餘里至侵縣治

理宗紹定三年浙西霖雨連四十日禾盡沒其不沒者

又大風駕潮頃刻盪盡之是時杭民有渡楊子以就

食江北者大半溺死

元仁宗延祐元年鹽官州海溢地陷

泰定帝四年春鹽官州海水大溢

順帝至正十二年十三年鹽官州海不揚波時皇明啓

運寶應其兆

國朝永樂六年海甯縣海決陷赭山巡檢司。九年大

風潮漂盪廬舍甯民溺死者甚衆。十一年颶風駕

潮甯與仁和同被患頗劇

正統六年杭州九縣民皆饑。十二年秋八月海甯海溢

成化八年七月杭州大風雨江海決溢

弘治四年浙西旱民大饑。十六年秋杭州大旱

正德十年冬杭州府大水。十四年大饑

嘉靖三年杭州府大饑。九年海甯海決逼城。二十三年復大旱無麥。二十四年仍大饑時連年荒米價騰涌每石至一兩八九錢富人止食半菽貧人有食樹皮者因大疫死人載道。四十年復水大無年民大饑

甯志備考卷四

九

隆慶二年春正月民間訛言朝廷遣中使採良家女入宮一時男女嫁娶畧盡浙西皆然號為霍親時生女之家以得偶為幸去其女惟恐不速遂多老稚失配者

萬曆三年五月海嘯甯民溺死者百許漂廬舍無算是時海鹽被害尤劇。十六七年連大旱米價騰涌每石一兩^七八錢餓莩載道如嘉靖時

天啓元年民間訛傳朝遣中使採良家女一時嫁娶復如隆慶時

崇禎元年七月海甯海嘯濤頭駕屋拔樹瀕海居民淹死無算有一家十九人止存二人者縣官出踏勘邑

東西之被災者凡四千餘家。二年六月海復溢水浸民居。三年七月八月海復溢塘盡圯與內河通。以上俱見歷代史及郡志。凡概言浙西或杭州者知鹽官必在其中。併書之。

古蹟四之三

海昌府治周圍五里高六尺闊一丈

見圖經及郡志今失其處

悟空禪師塔名公來游者多有鐫字

見郡志

古檜在悟空禪師塔所宣和間朱勛發之將津致良嶽

遂沉於海為植今檜

郡志詳

百尺樓在縣西百尺浦輿地志云越王起百尺樓於浦

上以望海因以為名

郡志

甯志備考卷四

古蹟

示

讀書林

詳郡志

郡志云讀書林有二一在縣治西廳後一

在昌化之百丈山下宋人唐閣理茅茨於百丈溪讀

書亦名讀書林今並廢

范蠡塘在縣西二十五里相傳云范蠡送西施入吳道

經於此

邑志類

錢王磨劍池邑志載之審山郡志云仁和之臨平山下

有片石俗傳錢王磨劍於此

葛仙翁丹井郡志云各縣都有其在海甯者在紫薇山

邑志載入井類

審山之麓相傳有願況讀書臺今廢

見郡志按嘉興志山

川類云願況讀書在橫山之下古蹟類云願況宅在

橫山下禪寂寺側夫審山之與橫山相去遠矣未知孰是

硤石有紫薇山山名紫薇者唐中書舍人白樂天嘗游其地中書故紫薇省因以為名也志邑按圖經云唐紫薇舍人劉禹錫作刺史時行縣至是登山望硤石湖因以為名今半山有碑鐫紫薇山三字下有詩據此則紫薇之名當以圖經為正

甯邑之東七十里有烏龍井相傳昔有臯蘇將軍將兵至此乏水所乘黑馬跑地得泉遂以為名

光明菴昔雪峯禪師結廬地也每見夜光燭天因以名菴事詳壽聖院記

甯志備考卷四

三

白馬神祠故老相傳云往歲金人犯境見田野間白馬甚衆疑有兵不敢進竟去

兒童塔舊在邑西南郊今廢其林野間夜嘗有光烜天則塔之遺址也里老云下有黑蛇長數丈蟠護不去間亦放光事詳章瑋塔記

真如院有泉在其旁相傳有道師操夜為鬼神講佛書一日井涸神告之曰當有泉發於山頂之一泉果竇於寺前之西因名靈泉詳靈泉記

馬自然墓在縣西九里志郡

顏真卿墓在縣東十五里原吉鄉咸淳成化二志俱不載據里人所指如此志見郡。查葬所在二十都八畝

扇面橋揚慶湖二公合葬想衣冠也

唐吳公約墓在錢塘新亭鄉桐扣山有羅隱志銘載遺文

唐舒論墓在縣西南四里買裘氏地有銘碣見圖

唐梅府君墓君梅慶子葬邑之昌亭鄉有銘碣見圖

唐萬仁泰墓葬邑之蘭陵鄉有銘碣見圖

唐鄔府君墓君故侍御元某之次孫墓在海昌里之一墟

南去古墟三十步有銘碣見圖

元尚書貢師泰墓邑志云在縣治東北黃崗之湖塘村

○嘉興志云在海鹽縣治西南三十六里紫雲山下未知孰是

按甯邑古蹟尚有海甯舊城宋三先生祠清愛堂綠

甯志備考卷四

三

繞堂晞梅堂仰高亭海山一覽樓褚無量故居小桃

源小桃園張無垢讀書臺黃崗書院秦王磨劍石金

牛洞鼓樓丹井樓五岳樓遐觀樓天開圖畫樓聽湖

軒環綠軒雙檜僧智標塔惟尚禪師塔蜀山洞紫薇

山洞望夫石怪石箭石盤蛇石靈龜池放生池千佛

閣大悲閣般若臺三女堆審食其墓許遠墓張文忠

公墓榮祭酒歪頭墓何得舉知縣墓皆詳邑志不重

列

按古蹟與邱墓邑志分為二余謂漢唐以來諸墓陵

谷遷改大半湮廢今亦止存其名耳古莫尚焉應合

之古蹟

補遺

元末萬戶馬廷舉墓在菩提山長生嶺之原劉伯溫基
擇兆徐大章一夔為作記垣砌渾堅皆先代規制古木
蒼鬱祠祀嚴肅三百年來無改每祭日鄉人羣觀禮焉
其東北數武即馬節婦葬夫處

甯誌備考卷五

當湖鈍叟趙維稟輯

官制五之一

縣官制西漢以前無可考

東漢時大縣置令一人千石其次置長四百石小縣置長三百石鹽官是時其為縣大小與令長石數俱無考晉時大縣置令小縣置長令長之下有主簿錄事史主記室史門下書佐幹游徼議生循行功曹史廷掾功曹史小史書佐幹戶曹掾史法曹門幹金倉賊曹掾史兵曹史吏曹史獄小史獄門亭長賊曹掾等員名鹽官是時其大小令長等俱無考

甯志備考卷五 官制

一一一

六朝自劉宋以下大約皆沿晉制鹽官於時亦無可考惟令丞簿尉之名實始於是唐宋仍之志縣

唐世縣分上中下三等其官制上縣令一人從六品上丞一人從八品下主簿一人正九品下尉二人從九品上鹽官時為緊縣所置官從上縣制

宋制凡邑滿萬戶具令丞簿尉建隆元年天下諸縣自赤畿外分望緊上中下五等令總治民政勸課農桑有戍兵則兼兵馬都監或監押鹽官時為上縣以並海有五巡檢寨八鹽監故令兼兵馬都監及主管鹽監縣一曰

五等在太平

興國四年太平●紹興初鹽官升赤縣已定都臨安尋並

外六縣並升畿縣所設官令丞簿尉略仿唐制而其屬

又有買納催煎監稅酒庫課等雜員皆因事而設者。圖經考異云按現存碑碣題識自天聖以來茲邑之令有以朝散大夫試秘書省校書郎即行縣令者有以文林郎行縣令勾管學事勸農公事兼監鹽監者迪功郎縣令不帶行字者有之修職郎縣令兼監鹽監主管勸農公事不帶學事者有之其因革隨時亦非一律。熙甯間詔二萬戶以上始置丞一人下縣或不置大觀間不論邑大小皆得置丞。圖經考異云陳昱作丞廳記曰崇甯以來縣有令者悉補丞又曰縣有丞甫十年按昱作記在政和八年自崇甯五年至政和八年逆計之已十三年矣而云甫何也蔡約國史補云昔大邑故有丞

功卽新監常州戶部犒賞酒庫陳厚之為正官。邑有酒坊自隸殿帥以來所差提點檢察措置皆兵官元成宗元正二年陞鹽官縣為州於上中下三等為中州官設達魯花赤一員正五品知州一員正五品同知二員從六品判官一員正七品其幕職有吏員提控案牘三等按縣志無判官。元世兩浙鹽場凡三十四所而海甯居其二曰許村曰西路每所設司令一員從七品司丞一員從八品管勾一員從九品其他稅課等無考。皇明吳元年時仍元舊設知州洪武二年改州為縣復縣官制詳縣志。崇禎二年詔汰冗員裁革清軍丞一員

甯志備考卷五

縣官題名

三

縣官題名五之二

附稅酒鹽諸名

有官制卽有職官故以本縣各官題名係官制後而文學武衛別列者以衙門體敵特為縣貳非縣屬也。三國以前無考三國以下為補縣志談志所未備。漢建安八年陸遜為海昌都尉兼領縣事。按遜傳不言月日第以孫權傳考之曰建安八年以韓當周泰

呂蒙等為劇縣令意遜領海昌當在此時

南齊武帝永明三年蕭元尉任鹽官令

見沈文季傳

蕭梁劉一任鹽官令係曇淨之兄年次無考

陳天嘉初庾持為鹽官令。按郡志持先以長城之功

封子爵食邑三百戶拜封之日請令史為客受其賄
遺世祖怒奪爵尋為始興王府諮議參軍除臨安令
又坐杖殺縣民免遷給事黃門侍郎除積威將軍鹽
官令

唐玄宗開元初袁天綱任鹽官令

宋自雍熙至祥符圖經脫簡無考於郡志得十有二人

劉宗吉 魚承憲 謝懿文 成常吉 王世昌

裴 鄭 璨 柴 樞 張 昱 馬紹儒

李夢字 單招祐

以上十二人年次無考按謝絳傳絳在真宗朝知制

誥其祖懿文嘗任鹽官令陽夏人據此則懿文任鹽

甯志備考卷五

四

官令當在建隆間故次第三祥符六年以後於劉誠
之圖經得四十四人詳後

邊 秀 祥符六年三月到任

周 簡 本縣尉祥符七年七月權縣事

張維舟 祥符八年四月到任

許咸得 祥符二年六月到任

李成象 禧元五年七月到任

張廷驥 聖元四年二月到任

劉舜卿 聖元五年四月到任

張 覲 仁和本主簿天聖八年六月權縣事

王可回 天聖九年二月到任

朱允昇 宣州觀察判官明道二年八月到任奏乞

李 緘 臨安主簿景祐元年十一月罷任

邵 祥 景祐二年二月還本任

楊 偕 長興主簿景祐三年三月權縣事

朱公綽 景祐四年二月任寶元二年正月權本州

得代

元積中 南新縣令寶元二年正月來權縣事以朱

張伯玉 蘇州節度推官本任八月來權縣事

祝 程 閩州學書記 年十月歸本任。按張祝

有二任

黃 晉 慶曆二年六月到任

甯志備考卷五

綦 愿 慶曆五年八月到任

吳 穀 皇祐二年九月到任

江 栩 皇祐二年九月到任

鄭民表 皇祐五年十一月到任

潘隆禮 嘉祐四年十一月到任

劉 拱 嘉祐五年四月到任

王 競 嘉祐八年一月到任

富 臨 治平四年二月到任

朱伯虎 熙寧三年二月到任

陳 齊 熙寧六年三月到任

陳 璪 熙寧九年四月到任

何夢錫 元豐二年六月到任

戴士先 元豐五年九月到任

張彥輔 元祐七年正月到任

陸伸 元祐三年二月到任

陳并 元祐四年正月到任

陳嘉言 元祐四年七月到任

韓綬 元祐七年六月到任

鄭又 紹聖二年八月到任

王斐 元符元年七月到任

丁觀 崇寧元年七月到任

陸遠 崇寧元年七月到任

甯志備考卷五

六

宿新開封府陽武縣監酒稅崇寧二年十一月

韋壽卿 新池州僉書判官崇寧三年四月來權縣

俞授能 崇寧三年十二月十八日到任

以上四十四人圖經有題名記佚其半其半錄在遺文按四十四人惟朱公綽一人載縣志而不詳其年次。於胡統續題名得十四人詳後

朱容 大觀元年二月到任

歐陽珣 大觀元年十二月到任

圖經考異云題名次序並從石本今按歐陽珣作社壇記在政和二年十月今以題名考之則元年十二

月任滿夫大觀四年二月距政和元年十二月止一年零十月耳謂之任滿可乎借曰有故而去去而作記銜上亦宜帶前事而記中之語似非已去而作者是記錄題名之誤也當以社稷壇記為政。今按社稷壇碑現存本學東廡之南

關 睿 政和二年三月到任

王 昞 政和五年六月到任

圖經考異云陳昱重修縣廳記曰政和七年秋王子華始來臨之此則曰五年到任及以交承年月考之則無舛記末云因其落成喜而為之書則宣和二年也政和五年距宣和二年實六年王令不應在任六

甯志備考卷五

年若據記之年月則政和七年到任宣和二年作記無足疑者。按考異則非獨王令之年次舛併下柳吳金三今年次亦皆舛今姑據題名存之以俟考證

柳 懋 政和八年二月到任

吳 棫 宣和元年十一月到任

金 譽 宣和四年三月到任

鮑慎好 宣和六年四月到任

鄭 朴 靖康元年四月到任

呂庭問 建炎二年二月到任

施 堽 建炎四年八月到任

吳 倣 建炎四年十一月到任

白彥奎 五紹興二年二月到任

刁 靡 八紹興三年三月到任

胡 統 十紹興一年八月到任

按刁靡以上諸名所謂續增十四人續之者胡統今併統為十五張無垢有續題名記作於紹興九年蓋為統作記載遺文。胡統後又得四十九人詳後

田欽亮 十紹興二年七月移新城到任

李 份 十紹興四年八月自新城移任

趙伯堯 十紹興七年八月到任

呂 擢 二紹興十一年三月到任

劉 偉 二紹興十四年三月到任

甯志備考卷五

唐德裕 二紹興十六年四月到任

劉開士 二紹興十八年七月改行在諸司糧料院

胡堅常 三紹興十一年八月到任

邊維熊 三紹興十二年十月到任

黃 楊 乾隆二年三月到任

朱宋卿 五乾道二年三月到任

盧 嶼 八乾道三年三月到任

朱林日 祖洽 淳熙八年三月到任

李宗大 五淳熙六年六月到任

魏伯詢 五淳熙六年六月到任

趙彥駿 七淳熙六年六月到任

求承祖 淳熙七年六月到任

陳申 淳熙十年七月到任

葉之望 淳熙六年三月到任

陳恕 淳熙三年八月到任

魯直 紹熙三年八月到任

施裕 慶元二年十一月到任

黃閻 慶元四年二月到任

趙彥适 嘉泰元年三月到任

翁謙 嘉泰二年改主昌軍仙都觀

秦鎬 嘉泰二年六月到任

沈紉 嘉泰三年九月到任

甯志備考卷五

九

潘景夔 開禧二年十月到任

趙伯灃 嘉定二年十月到任

魯興文 嘉定五年十月到任

蔣惟曉 嘉定八年十月到任

呂祖志 嘉定十年六月到任

趙汝糕 嘉定五年十一月到任

林申 嘉慶元年十一月到任

江泰之 寶慶元年十一月到任

趙汝船 紹定元年十一月到任

楊天麟 紹定五年正月到任

張琥 端平二年正月到任

毛 諤 嘉熙元年八月到任

董子焱 嘉熙元年十一月到任

沈昌大 嘉熙二年七月到任

范慶家 淳祐元年十二月到任

余 愚 淳祐四年十月到任

王夢得 淳祐七年十一月到任

周獻可 淳祐九年三月到任

施 潰 淳祐十二年正月到任

胡 寬 淳祐二年二月到任

惠 昌 寶祐五年九月到任
承議郎開慶元年九月准省割改添差提

督犒賞所
主管管文字

甯志備考卷五

十

李嗣祖 開慶二年閏十一月到任

按朱容以下六十四人惟歐陽珣王炳刁靡胡執魯

誼魏伯恂陳申陳恕施裕沈紡潘景夔施潰十二人

載縣志而不詳年次縣志載淳熙十年縣令鍾必萬

而圖經乃陳申查圖經主簿題名有鍾必萬在淳熙

十年則縣志訛也圖經作於宋當以圖經為正。郡

志自李嗣祖後尚有八人錄於後

李彭老 章謨伯 鄧德遇 劉 繹

吳 由 劉紹遠 趙崇催 宗 九 濤

按劉繹以上四人年次俱無考吳由以下四人則自

度宗咸淳三年至宋末縣志載由於咸淳三年任未

詳

附縣令一人陳哀。哀見郡志別傳傳云哀江州德安人陳宜都王叔明后其家十三世同居哀嘗為鹽官令然考前後題名皆無為令或唐或宋不可考也姑附之末簡

元知州臧夢獬解一日。按縣志獬以至元十三年任鹽官州知州查世祖滅宋在至元十三年時鹽官尚稱縣改縣為州在成宗元貞二年則爾時未應有知州也再查獬本傳獬本宋末進士十三年乃其從鄉郡守將附元之始久之授婺州路軍民人匠提舉息州知州改鹽官州則獬任鹽官在息州後當是成宗時

甯志備考卷五

十一

縣志誤

知州高源一日。成宗大德間任

知州忽都。武宗至大間任

知州賈鏐。武宗至大間任

達魯花赤當住。元統十年任

知州張光祖。元統十年任

達魯花赤禿堅。元統十年任

知州王輔一日王公輔。元統十七年任

按以上諸名俱見郡志及元史其載縣志者惟訂王輔一人餘不重列

皇明知州尹希善國初任按洪武未建元時海甯尚仍元

舊故有知州希善東平州人誠意伯劉基有送尹知州之官海甯序而不書年月以此考之當是未改縣時也改縣在洪武二年劉序載縣志

知縣何得舉晉江人。洪武間任年次無考詳外志

知縣黃守政守岐。洪武九年任

知縣盧質中。永樂十五年任

知縣伍服。正統三年任

按自洪武至天順知縣載縣志者凡十人今止補其未備者三人訂一人自成化起至嘉靖終知縣二十三人俱載縣志隆慶以後至今詳外志俱不重列宋縣丞陳昱。宣和九年任

甯志備考卷五

按紹興以前丞名之載圖經者脫簡無考今止照郡邑志所載錄昱一人自紹興以後載圖經者凡五十九人併詳於後

王珏紹興四年四月到任

王南夫紹興六年六月到任

毛欽望紹興八年八月到任

范德尚紹興九年九月到任

李邦光紹興十二年九月到任

李處約紹興十四年十月到任

柳大年紹興十六年十一月到任

楊芾紹興十七年四月到任

陳致一 二紹興十一年閏四月到任

趙不吝 二紹興十二年閏四月到任

韓屏 二紹興十二年閏四月到任

韓愿 二紹興十二年閏四月到任

趙公邁 二紹興十二年閏四月到任

何儔 二紹興十二年閏四月到任

梅忠彥 二紹興十二年閏四月到任

盧孝孫 二紹興十二年閏四月到任

李稷 二紹興十二年閏四月到任

周玘 二紹興十二年閏四月到任

陳沈 二紹興十二年閏四月到任

李宗茂 二紹興十二年閏四月到任

趙汝諲 二紹興十二年閏四月到任

葉仲翔 二紹興十二年閏四月到任

張長源 二紹興十二年閏四月到任

歐陽克世 二紹興十二年閏四月到任

葉輅 二紹興十二年閏四月到任

趙師濟 二紹興十二年閏四月到任

曾槩 二紹興十二年閏四月到任

趙希曾 二紹興十二年閏四月到任

康師旦 二紹興十二年閏四月到任

周準 二紹興十二年閏四月到任

甯志備考卷五

管台州崇道觀

鄞縣丞

鹽官丞

石考該實慶二年八月到任
紹定元年七月任滿

107

王 淙 淳熙三年十一月到任

方 誼 淳熙五年十一月到任

沈安民 淳熙元年五月到任

齊 礪 紹熙三年二月到任

趙彥桓 紹熙五年三月到任

趙伯昂 紹熙五年三月到任

葉知柔 慶元三年二月到任

趙善初 慶元五年二月到任

王思遠 嘉泰元年正月到任

趙善毅 開禧元年正月到任

徐宋卿 嘉定元年二月到任

甯志備考卷五

曾 彝 嘉定十四年閏二月到任

余 璠 嘉定十七年十月到任

錢紹誠 嘉定九年二月到任

葛 扶 嘉定十年四月到任

鄧天麟 嘉定五年四月到任

趙疇夫 嘉定十五年四月到任

竇 石 嘉定二十年八月到任

王 堯 紹定五年四月到任

趙汝暨 紹定五年三月到任

鞏友說 端平元年四月到任

折思問 嘉興元年四月到任

會計錄所檢閱文字

趙崇弁

嘉熙四年六月到任

林壽衍

淳祐元年三月到任

徐莘老

淳祐三年三月到任

趙汝楬

淳祐六年四月到任

盛天錫

淳祐九年五月到任

趙必琦

淳祐十一年六月到任

按上五十九人惟趙汝諲歐陽克世二人載郡邑志

而年次皆不詳郡志載歐陽於理宗之淳祐四年九

悞當以圖經之淳熙二年為正

元同知趙復。順帝元統二十三年任

元改州故

皇明縣丞自洪武以後至隆慶初載縣志者凡五十四

甯志備考卷五

十五

人不重列茲但據郡志補其未備者四人

謝江

吉水人

隆慶三年任

崔穎

吳江人

隆慶五年任

吳清

桐城人

隆慶五年任

朱廷芳

休甯人

萬曆元年任

宋主簿之載在圖經者前後皆脫簡無考錄其存者三

十八人

胡俊民

陳之淵

陶汝楫

孫起卿

章祝

鄭烈

馮頎

汪漬

周固

葛邠

以上十人年月俱無考

竇思永

紹興二十八年八月到任

按以下姓名共四十一人

葉亭中 隆興三年十一月到任

季光弼 隆興二年四月到任

趙師文 乾道三年四月到任

魯衍 乾道四年四月到任

邵大成 乾道七年七月到任

葉援 淳熙元年七月到任

劉牧 淳熙四年八月到任

李球 淳熙七年三月到任

鍾必萬 淳熙十年四月到任

趙墮 淳熙十三年五月到任

濮澣 淳熙三十年七月到任

甯志備考卷五

蔡浩 紹熙三年七月到任

趙希楷 慶元元年七月到任

留友賢 慶元四年十月到任

趙汝克 嘉泰元年二月到任

周謙之 嘉泰元年三月到任

李賓 嘉泰四年四月到任

葉鏘 嘉泰五年四月到任

趙崇暉 嘉泰七年七月到任

錢孝友 汪有開 王杲卿 袁惟寅 此無考 年

張光祖 寶慶二年二月到任

趙崇恣 紹定二年二月到任

林夢龍紹定五年二月到任

趙禳夫年次缺

王 垧嘉熙二年七月到任

葉瀾孫淳祐元年十月到任

按上三十八人郡志載者止鍾必萬一人縣志則誤列必萬於縣令

元判官任惟勤。順帝元統三年任

判官魯忽都答兒呂忽曰。元統七年任

判官王章。元統十七年任

判官褚真。元統二十三年任

皇明主簿載縣志者二十人不重列補其未備者二人

甯志備考卷五

羅 鉉英德人。隆慶二年任

黃 鍋沅州人。隆慶六年任

宋縣尉二十一人載圖經者十三人載郡志者二人詳

後

趙師誼淳熙三年四月到任該運賞循從事郎

陳士良淳熙三年二月到任五年八月叔除兩

張 諤淳熙五年十一月到任

李剛直淳熙八年二月到任

劉 陋淳熙十年六月到任烏程縣尉成三考

徐宋卿淳熙六年七月到任遇極恩循從事郎

胡 修淳熙三年七月到任

莫先朝即紹熙三年七月到任在任遇覃恩循修職

司帖差充考

李黜慶元元年八月十三日到任

傅益嘉泰元年九月到任

顏叔夜嘉泰元年十月到任

趙師羽嘉泰二年四月到任

楊鑄開禧二年四月到任

林轡開禧三年七月到任

趙崇稷嘉定二年二月到任

王熊嘉定四年二月到任

方澄嘉定七年十月到任

甯志備考卷五

十六

李琰嘉定十年十二月到任

葉天錫嘉定十一年三月到任

以上十九人俱見圖經

夏侯景祐四年任

婁機乾道二年任

以上二人見郡志

按上尉二十一人縣志止載傅益一人

皇明典史十五人俱載縣志不重列

附宋監稅酒庫官題名

宋監稅官三十二人郡邑志皆不載余得其題名於圖

經題名有記若惟恐名之湮沒者為識於後遺文

郭知微右承務郎紹興四年任

汪思正

吳思感

衛仲傑

柳瑱

葉林

錢作霖

趙沆

謝暉

李洪

章馳

李宗元

劉大亮

張壽叔承務郎

楊適迪功郎

曹甯承務郎

凌相承奉郎

韓杲卿承奉郎

汪德範承務郎

陳士貴承務郎

翟耕承務郎

汪端中承務郎

甯志備考卷五

巫聿修承務郎

潘昌簡宣義郎

謝晉卿承奉郎

朱芾從事郎

高渭迪功郎

李欽止承奉郎

周珙從事郎

宋洙承務郎

陸子坦承務郎

朱諤迪功郎諤即作

宋硤石庫酒正郡邑志皆不載余於圖經得十人經云硤石庫酒正舊無題名有之自陳迺功始則合迺功當是十一人識於後

李公戩保義郎

陳淇秉義郎

田明承節郎

董衍成忠郎

華猷迪功郎

沈肆迪功郎

吳純一迪功郎

蕭蒙承事郎

張棟承節郎

陳九武迪功郎

陳廼功

附宋鹽監官題名

宋鹽監買納官凡二十一人郡邑志皆不載余得其名

於圖經有題名記王墀作遺文

魏彥悅宣義郎紹興十一年十月到任

潘灃承議郎紹興十二年十一月到任

周階迪功郎紹興二年二月到任

求多譽迪功郎紹興二年三月到任

胡公邁從政郎隆興二年四月到任

甯志備考卷五

二十

黃直向修職郎乾道三年四月到任

錢端誠乾道六年四月到任

劉環迪功郎乾道九年四月到任

高得全承務郎淳熙三年六月到任

李知言承務郎淳熙六年六月到任

樓鉄承務郎淳熙九年六月到任

劉敏修從政郎淳熙十一年七月到任

蔣蘭文林郎淳熙十四年六月到任

龐師偃文林郎紹熙元年七月到任

郭棊從政郎紹熙二年十月到任

唐仲義承直郎紹熙五年五月到任

王 墀 遇修職郎 極恩 紹熙五年 五月到任 當年七月 該應

吳 澤 承奉 轉郎 慶元三年 七月到任 五年十一月

汪 熙 承奉 轉郎 慶元六年 八月到任

陳 璠 承奉 轉郎 嘉泰四年 正月到任

尤 燭 承奉 轉郎 開禧三年 正月到任

宋蜀山場催煎官二十六人 郡邑志俱不載 余得其名 於圖經 題名有記 記談鑰 作鑰聞人 盡識其名 於後

遺載

沈 〇 〇 年次無考 曾 懷 年次無考

甯志備考卷五

賈 〇 〇 年次無考 袁延孺 迪功郎

胡 儔 迪功郎 沈 誼 迪功郎

黃汝楫 從政郎 魏 楫 右從政郎 紹興二十二年 二月到任 二十五年四月滿

章 棗 右迪功郎 孫 亶 右迪功郎

王以甯 右從事 郎該登 范延祚 右迪功郎

曹 綽 右迪功郎 陳之深 右迪功郎

史尚志 右迪功郎 司馬逸 右迪功郎

沈 寅 迪功郎 淳熙八年 正月到任

邵 夔 迪功郎 淳熙十一年 三月到任

談 鑰 修職郎 淳熙十四年 四月到任 五年五月 該應

自鑰 作記 云龍 渡以 來得 十八 人今 鑰後 復有 七

人當是後

趙積謙 從事郎 紹興元年五月到任

葛採 儒林郎 紹興四年七月到任 該登極恩循

朱元衡 迪功郎 慶元二年八月到任

趙綸 迪功郎 慶元五年十月到任

徐崑 迪功郎 嘉泰二年十一月到任

邱乘 迪功郎 開禧二年三月到任

冷泳 迪功郎 嘉定二年四月到任

嘉定二年以後已無可考自十五年以後余又於圖

經得南路場催煎官十八人題名有記記陳桂作

桂亦聞人有別作傳世余因總籍其名於後遺文

甯志備考卷五

三

吳淇 文林郎 荆湖安撫司 準遣特改差本場嘉

程熹 文林郎 寶慶二年四月到任 請入幕權官

喬通 孫祖 過事 紹定二年七月到任 張律權

尹煥 文林郎 紹定四年四月到任 請入幕權官

葉勝之 從事郎 紹定六年三月到任 端平二年閏

趙希訥 文林郎 端平二年十月到任 請入幕權官

張埜 迪功郎 嘉熙元年九月到任

何應龍 從事郎 嘉熙四年十月到任 淳祐元年三月

陳桂 迪功郎 淳祐二年八月到任 五年七月到任

李燧 迪功郎 淳祐六年六月到任

按都字是郎字倉字無華字是睦字

按迪功下當有郎字

湯桂孫從事郎淳祐九年六月到任

高槐承直郎淳祐二年四月到任

陸垵從事郎寶祐二年四月到任

趙崇壽修職郎寶祐四年閏四月到任

楊維祥迪功郎景定元年四月到任

劉端仁儒林郎景定三年四月到任戶部咨檄咸

樊汝舟迪功郎咸淳元年四月到任三年辟監淮

余璨迪功郎咸淳三年七月到任

按陳桂記云吳文林而下數任則當自何應龍止併桂止九人耳桂以下又當是後人續入。趙子曰余讀宋題名有二善焉催煎酒正即本朝之倉巡驛泊

甯志備考卷五

類也要非科目士攻經術者不得任善一舊任甫離新任即代權攝者十一二耳官無曠而不肖者不得生心善二本朝廢交代為權攝賣上剝下弊皆由此倉巡驛泊一以猾胥積蠹充之彼枵腹來飽則颺去已矣斗筲之人庸足笑乎余故於宋題名獨詳使志復古者得有考焉

牧政五之三

按志司牧政績皆詳名宦其不列名宦者一切列之題名余參稽往事名宦亦有不足憑者請以牧政統之令聲援寡弱不入宦祠者皆得自以政績見若朱公綽王昞魯巖王公輔李芳郭郊諸公則其績已盡

於舊志他無所見不重列特據歷史及郡志補其未備者

漢陸遜字伯言吳人獻帝建安八年以海昌都尉兼領縣事出倉穀以賑飢民。按三國志遜年二十一歲始仕幕府歷東西曹令史出為海昌屯田都尉併為縣令縣連年旱遜開倉賑飢勸督農桑又率部兵討會稽鄱陽諸賊所向皆克民賴之

歐陽珣字全美吉之廬陵人

和一日永

舉進士政和中為

鹽官令有惠政以薦入官京師靖康初朝議割三鎮以和虜珣爭之力曰祖宗地尺寸不可割忤時相旨命使河朔至深州虜卒執送燕殺之一曰焚死

甯志備考卷五

牧政

二古

刁靡丹陽人紹興五年任鹽官令治尚簡靜察吏不苛獄訟衰止民咸信化嘗重建學宮邑人張九成屬晉陵胡珵為之記珵九成同官也識者謂其言非溢美祀名

宦

記載
縣志

胡統字與立無為人紹興中任鹽官令崇甯以後縣令題名未備統輯為一書編以續圖經張九成為之記記畧曰紹興戊午胡君與立以學行承天子命來宰是邑下車之明日出條教數章告吏若民行之期年百廢具舉頌聲載塗郡太守部刺史交章論薦邑中士君子至交袂相賀蓋喜斯道之復見也云云九成不輕許可而重與統其人可知

魯齋橋李之海鹽人祀鹽官名宦詳邑志

陳恕會稽人縣志云恕任鹽官令重修學校鼓樓濬二十五里塘多善政太宗題其柱曰真鹽鐵使又云紹興元年恕重修縣治

按縣志所載陳恕如此余以宋史考之陳恕字仲言洪州南昌人太平興國二年第進士釋褐大理評事凡十遷而拜鹽鐵使太宗深器之親題殿柱曰真鹽鐵陳恕卒於真宗朝此則真鹽鐵陳恕本末也今據志謂恕以淳熙十六年任鹽官令淳熙孝宗乾道之改元也上遡興國百五十三年矣其志重修縣治又在紹興五年紹興高宗建炎之改元也下逮淳熙十

甯志備考卷五

二五

六年亦五十有九年矣作令在五十九年之後而修縣治乃在五十九年之前無是理也况百五十年之前乎蓋前後有兩陳恕真鹽鐵則洪州之陳恕非會稽之陳恕也孝宗以淳熙十六年崩光宗嗣位改元紹熙恕修縣治當在是年圖經題名云恕以淳熙十六年八月任紹熙二年八月滿此是確據

潘景夔括蒼人開禧四年任鹽官令其治慈祥臨民儒雅飾吏政成暇日據臨安志全書增考故牒與秀士相訂政之蓋胡統續圖經之後景夔又為之續其詳在四

明樓導序序載遺文

吳由宋末咸淳間任鹽官令其政績他無可考獨與邑

人楊均重輯圖經作先賢錄表章晉唐以來諸名賢之
產於甯者其祭許太守文畧曰由幼讀書而知有睢陽
戰守之烈茲試令而獲武原忠義之鄉私竊自幸因與
楊君訂之舊史質之通鑑參之長歷夫然後知睢陽云
云讀其文知非俗吏

劉誠之大梁人任鹽官令圖經有一脫簡題名記云誠
之以文章登進士第以器能被當塗薦試刃茲邑希踪
前哲以恩撫榮與春同熙以威肅奸與秋同烈刮磨弊
病修舉廢缺有一未及歎然於中云云

按記畧則誠之亦良吏也然考前後縣令題名在崇
甯前則有劉舜卿劉拱崇甯後則有劉偉劉開士最

甯志備考卷五

三

後則有劉繹而絕無誠之名得非諸劉中有以字行
者耶姑識之以俟博學

婁機字彥發嘉興人孝宗乾道二年進士任鹽官尉通
達敏辦七攝鄰里篆具以治績聞丁艱去已調於潛丞
仕終禮部尚書同知樞密院參知政事初登第釋褐除
尉其父壽戒之曰得官誠可喜然為官正自不易以是
別歷中外多建豎載宋史全傳

王墀山陰人慶元間任鹽官買納鹽監其所轄曰上管
曰下管曰蜀山曰岳門曰南路曰袁花曰黃灣曰新興
凡八場歲合八場之額以石計者凡十三萬九千有奇
於臨安四場中為最大事務繁劇墀拮据其間游及有

餘而以其暇寄情翰墨彙本監前政為題名自撰記勒之石記錄遺文

談鑰吳興人任鹽官蜀山場催煎官其行事無可考獨彙輯催煎其地者十有八人勒諸石而自為記其畧曰鑰叨第赴調授任於此承乏三越月竭慮補罅事稍就緒會邑大旱使者以朝命差稽察賑濟督課之外賦廩勸分為日不給既又被檄監仁和納場又易押黃姚袞兼本司主管文字今年二月以溢額犒格得錢三萬又得石于邑長因詢訪前政得龍渡以來若干人命工鑄石云云讀此知非俗吏記錄遺文

陳桂永嘉人任鹽官南路場催煎官廉勤有吏幹躬課

甯志備考卷五

三

督亭民咸樂歸業課額日增濬河築倉具有成績事詳應徽所撰碑記記載縣志桂又嘗以課督之暇彙輯前政諸名勒諸石而自書數語記之記錄遺文

元知州臧夢獬

縣志

曰

慶元人宋末進士至元十三年

宋亡以薦授息州知州尋改知海甯州其人廉慎剛直而學術淵奧居官門無私謁吏畏民安戶口繁殖桑麻交蔭於境內按察王慶之入其境見而異之遂與御史臺並以才德兼備薦既滿秩會江陰飢行省往委獬往賑活者四萬五千餘人未幾擢浙江肅政廉訪使大德九年以老納祿退居杭州自號魯山大夫故士稱之者亦不以官而曰魯山先生今祀名宦

順帝至正四年李愍知海甯州修瓦石堰重修車注之具民皆利之志 郡

明楊挺高金鄉人嘉靖中由進士任海甯令廉貞絕俗甫期丁艱歸士民追送者如歸市服除當補平湖士紳之官於京者稔其海甯政請補平湖公蒞湖三年即服食細品必倚中紡績藝圃以自給入覲時遂有天下清官楊挺高之名仕至方伯致政歸今祀平湖名宦嚴寬不知何許人以嘉靖十二年任時因修塘之費建議預儲役銀以備修築自後甯徭役中設有海塘夫一百五十名年儲役銀三百兩着為令自寬始也蓋寬之經見於水利議載邑志他政績無考

甯志備考卷五

二十六

許天贈黥縣人由進士任海甯令隆慶元年奉檄丈田始於丁卯正月訖於戊辰二月計里三百五十五計圩三千四百五十七計田地山蕩九十三萬二千七百六畝於是田準稅以稅乘田斟酌派徵多寡恰適民至今便之志 郡

蘇湖滇南人萬曆四年九月任海甯令時海鹽海嘯波及甯塘盡圯漂廬舍殺人無算巡撫徐栻議修築而難其人湖適至徐即委之湖輒定議擇本縣官民廉幹者令各認丈尺編字號酌難易為哀益尅期興作懸賞格以課督之於是以五年之二月中興工至四月而役竣先是縣官估計塘二千三百七十八丈應工料價五千

二百二十八兩及是會計費纔一千九百七十八丈應
工料價五千二百二十八兩及是會計費纔一千九百
七十六兩事半功倍甯至今傳誦焉

李維蒙城人治尚清肅苞苴不行一勢家兒餽午節儀
先問吏胥得其衙中急需物為一一具進侯覺之正色
謝曰吾輩相與豈宜以窺探為精神其人汗頰退他事
方嚴多此類朱少梅記

陳楚產麻城人萬歷中任海甯令以晚年登第洞悉民
隱禮諸生必於賓館談說文藝一語及私即正色謝之
其御胥吏嚴督無錯貸以是嘖有怨言及侯丁艱去會
歲大祲上發帑賑飢者鮮得食而當事乾沒不貲於是

甯志備考卷五

二五

向怨侯者皆相顧竊歎曰陳翁在當不至是蓋公論自
此定朱少梅記

夏懋學東粵人萬歷晚年任海甯令礪冰蘖之操遇事
沉細不露鋒穎無何以艱去不能治裝至鬻二婢以行
然徑考殿是歲一孝廉計偕抵京謁考功蘇公偶談及
鬻婢事蘇悵然曰幾埋沒伊一段苦節惜也已晚蓋外
疏之采風未核此亦一證也朱少梅記

閔乾江西浮梁人正統元年舉賢良方正任海甯縣丞
御事簡捷職司清軍甚有方畧秩滿陞漳浦縣知縣郡志

盧珂穎上人少為諸生即以耿介著晚年貢入太學授

海甯丞任職九年伏臘不能給裘葛釜釜盜屢空依然諸生也嘉靖九年遷山西河曲知縣父老難其去作歌以贈更繪其像尸祝之珂亦不以屑意詞色恬然邑人許相卿素重許可特為文贈行畧曰盧君之得民非一端也而端於廉強而廉入共難焉廉而恒又加難焉廉而恒貧而不悔而又歎若弗有將天下難焉若盧公者所謂廉而安者耶覲郡

陳嘉者福建長樂人宣德七年任海甯主簿縣與千戶所雜處軍縱官馬戕民稼又夜巡擾民嘉請於上官乞以夜巡事檄有司專其職官馬害稼者民戳傷勿論上咸報可自是民庶安堵秩滿者老幼遮道乞留嘉不願

甯志備考卷五 流績

三

竟乞致仕去覲郡
流績五之四

流績者流官所著之績非專官於甯而實有德於甯或有事於甯似亦不容湮滅無傳也蓋仿人物紀流寓之意云

蕭齊永明三年冬十月富陽民唐寓之作亂分兵四出剽掠漸及鹽官時鹽官令蕭元尉逃去杭郡太守沈文季檄發鹽官海鹽諸民丁授以方畧力為捍禦民乃安堵

唐僖宗時黃巢倡亂乘輿播遷羣盜所在結聚時周寶為浙江鎮海軍節度使練兵固守判杭州為八都各發

兵戍之而鹽官居其一時主戍鹽官都者徐及也寶字上珪盧龍人

宋宣和中盧秉權提舉兩浙鹽政秉權於諸場皆定分數自六分至十分止而鹽官場則為八分蓋約得鹽多寡為分數之次第云秉權言鹽官場煎用鐵盤故鹽色白他場俱塗石灰故色黃

朱蹕湖州吉安人也建炎三年金人犯餘杭杭守臣康允之退保赭山蹕乃白允之請率弓兵土軍前路拒敵使民得為逃死計尋中流矢死赭山

毛漸字正仲江山人舉進士嘗為浙轉運使會浙郡水溢詔發緡錢二十萬議賑漸言錢不可繼宜治水乃按

甯志備考卷五

三

錢氏有國時故事起長安至鹽官徹清水浦為決其水入於海漸治水之功隨處皆著茲紀其在鹽官者林琦閩人也德祐二年元兵逼臨安琦於赭山結集忠義數千人捍禦海道以功補督府主管機宜文字已從文天祥與天祥同被執死

元至元十三年正月己巳伯顏師次嘉興乙亥宋宰臣陳宜中遣御史劉岳奉宋主稱臣表文副本因致書伯顏約會於長安鎮辛巳軍至崇德壬午次長安宜中不至尋進兵臨平甲申次臯亭山時元宗室相威及其將唆都阿答海忒木台兒等皆以兵由長安入會伯顏於臯亭山

元兵之伐宋也分三道入臨安時董文炳領左軍沿江入海循海而南由華亭澈浦次於鹽官鹽官臨安劇縣也守者待援招之不下將佐請屠之文炳曰縣去臨安僅百里聲勢相及臨安約降已有成言吾輕殺一人即害大計况屠一城乎於是遣人入城諭以大意守者遂降尋會伯顏於臯亭

世祖時高睿為浙西肅政廉訪使時鹽官民有結黨持郡邑短長者其目曰十老長吏莫敢問睿廉得其實悉按以法闔境快之拜江浙行臺侍御史

成宗元貞中潮嚙鹽官州患日劇時張與材奉詔至以術治之投符籙於海一夕天大雷電以震詰旦視之見有物魚首龜身者磔於水面潮患遂息與材正一天師道陵三十八代孫

甯志備考卷五

三

慶童江浙行省平章也順帝至正十六年苗帥楊完者守杭州恣橫無忌童避之為移鎮海甯州州地瀕海磽瘠民貧慶童治以寬大招徠撫循居二年盜息民阜甯人德之童字明德本康里氏世為大官

戴文璧字君章沂州瑯琊人為兩浙轉運判官嘗分職巡鹽官場法飭弊釐國課足而民不擾時徐一清陸居仁為記其德政勒之石

皇明洪武十八年信國公湯和奉命巡行海上相度地勢改創衛所巡司築險要以禦海寇今海甯城和所增

築也比舊加高五尺又移硤石巡檢司於石墩築石墩城和字鼎臣直隸之鳳陽人

成化間陳讓知杭州府其人英爽高邁剛正不阿海甯建治南瀕海海內徙潮水直逼城下居民惶惶讓建議去城一里許開支河築內隄延袤十餘里於以洩水捍衝水勢乃漸殺甯人德之為立生祠卒以疾惡太嚴為豪右所構罷都御史楊繼宗上章論救不報讓字德光直隸大河衛人天順甲申進士

嘉靖三十二年四月倭寇赭山杭州前衛指揮陳善道奉督撫檄率民兵數百直抵赭山與賊對壘時承平久人不知兵烏合之衆一鼓駭散善道遂戰歿報知其父

甯志備考卷五

三

問曰創在背乎抑前也曰前曰若是則得死矣奚憾

嘉靖三十三年四月倭復寇袁花鎮前都指揮周應楨者時方以被劾奪職恥功名不立乃盡散家貲募北兵五千人赴援學憲阮鶚貽之書勉以忠義楨答書言兵法十圍五攻今賊勢甚盛急攻未得良策若有可乘當盡死力書至二日而楨已戰死蓋不食其言云

楨未詳何處人

甯自戊辰海嘯己巳再溢塘隨築隨圯甯民號於上於是三臺咸臨相視推郡丞劉元瀚來董其役劉以庚午四月受事就諸屬吏中擇強幹敏辦者五六人度丈尺計難易而分督之時時躬巡海上課勤惰為殿最工乃稍稍就緒其法以木櫃盛鉅石鱗次櫛比而復用木椿

夾以內外七月初潮復溢過塘不大為民害則劉力也
獨錢糧不繼尋復以署府去役猶未竣云劉起賢書籍
黔之新貴

甯志備考卷六

當湖鈍叟趙維寰輯

儒學六之一

學宮者造就人才之所關係最鉅舊制獨列學校為一門良是顧畧而弗詳合之今制頗多遷改余按郡誌錄之前而以今制載其後最後則以宋圖經所識附之使慕古右文者得有考焉

海甯儒學舊在縣治東南半里百步三後遷於縣西當

宋南渡遭虜患邦人毀撤其材作州署而學以廢南渡時鹽

官猶為縣紹興五年縣令刁靡撤老氏葆真宮材重建

於東南故址時則胡埕為之記記載淳熙四年令魏伯

甯邑備考卷六 儒學

一

珣拓而廣之鑿泮池建橋其上又即學東序建三先生

祠肖像祀之時則陳大昌為之記記載嘉泰縣志嘉四

年令沈紉重廟學學取舊名明倫揭之堂時則鍾必萬

為之記記載淳祐中令范慶重修慶邑志佚寶祐

二年令施瀆建藏書室。元元貞二年陞縣為州改州

學大德初知州高源七年知州張珪忽都賈諤源諤皆佚

相繼改作之時則訓導陳登為之記記傳不至大三年陳

登建學倉四間至正六年知州何蒙重修廟學建倉事佚

併陳登何蒙教授王景順為構高明軒十二年教授朱

鸞又修廟學十九年邑人賈用中捐私田百畝為學贍

時則有夏泰亨之記舊志以構軒併入大德七年而朱

夏記半存半削按記學田非始於賈用中先是張子韶先生後裔曾以追贈賜田贍學

武二年改州為縣於是仍為縣學三年知縣王忠闢射

圃七年知縣朱恪大修廟學為建觀射亭九年知縣王

守正重建齋舍永樂十五年知縣盧質中重修廟學時

守禦千戶湯玉實克勦之訓導顧孟時為之記傳記不正統

三年知縣伍服重修正德三年教諭朱泰為拓泮池於

學宮之前四面甃以石十二年教諭侯泰請於督學使

者劉瑞建名宦鄉賢二祠時則仁和邵統謨名宦祠記

邑人許相卿謨鄉賢祠記二記皆載邑志不載侯泰嘉靖十

年知縣胡堯時建啓聖祠尊經閣饌堂四十二年知縣

殷登瀛置學田四百九十畝以贍士時則邑人董鯤為

甯志備考卷六

二

之記大記勒石四十四年知縣許天贈以歲久不葺出官

帑重修自殿堂齋舍以及門廡復次第改觀焉亦董鯤

為之記二記勒石大門右自四十八。總記學宮之制中為

先師廟東西二廡前為戟門外為櫺星門啓聖祠在

先師廟後神器庫神厨並在戟門外東神器即祭器神厨即貯器者

宰牲所在戟門外西學在廟之左方中為明倫堂東西

兩齋曰尊德曰樂道庭鑿泮池跨以石梁堂之東南為

名宦鄉賢二祠祠後為土神祠堂之右為饌堂庖湍庾

廩在饌堂東堂後為敬一亭又後為尊經閣教諭廨在

尊經閣之左訓導廨一在明倫堂東一在啓聖祠右射

圃舊在學之南洪武二十年築城其地徙惠康橋北。

附社學二一在泮池左一在泮池右

以上俱錄郡志其詳邑志者不重列

按郡志修自陳先生善先生修志在萬曆初去今又幾六十年矣據余所見多不合為詳今制於左

學基正東正北俱偏民居西通官道三方皆以牆為界南偏城墻畝數具縣冊正北牆半圯宜亟修築非獨防盜亦杜侵越之漸

先師廟及兩廡規制仍前但諸賢牌位上下左右悉倒置至有議黜而猶祀有應祀而無主者余至始按會典及孔林志一一釐正次第之。殿前露臺有橙樹二東西丹墀有柏樹四颺拔其一余補以桂東廡之南有石碑一則宋社壇記也碑式上鐫圖下鐫記頗精細第不

甯志備考卷六

三

知何以移至此。戟門仍前門外左方向所謂貯神器神厨者不知何年徙出為別塑一梓潼像而祀土神於宰牲所余至始以左道黜梓潼移土神祠其中祠左西向有鍾必萬及其二碑右南面有其一碑其戟門右向所謂宰牲所者則虛之以復宰牲之舊此事更制頗得獨面前隙地各役栽桑其上時有糞穢澆灌之瀆余屢議伐去而未果西南隅牆下有杏樹二株春月放花儘可鼓諸士看花之興云戟門前東甬路低窪每夏五雨潦謁廟者殊艱步涉余集泮池中廢石為築高尺許。櫺星門面泮池隔池有照牆一亦偉觀兼可蔽輿行者。啟聖祠在先師殿後制仍舊。明倫堂在廟左規制

仍前堂上公座三堂之東北壁置卧碑卧碑左右列碑十有五為修學記者題名者二乃其為去思遺愛者凡十則皆前此博士先生所謀不朽者也然已有抄者矣堂之上有題名扁五東三西二堂之東南隅設鼓一西南隅懸鐘一公座舊無氈榻余始置縱八尺橫倍之公座之北有白屏六書大學序於上屏後有長榻六今不存止存一檻復朽移置他恐有取為爨具者堂之兩旁各列長檯一基本下濕其上復久不葺每逢夏五淫霖浸漬幾可產蛙余市瓦增蓋之。堂之東西序向所謂尊德樂道及三先生祠者今皆門役佔住博士先生且名賃而收其直沿襲既久莫覺其非余止能自克不能

甯志備考卷六

四

禁也諸役並沿杭俗人死不葬停之家有一家積至二三柩者聖賢神位幾雜叢塚中丙寅秋余聞驚愕為限十日內卜葬否則以暴露申罪自是凶穢始清。自學租飽貪吏之腹而學倉併失其處惟西序直北空二間一為胥西衙便門一以貯祭器而列板榜二座於壁下甬道左右則植柏各四株。堂前為儀門門外左右各豎碑一左其東南隅為名宦鄉賢二祠祠之後向所謂土神祠者今亦居胥役儀門之西南隅故有井一頗足瞻一方之汲。儀門前數武為大門門漸圯而北二木支之門左右有碑前大門前數武有石坊曰聚奎頗雄壯不知建自何年何人東西有兩石臺以豎旂杆

今並廢明倫堂後入紅門為敬一亭屋式非亭式也列碑五中一南面為御製敬一箴兩旁矮碑各二則四箴在焉。由亭而進為尊經閣閣頗高爽最上一層以望海觀濤奇壑中層置書厨二有藏書目見典籍其下北壁大書一魁字方幅丈許亦奇筆也東北有石碑一所以紀建閣之勞動者此閣於學宮中可稱傑構顧工未竣而中罷閣上窓榻幾失其半矣每遇飄風狂雨水從閣上注若建瓴上且中層塑三像為尸祝尤不典余曾具申請外徙業得請而縣官難之余為宋之三先生故祀於學宮今請為位其中不亦可乎。教諭廨前在明倫堂右疑即志所謂饌堂也余至疑其崩壓避棲尊經

甯志備考卷六

五

閣下者踰年又苦風雨侵剝乃就故址盡撤其舊而新之規制頗倍於昔詳見重建衙齋記訓導齋一在明倫堂東北或曰即舊教諭齋也一在啟聖祠西。泮池在學宮前闊與學宮等方幅可六畝許東西偏兩社學南偏城甯邑城中鮮活水此池頗通泉派雖盛夏水不涸學之地靈疑在此獨諸役因以為利畜魚其中余嘗議裁荷先是魏仲雪署甯亦栽桃李於四圍皆以害於魚侵剝不能成殊可憾。射圃見前

社學二。一在泮池左坐東面西南偏城北偏街東偏門役蔡鸞住屋傳言鸞造屋時頗侵越二三尺學有屋七間俱各役住。一在泮池右坐西面東南偏城西偏

民居北偏朱氏照牆舊有屋如左以居人不馴前令拆之今為空地。按圖經海昌學在縣東二里建學記云學舊在縣東紹興虜退有司建官府輦取其材以為州堂嶽廟記紹興初邑人毀學為廟今刁廡得廢老氏祠號葆真宮者籍其材就故學基營焉前剏大門中為大成殿翼以兩廡繪從祀諸賢於壁殿後有堂曰明倫齋曰修身曰博文考古制度以造祭器藏於戟門西廡之室淳熙四年令魏伯珣易民產以鑿泮池復建橋名曰思泮戟門之東廡為三先生祠十年令陳申重建戟門增蓋明倫堂其後為[[[舍堂之東西分處長諭縣丞王淙建櫺星門嘉泰四年令沈紡從而新之禮部鍾必

甯志備考卷六

六

萬為記邑必萬時為主簿為例以邑官主教導課試以時生員食

廩不繼則縣捐粟補之別有瞻學錢四百一十二貫三

百文。圖經考異云按建學記紹興初毀為州堂嶽廟

記紹興初毀為廟豈因毀為州堂以其餘材創為廟耶

建學記又云舊在縣治西修學記亦云舊在縣治西乃

舊圖經所載則在縣東修學記又云紹興初始徙於東

偏則今之學也乃今在縣治東南嶽廟記又云紹興初

邑人毀學為廟弦誦之地鞠為茂草者十年自刁公繼

白公為政始經營之數月而學成今以學記考之刁公

建學在紹興五年耳皆未詳

學田六之二

甯學有學田自宋張子韶先生後裔捐追贈賜田贍學始入元邑人賈用中慕誼亦捐私田百畝為學贍入明張賈舊物雖無從覓而義民良牧右文恤士者亦時有之故宋元田數比宋元頗增今現在徵冊者凡七百三十五畝有奇視他學稍裕然年久蠹生其田半為豪佃所佔種若世業然而縣胥作奸復與豪佃相表裏至有以磽瘠抵換膏腴者余以田名學田事關職掌為屢爭之縣官不得僅得其四至號段及佃人姓名一冊今籍之後已半非其故矣姑存之猶足動後人餼羊之感云有學田即有學租每田一畝輸租一石例也查舊志本學原有學倉四間則租之出納自應本學掌之不知何

年盡歸於縣自豪佃與猾胥相表裏告改本色為折色每畝多者折銀四五錢至有二三錢者然合之猶得三百餘金錢糧以贍學故極輕合銀米止二十餘金耳本學年申助貧百人舊額極貧一兩次貧八錢助婚喪各二兩自謝令議減額一兩者八錢八錢者五錢二兩者一兩五錢矣蓋合完糧歲助兩項動支總不及百十金每年所餘尚可二百金也詰之則曰此學道錢糧義民良牧之美意自是湮滅盡矣

附田之都圖及租數

一原額田地五百三十一畝九分零丈量後實共五百一十四畝一分零實徵稅銀二百二兩八錢六

分有奇

一義民張滂捐助田地漚壹百畝丈實九十六畝七分零徵租銀三十六兩四錢九分零坐十九都廿一畝

一張滂又助田二十畝丈實十九畝九分零租銀八兩二錢二分坐三十一都十五畝

一監生徐思曾義助田四十畝丈實四十畝三分租銀一十五兩五錢零坐廿一都十三畝

一州判徐思顏義助田壹百畝丈實玖拾捌畝玖分零租銀三十八兩四錢坐十七都十四畝

一義民張輦輔捐助田一十二畝四分丈實一十二

甯志備考卷六

八

畝伍分租銀四兩七錢四分坐廿二都五畝

一犯民張明入官田七十六畝二分丈實六十四畝

八分租銀二十五兩八錢八分坐廿一都十五畝

一犯民顏榆入官田四畝九分七厘丈實四畝七分

九厘坐二十九都九畝租銀九錢四分六厘

一犯民潘儀入官田二十畝丈實二十畝二分租銀

四兩三錢坐十七都一畝

一價買宓觀海田八畝丈實十畝六分租銀三兩三

錢二分坐二十都十畝

一價買宓觀潞田六十五畝五分丈實六十畝六分

租銀二十六兩九錢四分坐二十等都十畝

一價買王繼田六十九畝三分丈實六十八畝四分租銀二十九兩八錢四分坐二十五都十六畝
一價買凌金田一十五畝五分丈實十六畝一分租銀六兩八錢坐三十一都二十五畝

以上皆原額田不知始自何時疑即郡志所謂嘉靖四十二年邑令殷登瀛所置者但志言四百九十與前數差異

萬曆二十六年續增援例納監捐入田共二百一十畝
一生員祝守範輸田一十畝租米十石坐二十七都
一畝

一生員查允先輸田一十畝租米十石坐三十一都
甯志備考卷六
九

一畝
一生員查允亮輸田一十畝租米十石坐三十都五
畝

一民生沈曠輸田二十畝租米二十石坐十三都十四畝

一生員楊明經輸田四十畝租米四十石每石折銀三錢五分坐硤石鎮都四畝

一生員陳立鼎輸田四十畝租米四十石每石折銀三錢五分坐二十四都七畝

一生員沈明遠沈明功輸田八十畝租米八十石每石折銀三錢五分坐十三都二十畝

以上田二百一十畝租米二百一十石內本色五十石折色一百六十石每石折銀三錢五分共銀五十六兩學道洪批二十七年起徵

萬曆三十六年又續增田共一十二畝

一民陸椿獻地九畝五分租銀三兩八錢佃陸吉蔡洲三十七年起徵

一民梁學明獻田二畝五分租銀一兩二錢五分佃梁才三十七年起徵

以上田十二畝租五兩五分

查萬曆二十六年續增田內有本色米五十石後佃戶楊佩等告將米五十石亦要改納折色時學道王批

甯志備考卷六

十一

允准每石折價四錢計五十石該折銀二十二兩五錢後又加前田佃戶金環等租銀共一十六兩通共新舊實田七百三十六畝一分實徵銀自萬曆四十年起共三百兩三錢七分五厘先是二十五年以前係庫吏收後奉明文點僉糧長櫃頭經收貯庫其每年漕糧併米銀共二十八兩三錢一分有時二兩九分南糧折銀六兩一錢共完糧不出三十六兩外其田之號段四至及佃戶姓名本縣自有印信冊二本存學今入本學交盤冊

余按學田一事自改本色為折色而學倉廢自折色入縣庫而一切蠶食其中者殆不可問矣諸狐鼠不

足責獨惜堂堂令長擁三百六十番之富筭敲所督何欲不厭而復舉諸貧士之勺粒扼吭而奪之即不畏清議獨不愧方寸乎計初建議者必曰租貯學倉則廣文與學霸專其利而諸貧士不蒙實惠也余則曰不然毋論廣文品格不同難概抹煞即盡不肖而烏鳶食與螻蟻食有以異乎憶余在事五年有奇給發止二次而所給多不踰八十金少則六七十金耳合計所餘已千二百金許不曰佃戶拖欠則曰學道取用夫徵收在學則本學威令不足以攝拖欠或不免既屬之縣則與錢糧一體比徵矣誰敢衡命者學道衙門與各司道同其所取用自當於通縣正賦中

甯志備考卷六

十一

設處如必取之學贍不知各司道之無贍田者於何取給也且田名學田非朝廷額設之田明甚食祿於公而復取諸貧士之私學道職司風紀斷不出此即間有刻書公費取用不止一學極多二三十金止耳他所餘尚多其誰欺欺天乎余每思復置田初意為勒條議三款上之當道當道未嘗不稱善然卒莫肯任怨見之行事蓋當今吏治上下相蒙大較若此姑附錄三議於後以俟賢令長之右文恤士者

一議清學糧以肅官守。竊照廣文一局原無錢糧職掌即師生俸廩不過仰給縣官隨到隨發曉然易白也惟官有遷罷等缺廩生有停降等缺於是糧膳

之積少或一二金多或數十金除缺膳銀當即解縣外惟缺糧銀則舊儲之本學以需吏糧香燭等項雜給給之而餘亦本學收貯以俟異時蓋例所從來久矣卑職自天啟五年六月到任交盤過缺糧銀計四兩有奇守之數月幾以齎盜因問該書此銀當何支用該書答曰此本學無礙官銀可借用也職始大駭既屬錢糧便絲毫不得染指而乃言借用甯無為侵沒之漸乎隨即查算吏糧應給若干香燭應給若干當給發訖若到任後自秋季始以至於今則不分糧膳餘銀盡數解縣守獲回批一一附卷杜侵沒也再照此項錢糧在本學誼應解縣而在縣收之竟以飽

甯志備考卷六

七

狐鼠之腹似亦不妨覺察者竊計本學衙門亦有閏月俸給上司行獎及到任離任會課等費應縣出者動推無處經年守候應學辦者輒派諸生名益垢穢則何不以本學之物原貯為本學公用自今著為定例候本學或有公費不妨移文關領本縣即與估費若干而照數給之候兩院盤查則縣與學各自造冊解院以憑研對不許通同影射如是似有合於互相覺察之律而彼此官箴亦可兩肅也伏候台裁一議清學田以存遺澤。竊照儒學之有義田皆古來名賢良牧捐置以備諸貧生之賑貸非朝廷額設之田也查海甯縣志自宋張子韶先生後裔以追贈

賜田贍學而勝國時有賈用中者慕誼亦輟私田百畝佐之甯學義田自茲始沿至於今代有增益現在徵冊者七百三十畝零不為不多矣但名為學田而本學師生絕不與聞竟令猾胥掌其出納於是習久蠹生田坐何處佃係何人無從核也今道路相傳有謂以磽瘠抵換膏腴者有謂田已盜賣若干而年常包租包稅影射支吾者雖風聞未有實證第觀每年學租全不清楚乾沒過半則揆之事理未必無因及今不早清查恐再更數年田必與籍俱去名賢遺澤歷數百年而竟斬於狐鼠之輩殊可惜也事關學政合無特委風力甲科官一員行縣查勘督令會同師

甯志備考卷六

十三

生親至田所履畝清丈另立方冊一樣四本一存布政司一存本府一本縣一存本學仍立石明倫堂開一田若干坐某都某畝某甲某四至又一田若干亦云云使本學師生雖不得與其出納而亦得按籍以稽其存亡荒歉之故則此田庶乎可存也今編戶小民守祖宗遺業即零星數畝而莫之敢櫻謂有主也學田亦諸貧生之世業矣而使毫不與知是猶先世重寶不委子孫而委之通衢凡有力者皆可負走而况大盜乎伏侯台裁

一議清學租以釐奸蠹。竊照儒學有義田即有義租此租專以賑助貧士而其餘則學道刊刻書籍開

取一二用焉即他上司無得係甯學義田七百三十餘畝計其起科不納米租止每石折銀四五錢甚有三錢者此其為猾胥豪佃所侵沒已明矣然合計之猶得租銀三百餘兩而學田糧甚輕完糧不及三十兩則餘租尚可二百九十兩及查本學每年申報貧士極貧次貧及助喪婚合之未有出百十人外者又查賑助原額極貧止一兩次貧止八錢婚喪止二兩一年動支又從未有踰一百十金外者乃其間侵沒之弊則難悉數矣自天啟四年至今崇禎三年七年之中實給止三年若四年六年七年_并分毫無給也尤最異者但遇按院查盤學租一事未嘗不督本學造

甯志備考卷六

十四

冊而該房輒認代造絕不關會本學不知冊中作何開報如四年分之全無也如五年分之減額也如以五年分影射六年七年也果能一一開明否大抵此項錢糧即照原額賑發每年尚可餘二百金積之十年已不下二千金許而况又有減額侵沒影射等弊諸生所得幾何顧名思義租曰學租謂之何也伏讀欽條憲約每語及此未嘗不曰務令諸生各沾實惠其意蓋懼本學經手人有所侵牟耳如五年元年等歲助俱係卑職經手一一親兌親封面領面給舉向來一切扣除抵換尅_減簡諸陋規亦既滿剔盡矣如勺水無救於涸鮒何自今以後合無立為定額以人則

極貧限定六十人次貧限定五十人婚喪限定五人
毋溢額也以銀則極貧限定二兩次貧限定一兩婚
喪限定四兩除發賑一百九十兩外尚餘七十金以
聽學道公用無減額也以期則每年限定十月初具
申十二月初頒賑無愆期也以查盤則責令縣報學
友學報縣給各自造冊送院研對毋通同也而仍勒
之板榜懸之公堂如是而諸生庶幾微實惠乎伏候
台裁

學職

官制體統題名宦績并。六之三

有學官即有學職所謂宣化育才儲國家名世之用
者於是乎在顧其官制唐以前莫可考宋則府學職

甯志備考卷六

學職

五

秩之幕僚猶有專任而縣特以令攝之且因革隨時
無定本朝特設諭導等官以司教頗為得體乃前志
題名至列之丞簿尉史之下蓋責之極重而視之極
輕豈所謂操豚祝禳者耶余待罪此官不能使官重
姑據宋志及我皇祖重學之意而別為題名署之學
宮之後令吾黨同調者思克自振焉

宋制府官自知府以下有簽判一員推官一員參軍四
員教授一員皆幕職規宋縣學無專官有以文林郎
行縣令勾管學事勸農公事兼鹽監者有修職郎縣
令兼鹽監主管勸農公事不帶學事者其因革隨時
亦非一律經圖。余按府學教授與簽判推官同為

幕職則簽判推官重教授應不獨輕帶銜縣令系勾
管學事於勸農監鹽之上其重學意亦猶可想見也
獨不帶銜者爾時學事不知誰屬

皇明官制於縣官外別設教諭一員訓導二員專主學
事其衙署置在學宮公座三亦設在本學明倫堂而
絕不與丞簿尉史雜處縣署之內重師道也其體蓋
與縣令相頡頏矣

洪武十六年令學官見上司一遵憲綱行禮如有出
郭迎接及妄行跪禮過為稱呼者聽巡按御史按察
司官依律究問。○洪武二十四年令凡官員公聚坐
立學官班次位列諸雜職之上見會典。趙子曰余

甯志備考卷六

六

讀會典竊歎聖祖睿慮之宏遠也依律究問功令峻
激豈逆知後世必有夷師帥於奴隸者而預為是嚴
防耶下迨今世廣文初任謁令必屈膝遞職銜居恒
稱謂必奉令曰堂尊己甘為簿尉伍而未也余親見
昌化一訓導面稱縣令曰太爺縣亦明經也令以是
暱訓甚力推之而直指薦剡有訓名矣吾友俞中白
嘗令蜀之溫江余問以彼中稱謂中白曰不忍言叩
之急亦云云蓋余所見亦蜀人而令則崑山人云嗚
呼明經令籍是為榮施無足異獨異夫甲科令異時
將秉憲節肅吏者而不能面折以禮會典不云巡按
御史不得故違憲綱作威挫辱乎余嘗有振師範條

議一欵附錄於後

一議正體統以振師範。竊照一邑之中令長固士民父母而儒學官則父母家塾中之賓師所託重以教子弟者也。自近世師道日下一意仰鼻息於縣官而於是初到則行跪禮遞職銜稱謂則自稱晚生而奉令曰堂尊夫賓師而甘屈膝主人恐愛子義方者亦羞以為師矣。貢科即不得比科甲顧以先後進稱晚則可以賓主稱晚則不可且明倫自為一堂而奉縣令為堂尊將置本堂於何地。查大明會典學官憲綱禮止行於上司而妄跪過稱者且不免於法司。究問則學職正當之體昭然言外矣。卑職蒞任以來誼

甯志備考卷六

七

不敢妄自菲薄亦曾以是議申詳學道蒙宗師樊批允著為定例而積習良久卒置若罔聞。總之縣官高識決不以其過禮為榮惟此輩希恩望澤之念既切而又別無所將以獻媚宮牆體面遂有所弗暇顧耳。合無申明祖制嚴敕各學自後如有仍蹈前轍妄跪過稱者訪確定依會典律究如是而體統庶幾可正師範庶幾可振乎伏候台裁。學道樊批禮曰師嚴而後道尊周元公曰師道立而善人多今日道喪教衰所由師道不立耳據詳正體統振師範其到任遞職銜一節舊有行者本道初作令時約不行此禮重賓師也若夫稱呼自有定體師尹本非同堂豈得

與衙官共稱謂哉該學自重其道本道甚嘉與之此
款即着為例仰通詳司道府縣遵行繳

學職題名載在縣志者自正統迄隆慶初元合之僅得
五十一人若洪永間幾全缺矣余核郡志得元以來
及國初三四人為參錄以補其未備

元教授

王景順 以至正六年任甯學授

朱鸞 以至正十二年任甯學授

明教諭

袁伯善 洪武間任年次籍貫俱無考

曾祖 邵武人永樂十六年任
外志入之訓導非

甯志備考卷六

六

羅能 吉安人正統九年任

李淳 天順間任年次籍貫俱無考

彭顯烈 一日永烈成化初任年次籍貫俱無考

以上五人出身舉貢俱不可考

朱泰 蒲田人舉人
成化十五年任一日弘治

林琚 晉江人舉人
弘治十年任

蔡祐 晉江人舉人
正德四年任

侯泰 嘉定人舉人
正德十年任

袁章 通州人舉人
正德十年任

車裴 進賢人舉人
嘉靖三年任

張概 侯官人舉人
嘉靖十一年任

林 謹 揭揚人 十三年任

吳以旃 蒲靖田人 十九年任

謝德聰 安靖福人 二十年任

卓士元 茂名靖人 二十六年任

張 志 江甯人 三十一年任

蔡維孝 嘉靖田人 三十六年任

張維嘉 嘉靖羅人 三十七年任

周德崇 嘉靖谿人 四十年任

周 整 嘉靖水人 四十年任

楊 湖 隆慶津人 歲貢

潘 斗 隆慶鹽城人 舉貢未詳

甯志備考卷六

張學易 華亭人 舉貢未詳

陳邦訓 萬曆縣人 舉貢

包汝楫 嘉興人 舉貢

元訓導

陳 登 至大二年任

明訓導

江中龍 廬陵人 洪武間任 年次科貢未詳

顧孟時 永樂十五年任 籍貫科貢未詳

孫 瞻 天順間任 年次籍貫科貢未詳

戴 琰 浮梁人 成化間任 年次籍貫科貢未詳

達 穎 成丹徒人 科貢未詳

孫 敬 弘黃縣人 歲貢

蔡元福 弘龍溪人 十歲貢 八年任

陳 珩 弘蒲田人 十歲貢 八年任

朱祖元 正豐城人 元舉人 任

汪 乾 正歙縣人 五年歲貢 任

王 鸞 正博野人 五年歲貢 任

王 亨 正宣城人 七年歲貢 任

歐 涇 正巢縣人 十歲貢 任

闔 章 正江都人 十歲貢 任

歐 浦 嘉蒲田人 五年舉人 任

蔡 麟 嘉南康人 六年歲貢 任

鄺仲學 嘉南海人 十歲貢 任

李 完 嘉德化人 十歲貢 任

謝 梓 嘉奉新人 十歲貢 任

殷 遷 嘉南京人 十歲貢 任

王 儒 嘉羅山人 十歲貢 任

葉壽春 嘉太倉人 十歲貢 任

張 志 嘉江甯人 十歲貢 任

周 龍 嘉江都人 十歲貢 任

蔡維孝 嘉羅田人 十歲貢 任

李 玉潤 嘉建平人 十歲貢 任

甯志備考卷六

按州志是四十二年
按州志是三十五年

李陽春 襄陽人 三十七歲貢 七年任

楊衢 嘉靖倉三人 三十八歲貢 八年任

吳集 嘉靖興四人 四十一歲貢 一年任

章祿 嘉靖熟四人 四十二歲貢 二年任

凌梓 嘉靖州四人 四十五歲貢 五年任

夏賓 隆慶塗元人 歲貢 任

路文通 隆慶縣三人 科貢 未詳

趙勛 隆慶州五人 科貢 未詳

孟希阜 隆慶定衛五人 科貢 未詳

李培 嘉興興四人 歲貢 任

劉文元 萬曆湖一人 歲貢 任

甯志備考卷六

陳上理 歸安人 四十八歲貢 八年任

錢汝俸 慈谿人 歲貢 任

或問曰教諭中有歲貢訓導中有舉人科貢皆

正塗參差無礙也乃訓導中雜以監生六人得

無非類乎余曰此必歲貢之坐監者今會試錄

坐監舉人皆稱監生例推之可見若夫銅臭溷

黷序近頗有之嘉靖間無是矣

甯學教職之祀名宦者三人其不崇祀而有功於黷序

者六人併列其實於後

元陳登。登不知何許人以至大二年任甯訓導為

建學倉四間先是知州高源張珪忽都賈鶚相繼改

作州學登實為之記

王景順。景順不知何許人。以至正六年任甯學教
授。為學搆高明軒。今已失。故處其名不可泯也。一曰

高明亭

縣志以搆軒事併入大德七年而佚景順名

朱鸞。鸞亦不知何許人。以至正十二年任甯學教

授。重修廟學

縣志不載

明曾昶。昶以永樂間任甯諭。為纂輯甯邑志。甯志自
宋圖經以後。其修之本朝者。自昶始。

羅能。能以正統甲子任甯諭。教分三等。雞鳴而起
夜分不倦。至今猶傳之。祀名宦。

朱泰。泰以正德三年任甯諭。為拓泮池於學宮之

甯志備考卷六

三

前四面。甃以石。疑即今制也。甯為地靈。此為最勝。厥
功偉矣。頃丙寅秋。颶風拔樹。因決石岸。余募工修砌。
始復舊觀。

蔡祐。祐以正德六年任甯諭。其人忠誠公謹。正直
光明。端師儒之範。峻禮法之防。陞湖州教授。去祀名
宦。

侯泰。泰以正德十二年任甯諭。先是甯學無名宦
鄉賢二祠。自泰建議。請於督學使者劉瑞。而二祠自
是始創。時仁和邵銳。謨名宦。詞記邑人許相。卿謨鄉
賢祠記。

李完。完由太學生。以嘉靖十三年任甯訓導。究心

聖賢之學其課士不專從事舉業於是士民有玉淵金井之號遠近播春澤秋陽之稱陞青縣教諭去謝德聰為之謨去思碑祀名宦

張〇〇號小泉〇〇人任甯學頗留意風教董蘿石議祀鄉賢其孫虬祥貧不能舉張呼集諸士諭以大義呈請當道一切費代辦不十日奉主入祠一時人士競高誼朱少梅記

或謂趙子曰子作備考凡載舊志者皆弗錄而於崇祀三廣文多錄舊文何也曰余讀至是蓋有重悲焉歷二百六十年而崇祀者寥寥三人三人所傳又寥寥數言耳大都入是局者已無復見世之志而秉筆

甯志備考卷六

三

是局者亦無復憐才之思脫令復置不錄一綫不遽斬乎余故併據郡邑志數條而特表章之俾後來者或有所感發思自振云或又曰然則子於去思諸碑而意復似不屑何也曰凡今之碑去思者皆未去而先為地者也崇祀大都在論定後固自不同

禮樂六之四

聖賢為禮樂所自出故樂校之後即以是繼之禮樂無二用故樂即附見於後

朝覲。國朝外官歲一朝洪武二十九年始定三歲一朝先三月設祭開局造朝覲冊臨行帶首領官一人吏一人有他故則以佐貳代

慶賀。凡遇正旦冬至

萬壽縣令率僚屬先期習儀於安國寺畢即迎龍亭設
置縣堂詰旦五鼓行禮禮十二拜嵩呼舞蹈搢笏出
笏問候升降等儀一如會典是日文武官畢集列班
文東武西其導迎龍亭儀仗則四十有二香亭一龍
幄一龍頭裱鈎二龍包柱四金椅一金踏橈一金盆
一金罐一龍袱二傘二扇四戟二戟髦戈髦班劍梧
杖立瓜卧瓜骨朶蹬杖斧鉞響節令旗並如戟之數
天丁四十有八報充例免徭役冠袍帶之數如之鞞六十鞞
鞋三十有六俱擡亭及執儀仗人用其樂用鼓吹二各一軍民細樂
一郡邑俱同。按國初儀仗之制森嚴整肅如此乃
今所為前導者十不得二三不足當丞尉之擁護矣
當事者能無惕乎

甯志備考卷六

禮樂

高

開讀。凡遇詔到縣令即率僚屬具儀仗出迎於津亭
朝服行禮畢即乘馬前導至縣治前下馬肅立大門
外候龍亭至即隨之入其禮一如慶賀儒學正官有
讀詔事於初行四拜後詣龍亭前受詔於賚詔者詣
開讀案讀訖乃繳詔復位儀仗樂制俱如前諸武弁
迎詔則於本所

護日月。凡遇日食縣令率僚屬具朝服行救護禮月
食則止具素服其行禮同但護日則所官咸集縣堂
護月則縣官咸集千戶所此惟海甯為然他邑皆在

縣。按甯邑故事護日則縣官設飯於東司護月則所官開宴於本所余謂飯可也若開宴而梨園酣鬯長夜流連似非恐懼修身意愛禮者當自酌之

祀先師。國初詔正諸神封爵位號惟孔子特仍其舊每歲以仲秋上丁日傳制遣官祭於國學洪武十五年始詔天下郡邑學皆祀孔子頒釋奠儀二十九年黜楊雄進董仲舒從祀永樂八年正文廟聖賢塑繪衣冠令合古式正統元年判定從祀諸賢名爵位次頒行天下二年進胡安國蔡沈真德秀從祀三年禁天下祀孔子於釋老宮八年進吳澄從祀洪治九年進楊時從祀嘉靖九年從輔臣張孚敬議改正祀典

甯志備考卷六

三五

易像以主改大成文宣王曰至聖先師孔子改大成殿曰先師廟殿門曰廟門四配稱復聖顏子宗聖曾子述聖子思子亞聖孟子十哲以下皆稱先賢某子左邱明以下稱先儒某子申黨棖即申棖去黨存棖黜公伯寮顏秦冉顏何荀况戴聖劉向賈逵馬融何休王肅王弼杜預吳澄等十三人俱罷祀進后蒼王通歐陽修胡瑗陸九淵五人從祀而林放蘧瑗鄭眾盧植鄭玄服虔范甯等七人則令祀於其鄉凡籩豆樂舞之數皆更定焉其內臣降香亦罷隆慶五年進本朝薛瑄從祀萬曆十二年進本朝王守仁陳獻章胡居仁從祀於是從祀諸賢自四配下則閔子騫冉

子雍端木子賜仲子由卜子商冉子耕雍宰子予冉子
求言子偃顓孫子師稱十哲其東廡四十七人則澹
臺滅明原憲南宮适商瞿漆雕開司馬耕有若巫馬
施顏辛曹卹公孫龍秦商顏高壤駟赤石作蜀公夏
首后虔奚容蒧顏祖句井疆秦祖縣成公祖句茲曰
公繇燕伋樂欬狄黑孔忠公西藏顏之僕施之常秦非
申棖顏澮穀梁赤高堂生毛萇后蒼杜子春韓愈程
顓邵雍司馬光胡安國楊時張栻陸九淵許衡西廡
四十八人則宓不齊公冶長公皙哀高柴樊須公西
赤梁鱣冉孺伯虔冉季漆雕徒父漆雕哆商澤任不
齊公良孺公肩定鄒單罕父黑榮斨左人郟鄭國原

甯志備考卷六

三

亢廉潔叔仲會公西輿如邾巽陳亢琴張步叔乘左
邱明公羊高伏勝孔安國董仲舒王通周敦頤歐陽
修張載二程頤胡瑗朱熹呂祖謙蔡沈真德秀薛
瑄王守仁陳獻章胡居仁。祭器九百四十有五祝
版一獻爵一百有九小爵一百有一登五劔二十簋
三十九簋如之籩一百六十有四豆如之篚九牲俎
二牲盤一百有九酒尊五杓五罍布如之祝案一酒
尊案一爵帛案亦如之盥盆二架如之祝匱巾三香案
九香鑪四十有一燭臺如其數而兩之毛血盆九瘞
毛血盤七鑊九洪武四年定各置高案籩豆簋簠登
劔悉用磁器成化十二年增定籩豆各十有二嘉靖

九年定國學祭用十籩十豆天下府州縣學俱八籩八豆。祭品洪武四年定丁祭牲皆用熟景泰六年以兩廡祭品儉薄增豕四棗栗黍稷形鹽各有差於是諸所陳設先師帛一筐酒三爵太羹一登和羹。釧黍稷二簠稻粱二簋形鹽鳧魚棗栗榛菱芡鹿脯八籩苴菹菁菹芹菹笋菹醢醢鹿醢兔醢魚醢八豆羊一俎豕一豆香一炷燭三對四配則每位帛一筐酒三爵太羹一登和羹二釧黍一簠形鹽棗栗鹿脯菱菹魚六籩菁菹芹菹笋菹鹿醢兔醢魚醢六豆羊一豕一香一炷燭二對十哲則東五人共帛一筐酒各一爵香一炷燭一對和羹一釧黍一簠稷

甯志備考卷六

二十七

一簋形鹽棗栗鹿脯四籩菁菹芹菹鹿醢兔醢四豆豕一分為五西五人亦如之東廡四十尤人四人為一壇分十二壇舊共豕一今三共帛一筐每壇酒四爵簠簋黍稷各一棗栗鹽脯菹醢之類各四籩四豆香一炷燭一對西廡四十八人亦如之按諸所陳設載亦多參差今酌其近是而現行者如之。其執事則讀祝一人通贊二人引贊十人拂拭七人陳設十有一人撤饌十有一人監宰二人瘞毛血七人奉帛九人執爵九人接帛九人接爵九人司盥洗三人司尊一人司樂一人司班次二人司大榜一人司香燭六人司飲福二人司受胙二人司搗二人集禧一人司滌祭器二人凡一

百一十一人。其樂制則洪武十七年詔議大成樂
二十六年頒大成樂器於天下令天下府州縣學各
如式製造成化十二年增樂舞為八佾嘉靖九年定
樂用六佾其樂器凡七十麾旛一祝一敔一琴六瑟
二鐘一十六磬一十六塤二箎二排簫二管簫六笛
笙如之搏拊鼓二應鼓一舞器七十有四節二籥三
十有六翟如之其樂生則四十人麾旛一人祝一人
敔一人琴六人瑟二人鐘一人磬一人塤箎排簫各
二人管簫笛笙各六人搏拊鼓二人應鼓一人工歌
六人舞生則三十有八人。其樂章迎神則曰大哉
孔聖道德尊崇維持王化斯民是宗典祀有常精純

甯志備考卷六

天

益隆神其來格於昭聖容奠帛則曰自生民來誰底
其盛維思神明度越前聖粢帛具成禮容斯稱黍稷
非馨惟神之聽初獻則曰大哉聖師寶天生德作樂
以崇時祀無斁清酏維馨嘉牲孔碩薦修神明庶幾
昭格亞獻終獻則曰百王宗師生民物軌瞻之洋洋
神其甯止酌彼金罍惟清且旨登獻於三再於嘻成禮
徹饌則曰犧象在前豆籩在列以享以薦既芬既潔
禮成樂備人和神悅祭則受福率遵無越送神則曰
有嚴學宮四方來宗恪恭祀事威儀雍雍歆格維馨
神馭還復明禋斯畢咸膺百福。其祝文則曰惟師
德配天地道冠古今刪述六經垂憲萬世謹以牲帛

醴齊粢盛庶品祇奉舊章式陳明薦以復聖顏子宗
聖曾子述聖子思子亞聖孟子配享尚享。凡祭則
縣正官必預戒羣有司散齊二日致齊一日先期習
儀省牲視祭品宿於祭所及期陳祭品設庭燎堂廡
楹間俱懸方燈墀列燎盤檠燈各官皆祭服行事分
獻官惟教諭訓導他官不與見會典諸興伏跪拜等
儀諸照會典。按樂舞惟先師用韶樂餘祀俱
用鼓吹

祀啟聖祠。嘉靖九年詔兩京及天下學校各建啟聖
公祠中祀叔梁紇題其主曰啟聖公孔氏之位而以
顏無繇曾點孔鯉孟孫氏為四配俱稱先賢某氏之

甯志備考卷六

二六一

位又以程珦朱松蔡元定從祀俱稱先儒某氏之位
每歲於祭先師日縣令率僚屬具祭服先赴行禮其
陳設祭品正位則羊豕各一簋豆各八簋簋各二鉶
三爵三帛一筐一東配豕一爵三帛一筐一每位簋
簋各一籩豆各四西配同東西從祀亦同諸儀節一
視先師樂則用鼓吹其祝文曰惟公誕生至聖為萬
世王者之師功德顯著茲以先賢顏氏曾氏孔氏孟
氏配享云云

余按國初所頒祭器祭品樂器諸式惟兩太學小
異而天下府州縣學固無以異也今志所載甯學
樂器止四十有二視所謂樂器七十舞器七十有

四者僅存四之一耳且琴瑟無絃鼓無革羽流執事僅十許人有不知祝啟為何物者所志祭器於所謂九百有奇者頗不甚遠顧歲久湮廢殘缺過半憶丁卯秋余以計偕交盤先期一為查核如銅簠簋有有底無蓋者有底蓋全缺者詰其故則該書歷賚前任交盤冊以進曰從來已久不知缺自何年何人邈不可詰矣惟錫器頗全而大小輕重多不合冊有以小易大輕易重者余窮詰之則方今在事時禮房書記某借修治為名因而易之也余召至今如原式補造器乃與冊合若一切竹木器則廢者大半矣祭品有豕羊而無鹿余議復鹿祀用鹿自丙寅秋丁始然細甚不當巨羝也其他物一切苟簡余懼為肉之嫌置不問引嫌蔑禮余安所逃罪乎

甯志備考卷六

三

陳善曰余觀先師之祀而知王道之易易也然不能無慨焉夫去像立主崇正也舍爵稱師重道也禮兼四代備制也樂舞六佾貞度也削濫進賢公議也推本逮親廣孝也知其說者之於天下也語不虛哉乃至今日而作者精意寢不可睹矣予入太廟每事問今執事者舉禮樂之器詢之十不得四五而莫之問也取血以告殺今未祀而飲鹿血者有之何以為告

也攘竊神祇之犧牲大罪也今初獻甫行而竊脯醢於籩豆者接踵是將食無災也兩廡祭品向嘗以太簡議增今乃併虛器置之概不陳列是令諸賢枵腹也鐘磬各有十六今乃間懸一二蓋倦於檢収也香以尚馨燭以尚明今僅爇片香望瘞未畢而燭已滅何以為馨且明也胙之錫也以均惠也今輿臺胥吏咸飽其腹而諸生自執事外鮮嘗一嚙其弊豈真無肉也夫是數者之不軌於禮彰明較著而當事者莫之非也聖人精誠奧義又安望其能明乎余故詳之以俟夫愛禮者

祀社稷壇。洪武十一年定社稷合壇同祭禮祭之日

甯志備考卷六

三

其入由北門先時埋石主於壇南正中臨祭則別設二木主於案而祭之其稱曰海甯縣社稷之神歲以春秋二仲月上戊日致祭執事禮生減先師廟之五洪武初以品官高者行初獻次亞獻次終獻十四年詔一切祀事自旗纛外皆文官行禮而武官不與焉仿古刑官不與祭意也禮器八十有一祭品社帛一篚酒三爵和羹以鉶黍稷二簋稻粱二簋棗栗鹽薨魚四籩韭菹菁菹醢醢鹿醢四豆羊一俎豕一俎稷如之凡祭亦預戒羣有司散齋二日致齋一日臨時省牲宿於齋所具祭服行事樂用鼓吹。按今祭惟具帛爵羊豕餘俱無

祀風雲雷雨山川概城隍。洪武初禮制未定八年始
詔以風雲雷雨山川合一壇於春秋二仲上旬擇祭
日甯邑以祭社稷次日祭之日則奉遷城隍主於壇
合祭之壇制午向定其號曰風雲雷雨之神海甯縣
境內山川之神海甯縣城隍之神風雲雷雨位於中
山川左城隍右禮器每位與社稷同祭品風雲雷雨
帛四同篚山川帛二同篚城隍帛一自篚餘俱同社
稷執事無瘞毛血終望燎樂用鼓吹

祀名宦。歲以春秋二仲月上丁日祭先師禮畢即易
服致祭於祠諸儀節俱如羣祀

祀鄉賢。祭期儀節與名宦同。按鄉賢一祀與名宦
甯志備考卷六

三

不同諸賢後裔有列在於衿者自宜趨蹌執事相率
羅拜其下諸郡邑皆然而甯獨否無論高卧不出間
有出者亦立視不為禮諸賢有靈能無恫乎

祀旗纛。洪武元年令天下守禦官俱於公廨後設壇
立旗纛廟中設軍牙六纛神位歲以驚蟄霜降二日
守禦長官武服行禮今春祭已草歲惟霜降一祭祭
之先一日出諸旗纛迎之謂之揚威至祭日子夜行
事縣官不與

祭厲。洪武三年六月詔天下郡邑各設壇於城北郊
以祭無祀鬼神邑曰邑厲鄉曰鄉厲歲以清明日中
元日十月朔日舉祀事先三日縣正官詣本縣城隍

廟預發告文請城隍主其祀至祭日則設位於壇上南面具羊一豕一其下左右則設無祀鬼神位具羊三豕三解置於器飯用三石米羹與飯稱酒與香燭亦稱之縣官乃率其僚屬於暮夜詣壇所致祭焉祝文甚長其先期牒請城隍亦有祝文俱載會典祀雙忠。舊祭唐睢陽太守許遠兼祭張中丞巡及南霽雲雷萬春姚閻共五公洪武四年詔獨祀許公以所生地故今仍兼祀五公歲以十月十六日致祭其期定自宋鹽官令吳由蓋許公盡節之日也正德十六年增春祭縣正官率屬行禮

祀雙仁。祠之初止祀唐顏真卿而後以杲卿配之因甯志備考卷六

三

名雙仁祀舉於中秋日其禮一如雙忠祈禱。凡遇旱潦縣令率屬禱於城隍又甚則徧禱羣神其禮與諸郡邑同

新官上任。國初禮制凡新官上任必先備祭禮謁告本縣諸神畢始入城上任宣德十年令先期入城齊宿城隍廟屆期會請諸神於公所以羊一豕一同祭祭畢乃詣治所易公服於露臺行謝恩禮禮畢升公座尋易常服各屬參見禮畢乃署文移乃饗官屬父老今惟入縣時祭儀門祭衙而謁告各神皆在到任之後官屬有公堂宴無饗父老者。按縣官到任有公堂宴此為同堂諸僚設也若儒學官與縣官其不

同堂明矣今縣有公堂宴必設本學席非禮也余自乙丑至甯值謝令到任不赴宴自後一切衙官新任立春等宴並不赴從來堂尊之尊其誤皆起於此余不敢不正

朔望謁廟。國初禮凡朔望日縣官俱於本治先謁土地祠畢隨謁

先師次及城隍廟今禮必先謁聖次城隍次土地其次第似為近之縣令升堂講書惟初蒞任時一行亦有不行者本學與令居恒相見迭為賓主

鞭春。每歲立春節有司預造土牛芒神先一日縣正官與其僚屬俱常服具鼓吹或用伶人扮雜劇前導

甯志備考卷六

三

出城迎春於東郊至縣儀門外置土牛南向芒神則坐東朝西各官肅揖而退是日縣官設宴於縣堂故事本學必赴宴是謂春酒余絕不往以坐次難定也鄉飲。洪武初詔行鄉飲酒禮以每歲孟春孟冬有司與學官率士大夫之老者行於學校十六年始定制以歲正月望十月朔舉行其禮先時預推本境士大夫之齒德並茂者肅啟敬延屆期昧爽執事者宰牲具饌布席賓位西北東南面介位西南東北面主位東南西北面僕位西北東南面三賓在賓之右稍後位北南面衆賓在三賓之前稍後位西東面三僕在僕之左稍後位北南面司正在主之右稍後位南北

面僚屬在僕之前稍左位東西面人一席賓以下序齒主以下序爵凡在西者皆為賓東皆為主而僕則鄉人士大夫助主人樂賓者也席既定主及僚屬司正先詣學遣人率賓以下比至執事者報賓至主率僚屬出迎於庠門之外三揖三讓而後升堂再拜就位司正行揚解禮執事者斟酒於解以授司正司正舉酒曰恭惟朝廷率由舊章敦崇禮教舉行鄉校飲非為飲食凡我長幼各相勸勉為臣盡忠為子盡孝長幼有序兄友弟恭內睦宗族外和鄉里無或廢墜以忝所生讀畢司正復位乃唱讀律令執事者舉案引讀律令者至案前北向立賓僕以下皆拱立聽聽

甯志備考卷六

三五

畢各揖就位執事者唱獻酬獻酬畢交拜就位執事者乃唱飲酒或三行或五行或七行乃起執事唱撤饌主東賓西贊兩拜訖至露臺行謝恩禮於是賓主揖而出主仍送賓出庠門。按此據郡志參會典而錄之然誌典多有參差不合者而甯庠所行更多廢缺如司正戒諭之詞惟嚴賓在坐間或一讀若講讀律令則絕不聞矣其他儀節減削者過半此雖禮生之故然亦司教者責也余何能追也

其各鄉鄉飲禮已久廢置不錄

鄉射。洪武三年令生員日講畢習射府縣官治事畢亦與學官習射朔望如式行射禮八年四月改每月上下旬各習射三日二十五年重定射式朔望以提

調官主射事永樂三年復申敕習行後寢廢或督學使者間一舉行亦具文也禮部所定圖式儀注甚詳載會典。以上皆官府所行

冠禮。大明集禮士庶冠儀凡男子年十五至二十皆可冠將冠先期筮日筮賓戒家人陳設至日賓至迎賓入行三加禮乃醮乃字乃見祠堂及父母尊長乃禮賓此禮今惟宦家或行民間鮮有行者

婚禮。大明集禮士庶納婦凡男年十六女年十四以上並聽婚娶既擇配筮得吉先遣媒氏通言女氏許則命媒氏行問名納采納幣請期等禮至期婿盛服親迎明日婦見祖禰次見姑舅婿則往見婦之父母甯志備考卷六今民間此禮不甚合亦不甚悖乃往往有論財者則去禮遠矣

甯志備考卷六

三

喪禮。大明集禮所載士庶喪儀自疾草殯殮弔賻奠葬以及明器誌石祥禫祔祭服制月日等類其說甚備大要不出家禮今甯俗所行雖不盡合亦不甚悖惟尚浮屠溺風水則殊不典。余按甯民沿杭之俗人死不葬多停之家至有一家停三四柩者又有浮厝桑地聊編竹為蔽者戊辰海嘯遂至漂浮順流而下往往數十柩聚一處子若孫求之不能認遂多棄不復求風俗薄惡至此為民上者能無惻然動念乎祭禮。大明集禮庶人得奉四世考妣之祀以四時仲

月享之於寢先三日齋戒先一日陳設省饌詰朝行事禮畢而餽其祝文載教民榜中文曰昔我祖考相繼鞠育子孫懷抱提攜劬勞萬狀每逢四時交代隨其寒暑增減衣服撙節飲食或憂近於水火或懼罹於疾病百計調護惟恐不安此心懸懸未嘗暫息使子孫成立得有今日皆祖宗之恩也雖欲報之莫知所為報茲者節屆春夏秋冬追感昔時不勝永慕謹備酒肴羹飯率闔門眷屬以獻云云此文久廢不讀雖號為士大夫者亦未必盡知為詳錄以告也

墓祭。此祭大概在新年清明十月朔三時而前後無定日豐約亦無定儀。按冠婚喪祭四儀品官與庶人畧同見集禮

甯志備考卷六

三

忌祭。集禮著其名而不著其儀民間亦多忽之間有舉者或不易常服非也獨奉所忌之主於別寢素服淒愴以行禮庶為得之。按郡志謂忌祭宜舉哀余謂哀發由衷若泥定舉哀便有佞哀詐泣者但行禮時專精一慮思其昔時疾革光景愴然於中不失哀意可耳

五祀。士庶不得盡行近亦鮮行惟歲暮或遇節屆則祀土神祀竈者十家而九若門戶井之祀則百不得一二矣至設位迎尸之儀概未有解也

祀里社 祀鄉厲。上二祀國初制令設壇於各鄉輪

推一會首以時舉行有讀誓合飲之禮今皆久廢不復贅

甯志備考卷六

三

甯志備考卷七

當湖鈍叟趙維寰輯

典籍七之一

學校者典籍之所自出故既志禮樂即志本學所藏諸籍而以甯邑諸前輩著述附載其後

甯學藏書載在縣志者凡八種余丁卯交盤查核則亡其六止存二而二復散佚大半與不存同獨他書增置未入縣志者頗富並列其目於後

五經大全各一部舊有今亡

大狩龍飛錄二本舊有今亡

孝順事實一本舊有今亡

甯志備考卷七 典籍

鄉射禮書一本舊有今亡

醫方選要二十本舊有今亡

外科集驗方二本舊有今亡

五倫書舊六十二本今止存十二本

勸善書舊一十四本今止存九本

以上皆嘉靖丁巳以前藏書散佚已莫可考其丁巳後藏書目凡十有四

四書六本

易經六本

書經四本

詩經六本

春秋十本

禮記八本

以上六籍俱綿紙每縣令試士輒取以命題或經月

不還恐後不免缺佚

性理十五本全

為善陰隲書二本全

資治通鑑八十八本全

史記二十四本全

綱目六十本全

大學衍義四十本全

文獻通考八十本全

吾學編二十三本全

以上諸籍今俱在尊經閣貯以二櫥鎖鑰具備但所謂全亦止據交盤冊本數或有缺於本數之外者須再核

甯邑名公著述其存與不存雖無可考而書目猶存為據郡志併所覩記識之

周禮註十二卷

答孫畧周禮駁難五卷

甯志備考卷七

二

七廟議一卷

禮記雜義五卷

後養議一卷

晉書二十三卷

搜神記三十卷

搜神總記十五卷

司徒議註五卷

干子立言十卷

干子正言十卷

干子十八卷

百志詩九卷

蘭亭詩集二卷

文集五卷

以上俱干寶撰

尚書百問一卷

毛詩解序義一卷

老子義綱一卷

道德經義疏四卷

夷夏論一卷

文義三十卷

集三十卷

以上俱顧歡撰

毛詩義疏二十卷

喪禮義疏二卷

孝經義疏 〇卷

論語義疏 〇卷

老子義疏一卷

集二卷以上俱顧越撰

三禮義記四十卷

禮記義疏四十卷以上俱戚家撰

帝王紀錄三卷

翼善記 〇卷以上俱褚無量撰

禮樂集十卷

歷古創制儀五卷

韻海十六卷

韻海鏡源三百六十卷

筆法一卷

文集十五卷

廬陵集十卷

臨川集十卷以上俱顏真卿撰

畫評一卷

顧況集二十卷以上俱顧況撰

非熊集一卷

妙女傳一卷以上俱顧非熊撰

尚書閏義一卷

尚書述義二十卷

甯志備考卷七

三

古文尚書義疏二十卷

書文外義一卷

古文尚書音義五卷

今文尚書音義一卷

大傳音義一卷以上俱顧慮撰

尚書詳說五十卷

咸有一德論一卷

大學說二卷

中庸說六卷

少儀解一卷

孝經說一卷

論語解二十卷

鄉賢說一卷

孟子義解十四卷

孟子拾遺一卷

四書解六十五卷

無垢心傳錄十二卷

橫浦語錄十四卷

春秋講義一卷以上俱張九成撰

二經雅言二卷

孟子錄四卷

大學中庸孝經說各一卷

唐詩列傳辯證二十卷 西漢書刊誤一卷

翰林詞章五卷 以上俱汪應辰撰 言行編遺文一卷 于恕撰

橫浦日新錄二卷 郎暉撰 猥稿四十卷 郭知運撰

大悲閣記一卷 蘇軾撰 鹽官圖經 潘景夔撰

重修鹽官圖經 吳由撰 海昌先賢錄二卷 楊均撰

玩齋集二卷 修西湖書院記 以上師泰撰

華庚記二卷 袁肅記二卷 以上陳申撰

菩提山靈泉記 陳逸撰 廣福院記 李肩白撰 南路場僉帥陳君記 陳日選撰

天台院記 葛纍撰 雙廟記 錢惟一撰 惠力寺捨利衆善說

瑞應觀音院記 崇福寺記 以上俱人符撰

甯志備考卷七 四

安國寺轉輪藏經記 重建東嶽行祠記 以上傅達可撰

三皇廟記 黃潛撰 胡令公廟記 徐圓撰

廣福廟記 康存誠撰 重修長安橋記 陳廣仁撰

重修城隍廟記 李貞撰 海潮圖賦一卷 盧肇撰

海濤志一卷 竇叔蒙撰 海潮圖說二篇 燕肅撰

海潮圖序 余安道撰 潮論一卷 邱光庭撰

太虛潮論一卷 錢熈撰 海潮圖論三卷 謝順撰

潮說會最一卷 張君房撰 海潮圖說 余清撰

海潮論一卷 趙嗣昌撰 松園集 僧守璋撰

海甯舊志 曾祖撰 海甯志補 朱迪撰

螺城集 孫子良撰 靜庵集 朱氏撰

醉桃詩集

徐寬撰

天竺觀音旃檀像記

雪溪漁唱二集

雲壑集

以上俱蘇平撰

禮經私錄二卷

宋元史詳節一卷

古文集成二卷

以上俱祝萃撰

雲村集

許相卿撰

窮居集

張涑撰

菊花晚香集一卷

碧里四存前稿

海甯志九卷

以上俱董濂撰

史雋

許應元撰

詒美堂集二十四卷

五簋約一卷

天人合脈一卷

以上俱祝以齋撰

選舉 附貶封七之二

古來選舉設科不一而邑志及談子外志止括以薦

辟制舉二科似與闢門籲俊之旨未合今以郡志為

甯志備考卷七選舉

五

薦辟科

主而參之圖經分科類列錄名於左其名已載二志

者不重列若本朝鄉會二科則不嫌詳備以今世俗

艷誦士子畢生死心者全觴重此法不得略也

薦辟科十人

晉●干寶 以才器薦授著作郎

宋●楊由義 以孝二薦任刑部侍郎

元●朱圭 以二才薦任教授

皇明●胡奎 洪武初以人才薦任教授

陳景宏 洪武中以儒士舉任辰州府通判

夏子謙 永樂中以吏才薦任大理寺左評事

王賓 永樂中以楷書薦任禮部郎中

朱祚 永樂中以詞賦薦任尚寶司

許性 〇〇中以楷書薦任刑部郎中

宋徽 正統中以精歷法薦任保章正

明經科一人 唐以前俱無考

唐〇褚無量 有傳

特奏名科十五人 宋以前以後俱無考

宋〇章嘉 蘇友宜

管煥 聞人藻 四年見圖經

于恕 淳熙二年 徐禹績 淳熙八年

游之奇 淳熙十一年 郎 晔 一日郭晔

朱徽 沈璿

甯志備考卷七

六

明經科特奏名科

朱待聘 鍾振 以上五人俱

章之光 慶元二年 倪嗣宗

張寅 以上二人俱 王鵬遠 圖經姓據今據

按于恕以下十二人 郡邑志俱列進士科 而郡志

於倪嗣宗張寅又云 舊志無甯志收蓋舊志即圖

經也 圖經載二人於特奏名 故不列進士特奏名

亦進士 故十二人總列進士科。又按郡志云特

奏名一科 咸淳志不載 成化志雖載而係年俱差

故今志是科 俱不係年 余謂圖經作於宋 其係年

必有所考 據當以圖經為正

賢良方正科 本朝以前無考

皇明蘇平

孫璋俱詳
邑志

懷才抱德科 本朝以前無考

皇明朱裡詳邑志

稅戶人才科 本朝以前無考

皇明許懋

陳公壽

沈伯祥

俞辰俱詳
邑志

進士科此科惟六朝以前無考自唐至
今相沿不廢其得人為獨盛

唐顏真卿 開元十三年 顧况 至德二年

顧非熊 長慶中 敕賜及第

宋吳綱按圖經一載熙甯九年丙辰科徐鐸榜第四甲今
甲一載元豐五年壬戌科黃裳榜第四甲今

郡志無綱名邑志止載綱
於徐鐸榜當以圖經為正

甯志備考卷七

七

朱登崇甯三年甲申科以幸學賜第累官權
管南京留守司御史臺公事見圖經

凌景夏咸淳志收海甯
一曰餘杭人

趙公遷紹興二十一年趙逵榜二十七又列
王十朋榜郡志並收邑志止載趙逵榜

木待問甯志收舊圖經止載木待問榜王恕一人
而甯志不列待問於鹽官恐當以圖經為正

趙用龍郡志曰戴用龍圖經曰
趙用龍當以圖經為正

錢昌言昌言以上舍
登第見圖經

按吳綱以下七人俱列名郡志獨其間有與圖經
參差不同及未備者故據圖經訂補之餘尚可四
十餘人已載邑志。又按郡志自唐開元迨元至
正杭之屬縣登名選舉者凡七百三十餘人其明
註海甯人者止七十人耳不註某縣者可三百許

甯於其中或尚有人焉惜無明徵不敢漫錄

皇明陸子孟 登郡志云洪武一云乙八年會榜仕至刑部侍郎

邑志不載

沈升 永樂甲申曾祭榜二甲館選仕

曹彥昌 與沈升同榜三甲

俞禮 沈升同榜三甲

曹景暉 沈升同榜三甲

孫子良 沈升同榜三甲

杜海 永樂九年蕭時中榜仕江西道御史郡志

陳資茂 永樂乙未三甲廷試於北京自

甯志備考卷七

進士科

姚哲 三甲文正統十年乙丑商輅榜廷試

徐海 三甲化仕未謝遷榜廷試

徐寬 二甲夫成化辛丑王華榜廷試

祝萃 甲字惟貞號虛齋成化甲辰李旻榜會魁二

賈時 三甲同榜祝

查煥 錢字福文獻號東谷弘治庚戌登

孫武卿 庚戌益都知縣二甲

許元奎 字文華號一齋壬戌康海榜二甲八

查約 字累齋右副都御史一百十九

郭楫 弘治乙丑顧鼎臣

許相卿 字伯台號祀山正德十二年丁丑

登科考陳資茂甯海縣人

登科考徐寬海甯籍台州太平縣人

登科考賈時直隸歸德衛籍

登科考郭楫崇德籍海甯人

登科考吳鵬
秀水縣人

登科考直隸涿
鹿衛籍海甯人

謫河陽州同知
非揚州州志亦誤

吳鵬 號二甲 隸泉嘉靖 癸未姚涑榜

祝繼臯 車駕未三甲 仕終兵部

王道 縣志未三甲

許檣 卿字舟仲 丙戌龔用

沈友儒 字南泉 嘉靖戊戌茅瓚榜二甲

朱執中 刑部主事

孫喬 字世終 南戌參議 官

查秉彝 字性山 嘉靖戊戌會魁 三甲 仕文選司

徐鶴齡 字蓉石 戊戌參議 任陝西道

朱瑞登 字禾東 嘉靖辛丑沈坤榜三甲

馮覲 號小海 錢塘籍 嘉靖甲辰秦鳴

甯志備考卷七

九

唐禹 號新洲 甲辰會魁 三

朱有孚 字薇山 甲辰三府

陸州 字賓海 甲辰三府

蔡用 字錦衣 衛籍 嘉靖丁未李春芳榜

吳遵 字未三 甲辰太僕少卿

孫塘 字惺齋 杭州右衛籍 庚戌唐

周用 卿 錦衣衛籍 庚

沈志言 字慎齋 嘉靖三十二年陳謹榜

祝世廉 字存溪 嘉靖癸丑會魁 官刑部

徐炳 字改亭 癸丑二府 贈中憲大夫

董鯤 字起化 河南道 仕終湖廣副使 中憲大夫

沈淳 字孟湖 癸丑三甲 官建甯

查志立 號敬峯 丙辰諸大 授參政

董學 字希賢 號愚齋 丙辰三 甲

吳紹 字汝復 秀水籍 嘉靖三 十八年 會試二 百

查志隆 字鳴治 號紹庭 己未會 試二百 十六名 廷

楊松 籍嘉靖 四十四 年 范應 期榜 河南 南陽

居守 守三省 心乙丑 范應期 榜

周啟祥 守南鶴 隆慶戊 辰會試 三十七 名 羅

祝世喬 字槐門 戊辰會 試一百 十四名 廷對三 甲

甯志備考卷七 十

郭知直 字汾源 辛未張 元忭榜 三甲

孫星 字繼皋 萬曆甲 戌

陳與郊 字廣野 甲戌會 試四名 廷

查允元 號虞臯 癸未會 試丙戌 唐文獻

葛孔明 字冰壺 癸未會

祝以幽 字耳劉 丙戌廷 對二

黃如金 字汝鵬 一嘉字 奇南己 丑會試 二百五 十知

祝以庭 字聞微 己丑會 試二百 三十名 廷

朱與翹 字楚伯 壬辰翁 正春榜

州名廷試 州名廷試 州名廷試

州名廷試 州名廷試 州名廷試

州名廷試 州名廷試 州名廷試

州名廷試 州名廷試 州名廷試

褚繼良嘉興籍海甯人乙未會試二十六名官南刑部主事

徐紹曾號陽華甲乙未

祝以岱字南華甲辰會試五十九名楊

曹振陽字春二甲丁未會試二百三十三名廷對黃士

許令典字甲六丁未會試五十四名廷對

徐從治字仲華一名鹽學易丁未會試一

陳玄暉字無象癸丑甲丑會試九百五十一名廷對周

周鏘字子宣癸丑甲丑會試一百四十

許士奇字稚正癸丑會試一百三十八名廷

陳祖苞字爾翔癸丑甲會試二百七十

董志稷字配公丙辰會試一百二十二名廷對

甯志備考卷七

陸一騏字伯驥本餘姚人丙辰會試一

徐伯徵字吉臣己未會試一百二十七名廷對莊

史起英字醇甫海甯籍本餘姚人初授建德諭己

名

潘陳忠字蓋孟天啟壬戌會試

曹履泰字煌大來海鹽人乙丑會試俞

葛徵奇一字宰榜三徵崇禎戊辰劉

按上本朝進士七十七人皆本郡邑志而參以徐生而薦歷朝進士考視志稍備焉

鄉舉科元以前無考

元賈祥麟

賈祥鳳二人見郡志

馬振

馬徊

馬

秩三人見談子外志

按郡志云成化志自唐宋迄元皆有進士無鄉貢今以他書考之得元貢士約十人而海甯有其二若唐宋則竟不可考矣余按郡志所謂二人即二賈是也外志三馬當別有所據

皇明。按洪武三年至景泰四年鄉科舉額皆隨時增減非有定數余故以題名外每科併載其增減之畧以備參考再讀徐一夔送舉子趙惟一計偕序畧則自宋元迨國初其解額之概亦畧可睹云。序曰洪武五年秋八月浙省鄉貢既撤棘杭士預

甯志備考卷七

七

鄉舉科

貢者五其第三人則錢塘趙惟一執中也執中將上春官予告之曰科目之設在隋唐者余弗暇遠引宋以方州貢士謂之鄉貢元暨國朝以行省選貢士謂之鄉貢杭為方州時貢士之額自淳熙至景定增之二十二人元置行省於浙領郡三十二杭隸焉貢士之額僅二十八人是時杭之士不加少也三年或不能貢一人今領郡九杭亦隸焉增額至四十人矣杭之士不加多也三年一貢有至六七人者猶慮未足以盡士也復比年一貢焉執中蓋比年所貢士也元有科目名存而實不副以二十八人之額收三十二郡之士幾何其不遺乎

方今首建科目以廣取士之塗如杭之士預貢者

無虛歲甯復有皓首窮經之歎哉見郡志

陸子孟郡志云子孟洪武間中式談子外志則直載之甲子科徐子題名考則又云甲子乙

丑聯捷見登科考

按郡志云洪武三年五年八年十七年鄉榜海甯皆無人然考洪武十八年進士有陸子孟子孟甯士也則十七年以前當列鄉榜而舊志不載試錄亦散佚無考余殆不能無憾及讀新城志所載王順德以歲貢登甲第而孤樹哀談亦著送中書姓名入禮闈填榜之語則不由鄉試成進士者國初疑亦有之第不盡然耳然則列進士而不列鄉舉

甯志備考卷七

十三

者以意逆之可也。余按郡志云云則子孟蓋歲貢生即前徐一夔序所謂比年一貢者是也趙惟一以比年貢士而亦云計偕則歲貢入會場明矣今邑志載子孟於貢生題名而不列鄉舉良是余特因郡志以存其名若談子之直列甲子科與徐子之所謂子丑連捷皆未有確據余未敢信謂然也

杜遠洪武丁卯科官山東濟南教授一日錢塘籍海甯人

平秩洪武二十九年丙子科官五經博士由杭州府學生

洪武三十四年浙省解額六十四人見郡志按三十四年當是建文末

沈升永樂癸未鄉試中式第二名

按信謂之謂疑為字

曹彥昌 永樂癸未鄉試二十九名

俞禮 永樂癸未鄉試四十五名郡志云成化志不收甯志收係永樂元年

曹景暉 永樂癸未鄉試一百二名

孫子良 永樂癸未科。徐子題名考子良係洪武三十三年貢生

按郡志云永樂二年進士有沈升曹景暉曹彥昌孫子良四人而以前鄉科俱不載不知何故今縣志則列五人於癸未科而進士題名則曰永樂二年查二年歲次甲申則癸未固永樂元年也談子誤甲申為甲戌不可不證又按郡志云成化志通志俱以洪武三十五年永樂元年分兩科今考各縣志但有永樂元年並無洪武三十五年獨錢塘

甯志備考卷七

古

學題名記有洪武三十五年而永樂元年則不書且所載三十五年之人半屬元年之人則其故亦可見矣嘗聞長老言三十五年正靖難兵革倥傯時無暇鎖棘故需至元年此其說近是。余按郡志載洪武三十四年科額六十四人其載永樂六年曰六十七人大致不甚相遠而徐子題名考於曹景暉則曰癸未一百二名何溢額甚也豈建元之始特開科耶徐考於孫子良又云洪武三十三年貢生甲申庶吉士查三十三年歲在庚辰而亦載之癸未縣志亦載之癸未何也徐子或別有據姑並存之以備考

永樂六年戊子科解額六十七人

錢克鎔

戊子中式四十三名見徐子題名考郡志云是科題名無

永樂九年辛卯科解額一百二十二名

倪瑞 辛卯中式七十三名仕深澤學訓導

杜海 辛卯中式一百六名海進士題名亦曰永樂九年鄉會同科必誤

永樂十二年甲午科解額一百六十九人

顧凱 一日愷學生書中十八名仕寶應學教諭

陳資茂 學生易中一百六十六名郡邑志俱不載徐考收

永樂十五年丁酉科解額一百八十五人

沈甯 中八十三名官國子助教

沈振 中九十五名仕綿竹教諭

甯志備考卷七

楊璪 中一百名仕圻州學正

永樂二十一年癸卯科解額一百八十九名

郭勝 禮記中七十二名學生仕國子監學錄郡志云成化志無勝名

宣德元年丙午科解額四十五人是科以後四年己酉

七年壬子十年乙卯正統三年戊午解額俱同六年

辛酉額無考題名亦無

正統九年甲子科解額無考

姚哲 學生易中甲子三十名郡志云甯志收通志成化志無哲名

正統十二年丁卯科解額六十人是科題名無

景泰元年庚午科解額一百五十二人

陳紀 學生易中庚午一百四十五名官鹽課司提舉

景泰四年癸酉科解額一百十名

褚靖學生易中癸酉三十三名仕太平府通判

景泰七年丙子科解額九十人浙額之定九十自是年

始。萬歷以後額復漸益是科題名無

郭誠學生詩中天順三年己卯科二十七名

徐海儒士詩中天順六年壬午科五十七名

聞璇學生詩中成化十年甲午科四十九名仕

孫武卿府學增生中成化十年甲午科五十九名

祝萃學生禮記中成化十三年丁酉科十七名

徐寬學生易中成化十六年庚子科十三名

查煥學生易中成化十六年庚子科十八名郡

甯志備考卷七

六

縣志

周廂學生禮記中成化十九年癸卯科三十二

賈時學生歸德府通判郡志云通志無廂名

王天民學生詩中成化二十二年丙午科四十五

王珏學生詩中弘治二年己酉科四十一名

郭揖名崇德籍學生詩中弘治五年壬子科十九

查約儒士詩中弘治八年乙卯科四十名

葉鸞學生禮記中弘治八年乙卯科六十名

姚章學生易中弘治八年乙卯科七十一名仕

許元奎學生易中弘治十四年辛酉科七名

陸大有學生易中弘治十四年辛酉科八十九名

許楫卿 學生易中弘治十七年甲子科四十六名

聞師孟 學生詩中弘治十七年甲子科七十八名

祝鰲 字東田 學生禮記中弘治十七年甲子科

董銓 學生易中弘治十七年甲子科八十八名

許相卿 學生詩中正德二年丁卯科四十一名

沈永年 增生禮記中正德五年庚午科二十八名

唐世卿 學生易中正德五年庚午科五十一名官

祝繼龍 字樂有 學生易中正德八年癸酉科十九

陳中孚 學生易中正德八年癸酉科二十二名

祝繼臯 字龍山 學生春秋中正德十一年丙子科

董穀 字寔甫 學生詩中正德十一年丙子科十

甯志備考卷七

十七

蔡福 府學生中正德十一年丙子科名次無

陸宗俊 郡志載府學仁和人中正德十一年鄉試

周雲 字舒城 知縣錄以備考 正德十四年己卯科五十九名

祝繼英 字次湖 中正德十四年己卯科順天鄉試

祝繼倫 字染溪 學生禮記中嘉靖元年壬午科五

吳鵬 學生嘉興志不載 詩中嘉靖元年壬午科五十

聞嘉言 學生詩中嘉靖元年壬午科六十二名官

陳中節 學生易中嘉靖元年壬午科九十名官霍

王道 鹿衛籍詩中嘉靖元年壬午科順天鄉

查秉彝 附生詩中嘉靖四年乙酉科二十一名

許檣卿 學生詩中嘉靖四年乙酉科五十一名

徐澤 學生易中嘉靖七年戊子科八十五名

張涑 府學生書中嘉靖十年辛卯科十三名

吳遵 字初泉 增生易中嘉靖十年辛卯科六十

朱執中 字純齋 學生易中嘉靖十年辛卯科七十

顧鏞 府學生易中嘉靖十年辛卯科七十七名

查秉鉞 字見薇 學生詩中嘉靖十三年甲午科七

唐禹 名官肥 增生易中嘉靖十三年甲午科十六名

馮覲 名府 學生詩中嘉靖十三年甲午科二十七

朱有孚 學生易中嘉靖十三年甲午科七十三名

蔡用乂 易中嘉靖十三年甲午科順天鄉試

甯志備考卷七

六

沈友儒 學生書中嘉靖十六年丁酉科三名

陸州 附生易中嘉靖十六年丁酉科三十三名

徐奎 名錢塘 增生易中嘉靖十六年丁酉科十四

孫喬 學生易中嘉靖十六年丁酉科四十一名

徐鶴齡 府學生增生易中嘉靖十六年丁酉科五十

王懷愚 邑志 不收見郡志 學生詩中嘉靖十六年丁酉科六十四名

濮樟 乙未貢 入太學 易中嘉靖十六年丁酉科

徐禾 無考 官茶陵知縣 丁酉科應天鄉試名次

朱瑞登 學生詩中嘉靖十九年庚子科二十七名

周國卿 監生易中嘉靖十九年庚子科順天經魁

徐輅 號鳳橋 易中嘉靖十九年庚子科應天鄉

周儒 監生書中嘉慶十九年庚子科應天鄉試

祝世廉 名次無考郡志云通志無周儒名

褚相 號元泉學生書中嘉靖二十二年癸卯科

朱瑞明 號聚槐附生詩中嘉靖二十二年癸卯科

徐炳 名儒士易中嘉靖二十二年癸卯科三十六

沈淳 附生易中嘉靖二十二年癸卯科四十二

孫塘 仁和學生易中嘉靖二十二年癸卯科六

查秉直 字九一名邑志不收

朱衣 附生易中嘉靖二十五年丙午科六十三

沈志言 學生書中嘉靖二十八年己酉科七十六

董鯤 學生書中嘉靖三十一年壬子科四十八

甯志備考卷七

孫星 增生易中嘉靖三十一年壬子科六十六

董學 海鹽學生易中嘉靖三十四年乙卯科十

查志立 學生詩中嘉靖三十四年乙卯科四十名

祝以庠 號果峯增生易中嘉靖三十四年乙卯科

楊松 易中嘉靖三十四年乙卯科河南鄉試

居守 附生易中嘉靖三十七年戊午科三十三

查志隆 附生詩中嘉靖三十七年戊午科四十三

吳紹 順天興縣監生書中嘉靖三十七年戊午科

查志宏 號天友峰監生詩中嘉靖三十七年戊午科

祝世紳 增生易中嘉靖四十年辛酉科五十四名

祝世喬 學生易中嘉靖四十三年甲子科五十二

陳與郊府學附生春秋中隆慶元年丁卯科六十一名

周啟祥增生易中隆慶元年丁卯科七十七名

沈志文監生書中隆慶元年丁卯科順天鄉試名

查志文號岐峰監生詩中隆慶元年丁卯科應天鄉試名次無考

蔡與芳增生易中隆慶四年庚午科六十二名

郭子直貢生易中隆慶四年庚午科順天鄉試名

周國賢監生易中隆慶四年庚午科順天鄉試名

張潘崇德籍附生詩中萬曆元年癸酉科二名

陳與相府學增生春秋中萬曆元年癸酉科三十名

董成龍字希翔附生詩中萬曆元年癸酉科八十八名

查允元錢塘增生詩中萬曆四年丙子科十二名

甯志備考卷七

二十

祝以庭增生春秋中萬曆四年丙子科三十六名

許聞造號星石監生書中萬曆四年丙子科陝西鄉試名次無考

徐壽朋監生易中萬曆四年丙子科應天鄉試名

葉霑號仁宇學生易中萬曆七年己卯科八十八名

查謙亨號順天鄉試八十五名授獲鹿教諭上

尹蔡

胡廉伯監生詩中萬曆七年己卯科應天鄉試名

祝以忠字文新學生詩中萬曆十年壬午科三名

祝以函學生易中萬曆十年壬午科九名

徐維揚號縉庭府學附生春秋中萬曆十年壬午

董成允字希中附生易中萬曆十年壬午科二十名

葛孔明府學增生易中萬歷十年壬午科六十六

馬効武字勳懋學士易中萬歷十年壬午科七十

查志洽號瑞陽附生詩中萬歷十年壬午科八十

潘愈監生易中萬歷十年壬午科順天鄉試名

朱履儀字叔度學生詩中萬歷十三年乙酉科二

沈啟綱號環洲學生春秋中萬歷十三年乙酉科

朱炳文號麟陽附生餘干知縣萬歷十三年乙酉科四

董志舜字以立附生湖廣零陵知縣萬歷十三年乙酉

楊明綬字紫垣附生詩中萬歷十三年乙酉

吳世治湖三州府學士歸安籍海甯人詩中萬歷

姚應鳳字來廷海鹽學生易中萬歷十三年乙酉

甯志備考卷七

祝以崗字南阜監生易中萬歷十三年乙酉科應

盧伯元字養初知縣中萬歷十六年戊子科二

黃如金附生易中萬歷十六年戊子科三十八名

徐文治字君綸海鹽學生易中萬歷十六年戊子

徐紹曾學生春秋中萬歷十九年辛卯科三十名

沈啟綬後名辛卯復字帶州學生春秋中萬歷十九

董明吉字夢徵學生易中萬歷十九年辛卯科四

朱與翹學生易中萬歷十九年辛卯科六十名

曹嘉謨府學附生易中萬歷十九年辛卯科八十

吳臺字象立府學附生易中萬歷十九年辛卯

馮贄監生詩中萬歷十九年辛卯科順天鄉試

裴紹中 字二航 府學生 易中 萬曆二十二年甲午

陳祖訓 號昭華 附生 春秋中 萬曆二十二年甲午

褚繼良 嘉興府學生 萬曆二十二年甲午

陳懋才 字一我 附生 禮記中 萬曆二十二年甲午

許有覺 監生 易中 萬曆二十二年甲午 順天鄉

曹震陽 學生 易中 萬曆二十五年丁酉科 二十七

吳大英 字六常 府學附生 易中 萬曆二十五年丁酉科 五十九名

許士奇 海鹽學生 易中 萬曆二十八年庚子科 三

史啟英 附生 易中 萬曆二十八年庚子科 四十六

鍾繼祖 海鹽學生 萬曆二十八年庚子科 一

祝以岱 附生 易中 萬曆三十一年癸卯科 八名

甯志備考卷七

茅寵昭 字存周 增生 易中 萬曆三十一年癸卯科

陸一騏 府學附生 餘姚人 萬曆三十一年癸卯科 三

徐從治 海鹽學生 易中 萬曆三十一年癸卯科 五

許令典 學生 易中 萬曆三十一年癸卯科 六十三

朱國初 名官 南康府同知 萬曆三十四年丙午科 二十二

曹履泰 附生 易中 萬曆三十四年丙午科 四十七

孫天祥 字印旋 府學附生 易中 萬曆三十四年丙午

周鏘 錦衣衛籍 學生 易中 萬曆三十四年丙午

蔣遵道 附生 易中 萬曆三十七年己酉科 十二名

陳祖苞 海鹽學生 詩中 萬曆三十七年己酉科 三

董志稷 學生 易中 萬曆三十七年己酉科 六十八

陳玄暉 海鹽學生 監春秋中萬曆三十七年己酉

徐若在 監生 禮記中萬曆三十七年己酉科順天

陸鼎鏞 字叔銘 嘉興附生 易中萬曆四十年壬子

陳元良 字首明 附生 易中萬曆四十年壬子科五

郭士亨 字會嘉 附生 易中萬曆四十年壬子科七

查大觀 字伯寵 學生 監詩中萬曆四十年壬子科

裴應暘 字一馭 附生 易中萬曆四十三年乙卯科

徐伯徵 學生 易中萬曆四十三年乙卯科六十名

朱履和 字叔至 號節若 府學生 易中萬曆四十三

朱道行 字鼎枚 貢入太學 易中萬曆四十二年乙

子同科官江 西高安知縣

甯志備考卷七

徐繪觀 字衷白 一字長白 監生 易中萬曆四十三

祝以真 字玄岳 學生 易中萬曆四十六年戊午科

陳鼎新 字仲因 附生 易中萬曆四十六年戊午科

潘陳忠 增生 禮記中萬曆四十六年戊午科三十

陸鈺 字爾式 附生 易中萬曆四十六年戊午科

羊世道 字道行 附生 易中萬曆四十六年戊午科

陳甫伸 字申父 附生 春秋中天啟元年辛酉科三

許令瑜 字元忠 附生 易中天啟元年辛酉科四十

張鴻羽 字越萬 附生 易中天啟元年辛酉科五十

張次仲 字元岵 學生 易中天啟元年辛酉科六十

鍾鴻穎 字彙孫 學生 易中天啟四年甲子科三十

陳之遴字彥升嘉興府學附生詩中天啟四年甲子科三十一名海鹽籍

黃金鼎字調元一字梅公學生易中天啟四年甲子科七十一名

郭凝之字大來增生監易中天啟四年甲子科順天鄉試二十七名

朱大典字從五附生易中天啟七年丁卯科八名

葛徵奇字無奇學生易中天啟七年丁卯科二十名

嚴端字子餘附生書中天啟七年丁卯科六十六名

許全吉名府學附生易中天啟七年丁卯科七十三名海甯籍海鹽人

俞懋儼科山西威遠衛籍監春秋中天啟七年丁卯科順天鄉試三十四名海甯人

查大詔字仲雅附生詩中崇禎三年庚午科十名

朱朝瑛字石學生詩中崇禎三年庚午科三十名

徐孟遂字君發附生易中崇禎三年庚午科四十四名

甯志備考卷七

番

郭濬字彥深府學附生海甯籍崇德人 中崇禎三年庚午科五十九名

按上所載鄉舉其在正統景泰以後者已無遺誤自元及國初郡志有止書某學不書某縣者又有併學不書者甯於其中未必無人惜無確據不敢

漫述

鄉貢科

本朝貢科即唐所謂明經但唐之明經比於進士而本朝則在鄉舉之下姚一夔所謂比年一貢者是也甯志所載貢生凡二百三十有奇而總括以貢生例生二款及查年次例生乃有在洪景間者夫入粟之例起自成化以後前此無是也不深考

例之本末而猥以入粟之例概洪景間之例豈不
寃哉郡志分歲選例恩四款而粟生一切不入得
體裁矣余故一以郡志為正而姑補其所未備與
訂其姓名之參錯不一者若餘名已詳縣志不重
列

歲貢補遺二十人訂訛五人

陸子孟。縣志云洪武十七年貢生其詳已載鄉
鄉舉

孫子良。按縣志載子良於鄉舉曰永樂癸未科
然徐而薦題名考則云子良係洪武三十三年貢
生甲申庶吉士查三十三年歲次庚辰非癸未也

甯志備考卷七

三五 鄉貢科

徐子必有所據余亦姑兩存之

史直 丁彥 萬鍾

上三人俱永樂中貢然縣志既列之貢生又重見
之例生郡志獨列歲貢則以例生有確證也今仍

郡志

金鑑 談茂 縣志鑑為鑑茂
為懋未知名孰是

聞樸 周濟

周鉉 楊安

郭璿 章能 以上五人俱成化年貢
縣志收成化志俱無名

姚升 朱玘

李光先 金應麟 上五人亦成化年貢成化
志既修之後縣志始收

唐璘弘治年間貢見郡志而縣志則佚其名乃鄉賢則列璘於毛鵬之次當以郡志為正

徐國恩 徐一

陳公陞 潘一鶚上四人皆嘉靖年貢郡志收之海甯甯志俱無名

陸世文隆慶年貢郡志無名 胡廉伯

張鍵上二人皆萬曆年貢談子外志並不收見郡志

選貢 訂訛一人餘名皆列縣志

曾以德詳以德名一而姓二郡志曰曾縣志曰魯未詳孰是

例貢自宣德年起其人無考錄正統天順間十五人而訂其訛者四人成化志俱無名

鄔璿 一日濬 張庸 一日慶

顧諒 一日鯨 金惠 一日鍾

金聲 許訥

甯志備考卷七

何熙 周員

鄔圩 郎清

載俊 倪鼎

王珏 俞祚

陳珉

按郡志云成化志載宣德九年正統十年天順六年俱有例貢宣德止臨安二人其義無考查正統天順間特頒新例令天下廩生年四十五以上者例得貢上京師故成化志謂之例貢其實與歲選恩例同也今各縣志不加詳考而猥與輸粟並列失當日賓賢意矣

恩貢

郭子直

吳默成

是上二俱隆慶戊辰人以龍飛推恩其法與選貢等
是年兩浙貢者九十人一時放榜迎宴之典悉仿
鄉舉戊辰以後
俱載談子外志

武科

余考宋時設武科名為右科進士本朝亦仿其意
三年一舉乃今郡志題名者可數十人皆不註籍
貫即甯邑有人亦莫可考也夫甯邑瀕海嘉靖間
島夷內訌頗罹其毒韜鈴之事豈得置之不講况
邑有千戶所而詎無孫吳韓白之儔起其地乎則
是科不宜獨缺徧搜一二以風其後是在留心邊

甯志備考卷七

三

武科

計者

附貶封

贈吏部尚書二人

吳昭以孫鵬
貴贈

吳方以子鵬
貴贈

贈大理寺少卿一人

查繪以子秉
彝貴贈

贈大理寺副一人

許清以子橋
卿貴封

贈吏科給事中一人

陳中漸以子與
郊貴贈

封禮科給事中二人

查 繪以子秉 貴贈

沈世榮以子淳 貴封

封兵科給事中一人

許 滋以子相 貴封

封監察御史二人

朱 禔以子瑞 貴封

吳 璧以子遵 貴封

贈監察御史二人

董 載以子鯤 貴贈

董 翼以子學 貴贈

贈刑部員外二人

沈 美以子志 貴贈

徐 翰以子禾 貴贈

贈禮部主事一人

郭 鼎以子子 直貴贈

甯志備考卷七

三

贈兵部主事一人

馮 謙以子觀 貴贈

肥封

封刑部主事二人

祝 淇以子萃 貴封

孫 通以子星 貴封

贈刑部主事五人

祝 繼倫以子世 廉貴贈

沈 涇以子友 儒貴贈

唐世卿以子禹 貴贈

祝 繼宏以子世 喬貴贈

周 甸以子啟 祥貴贈

封工部主事三人

許天澤以子元 奎貴封

徐 義以子寬 貴封

陸 萱以子州 貴封

封中書舍人一人

朱 稷以子有

晉階通議大夫一人

祝 萃以子繼 臯晉階

贈布政司參議一人

孫子華以子子 良貴贈

贈按察司僉事一人

查 益以子約

封知府一人

陸 萱以子州 貴加封

贈行太僕少卿一人

甯志備考卷七

二九

沈明遠以子升 貴贈

贈同知一人

居 賢以子守 貴贈

封推官一人

郭 皜以子鼎 貴封 查郭鼎 鄉會

贈知州一人

褚 錦以子相 貴贈

贈知縣三人

陸廷玉以子宗 俊貴贈

朱 鸞以子執 中貴贈

周 宗以子雲 貴贈

按上貶封諸人皆萬曆初年以前者其後未備有

馳封即宜有任子而郡志於甯止載馳封一欸抑
諸君子澤未足以延世與吳太宰有任子而不書
當是寄籍故

甯志備考卷八

當湖鈍叟趙維寰輯

人物類八之一

邑志載人物其目十有三曰鄉賢曰流寓曰隱逸曰高尚曰忠烈曰孝子曰節婦曰義士曰良民曰仙釋曰方伎曰閨秀曰人瑞外志載人物其目亦十有三曰理學曰儒術曰忠烈曰文苑曰才品曰獨行曰寓賢曰隱逸曰孝友曰義槩曰方伎曰淑媛曰仙釋余竊綜其概而尚論之全節大才而與局守自好者並稱曰賢恐高賢之削色也慷慨從容百鍊不折而與計無復之一往絕脰者並稱忠烈恐純臣之短氣也醇修粹詣屋漏盟心

甯志備考卷八

人物

一

而與詩酒自豪形骸放浪者並稱隱逸恐通執之不同趣也叱馭批鱗彪炳中外而與幕僚間局循默養恬者並稱才品恐纖鉅之不同量也造化在手千秋自豎而與執藝成名顯門作活者並稱方伎恐道器之不同術也諸如此類未易殫舉即人具兼長不妨類分縷析而一人而前後複見彼此借光不乃彰甯邑之乏才乎余不揣迂拙妄擬為七目曰名賢曰名臣曰名儒曰逸民曰獨行曰俠槩曰流寓曰方伎大要人各標其一生所得力而品格差次者附焉總令讀者每舉一人即盡得其人之本末而無復零碎駁雜之憾云爾

名賢附後賢

六朝顧歡。歡字景怡，自幼嗜學，膏不繼則然，松節或然，糠以照讀，或倚聽鄰人讀，默而識之。聞吳郡邵元之能傳五經，往受業焉。同郡顧顓之臨縣，見歡異之，遣諸子與游。年二十許，更從豫章雷次宗。學家貧躬耕養母，母亡，水漿不入口者六七日。廬於墓側，絕意仕進。後開館於剡之天台山，聚徒者百許。志見郡。齊太祖踐阼，迎歡，歡自稱山谷臣，表曰：道德綱也，物勢目也。湯武得勢，師道則祚；延秦項，忽道任勢，則身侈。顧稽古百王，斟酌時用，則率土之賜。臣志盡幽深，無與勞勢，請辭。帝賜麈尾，素琴。興志嘉。歡早孤，每讀詩至哀哀父母，輒執書慟哭。同學者為之廢蓼莪篇。蕭齊武帝之永明元年，以處

甯志備考卷八

二

名賢

士被徵命為太學博士，辭不就。召入見，則自稱山谷臣，有文義三十卷行於世。見南史。圖經云：歡，吳郡鹽官人，隱居不仕。好黃老，解陰陽書，為數術，多奇驗。以佛老二家教異，互相非毀。著夷夏論，辯將終自剋死。日擇葬時，既葬，墓生連理。縣令江山表其事以聞。

按外志列歡於隱逸，謂其絕意仕進也。余謂蕭齊受命以篡弒得之，士當其時無可仕之誼，歡之辭辟得出處之正焉。亦其平日之講求於學問者，精非一意。石隱為高者，邦無道則卷而懷之。君子哉！隱逸曷足以盡之。

唐褚無量。無量字弘度，杭州鹽官人。幼受經於沈子

正曹福刻意墳典家濱臨平湖湖有龍出人皆走觀無量讀書人若不聞也長精三禮司馬史記擢明經第累除國子博士遷司業兼修文館學士中宗南郊議以皇后行亞獻禮無量辟其非說甚辯上不悅遂以母老解官玄宗為太子復拜國子司業兼侍讀為謨翼善記以進太子釋奠國學令講經進銀青光祿大夫及即位遷左散騎常侍兼國子祭酒封舒國公母喪詔州刺史薛瑩弔祭賜物加等既葬廬於墓左喪除召復故官以耆老隨杖聽徐行又為設腰輦許乘入殿無量感知遇頻上書言得失開元五年帝將幸東都而太廟忽壞姚崇言廟本符堅時故殿材夙朽不宜罷行無量鄙其言以為

甯志備考卷八

三

不足聽乃言國家陰盛陽微則先祖見變今后宮非御幸者宜悉出之舉俊良擢奢靡輕賦慎刑納諫諍察諂諛繼絕世以應災異則天人和會災異可弭帝卒是崇議駕遂東無量復上言昔虞帝之狩秩山川徧羣神願陛下所過名山大川古帝王賢聖之在祀典者並詔致祭自古受命之君必興滅繼絕願至東都收敘唐初迨今功臣之絕世者帝納其言即詔無量祀堯於平陽餘各分遣參獻又求武德以來勲臣苗裔詔續其封已復用其言令校書於東都乾元殿東廂及西還詔徙書於麗正殿讐校如故未卒業而無量卒年七十五帝聞悼痛詔宰相曰無量朕師今其永逝宜用優典於是贈禮

部尚書謚曰文葬事官給生平著述甚富沒後有得其史記至言二十篇以獻者帝歎息久之為賜其絹五百

足載外見唐書本傳其已志者俱刪不入

許遠。遠杭州鹽官人天寶十四載冬安祿山反於范陽明年僭大號朝廷始召前高要尉許遠為睢陽太守兼防禦使是年七月肅宗改元遠時與城父令姚閻同守睢陽而張巡守雍邱巡糧盡援絕拔衆東守甯陵遂與遠相見於睢陽明年正月尹子奇引兵十三萬趣睢陽遠告急於巡巡引兵三千入睢陽與遠合遠時位本在巡上及巡至即授之柄而處其下無所疑忌謂巡曰遠懦不習兵公智勇兼濟遠請為公守公請為遠戰自

甯志備考卷八

是戰鬪籌畫一出於巡而調軍糧修戰具居中應接悉遠任之先是遠將李滔叛入賊大將秀榮潛與通或以告遠遠即告巡召登城斬以示賊子奇乃益徵兵攻圍益力先是遠於城中積糧至六萬石可支一年而號王巨發其半給濮陽濟陰遠固爭不得自是乏食士日賦米一合雜以茶紙木皮食之餽救絕無至者於是士卒消耗始合兵六千八百今僅存一千六百又皆饑病不堪鬪兩人乃並修守具應機立辦久之纔六百人矣兩人乃分城守巡守東北遠守西南日與士卒同食茶紙不復下城城勢日促巡使南霽雲突圍出請援與賀蘭進明進明不應閏八月賊知援絕圍益急有議棄城東

走者巡遠謀以為睢陽江淮之保障若棄城去賊乘勢長驅是無江淮也且我衆飢疲走必不達不如堅守以待於是茶紙盡則食馬馬盡羅雀掘鼠雀鼠又盡巡乃出愛妾殺之以食士遠亦殺僮奴佐之然後括食城中婦人繼以男子之老弱者當是時人皆知必死而莫肯叛也十月癸丑賊登城將士病不能禦城遂陷巡遠俱被執巡遂與姚閻等三十六人同遇害而子竒議生致一人於慶緒所慶緒祿山子時祿山已被弒慶緒嗣乃送遠洛陽慶緒時遠都洛陽遠遂與哥舒翰程千里俱囚於客省未幾郭子儀大破賊賊衆奔告慶緒慶緒以是月庚申夜北走使其將嚴莊害之遠遂死則十月十六日云遠寬厚長者貌如其心

甯志備考卷八

五

與巡同年生月日後於巡呼巡為兄死時年四十九事聞天子下詔贈遠荊州大都督官其子孜代宗大曆二年敕立廟睢陽號雙廟宋真宗東封過其廟駐駕徘徊咨其雄挺盡節為金石刻以旌其忠徽宗大觀二年詔建廟於鹽官縣西半里合祀姚南雷為五公賜廟額協忠亦號雙廟高宗紹興八年以邑人張九成令胡統請詔賜上公爵十三年令李份特致祭咸淳三年令吳由始率同官暨邑庠諸生以十月己巳十一六祀公於廟蓋公盡節之日也其侑祭樂章祝文俱錄在遺文。楊均考異云按舊唐書許遠傳遠杭州鹽官人世仕江左曾祖高陽公敬宗龍朔中宰相遠初從軍河西為碯西度支

判官章仇兼瓊鎮劍南又辟為從事慕其門欲以女妻之遠辭兼瓊怒積他事中傷貶高要尉後遇赦得還祿山之亂將相得不次板或薦遠於玄宗召見拜睢陽太守按敬宗乃善心之子善心則亨之子茂懋一曰之孫也本傳云魏鎮北將軍許允九世孫善心隋散騎常侍傳在北史亨陳衛尉卿茂梁中庶子由茂而上曰勇慧齊太子家令曰珪宋著作郎曰詢晉徵士傳皆在南史此與唐舊傳世士江左之說合惟並著其鄉里高陽新城人一曰北新城舊屬涿州皆河北道方南北分裂仕於江左者其家安得復在河北知許氏此時已為江左人矣善心已下雖仕於北而新唐書以敬宗為杭州新城

甯志備考卷八

六

人遠為鹽官人仍曰其先自高陽南渡信哉又按古今姓氏辨證允三子殷勤猛孫式式生皎皎生詢至茂為八世又云敬宗生昂昂生彥伯彥伯生望望生遠於敬宗為高祖與梁唐史世數稍差遠之死也新傳云遠至偃師亦不屈死通鑑云庚申夜慶緒率其黨自苑門出殺所獲唐將哥舒翰等三十餘人而去許遠死於偃師舊傳云遠死客省新傳遠死偃師通鑑則合新舊二傳而更詳之按舊史乃後唐明宗朝宰相劉昫監修去張許時差近今從舊傳遠死時年四十九新傳云遠與張巡同年生而巡長呼巡為兄此與韓愈作張中丞傳後序之說不同按愈得之張籍籍得之嵩嵩得之親見宜從

韓愈又按是年歲在丁酉逆而數之遠當以中宗景龍三年己酉歲生

見海昌先賢錄

顏真卿。真卿字清臣，秘書監師古五世從孫，其先籍襄陽之瑯琊，祖昌仕鹽官州判卒，官父必甯遂家焉。真卿少孤，母殷躬親訓督，既長，博學工文。開元十三年乙丑，舉進士，又擢制科，調醴泉尉，遷監察御史，使河隴，辨五原冤獄，遷殿中侍御史，楊國忠惡之，出為平原太守。時安祿山陰謀逆，真卿度必反，密修捍禦具，甚備。己祿山反，河朔諸郡盡陷，平原獨全。事聞，天子異之。肅宗即位，靈武真卿數以蠟丸裹書陳事，拜工部尚書兼御史大夫，復為河北招討使。時祿山乘虛急攻河北，諸郡復

甯志備考卷八

七

陷，獨平原博平清河固守，然人心危，不復振。真卿謀於衆，委命辱國，非計。乃徑詣行在，為御史唐旻所紿，貶饒州刺史。乾元二年，拜浙西節度使，劉展將反，真卿預飭戰備，都統李岷以為生事，短之。召為刑部侍郎，展卒，舉兵而岷走，江西李輔國遷上皇於西內，真卿率百官問起居，輔國怒，貶蓬州刺史。代宗立，以吏部侍郎召，尋改尚書右丞。帝還自陝，真卿請先謁陵廟，後即宮，宰相元載以為迂，因建言羣臣白事，須先白宰相。真卿抗疏，詆其壅蔽，且面詰曰：「朝廷事豈堪公再破壞？」載銜之，出為朔方行營宣慰使，仍留知省事，封魯郡公會，攝祀太廟。言祭器不飭，載以為誹謗，貶陝州別駕，改吉州司馬，遷

刺史載誅以揚縮薦擢刑部尚書進吏部帝崩楊炎當
國以直忤炎漸落職及盧杞相益不喜改太子太師謀
出之會李希烈反汝州杞乃建議遣真卿往諭詔可舉
朝失色李勉以為失一元老表固留不許至河南河南
尹鄭叔則上希烈反狀勸勿行真卿不顧既見希烈宣
詔旨希烈養子拔劍爭進將殺之真卿不為動已乃就
館每與諸子書但戒嚴奉家廟恤諸孤無他語希烈遣
李元平來說真卿叱曰爾國委任不能致命恨我無兵
戮汝尚說我耶他日希烈大會召真卿使倡優斥侮朝
廷真卿正色曰公人臣奈何若是拂衣出時朱滔王武
俊田悅李納使者皆在座謂希烈曰聞太師名德久矣

公將建大號而太師至求宰相孰先太師者真卿叱曰
若等聞顏常山否吾兄也吾年且八十官太師吾守吾
節死而後已豈受若等脅諸賊失色希烈乃拘送真卿
於蔡州真卿知必死為作遺表墓誌希烈僭稱帝乃遣
人縊殺之年七十六曹王臯聞之泣下三軍皆慟因表
其大節後淮蔡平子顏頊護喪還帝為廢朝五日贈司
徒謚文忠真卿正色立朝剛而有禮天下不以姓名稱
而尊曰魯公如李正己田朝功董秦侯希逸王玄志皆
真卿所薦拔也善正草書筆力適古為世傳寶貞元六
年官其子顏開成初復官其頊錢氏有國遣官立廟於
邑治之南賜金額曰雙仁宋興國間燬復建於安化坊

繪像子孫世襲衣巾奉祀二公衣冠則合葬於縣治東十五里原吉鄉二十都八畮扇面橋楊慶湖唐書全傳已載談子

外志茲特補其未備者

史評畧曰死事之臣何代無之即顏氏一門駢首遇害者三十餘人然皆激於一時之義未有凌頓挫折至久而不貳如公者公於虜營露刃以前坎庭以待積薪以脅濱死者百而卒於從容就義其所處更有難於杲卿者曾子固有言唐名世臣忤時且起且扑至七八死而不悔者惟公一人嗚呼其何以易斯言哉。郡人陳善曰魯公始見惡於楊國忠繼見擯於李輔國遇元載則貶遇楊炎則貶遇盧杞李希烈而死此足以知公生平矣

甯志備考卷八

或謂趙子曰許顏二公皆以忠死故邑志外志皆載之忠烈而子獨賢之得無不倫乎余曰不然魯論有言未知焉得仁未仁可得賢乎士固有忠而未必仁未有賢而不忠者也試詳核二公本末若許之位任巡上也輒受之柄而甘處其下了無疑忌顏所歷者國忠輔國炎載盧杞諸奸非必遇希烈而始見節也非其平日於守死善道之旨確有實證能若是乎余故特標之名賢以別於一死塞責者。余按傳言公祖顏昌任鹽官州判未及一年卒遺子必甯幼孤遂寓籍鹽官生真卿此余得之守祠生顏某鈔本顧編

考鹽官沿革改州在元之元貞初其其隋唐間未嘗
為州也昌何因為之判豈武德中鹽官屬東武州誤
東武州為鹽官州耶未詳

宋張九成。九成字子韶其先開封之祥符人見宋史本傳

大父某嘗游錢塘樂其湖山之勝因挈家徙焉後遂占

籍鹽官見郡志九年十四貢入辟雍即從老先生游力學

好古不專攻舉子業篤於孝友內行純備時人皆以大

器目之高廟中興將策士顧謂宰相曰凡士之鯁亮切

直者必端方可用自崇甯來朝廷惡聞直言士氣不振

朕此舉冀得直臣宿弊不可不革因手詔考官其以直

言者置上第時九成對策萬言其畧曰前代中興之主

甯志備考卷八

十一

大要以剛德為尚去讒節慾遠佞防奸皆中興之本也

又云今閭巷之人皆知有父母妻子之樂陛下貴為天

子而冬不得溫夏不得清昏無所定晨無所省感時觸

物悽惋於心可不思所以還二帝之轍乎又云闔寺聞

名國之不祥今此曹名字往往有聞臣之所大懼也當

使之安掃除之役凡結交往來者有禁干預政事者必

誅云云全篇大致多類此策上上親擢第一授鎮東軍

簽判吏不能欺民有冒齟禁者提刑張宗臣逮捕數十

人九成爭之宗臣曰此事左相封來九成曰主上屢下

卹刑之詔公不仰體德意而觀望宰相耶宗臣怒九成

即投劾歸從學者日衆出其門者皆為聞人趙鼎薦於

朝遂以太常博士召既至遷著作郎上言我宋家法仁而已矣仁之發見尤在於刑陛下以省刑為急而理官不以恤刑為念請詔理官活幾人者與減磨勘從之除浙東提刑力辭與祠歸未幾召除宗正卿權禮部侍郎兼侍講兼權刑部侍郎金人議和九成謂趙鼎曰金寶厭兵而張虛聲以撼中國莫若以十事要之彼能從我則與和當使權在朝廷鼎既罷秦檜誘之曰且成檜此事對曰九成何敢異議特不可輕易苟安耳檜曰立朝優游委曲九成曰未有枉己而能直人者他日上問以和議九成曰虜情多詐不可不察因在經筵言西漢災異事檜深惡之謫守郡州中丞何鑄言其傾附趙鼎落

職丁父憂既免喪秦檜取旨上曰自古朋黨皆畏主知此人獨無所畏可與宮觀先是徑山僧宗杲善談禪理九成時與游檜慮其議已令司諫詹大方論其與宗杲謗訕朝政謫居南安軍在南安十四年每執書就明倚立庭磚歲久雙趺隱然廣帥致贏金却不受檜死起知温州戶部遣吏督軍糧九成移書為民請命戶部持之九成即乞祠歸紹興己卯卒於家九成研思經學多有訓解理宗踐祚以為有中興明道之功賜謚文忠學者稱無垢先生或稱橫浦先生。按成化志橫浦學本龜山得濂洛不傳之旨真足以立懦頑廉至倡明心學續千載不傳之緒功何偉也然一傳而為金谿之學

或者謂其先力行後致知與紫陽稍異夫先哲芳軌殊塗同歸豈後學所宜輕議哉陳善曰一時名儒若楊璿李元綱施德操趙汝談皆能講明性學然難以概子韶也中興明道孰有如先生者

按外志特別先生於理學尊先生也余謂理學二字近世有因之賈禍者亦有借以藏奸者以先生之才之養立三不朽彪炳如日何施不可而必以二字重乎聖門四科總命曰賢其勿以尊先生者溷先生也附後賢

龔瑾元末海甯人曾任知州死元節葬安國寺後其死節事無可考獨其題蒼雪軒詩云月浸蒼龍骨雲分翡翠

甯志備考卷八

十一

後賢

翠釵九疑愁正斷清夢到虛齋讀其言可想見其人也志云平生秉義慷慨嗜吟稿佚不傳蓋士之有學術而尚氣節者

呂忠守誠世襲海甯所副千戶忠性慷慨任事正德八年江西姚源盜王浩八作亂流劫浙東檄忠勦之忠奉檄即與母妻訣吾不復能顧家矣行之開化守華埠賊衆突至部卒勸其退避其鋒忠怒提刀砮其背曰朝廷養兵百年報効正在今日若見賊而退安所用之遂直前搏賊殺賊數十人孤軍援絕竟為賊攢刺墜馬死事聞陞其子官一級

姜楫海甯所世襲百戶嘉靖三十二年奉檄征倭戰死

海鹽城外事聞進其子副千戶

或謂趙子曰龔呂姜三人之死未必能與顏許爭烈而子亦賢之殺身成仁固若是易乎余曰似也不猶愈於求生害仁者乎岳武穆有言文官不愛錢武官不惜死天下太平矣彼死之不惜而何錢之愛即附之顏許諸賢可也

名臣附良臣八之二

王沆字元廣建炎四年高宗駐蹕臨安以沆大父稟死節太原由青州銅州召詣行在襲封安化郡王賜第鹽官名其里為安化坊配張氏即無垢先生女弟封安國夫人子恕登隆興元年進士沆居王位恂恂醇謹絕苞

甯志備考卷八名臣

三

名臣

苴杜佞倖屏聲色奇玩不御日延集儒生研討墳典比入覲即策蹇行惟一二蒼頭自隨不以郵給煩縣官費裳舄不敝甚不易所得賜賚甚渥悉貯以給軍需時丁播遷矢志恢復嘗因召見問政事對曰民惟邦本治民須寬寬則民悅而本固兵乃征伐具治兵須嚴嚴則兵肅有備無患中興之要不出此吳夢記圖經云沆祖王稟當靖康之危以孤軍守太原虜九攻而九拒之自春初迨秋抄援兵莫至矢盡糧絕虜招之卒不屈城且陷與其子荀入告原廟抱太宗皇帝御容抗詞罵賊父子同赴火死。嘉定圖經言稟之死甚烈而今其子孫刻先錄乃云投汾水死未知孰是圖經又云沆家鹽官高

宗有旨沆家屬所居處州縣長吏加意存卹以為捍禦死節者勸其後遂有登儒科者今邑志俱不備

余按邑志列沆於流寓謂沆非生鹽官也夫自建炎迨今垂五百年王氏子姓蕃衍彬彬膠序者不乏則沆實鹽官王氏開家之始祖得別之流寓乎

郭知運字次張刻意墳典弱冠登進士第時相強姻不就歷官荆門守以倦游乞歸自號息菴老人著集四十卷名曰猥稿其題雙廟及光華亭詩錄遺詠類一曰知運所居在雙廟西與令魏伯珣同時

余按諸志皆言知運弱冠登進士甲科郡志既載其事又註云右公之子大壯所記然考圖經進士題名竟無知運名不知何故

甯志備考卷八

古

許懋字國器生長元季值歲饑發家儲賑貸復以萬戶長督海運抵大都授杭州路治中不就紅巾盜起懋倡子弟義勇力戰却之事聞復授以前職終辭不授入明高皇帝下詔求賢懋被薦以賢良起家授海州同知在官六載著循績焉

按懋之官達似不甚顯顧其誼不仕元辭爵至再而獨慨然曰贅於真主彼出處大節有確乎不可拔者此與郭知運之時相強姻不就其過人皆在品識夫名臣豈以名位崇卑軒輊哉

李貞字大亨洪武中補邑諸生建文初揣知國必有內

難為赴京條上用兵方畧上義之賜宴光祿授監察御史靖難兵起歸隱臨平山永樂初謫佃玉田宣宗立召為揚州守特與敕旌其直服官三載章累百上民被其澤已乞歸謝繳敕諭上曰知府例無敕獨與爾其以示爾子孫蓋異數云

肥封中云以子
子良貴贈布政
司參議何以傳
又云祖也

孫子良字〇〇其先本錢塘人祖子華移家海甯遂為海甯人洪武中貢入太學登永樂甲申進士選庶吉士與修永樂大典書成晉武選郎中上北狩以尚書方賓從命子良攝部事時兵政繁劇子良悉敏辦本以曹郎須部乃鈐制屬吏侃侃持正同列滋不平尋中讒謫交趾布政司吏目交俗故獷悍子良教之學涵濡既久遂

甯志備考卷八

十五

有成者洪熙初擢交趾參議尋轉山東督理河道上章乞休卒年七十八所著有螺城集四卷

沈升字志行登永樂甲申進士選庶吉士與修五經四書性理大全等書授刑部主事累官太僕少卿嘗參贊薊州軍務會太監劉通不法抗章發其狀上特賜金幣旌其敢言尤喜獎拔善類凡同年同官有文武才能者悉疏薦之後皆不負所舉人多其掄鑒已卒官遣禮部主事林璧諭祭葬橫塘

姚哲字文明正統中進士官監察御史出按湖湘藩臣之不職彈治不少貸廷議躋之時稱名御史然卒以直取忌左遷按察副使

孫暉字景章即子良子景泰中以賢良方正薦授泰和丞邑多豪右暉能以強項聞嘗親定徭役人指為鐵榜言不可易也韓襄毅征大藤峽暉時為博白令以習兵從行間多著勞績超守潯州為改立郡學作興士類郡僻在西鄙暉宣布威德民夷懷畏邊陲晏然擢山東右參政致仕卒

祝萃字惟貞成化甲辰進士授刑部主事改工部治水吳中著績立朝敢言嘗上疏請親禮儒臣以資啟沃不報再疏又不報遂乞歸養正德壬申起督學陝西尋晉廣東參政輒解官歸性至孝侍親能以色養尤博綜羣籍一切象緯星歷山經地志醫卜諸書無不研討當其

甯志備考卷八

十六

里居也聚徒講學一時人士陶鑄頗多所著有禮經私錄古文集成宋元史詳節等書行於世

查約字原博弘治壬戌進士初仕南比部歷福建參議所至問民疾苦悉力拊循屬歲旱大疫約躬親禳禱清犴狴釋無辜天乃大雨疫良已會延平邵武福州軍相繼煽亂約皆單車申諭士伍咸戢擢山東臬憲以憂去補江西持廉秉公進福建參政尋晉左伯亡何侯官獄反羣吏皆散走約以前三郡亂兵皆身為諭解威德素著乃銳身出冀賊可化誨而賊竟狺突前出不意猝遇害方約之參閩也以舊有德於閩閩人咸悅其來故一切便宜事悉為振舉修葺學舍躋馬肅劉忠宣於祀典

又專祠祀羅文節章文懿以風士節朝議正將大用之而難忽作閩人痛惜為立祠祀焉所著有閩齋集

許相卿字台仲正德丁丑進士擢兵科給事中清介絕俗侃直不避權貴世宗初大璫張銳張忠坐不法擬辟內降當以贖金李賢以璫張欽義子票錦衣世襲直臣林俊被誣相卿皆連章抗疏力諍其非至訾上為氣驕志怠當是時許給諫直聲震天下未幾致政歸築室紫雲山中息機匿影時乘黃犢與田叟野老黍雞相酬泊如也縣官高其誼為豎坊辭不獲則五鼓伺門入向邑治再拜而出及令卧起追則去遠矣夏少師言勸之出絕不答少師貽之詩有九祀山人不出山更無一字落

甯志備卷八

七

人間之句嘉靖己亥召補禮科堅不起卒時自誌其墓清風勁節老而彌壯云所著有革朝志雲村集若干卷又詒謀四則並行於世邑志比之無垢先生

查秉彝字性甫嘉靖戊戌進士司禮黃州擢禮科給事中楚世子弒父有司未能正法秉彝為覈其報訃日月之訛獄遂定轉戶科左給事會大察疏請斥酷吏禁贖鍰及緩征捐賦等事忤旨廷杖幾濱死謫雲南定遠尉尋起司理建甯邊刑部主事改吏部歷選郎盡取諸條例去其疏舛裁為畫一吏不得乘之為奸歷太常大理卒官大京兆其廷杖事有紀夢詩讀者多其勞而不怨得人臣之體云

馮覲字晉叔嘉靖甲辰進士授兵部職方郎庚戌之變
覲守西直門當虜之衝意氣詳雅撫軍詰奸威令整肅
虜解去上嘉其功賜金幣尋轉武選以艱去服除補舊
銜陞楚臬憲歷左參東粵分部嶺南行部樂昌猝遇徭
賊橫掠扈從者皆走覲獨冠蓋端坐責以大義賊乃輿
之入巢求犒覲正色謂曰若不知馮參政耶飲水任職
安得犒賊乃復輿覲出駐韶州廟賊虛竇覲於入巢時
已窺其要領尋集勁卒千人出不意間道襲之遂獲其
大酋更俘其黨百餘以出事聞擢按察使卒於官覲好
藏書嘗欲卜隙地於湖上讀書吟嘯以適其志而未及
竟所著有存稿八卷

甯志備考卷八

六

郭子直字舜舉隆慶辛未進士初任禮部主事以裁冗
費忤中貴謫懷仁尉能拔馮太史琢吾於諸生中累遷
嶺南督學使者甄拔皆名士已攝篆南韶虔寇王子龍
餘黨嘯聚朝議用兵公力主撫全活以萬計功上受欽
賞再遷閩憲副時同安奸民妄稱日本移文將入寇民
情洶洶公畫戰守示鎮定民籍以安未幾以病乞罷兩
臺留之不得里居二十年屏跡公府獨嗜書苦吟有三
游二京中林諸集行世卒年七十九高風峻節人以比
許杞山云子直以丙午第一名入學中庚午鄉試今其
孫濬亦以丙午第一名入學中庚午鄉試數之巧合如
此

許聞造字長孺舉萬曆丙子鄉試席帽而見令君令歲
之曰帽價幾何曰亡價令君悚然久之司李河間聲甚
籍以艱去後補東昌治如河間擢監察御史時平酋蹂
踐朝鮮東援未捷聞造憤發抗章謫石大司馬條上兵
餉七事又兩上書政府責以大義見者咋舌出按甘肅
以礦使橫再疏極諫已疏劾張侍郎養蒙忤旨謫判哥
嵐入見魏中丞允貞允貞語謂之造厲聲曰吾擊君側
小人不勝至此固宜公之摧辱之也尋拂袖歸一日無
疾而卒所著詩文奏疏家乘地理纂要蠶譜等書凡若
千卷

查允元字虞臯癸未捷南宮丙戌廷對時年尚少敷歷

甯志備考卷八

九

兵禮二科有聲郎署間值關首為難屬國大司馬主封
貢議公抗言其非東朝未定又力言當早建人服其識
循資僉憲江右督學政豫章故理學淵藪公以公嚴帥
之出其門者皆為聞人轉廣西副使艱歸已復起參藩
江右尋致政日與清泉白石為侶而好行德其大者捐
腴田四百畝有奇以贍俗建宗祠以惇一本學者稱虞
臯先生

附良臣

史徽字洵美鹽官人宋崇甯五年進士嘗以戶部郎出
判西京轉運時徽宗下詔罪已罷西城所督捕賦徽遂
取逋籍悉焚之尋致政高宗即位復起司農少卿建炎

三年扈駕至京口與黃諤同遇害贈右文殿修撰子三人龜年均年岑年

按邑志言徽盡節而亡列之忠烈非也播遷之禍實奸相黃潛善致之駕至江干衆憤激甘心潛善倉卒間誤認黃諤為潛善羣殺錫徽時與諤俱死亂軍中是時乘輿無恙無節可盡獨其焚逋籍一事有良牧之風云

徐寬字栗夫成化辛丑進士歷工部禮部主政能以清節自砥年未四十即挂冠歸家居孝友惇睦好行德於鄉里其發家粟賑饑及嫁鄰女之貧者頗傳誦所著有醉陶集子海登進士邑父子登第自寬始祀鄉賢

甯志備考卷八

二十

良臣

陳珉字〇〇起家明經仕河南藩幕理問位卑祿薄而屹以廉自砥時有一甲科令以墨敗臺使者檄公訊之公歎息曲為解而旁輒有居功者陰食報於令公絕不知也久之得其實遂抗章自劾以歸絕其人終身不與見其嚴介如此祀鄉賢

按邑志有戒子以貪語余心疑之叩其裔孫兆勳兆勳為言狀甚晰所謂其人蓋毛裏戚云

許元奎字文華家貧攻苦力學大母督之尤峻曰不第不汝娶也久之登弘治壬戌進士時年壯矣始得娶權關荊州自課額外絕無沾染荆人廉之祀鄉賢

毛鵬字〇〇起家明經歷官袁州別駕清苦自勵如諸

生時其端醇之品始終一節允有先民之範祀鄉賢
唐琳字〇〇諸生時攻苦力學已薦明經官訓導持身
端肅孝友無間嘗道拾遺金而不私士論多之祀鄉賢
祝繼英字思堯起家孝廉任繁昌令不以家累自隨惟
攜二三蒼頭蕭然邸舍一切服食皆於家取給絕不以
煩民也秩滿調石城輒挂冠歸性嗜飲日舉亡算然未
嘗病醒

陸州字汝行嘉靖甲辰進士起家南昌教授歷守常德
累官臬憲治兵九江所至俱有循績而其於常德也築
石隄捍水置循環二簿以徵賦民尤便之語詳談子外
志

甯志備考卷八

三

徐炳炳字仲孚性穎敏自童子試迄得雋未嘗以廢牘
第嘉靖癸丑進士先是庚戌捷南宮矣以少時父命出
嗣伯氏而近例仕籍不得書本生父遂罷廷對歸此其
至性有過人者始仕曹郎累臬憲備兵大名卒官山西
參政官績於大名尤著魏人深德之詳談子外志
查志文字鳴周隆慶丁卯鄉試別廬州別駕以河工成
遷秩知無為州尋加同知銜仍治州事其以下缺

甯志備考卷九

當湖鈍叟趙維寰輯

名儒九之一

干寶字令升鹽官人一日臨安人一日其先上蔡人父瑩為丹陽丞因徙家鹽官寶起家著作郎累官散騎常侍其生平建豎鮮所考鏡而獨富於記考誤自搜神記以外著晉紀二十卷尤留意京房夏侯等傳有左氏春秋左氏義外傳又註周易周官凡數十卷篇蓋其學雖博而尤精於經術云餘詳談子外志。嘉興志云寶海鹽人父曰干瑩吳散騎常侍墓在海鹽治西南四十里。按外志有干慶曰寶之兄干朴干元顯曰寶之後皆無

甯志備考卷九 名儒

一

事實宜附見於寶傳不特書

吳夢非曰楊萬里偶談晉干寶一吏取禮部韻書於字下註晉有干寶以進曰乃干寶非于也楊大喜以為一字師然考宋版晉書文選俱作于及搜神記周禮註亦俱作于無稱干者胡承之以為字畫相沿之誤而取干子書為證按春秋有干犢後漢有干吉寶豈其後耶然漢亦有于定國焉知寶非其後也陸法言廣韻止引干犢而不及寶何法成晉書稱寶誤晉紀而不及干子恐未可據。余謂魯魚亥豕自昔為然即漢干吉今本有鐫于吉者又安知于定國之非干定國也干而干之于而于之存而不論可爾

戚衮字公文鹽官人大建末年卒經圖按談子外志衮少受三禮起家秀茂以周禮禮記顯門對策高第歷事梁武帝簡文又從國子博士宋懷芳質儀禮懷芳歿盡得其遺書仕太學博士累官江州長史他建豎無所見而獨以著述行世所著禮記義凡四十卷或亦古高堂伏生之流云。按邑志齊有戚顯梁有戚霸註云霸顯之子衮霸之子皆存其名而無事實宜附見衮傳

顧越字允南一曰思南鹽官人所居新坂黃崗家世業儒並顯門教授有鄉校經圖。越仕陳以官僚未盡時彥宣帝有奪嫡之意疏言太子天下本宜養善春宮而輔弼疑丞未及其選如文宗學府廉潔正人當使晨游

甯志備考卷九

二

夕論則非僻無從而入廢帝立晉黃帝侍郎見嘉志。按邑志越承家學於書無所不讀外志亦云越徧綜經旨尤精毛詩善莊老歷事梁陳間領五經博士卒官太常掌儀禮所著喪禮毛詩孝經論語老子等義疏凡四十餘卷蓋戚衮一流人也邑志有顧道望曰越之祖有顧仲成曰越之父但存其名而無事實宜附見越傳

施德操字彥執鹽官人學有淵源其說主孟子力排釋氏嘗謂孟子有大功四道性善明浩然之氣闢揚墨黜五霸而尊三王與張子韶同時交善學者稱持正先生語詳郡邑志外志

楊璿字子平鹽官人與施德操同時以講明道學相唱

和其學主謹獨學者稱為謹獨先生語詳郡邑志外志
按子平彥執蓋皆聞子韶之風而興起者邑令魏伯
珣並祠之學宮刑部尚書程大昌作祠記稱曰三先
生意二人當日聲望幾與子韶相侔伯宜鄉人士之
至今景行也

董澐字復宗一字子濤隱居好古初嗜吟與海內詩人
諸名家如吳下沈啟南關西孫太初閩人鄭繼之輩相
賡和流連山水至終日長嘯而忘返年六十七忽銳心
聖學聞王伯安先生講道稽山輒徒步往從之游盡棄
其學學焉遂號從吾道人志所好也臨沒自吟曰我非
汙世中者儔偶來七十七春秋自知此去無些染一道

甯志備考卷九

三

天泉月自流郡志載澐有割產贍貧兄燔券惠貧士鄔
魯事○澐子穀舉正德丙子鄉試以仕不遂拂袖歸嘗
從其父游王新建之門稱高弟穀每喜陶靖節形影神
釋之句悟蘇文忠水月不變之旨所著有碧里四存前
後集其性論一篇幾入新建之室云澐穀俱詳邑志外
志

董淞字子壬博學嗜古薄制不畜弘治中嘗以薦詣闕
上書萬言敷陳王道天子命試禮部罷歸或勸之倖塗
意殊不屑作書謝之有浮雲自去來難應鴻都詔語以
好行德家日落室人交謫夷如所著有聖學全書真儒
盡語紫陽正脈等書若干卷藏於家

文人閨秀附。九之二

顧況字逋翁鹽官人性超曠不以仕宦屑意在至德時詩文擅名與白居易皇甫湜諸人相唱和有集二十卷語詳邑志及外志。嘉興志云況海甯人居橫山善屬文工畫至德二載進士與柳渾游秉政不舉況又與李泌善泌相亦不舉久之稍遷著作郎為有司所排貶饒州司戶累歲脫縻無復北意結廬茆山號華陽真逸壽九十卒有集十五卷皇甫湜序之此與邑志外志所載微異

顧非熊況子也性穎敏一覽成誦好辯說以氣焰凌轢人故為時所抑久不第而名愈籍朝野重之長慶中放

甯志備考卷九 文人

四

榜仍下第穆宗素聞非熊名怪問所司詔進所試文親覽乃追榜敕賜及第大中中歷盱眙尉慕父風隱茆山其所著有妙女傳記宣州崔氏婢女得仙事而語多幻怪見唐人小說或傳飛熊得長生術云。按志于況曰至德二載進士于非熊曰追榜賜及第則况父子皆進士矣乃郡志進士科於唐祇載顏真卿而不及况父子外志亦祇載况而不及非熊豈偶佚其名與抑別有說耶姑存其疑以俟論世者

楊均宋咸淳間人工文詞令吳由修海昌圖經均實秉筆書成十卷又為著先賢錄以表彰邑先輩之名蹟雙廟侑祭樂章亦均所作也詞載圖經不具錄

郎暉字晦之游張子韶先生之門稱高足其所撰著有橫浦心傳日新錄諸書或謂暉曰君系與侍郎郎簡同譜暉曰吾家世白屋豈得妄扳華胄其貞正如此淳熙十四年以特奏名起家郭一暉曰

胡奎字虛白洪武初奎嘗以薦為府教授其學博極羣籍而尤長於五七言今讀其望湖亭北上行諸篇大有奇致雖仕不顯非風塵中人也詩詳邑志外志不具錄錄其未備者於遺詠一曰奎遇異人稱斗南先生

朱祚字永年晚號默齋先在洪武中有神童之目起家楷書科試事詹事府歷永熙宣三朝皆以詞賦被賞累官翰林修撰尚寶少卿有雪崖集行於世子裡嘗隨父

甯志備考卷九

五

謁宣宗於南城齋宮因命從事學文華殿博殿羣書被薦官中書舍人餘詳邑志

蘇平字秉衡號雪溪其弟正字秉直號雲壑兄弟皆以詩文著時吳下有十才子平正咸與焉平在永樂間以賢良方正薦不就放情山水所著有雪溪集正所著有雲壑集海鹽張甯為作碑記住郭店今郭店蘇氏即其裔云餘詳邑志

周敬字尚敬醇謹有學行嘗與孫大參璋同薦賢良方正辭不赴酷嗜吟咏所著澹齋迂叟稿唐詩選脈藏於家此下四條皆談仲木記

沈祐字天用築室紫峽山下藥欄花塢頗有幽勝時為

古衣冠相羊其間與同社中陳勾溪朱西村董蘿石輩杖笠相從嘲弄風月致灑如也所著有淳樸園稿行於世家

朱象衡字朗初侍御有孚之子僑居樵李為郡諸生厭時習好吟咏為歷下瑯琊之學盛行於世心殊好之自秦漢以下諸體具備一時詞人如歐禎伯殷無美屠長卿王百谷輩皆極推許所著有春雨編行世

沈一鳴字平叔家甚貧少失學私從里師口熟之長而教授里中以介特聞人弗善也鄉貴人有所造請時為規之游道遂不振性喜繪事里塾之暇輒解衣磨礪或為聲詩所著有秋吟草。春閨。夢斷愁難斷春歸人

甯志備考卷九

六

閨秀

未歸去年雙燕子依舊入簾飛。田家女。自分田家女來歸游冶郎欲隨郎意好新學畫眉長。山中。日日在中山中山中路應熟長吟無賞音題滿山中竹。山寒易搖落一日雨聲中雜取階前葉聽來自不同。紅芍藥。牡丹開盡見紅妝畫倚迴欄日正長疑似漢宮春宴罷美人三五醉瑠床

附閨秀

朱氏靜菴光澤教諭周汝航濟之妻也尚寶卿雪巖公次女太僕丞淡菴女弟自幼聰慧博覽羣籍尤精五七言有靜菴集行於世識者謂其學識純正詞氣和平得風人溫厚之體享年八袞以壽考終真女中文儒閨門

全福云其游仙懷古諸作載邑志外志
逸民附先民。九之三。

顧黯字長孺鹽官人先嘗為散騎郎已與同郡顧歡並
堅隱操齊武帝永明中與歡同被徵俱不就

朱世卿鹽官人其隱蹟無可考獨武林山有別墅題云
隱士鹽官朱世卿之別墅

張天雨字伯雨宋文忠公九成裔早棄妻子隱於黃冠
丰神秀挺見者知為方外高士工書善詩文益奇古與
吳興趙孟頫浦城楊載蜀郡虞集豫章揭傒斯清江范
梈金華黃潛諸人游互相賡唱晚年屏居修茅山志自
號句曲外史葬武林西山成化間人有坎其土者腦破

甯志備考卷九 逸民

七

復合疑為仙蛻云

董鎮字仲貞博通經術有用世之志本家海鹽值元亂
隱於甯之錢山錢山泉每夜靜月明輒登山劃然長嘯或
悲歌慷慨歸即閉戶高卧有慕其名者叩戶謁之相對
危坐終日不出一語人以為不可測

按邑志列天雨於方伎列鎮於流寓夫天雨以工詩
文善書而局之方伎是松雪虞揭諸公皆伎流也甯
本出自海鹽錢山與鹽接壤且志云鎮遺業尚在而
謂流寓可乎外志皆列隱逸似為得之而方伎猶存
天雨至併魯公橫浦逋翁而伎之愈不倫矣

朱景仁字〇〇居家孝友特聞更為德於里元季之亂

四方衣冠之士避地至者景仁悉延納之推衣食與同甘苦屢徵不就自號貞白道人

許淪字達夫性拓落不喜拘檢童子時以穎敏能文為觀察楊公繼宗所賞因脫父於危長補諸生貢入太學判永州非其好也未幾棄官歸買山結廬日縱酒耽詩以樂死

張洙字文東幼有異質日誦數千言詞彩絢爛萬歷辛卯舉於鄉時尚未冠藩臬大臣皆禮其廬然介介自守絕不肯干一牘至廢著償負以是家益落初為諸生時與童漢臣方九叙交善己二人皆顯仕憫洙寡處時有餉饋辭不獲即治具召其人至與共盡之不盡不止抗

甯志備考卷九

八

志守高矚然塵外竟以阨窮卒世所著有窮居集漢臣鐫行之

唐俞字聖言博雅工詩翰多深湛之思阮中丞鶚督浙學時檄曰海甯唐俞不求聞達人也而學精博操履淡泊與明月清風高山大川相游衍因大書逸士表其閭所著有審山樵漫草門人郭舜舉為之序

談仲木記

附先民

陳景宏洪武中以儒士薦官辰州府通判

陳公壽洪武中以人才薦官西安府知府

沈伯祥洪武中以人才薦官安慶府同知

俞辰永樂初又以人才薦官廣州府同知

夏子謙永樂初起家邑掾官大理寺左評事

祝淇字汝淵性醇謹不苟取予喜吟咏其舉動一稟於渾樸以子萃貴封刑部主事祀鄉賢

查益博學多聞不苟言笑設教鄉閭多所成就焉以子約貴封奉政大夫祀鄉賢

查繪生有至性事繼母能得其歡撫訓仲弟庭幃無間稱一鄉之善士祀鄉賢

陳中漸郡諸生也性倜儻不為曲謹豪飲好施與宗戚處頗無忤吝以子貴貤贈祀鄉賢

董載雅志樂善平心率物居恒義方訓子嘗仕藩府王以嚴見憚歸老清溪足不履城市鄉評重之

甯志備考卷九

九

先民

曹方履繩蹈矩好禮輕財邑有旌善亭所鐫榜方與名

焉

邑志列良民

潘茂賢字希聖身本庶出事嫡母孝養尤篤凡可悅母意者不惜盡力致之博學能詩復謙益一時稱之邑志列之

良民

孫節字時儉參政璋之元孫也確守門風清白無玷雖近城市而足跡不入公府壽滿百歲屢舉鄉飲不赴稱人瑞云士大夫贈詩文甚夥因彙為期頤集

或曰自陳辰州以下暨諸封公皆哀然軒冕而子概之以民得無不倫乎余曰不然民一耳而先民異凡士之敦古誼越流俗者始得稱先民吾正虞諸君子

以軒冕故溷時趨急欲得其生平證焉而不少概見方惴惴諛墓是懼奈何薄先民也

獨行附懿行。九之四

獨行者不藉扶掖不緣愆慝孤立一意以直行其是即鬼神猶避銳焉而外志所載似以尋常飲食之事當之溺其旨矣余故首列天性篤摯者十人而稍差次其餘以為之附或曰丈夫女子彙為一傳非古也余曰女子而丈夫則丈夫之余先列朱靜菴於文人矣復何疑

周阿二周小三周阿九三人兄弟也未嘗學問惟共竭力耕田養母母俞氏適病甚計無復之二與三各剝肝調美以進九則通體鈎燈以禱於神母疾遂瘳時稱一門三孝子。按三子皆宋時人惜其年次無考

甯志備考卷九 獨行

十

葉文榮海甯所軍餘也性勇而顛孝友天植弟文龍醉毆殺人官司訊服其母日悲泣不食文榮痛弟復慮母之以弟故病也一日辭其母曰兒年長幸有後願代弟死遂詣官暴殺人狀皆由己官遂釋文榮坐法此與坡公所傳狄武襄事殆無異云年次亦無考

吳烈女慶真靈泉鄉吳初女也甫笄許字何謙謙故邑令何得舉孫女未歸而謙卒遂不御膏鉛介然有終身意父母憐其少覬奪之慶真號慟求死議遂寢父母繼沒慶真益哀毀敝服垢容絕跡戶外兄嫂欲易其志密

令宗姻曲諭慶真即破鏡自矢兄嫂無如何則析居別食以恐之慶真遂依幼弟景暉紡績自度八年如一日弘治丁巳冬謙且葬舅姑先期報聞慶真乃具牲醴偕兄若弟往哭奠決計且殉一夕自盡者三姑覺嚴防止之晨即遣返既至輒闔寢室自縊時年二十有八舅為殮尸合葬焉縣令易蓋為之贊載邑志

事疑在永宣間

居氏貞娥呂詢妻也詢自幼病風癘絕不省生人事娥歸詢未幾而詢死他迫之他圖語氣甚激貞娥不為動乃出之北鄉田舍蓋難之也娥即奉詢柩如田間日夜紡績以自給里母憐之謂曰寒餓槁死荒野沈寥誰知之者娥泣失聲曰吾命則然義不走第二條路終殉呂

甯志備考卷九

十一

生地下耳自是熒熒枯守歷因悴三十年而卒許杞山先生為之傳曰書呂詢妻而復曰居貞娥者何有家妻道也業有家矣猶處室焉娥之貞云爾蓋呂生故癡迷名夫婦而無其事故云

諶氏宋建炎時楊由義母也由義父奉直以軍前正將扈駕南渡留杭未幾虜寇杭由義携母及幼妹避鹽官虜騎踵至諶謂由義曰汝父必死國我當死夫遂乘間抱女投運河死

陳氏貢士徐然妻也嘉靖丙辰島夷入境陳謂然曰事急矣吾誼不辱若若急攜兒走時季女三妹年未及笄亦悟遽起投河氏拂然袖絕裾抱女並沉河氏死越三

日然得其尸時方盛暑神色不變然藁葬之是日晴空
皎烈而陰雲覆葬所者幾半日抵家復有庭蘇變竹嚴
醢化水之異識者謂為陳氏母子之應云事聞督學郡
邑為旌其節

董涓妻虞氏名嫵嫵少慧知書年十六歸涓裁兩月而
涓得暴疾強死嫵慟幾絕至刻木為涓像事之茹荼苦
者幾五十年而卒許杞山為之傳云仲由結纓王蠋伏
劍概之虜廷十九年不屈之臣等臣節耳而子卿險艱
倍什伯節婦亦云悲夫嫵善詩有諸題咏載外志

十香亭馬節婦庠士馬鍾英妻許氏也歸鍾英五年舉
一日裁二十日而鍾英以病革節婦攀號欲絕者屢聞

甯志備考卷九

十一

呱呱聲強杖淚已復哭母哭舅姑旦暮頂禮西方課兒
於成立蓋茹荼苦者凡三十三年而後節婦第令典為
上其事於朝疏言氏手書十香誦一香一祝手書思親
記一字一淚行道聞之無不心測蓋言言實錄云節婦
嘗構斗室於閣名十香亭每拈香為十祝一天二地三
日月水土四君王五父母六公姑七八亡夫九孤兒十
后亂故學士先生俱稱十香馬節婦

外史氏曰余纂獨行傳至節婦虞嫵借題咏見志未
嘗不悲其志之苦而嘉其才之雋也及讀十香誦覺
切實肫懇裨益閨教殆有進乎菊竹諸篇者焉是足
以風矣馬生源孝靜重悖嚴不妄言笑其得於母教

者深乎。按上十人或起農家或由軍伍或生閨閣非有詩書講解之資師友切磨之助也乃其信心獨往直可以砥柱乾坤激揚千古此之謂真獨行

附懿行

褚文奎 缺名里人頗解書義嘗應童子試不售訓蒙里中以養母母得疾勢劇莫可救文奎乃避妻子夜禱於天潛操刀割左股為羹以進母啜而少間然已不可為矣談子悲其志作詩紀之志見外

朱俊妻董氏歸朱三載而俊沒水漿不入口者久之宗戚苦勸動以存孤乃強起飲食然晝夜哭聲不絕行道哀之編修戴大賓作長短句以悲其志當俊沒時兒鑑

甯志備考卷九

十三

懿行

裁踰歲董能撫之成立鑑卒能上母節於當道旌其閭編修題句載外志

范福貞邑人朱銓妻也銓亡福貞截髮自誓冰霜凜然弘治十七年以節旌吳門王渙為作翦髮賦賦見外志董氏淑真士人朱士廉妻也年裁二十四而士廉卒氏守節不二以撫藐孤弘武中被旌

孫氏農家女生元季適同邑杜保二生子方晬而保二卒矢志不二至正十九年旌其閭。按郡志宮室門甯有杜節婦孫氏者元迄國朝兩被旌表士大夫為顏其堂曰貞節堂吉水解縉撰記堂記今皆無考

郭彥昭妻孫氏孫敏女也彥昭以名醫超赴召氏偕往

而彥昭沒於京氏走三千里扶柩歸時年二十七耳姑欲奪其志為截髮自矢終身不易正統十三年旌敏甯

都人

李氏毛穎妻嘉靖十三年穎故李時年二十三生子鳳章甫週歲李號慟不欲生姑曲諭稍解遂絕去華飾足不越戶晝撫嬰兒夜紡績以供姑舅其教子卓有成立守志四十餘年而終事聞臺院累被旌揚規郡

孫經農家子父早沒與其弟緯躬耕養母母有一疾甚怪非藥餌能療但思食一物隨得隨起稍遲即劇二子乃竭力營辦備諸品以俟一日病作思鰕羹二子即輟田事徧求諸市不得正跼躄忽於水際見水動二子競

甯志備考卷九

十四

解衣入水求之徑得巨鰕數隻急調羹以進而母病已人咸異之

鄭氏沈鉉妻年二十八而鉉沒父憫其年少欲更之氏義不二守之終其身洪武十七年旌

金氏楊宗文妻也年二十九而宗文沒氏守志不易茹苦終其身宣德間被旌

周氏祝守昇妻也少孤養於外家及笄歸守昇故壁立授經餬口亡何守昇卒蓋歸祝裁四閱月聚首不終月

氏矢志靡他手織衽以撫遺子茹苦終其身談仲木記

賈氏庠士祝湍妻也歸祝甫三年而湍以攻苦得疾不起氏矢志不二成化二十三年旌

查模妻王氏模亡守節不二弘治十七年旌

郁成妻施氏成亡砥節自誓以沒世正德元年旌

朱璋妻章氏生子裁八月而章死氏慟終以身殉姑曲諭以存孤乃忍死守志茹苦四十年而卒子孝廉衣仕為湘潭令章所教也

朱氏朱小渠女祝以旃妻也旃力學而貧以試不售感憤沉河死朱年纔二十一翁姑促嫁之矢志不奪因迫令歸母家茹荼苦甘焉每挈壺飡哭夫於墓如是者四十年而卒宗人少司空時在南都傳其事一時名流皆作詩咏之榘詒

諸生周東妻吳氏生子裁踰歲而東卒吳氏年裁十八

甯志備考卷九

十五

矢志自守奉舅姑以禮即人子弗如人稱節孝見談子外志

談輔妻徐氏談擁厚貲尋夫徐血誠守志莊肅持家家以不替隆慶時許令天贈旌其閭談子外志

諸生俞履禎妻朱氏年十八而履禎沒無子氏隻影自憐矢志四十年如一日談子外志

孫率祖妻馬氏率祖夭氏裁十七撫遺孤復天又撫其孫克成立亢節五十餘年而卒輿論難之江南華亭董太史其昌為之贊贊云珩璜為飾幽蘭為佩玉之潔不可湮蘭之馨不可絕斯與古今之卓婦壽母垂嬪則而稱女宗者同根而共節雖君王築臺猶非其所屑又何有於官司之綽楔蓋貞婦未亡時有議上其事於有司

者貞婦正色謝絕故云

錢先生汝俸記

嚴一妻一氏勵志守節萬厯間豎坊以旌曰冰清玉

潔見談子外志

董謙故素封也親喪廬墓以孝聞成化中旌其門

余按廬墓事孝子所侈談自有孝子隊道中為名賢所詬黜者而其事始不足重謙故素封空山寥寂抑有所為自適者與余故傳懿行而以是終焉

義俠九之五

賈銘字文鼎元季以貲雄海上為萬戶長性好客能振人之急有劇孟郭解之風一時名士如胡隆成鮑恂輩咸歸之劉伯溫未遇時亦客其家蓋有意於銘也久之

甯志備考卷九

義俠

六

知其無成乃為擇葬地於尖山之麓曰令汝家世橫金與國終始後銘二子果以汗馬功並襲世指揮於河南臨山二衛銘壽百有六歲一日晝寢夢更緋衣策雄騎而西道逢一女子輿飾侍從甚盛出拜曰妾自月宮來送彭祖殯前新塚即彭墓也語畢驚寤而伯溫適緘壽山福海圖為銘壽門者持入銘讀其題詞有商郊葬彭祖嫦娥寄消息等句銘喟然曰夢與詩符吾將逝矣越三日卒其事詞詳談氏外志

賈用中黃崗里人也富而好施負俠氣先是邑有學田以贍貧士蓋張橫浦先生後裔所捐追贈賜田也然未裕有夏泰亨者與用中語用中欣然割私田百畝籍之

學無吝色邑自入元士未有與計偕者及是至正己亥
賓興用中二子祥麟祥鳳俱中式人以為尚義之報云
見夏泰亨新田記

董慧字如魯富好行德景泰甲戌歲饑輸穀四百石成
化癸巳海決民流又輸六百石丁酉大饑又輸千石有
司例授以承事郎力辭強之冠帶乃又輸千石以為荒
備其他置義田葺文廟掩骼建橋諸事未易枚舉章楓
山先生為表其墓

徐義字彥宜性精敏能積能散成化十三年海決歲稔
死徙載道義為作糜舖之日給數百人如是者八閏月
是秋大獲乃止全活不可勝計子寬後登進士楊文懿

甯志備考卷九

七

公守趾為志其事於墓銘

周輦字尚行善治生讀陶朱公傳三致千金而散之為
之慨慕晚年積貲數千每出以周族黨賑鄰戚人有貸
假者無所吝或厚負之一笑而已嘗自言吾生平養身
無縱欲之疾作家無越分之費與人無求勝之忤處世
無作之孽及大耄營高敞地為生壙許雲村先生志之
壽幾百歲

徐軒字叔明性任俠不問家人生產喜賓客留連觴咏
竟日怡如入太學傾動一時名士尤喜賑貸有厚負者
置之若忘絕不色忤也嘗宿武林湖上聞一丐者日夜
號不輟乃獨身蚤起持一金予之不令人知其陰行德

都類是子維揚繪觀俱領鄉薦人以為冥報云談仲木記
流寓九之六

揚由義字宜之家世開封建炎初由義父以軍前正將
扈駕南渡未幾虜寇杭由義奉母妹避地鹽官虜騎踵
至母妹俱以節死由義被執事燒褐主郎君郎君解衣
衣之日見四太子兀木夫婦由義私念母妹俱死父捍
敵於外未知存亡何惜一死不為天下復仇乃裂小紙
數十書某官子某藏之柱隙將懷以刺四酋惟求一匕
首不得所親小番借用番令畫地為樣詰欲何為由義
詭對次日隨至轅門則不得入矣虜縱火自餘杭銜舟
以東道經秀州義遂宵遁尋復為他虜所得詰由義所

甯志備考卷九

流寓

六

從來義以實對因俾義行前大呼燒褐山人舟已無及
則置義他舟是夜復逃得脫既抵杭則其父適以督軍
還自富陽父子大慟為母妹成葬禮遂家於鹽官由義
幼時頗從事學問久之遂與漕薦丰度俊偉詞韓翰典
麗館於賢士大夫之門者凡二十年晦菴朱熹亦其第
子也後調臨安酒正以課羨轉修武郎特差犒賞兩浙
酒庫隆興和好成虜求唐鄧海泗之地時盧仲賢使北
辱命由義請行至虜營元帥強之拜由義曰本朝見宰
相無拜禮此膝詎易屈虜怒械繫之月餘守節益堅竟
完璧歸孝宗嘉歎以義嘗試春官特易文階累遷太府
卿兼刑部侍郎卒於甯

見圖經註云此由義子斬春太守所記

餘詳邑志

及談子外志

凌景夏本餘杭人政和中以從無垢先生學徒步鹽官
紹興癸丑即登先生榜第二累官吏部尚書今亞魁坊
即其寓處也生平載餘杭志

汪應辰字聖錫本信州玉山人少受知於喻樗知張九成
賢問之樗得其詳乃至甯從九成學學益進登紹興
五年進士第一秦檜力主和議應辰疏爭之云和議不
諧非所患諧矣而因循無備之可畏異議不息非所患
息矣而上下相蒙之可畏檜惡之遂乞祠歸時九成謫
邵州交游皆絕應辰獨時時通問九成喪父言者方交
攻而應辰獨千里赴弔人皆危之浩然弗顧也有全傳

甯志備考卷九

九

載宋史餘詳邑志

趙汝諲其先開封人太宗皇帝漢王元佐下節度使仲
邁之子名士隆者即汝諲祖也士隆死李成之難甚烈
子六人死於難者三事聞高宗歎悼官其孫二人而汝
諲以孝宗乾道七年來丞鹽官因家焉。按圖經載王
沆而獨詳王稟事載汝諲而獨詳士隆事蓋皆因孫而
及其祖識沆諲所自來也士隆圖經曰士開邑志曰士
龍皆誤隆字景瞻景瞻名士隆見宋史

木待問字蘊之本永嘉人隆興元第年廷對第一以宦
游嘗息於甯後卜居城南遂名其里曰仁賢里餘詳邑
外志

鄒世聞本登之黃縣人以世襲百戶調戍海甯與管民官共理鹽竈有德於甯竈語詳邑志會張氏臨浙西元官多從逆者公切齒後遂屏居硤石元亡不食死其妻李氏亦以知聞

貢師泰字道甫本宣城人初舉茂才累國史院編修會修宋遼金史忤當事出為嘉興府治中上下憚其廉明歷官兩浙運使戶部尚書轉運南北會海上多警遂留甯寓湖塘村之朱鏞家為鏞子講學謝肅胡奎皆其友也所居里名曰小桃源卒葬胡塘村南其族子友初嘗從師泰僑寓錢塘詩才清麗有送戴伯貞還廣西一律為時稱賞師泰履歷詳邑志外志

甯志備考卷九

二十

劉伯溫名基本處之青田人未遇時嘗來游甯寓黃灣賈氏語載賈銘傳其自黃灣返於杭道經鹽官許村皆有詩詩載邑志外志其縱游西湖見紫雲起西北識真主受命已當為之輔疑即此時云

何得舉閩之晉江人洪武初登進士任海甯令已政成乞休致遂卜居雙仁巷終焉墓在西門外孫謙即所聘吳烈女者事詳外志邑志

林文貴台黃巖之騎兵也從千戶呂忠征姚源賊於開化賊猝至忠既力戰死衆遂奔潰文貴厲聲曰奈何負主將遂大呼直前挺鎗持賊賊擁衆擒之脅使降貴怒罵曰我是朝廷命軍豈肯從賊賊怒甚縛之樹罵不絕

口剖腹剝腸而死邑人董灃作古風一章以弔之詳外志

按邑志外志俱列文貴於甯與龔瑾呂忠並余謂忠生長黃巖其死也又在開化獨一時徵發屬忠部下耳於甯固風馬牛不相及也獨其死事之烈不減睢陽常山有必不容埋沒者列之流寓庶為得之

方伎九之七

魯之茂海甯人號雪村善畫梅竹宋甯宗朝仕為郎一日之茂海鹽人

宋鎮海甯人洪武三十年以明天文召入欽天監授博士遷挈壺正

甯志備考卷九 方伎

三

郭昭乾宋南渡時人嘗遇異僧畫一牡丹遺之初不甚珍藏既久發視之花瓣中隱隱有字讀之皆古醫方也大異之遂按方試以療疾無不奇驗後又聚藥煉為丹俄見鑪上有花若牡丹狀丹成如黍珠用以活人即濱死者皆起自是郭氏醫傾郡邑傳三世有仲敬者能以方起宋一宗篤疾御賜葬地二十畝在靈隱寺之陰併賜國姓遂有趙郭里之號

郭濬記

王賓生員善楷書永樂六年以楷書被徵授中書舍人遷禮部郎中

許性生員善楷書永樂六年與王賓同被徵授贛州府同知遷刑部郎中

宋徽即挈壺正宋鎮子明天文五行之學正統間蔭欽
天監保章正纂捷法素書以便後進奏休咎屢驗賞賚
特優

周焜邑諸生不知何時人能畫竹石尤工蒲萄氣韻生
動宛然逼真遇得意處輒題小詩其上詩極清峻嘗手
箋唐詩若干卷蓋瀟然有出塵之致云

談仲木記

俞橋海甯人少業^備究心理學兼精岐黃術嘉靖中以名
醫被徵累官太醫院判橋於方書無所不晰更博詢諸
名家得河間潔古東垣未刻諸稿及古今諸家授受秘
方斟酌損益之以治疾無不奇驗居京師恥事權貴而
貧家延之必盡心療治以故名愈籍而家日窘士大夫

甯志備考卷九

五

雅重之所著醫學大原一書蒐輯樞素以下諸家有關
證脈者次以賦括令業醫之士診脈製方皆有所考證
焉

志郡

施中元幼習儒不售攻岐黃術萬歷乙未海決築塘塘
夫觸暑半瘧痢中元倩人擔香蒿劑為療全活頗衆志
在行德而家貧居恒每以無大施濟抱歉卒年七十九
其狀修髯鶴立見者訝為神仙中人

吳夢非記

甯誌備考卷十

當湖鈍叟趙維寰輯

武衛十之一

甯邑瀕海洪波巨浸攻剽者出沒其間匪獨島夷內
訏為可慮也其地重故特設千戶所以司守禦而余
因彙其關切守禦者為志武衛

國初於會城置都指揮使司統諸衛所洪武三年始立
杭州衛都指揮使司分立海甯錢塘二衛指揮使司二
十年乃改海甯衛為海甯所自是建署設官遂為定制
甯之守禦所公署在縣治東洪武間千戶湯玉建有堂
有後堂有吏目廳有鎮撫廳久之廢正德間千戶金堂

甯誌備考卷十

武衛

一

嘉靖間千戶許德相繼重修之視舊稍恢焉前衛軍器
局在興忠巷衛軍器局在師姑橋其演武場則在東郊
去城一里許其官屬則有正千戶三員副千戶五員

司六員鎮撫一員百戶九員縣志曰多餘百戶一員縣志

餘名疑併此皆世職幕職則有吏目一員係流官

軍額。海甯所原額軍旗一千三百五十一名今事故
者六百二十三名僅存七百二十八名運船三十四隻
每船旗甲一名軍十名。按軍戶耗損之故與運船之
所自來其說皆載在邑志

屯糧。海甯守禦所無屯田其軍餉俱於本縣民糧內
支給本所原額總旗十名小旗二十一名軍六百九十

七名其支給之制總旗月支本折一石五斗本色米八斗折色七斗小旗月支本折一石二斗本色米八斗折色四斗充發軍士正軍月支本折一石本色米八斗折色二斗老疾軍人月支本折一石本色米三斗折色七斗其支給本折每年本色米六個月約該二千九百三十餘石折色米六個月約該二千九百三十餘石該銀一千四百六十餘兩

民兵。隆慶初各縣所編民壯海甯三百六十名四年巡撫谷中虛仍取甯三百三十二名充餉五年巡撫郭朝賓議操練仍復甯七十二名萬歷三年仍以防禦不足加復海甯百名然實未嘗操練也操練自萬歷六年

甯志備考卷十

二

始其法歲以春二月初一日開操五月初六日止秋八月初一日開操十一月十六日止自景泰五年以來正軍皆充漕運更選餘丁操備戰守若石墩赭山巡檢司弓兵各於其本城操練巡海官監督之

營砦。甯之為寨者二為烽燧者十一俱詳縣志

關隘。凡地方要害處各設巡檢司所以譏察奸慝緝捕私販鹽徒及逃亡軍民罪囚甯邑邊海視內地尤劇故獨設巡司二一日石墩巡司一日赭山巡司二巡司為海鹽仁和交界地志規制見邑

正千戶三

呂鍊其先本舒城人始祖聚以靖難功授海甯千戶所

世副千戶聚傳能能傳熊能傳忠忠傳繼臣繼臣以父
忠陣亡陞本所正千戶繼臣傳相相傳律律傳鍵鍵以
運速功陞署指揮僉事。按縣志呂聚以洪武三十四
年由百戶陞副千戶呂能宣德十年襲呂能成化十年
襲呂忠宏治五年襲以陣亡贈正千戶其子繼臣以正
德十六年襲正千戶呂律嘉靖二十一年襲呂鍵優給

繼臣下缺
相一傳

楊師震其先本西華人始祖名累靖難功授武衛中
左所正千戶名傳原調海甯所原傳武武傳瑞瑞傳鳳
調建甯右衛左所尋復海甯鳳傳繼隆隆傳勳勳傳師
震納指揮僉事。按縣志名以洪武三十五年由百戶

甯誌備考卷十

三

陞原以正統五年襲武以天順七年襲瑞以宏治十一
年襲鳳以正德七年襲繼隆以嘉靖十六年襲

原源隆龍二名
互異未知名孰是

湯應龍其先本通城人始祖成累征進功授建甯衛世
百戶成傳友敬友敬傳玉調湖州守禦千戶所以捕奸
功陞調海甯守禦所世正千戶又以隨駕勦賊等功陞
調處州衛指揮僉事玉傳輔仍降本所正千戶輔傳盛
盛傳家霖家霖傳執中執中傳應龍納指揮僉事。按
縣志湯玉洪武間由百戶陞後陞指揮僉事盛以成化
十九年襲霖以正德八年襲執中以嘉靖二十六年襲

玉以上缺成敬二傳玉以下缺輔一傳應龍未入
余謂成敬再傳而及玉則玉不應在洪武間疑誤

副千戶五補一

蔡允恭其先本懷遠人始祖志累開國暨征進功授驍騎衛流百戶志傳得陞海甯守禦所世副千戶得傳勝勝傳政政傳英英傳春春傳齡齡傳寅寅傳允恭納指揮僉事。按縣志蔡得洪武二十八年由百戶陞蔡勝洪武三十五年襲蔡政永樂十一年襲蔡英天順七年襲蔡春成化十六年襲蔡齡正德元年襲蔡寅嘉靖四十年襲蔡天寵優給允恭以上缺志一傳寅以下有元寵無年襲蔡天寵優給允恭以上缺志一傳寅以下有元寵無由志始則洪武二十八年當是志授流百戶時非得也由百戶陞或在三十五年其為得未可知平允恭天寵是一詳二未詳

甯志備考卷十

四

金鉉其先本泰州人始祖智以首奸功授水軍左衛世

副千戶智傳讓調海甯守禦所讓傳彤彤傳輝輝傳煜

煜傳堂堂傳印印傳鉉。按縣志金權洪武三十年由

百戶陞金讓永樂十年襲金彤正統五年襲金輝成化

十九年襲金堂正德十二年襲金印嘉靖三十年襲讓

前有權無鉉名形以下

孫允武其先本六合人始祖興累開國暨征進功授汀

州衛副千戶興傳貴調海甯守禦所貴傳容容傳玉玉

傳雲雲傳寶寶傳熙載熙載傳允武。按縣志孫貴揚

州人洪武二十年任孫富洪武三十五年襲孫容宣德

八年襲孫玉景泰元年襲孫雲宏治四年襲孫寶正德

三年襲熙載嘉靖四年襲孫允武嘉靖二十八年襲貴

上無與名容以上無富名法
二傳揚州與六合亦互異

朱繩武其先本江都人始祖真以靖難功授海甯守禦
所世副千戶真傳洪洪傳勇勇傳循循傳奎奎傳光光
傳壁壁傳繩武。按縣志朱真正統元年授朱洪正統
三年襲朱勇成化四年襲朱循宏治九年襲朱奎正德
十二年襲朱光嘉靖十五年襲朱壁嘉靖三十五年襲
絕武名未入余謂真以靖難功授職似應在永樂初不
宜越洪宣二帝隔三十餘年而始敘也正統元年疑悞
或耳未詳元

姜望其先本湘潭人始祖泰以征進功授旗手衛右所
世百戶累調海甯守禦所泰傳忠忠傳兆兆傳震震傳
需需傳頌頌傳源源傳楫楫以陣亡贈副千戶楫傳望

甯志備考卷十

襲世副千戶。按縣志姜泰洪武二十二年授姜源正
德十年襲姜楫嘉靖二十年襲三十二年陣亡贈副千
戶姜望嘉靖三十五年襲頌以下志兆震需
補。許隆六合人洪武十八年由百戶陞許城洪武二
十年襲許敏正統三年襲許敬正統九年襲許瑛成化
六年襲許權宏治十一年襲許現嘉靖十五年襲按許
傳郡志皆不載余據縣志補之
其先所錄得敘者何功無可攷

鎮撫一

潘國良其先本山陰人始祖諒以守城功授錦衣衛左
所世鎮撫諒傳儼儼傳俊俊調海甯守禦所俊傳瑛瑛
傳澄澄傳繼榮繼榮傳國良。按縣志潘諒山陽人洪
武三十二年由

軍士陞潘儼永樂十九年襲潘俊正統元年襲潘瑛
景泰七年襲潘澄宏治七年襲潘繼榮嘉靖十九年襲
陽山國良尚未列名山陰未詳孰是

百戶九

周應熊其先本定遠人始祖定真一日以征進功授海甯
所世百戶定傳順順傳綱綱傳全全傳經經傳相相傳
應熊。按縣志周定洪武二十七年由總旗陞周順洪
武三十三年襲周綱永樂二十二年襲周全成化二年
襲周經宏治八年襲周相嘉靖十八年襲應熊名
鄭一魁其先本鳳陽人始祖福以父得衆征進功授府
軍右衛世百戶福傳全調海甯守禦所全傳翊翊傳冲
冲傳弼弼傳應陽應陽傳一魁。按縣志鄭福洪武三

甯志備考卷十

六

十一年由總旗陞鄭琬正統十三年襲鄭翊成化二年
襲鄭冲成化二十二年襲鄭弼正德三年襲鄭應陽嘉
靖二十九年襲翊一魁名未入郡志

只應奎其先本狄道人始祖納以征進功授權百戶傳
理火互授臨洮衛世百戶調甘肅衛理火互傳忠調海
甯守禦所忠傳政政傳勇勇傳能能傳琪琪傳師師
卿傳應奎優給。按縣志只理火互洪武九年授只忠
洪武三十四年襲只政正統十一年襲只勇成化二年
襲只能宏治三年襲只琪正德十五年襲只師卿嘉靖十

九年襲應奎尚未列名

莊繼任其先即錢塘人始祖貴成以征進功授江州衛

流百戶貴成傳敬調海甯守衛所世百戶敬傳泉泉傳
椿椿傳乾乾傳泰泰傳繼任。按縣志貴成以洪武十
五年授敬以洪武三十四年襲與以正德十二年襲春
以成化五年襲乾以正德五年襲繼任以嘉靖二十八
年襲乾下缺泰一傳泉
作與未執是
李韜其先本溧水人始祖勝以征進功授海甯守禦所
世百戶勝傳恭恭傳斌斌傳震震傳綱綱傳霖霖傳深
深傳韜。按縣志勝以洪武二十九年授恭以永樂六
年襲斌以正統十一年襲震以成化元年襲綱以成化
十五年襲霖以成化十九年襲深以正德十二年襲韜
以嘉靖二十二年襲

甯志備考卷十

陸科其先本泰興人始祖達以征進功授海甯守禦所
世百戶達傳政政傳昂昂傳魁魁傳照照傳雲雲傳科
科以運速陞副千戶。按縣志達以洪武三十年授政
以宣德四年襲昂以景泰六年襲魁以成化五年襲照
以宏治二年襲雲以嘉靖元年襲科以嘉靖二十八年

襲昭照未
知孰是

盛綱其先本樂平人始祖仁以征進功授府軍右衛世
百戶仁傳斌歷調海甯守禦所斌傳文文傳玉玉傳鑑
鑑傳昂昂傳山山傳綱。按縣志仁以洪武十八年授
斌以洪武二十年襲文以宣德三年襲玉以正統十一
年襲鑑以景泰二年襲昂以成化十八年襲山以嘉靖

五年襲

綱未列名

吳朝相其先本臨淮人始祖成以征進功授海甯守禦所世百戶成傳勝勝傳龍龍傳榮榮傳斌斌傳震震傳鸞鸞傳鑑鑑傳朝相。按縣志成以洪武二十三年授勝以洪武二十九年襲龍以永樂四年襲榮以正統八年襲斌以景泰三年襲震以成化十年襲鸞以正德八年襲鑑以嘉靖二十八年襲時朝相尚吳翰其先本合肥人始祖忠以征進功授海甯守禦所世百戶忠傳懋懋傳俊俊傳傑傑傳雄雄傳綱綱傳誠誠傳翰。按縣志忠以洪武二十九年授懋以永樂十九年襲俊以景泰六年襲傑以天順八年襲雄以宏治

甯志備考卷十

八

五年襲綱以正德元年襲誠以嘉靖十七年襲

翰未列名

多餘百戶一

徐世卿其先本句容人始祖福慶以征進功授山東甯海衛前所世百戶福慶傳禎調海甯甯守禦所禎傳端端傳昱昱傳胤胤傳齡齡傳隆隆傳寶寶傳世卿。縣志無多餘名亦無徐氏

幕職吏目一員係流官不載

余按諸弁之名載在郡邑志者其參差脫佚在百戶猶十之二在千兵幾十之五夫縣志修於縣諸弁咸在焉可面質也而反不若郡志猶能考其立功之所自更調之所歷至前列武職謂百戶十員而列名止

九姓尤不得其解矣多餘之名郡志有之而縣志無
似當以縣志為正而合之所謂十員者又非無說余
故並存其疑以俟夫生斯地官斯職者嘉靖中年以
後余皆不敢

問蓋有所畏云

附見

錢佩甯之長安鎮人嘉靖間倭寇浙閩從戚總戎督兵
援興化仙遊等處以功授海甯所百戶後練兵薊鎮晉
秩千戶佩弟某復從征兩廣以勦羅旁奏捷欽授海甯
所鎮撫佩長子夢祥仲子應祥皆以邊功著見吳夢
非誌餘
杭州右衛世試百戶一人曰蔡文龍本海甯人其
始祖春以沙尤功授杭之右衛後所世試百戶尋實授

甯志備考卷十

九

春傳霖霖傳恩仍試恩傳惠惠傳文龍。按此二條錢
佩查非實授海甯蔡文龍亦系職杭州右衛俱與海甯
所無與獨以其為甯人姑附之末以彰甯邑武功云

陳善議曰國朝官制武視文銜並崇一階所以重虎
臣也乃世曹子弟往往玩國恩而不務學上官每賤
之以是議者欲立武學夫武學亦未易立矣宜仿京
衛武學規條凡應襲年十六以上者皆令入府學簡
三學校職之有才畧者教以文事又簡武舉之諳韜
鈴者教以武事平日講誦自孝經小學外如武經七
書百將傳之類雖未能使一一精解而亦必令知忠
孝大節與夫攻圍戰守之要指若騎射劍槊則每月

按試之不中程者罰無貸至其入官後則又必以便
宜從事凡遇考選年舉全浙衛所伍官更相推調使
不得倚世官威望以凌虐本管腹削楛尅如是而積
弊可祛庶得其實用乎

附唐宋時兵制

唐會昌三年置鹽官鎮在縣西一百步名建甯鎮大中
十四年遷於縣西北二百步朱梁開平四年改為鹽官
鎮

唐天寶五載置烏山戍在縣東七十里烏山上以山為

名

今無烏山當即是烏龍泉山

宋高宗建炎後置砦兵於臨安凡十三其在鹽官者五

甯志備考卷十

十

上管巡檢司在縣東南五里舊有青村二字為寨額置
寨軍一百二十人

黃灣巡檢司在縣東六十里置寨軍一百二十人

硤石巡檢司在縣東北六十里置寨軍一百人

許村巡檢司在縣西北四十五里置寨軍一百人

赭山巡檢司在縣西南五十里置寨軍一百二十人

皆土軍

尉司弓手一百七十二人 長安閘兵五人 七里鋪

兵六人 長安鋪兵六人 俞墓鋪兵八人 許村鋪

兵六人 以上俱見圖經

方外十之二

自山川民物禮樂兵刑以及米鹹絲粟近取眉睫綿
及今古而域中之事盡矣雖然滄桑變易陵谷遷改
大地百年咸歸幻泡夫巋然靈光其惟彼太空乎誌
方外。寺觀以詳縣志茲特據郡志及圖經畧訂其
一二參差者而獨詳於歸併則縣志所未及也末即
以禪元兩家附之

太平廣福寺其所歸併者二曰慶壽永甯寺曰南觀音
院

崇教寺郡志言五代成夫人捨園為寺邑志又言漢成
夫人而皆引圖經為證云余攷圖經則漢戚夫人也
甯邑水利有寬制亦始自戚夫人不知夫人何以至

甯志備考卷十

方外

十一

此寺所歸併者二曰圓明庵曰東林庵

真如寺相傳晉干寶宅其所歸併者十二曰寶嚴寺曰
接濟院曰延聖妙智院曰閩濟院曰北永甯院曰上
方延壽院曰接待朱何庵曰積寶庵曰西觀音庵曰
雪峯雙桂庵曰慧照庵曰正覺庵

真相寺其所歸併者二曰雪峯廣福院曰淨信院

崇惠寺郡志云至正年建縣志則曰至大其所歸併者
三曰四果華嚴院曰勝果院曰圓覺菴

西山廣福寺在硤石紫薇山頂宋天禧五年邑人宋坦
捨宅建熙甯元年賜額壽聖隆興元年改是額兵燹
元大德間重建其所歸併者六曰崇福寺曰瑞應觀

音院曰東山廣福院曰黃坡庵曰永平庵曰興福庵。
。按圖經云東山西山各有廣福院楊璿二詩首題
西山次題東山則郡志以前詩為章孝標題後詩為
楊題崇惠寺非也縣志云併入西山近是

永隆廣福寺其所歸併者二曰水陸院曰出塵院
金佛寺宋紹興間名上乘院其所歸併者四曰超王院
曰淨居院曰惠明院曰戒壇院

永甯寺一曰縣西二十里一曰西北五十里其所歸併
者一曰壽昌院

薦福寺唐會昌五年廢大中十三年重建元末燬洪武
初重建其所歸併者二曰開福寺曰聖果寺

甯志備考卷十

士

安國寺本寺別有志其所歸併者一曰興福寺

延明寺宋延祐四年賜額縣志曰延恩寺其所歸併者
六曰慶善寺曰常樂寺曰佛牙寺曰淨明院曰正法
壽甯院曰觀音庵

東崗廣福寺晉德法師開山其所歸併者一曰圓明院
覺王寺元末兵燬洪武初重建其所歸併者三曰定香
寺曰南禪廣嚴院曰真如庵

妙淨寺洪武初重建其所歸併者六曰旌忠寺曰雲龍
寺曰惠泉院曰吉慶庵曰常樂庵曰雙林庵

興福寺宋開寶二年建三年賜額縣志云熙甯元年賜
額其所歸併者二曰彌陀院曰惠明庵。按嘉興志

海鹽有禪寂院舊名興福院在治西南十七里橫山下宋治平元年改賜今額祠顧况為伽藍神以况舊居在寺側故今查甯志山水類有橫山寺觀類有興福而獨無禪寂名不知何故

資勝寺資聖晉天福七年名資壽宋治平二年改今額其所歸併者三曰報國寺曰資福院曰海雲庵

吉祥寺其所歸併者一曰普安寺

惠力寺唐季兵燬宋乾德中重建宋季又兵燬元至正中重建僧宏道有遐觀樓詩錄別

淨信寺晉天福中建其所歸併者九曰定惠寺曰寶林寺曰瑞像院曰白蓮花院曰普信院曰玉晨道院曰

甯志備考卷十

十三

尹墅廣福院曰西庵曰大通庵

奉真道院其所歸併者三曰長春庵曰真聖堂曰東山亭

葆真觀洪武初重建其所歸併者四曰玉虛道院曰延生道院曰全真道院曰元真道院。按以上歸併俱據郡志郡志原據成化志。余按嘉興志海鹽有金粟寺在治西南三十六里金粟寺山下吳赤烏中建今屬海甯今查甯志無金粟寺按甯有夾山註云以其居金粟金牛之間故名

定牛屬甯而粟屬鹽即未詳

陳善曰今之黜二氏者皆執韓子之說為律令乃我聖祖詔旨祇令歸併叢林而不盡撤燬何也毋繁盛以

惑衆而第令焚誦以祝釐談冥報以化導愚昧所謂以吾道用二氏奢謨宏遠矣

附。圖經考異云慶善寺之兩廡有天台教院大理評事葛蘩作記治平間令王競作圓照堂詩刻在馬寺門外有石經幢唐大中間所立今志不載。延恩寺建炎六年移額重建今志云元祐四年賜額。普信院在縣北二里建炎三年建係府城外廢寺額因以之接待遊僧故邑人止稱接待院今志佚。常樂寺在縣南一里蕭梁大同二年建名永興本朝治平二年改賜今額今志亦有常樂寺常樂庵而紀年殊不同。南禪福嚴尼院在縣東南蕭齊建元四年尼僧

甯志備考卷十

古

猛捨宅建五代漢乾祐中改名護國報恩禪院大中祥符元年改賜今額今志云宋建炎四年僧猛捨基建在縣西北世數方偶相去遼絕矣。淨明院臨安志云舊名法明後改淨信尼院治平二年改今名緣無尼僧慶元四年移額於縣西南八十步仁賢坊鄔菴為甲乙僧院今志但云在縣西南而不詳所自始。圓明院在縣西南五十里唐元和七年建今志云西北二十五里宋元和云云。淨居院兒童塔在焉係移府城廢寺額按章瑋兒童塔記云直邑南隅有佛祠曰靈塔今廢近歲西南郊夜每有光訪之得一壞浮圖里老云昔此地有佛宮里之兒童累瓦礫為小

塔後壞於兵火所餘止此耳然則此非靈塔之遺跡
與後共率力復建此塔實元祐三年也又按橫浦先
生記塔曾壞為道士居者二十年紹興七年重建並
未嘗云在淨居院以非非淨居邪而今實在焉今淨
居院竹園有元祐四年關景仁作周府君墓銘石刻
未云葬於縣西靈塔院之東正合章記所謂靈塔遺
跡之說意靈塔乃淨居之舊名也然章作記在前而
尚以靈塔疑何耶抑關因章記而遽謂之靈邪是未
可知也。四果禪院唐咸通元年建名羅漢本朝大
中祥符元年改賜今額按章瑋兒童塔記縣西南有
四佛祠曰羅漢曰文殊曰光明曰靈塔今所存者獨

甯志備考卷十

五

光明一刹世傳以為唐季黃巢焚掠無復尋證其說
如此今以臨安志考之開福舊名文殊四果舊名羅
漢二院改額皆在本朝祥符元年而章作記在元祐
三年時改額久矣乃謂無復尋證何也記謂四佛祠
在縣南隅今開福則在縣西四果則在縣東北大相
遼絕疑是臨安志所載舛悞皆當以記為正。真如
禪院按陳逸靈泉記云本晉干寶宅山上有靈泉井
般若臺張橫浦先生有詩併書今志名真如寺不言
橫浦先生有詩而張無垢讀書臺在菩提山載於古
跡則菩提真如之舊名也。極樂尼院在縣東北四
十步舊名常樂今志有極樂寺在東北又有常樂寺

在西北十五里又有常樂寺在西南三里。葆真庵舊在縣西南三里乃馬自然得道之所自然既羽化邑人陳乞立宮觀宣和二年賜葆真額紹興二十三年令劉偉移於縣東二里與嶽廟並今志不載劉偉名亦不著宣和二年而並收之紹興

禪宗

齊安國師海門郡人也生時神光照室長依雲宗禪師落髮受具密契正法後宴坐無疾示滅謚悟空禪師觀志。圖經云師能識宣宗於潛邸將示寂之前竹柏盡枯及寂復生葬安國寺敕謚悟空宣宗親製詩悼之今安國寺西廡有會昌間盧簡求所撰鎮國海昌院禪門

甯志備考卷十

六

大師塔銘云禪師名齊安則知鎮國海昌乃安國之舊名而師亦嘗有禪門之號餘詳縣志

鑿宗禪師湖州錢氏子依本州開化寺大德高間出家學通淨名思益經後來鹽官決疑釋義唐咸通三年往徑山有小師洪諲以講論自矜師謂之曰佛祖正法直截無詮汝筭海沙於理何益但能莫存知見泯絕外緣離切一心即是真性諲聞為之茫然師後遊方至為山悟元旨咸通七年示滅謚無上大師見郡志

守璋鹽官人七歲度為僧天資介特凜不可犯尤工詩有柿園集行于世覲郡。圖經云師工詩有柿園集紹興二年春孝宗皇帝幸圓覺寺因觀其集親灑宸翰書

其晚春一絕及邑士王恕和璋詩一絕一賜僧德信一賜僧惟仰

德朋鹽官人守璋弟子紹興十八年入徑山禮真歇了禪師先一夕宿山下真歇夢雙月入寺詰朝方以語衆而朋適至心異之相與問答機鋒密峻講禪教四年二十三年有旨住崇先顯孝寺二十五年兩宣入慈甯殿陞座說般若義高宗奇之賜法衣給牒度其徒一人朋念璋老力丐退休久之復得旨住崇先又二年力辭歸乾道三年無疾示滅有澹堂竹筒和尚語錄詳郡志餘。圖經云德朋縣郭人其自崇先乞歸也侍守璋於松園復一年已再出朝廷欲易住靈隱力控辭歸按此則

甯志備考卷十

十七

郡志悞松園為柿園縣志悞德朋為德明皆非是

惟尚鹽官人少苦腹疾百藥不治父母憐之七歲即祈佛出家於慶善寺及長行脚四方徧參古德已退歸墓廬與世隔絕久之郡邑嚮慕請住壽聖禪院院本雪峰師結菴故地圯廢之後荆蓁蛇虺集焉人莫敢居師住其中八年為勑殿宇遂成叢林尋謝歸舊隱已又住薦福因病復還舊隱未幾示寂壽聖諸僧為迎葬於院之西偏不忘本也張無垢先生為之記詳圖經餘

馬自然鹽官人一日錢塘人徧遊方外頗著奇蹟居恒嗜酒每賒酒於白塔巷之酒肆竟日沉酒一日謂其主人曰吾今得仙矣所逋酒債當重酬遂出囊中藥化其

賣酒鐵器為紫金以大中祥符九年卒本朝嘉靖戊午
武進薛公方山修浙省通志將置仙釋不錄七月二十
四日有神降箕書曰丹陽道人馬自然幸大夫毋捨我
公曰若欲入志乎曰然遂不敢置志。余按圖經自
然卒在唐大中十年而郡志乃云宋大中祥符九年悞
甚自然諸奇蹟詳縣志

貝國器鹽官郭店人嘗寓烏鵲橋事詳郡邑志以其多
異術列之方伎。余按國器與鐵冠道人俱遊白下
一事彼能通天人參造化之秘而方伎中能有人
乎即據志言謂左慈之流而左慈可以方伎目否斷
當與馬自然同傳

甯志備考卷十

六

按甯邑禪元二宗據志尚有慧稜慧日智標普智克
諸宋解全琮諸人顧其事俱詳邑志無別見者故不
重列

佚事十之三

顏真卿少時嘗卧疾百餘日醫不能療有道士過其家
自稱北山君出丹砂粟許救之頃刻即愈真卿自是吟
誦之餘頗留心仙道其死於希烈也以興元元年八月
三日時年七十七矣將縊時解金帶以遺賊使者謂曰
吾嘗修道以形全為貴吾死之日但割五指血為吾吮
血以給之則死無憾使者如其言已賊平真卿家遷喪
上京啟殯視之尸形儼然如生手足柔軟鬚髮青黑握

拳不開爪透手背遠近驚異馬行及中路旅櫬漸輕達
葬所空棺而已後十餘年顏氏之家自雍遣家僕往鄭
州徵庄租回及洛京此僕偶到同缺寺見公衣長白衫
張蓋在佛殿上坐此僕遽欲前覲公遂轉身仰觀佛壁
僕左右隨之終不令僕見其面乃下佛殿出寺門僕亦
步隨之徑到城東北隅荒菜園中有破屋兩間門上懸
箔子公便揭箔入僕隔箔子唱喏公曰何人僕對以名
公曰入來僕入拜輒作哭聲公遽止之畧問一二子
姪手探囊中出金十兩曰持歸救家費仍遣速去勿與
人說僕還雍其家大驚貨其金乃真金也顏氏子即市
鞍馬與向僕疾來省覲復至前處則滿眼蒼蕪而已絕

甯志備考卷十

佚事

光

無所睹

見太上隱者仙史傳

鄭薰侍郎主文衡得顏標卷謂為魯公後也時徐方來
未甯意在激勸忠烈即以標為狀元及入謝問及家廟
標對以起家寒畯未嘗有鄭始知其悞時有作詩嘲之
者詩云主師頭惱太多冬烘錯認顏標作魯公士為傳

笑

見王保定樞言

馬自然嘗遊常州會宰相馬植謫官常州刺史聞自然
名邀相見因謂曰城中鼠最患鼠奈何自然遂書一符令
人貼南壁下以筋擊盤長嘯鼠輒成群來俯伏符下自
然乃呼一大者近階前曰汝微物何得穿牆穴屋晝夜
擾相公且未盡殺宜便相率離此大鼠乃迴率率羣鼠

於階前作叩頭謝罪狀尋作隊莫知其數出城門去自後城內絕鼠植一日謂曰幸與道兄同姓請通譜為兄弟冀師道術可乎自然曰相公何望曰扶風曰相公扶風馬湘則風馬牛但見相知無徵同姓植乃益敬之

自然常與弟子王知微王延叟南遊霍桐山入長溪縣界夜投旅舍主人戲曰舍已盡無宿處道士能於壁上睡則可自然曰此易耳遂令二弟子睡俗旅中而已則躍身梁上以一脚掛梁倒睡主人見大驚俄復入壁久之不出主人相謝乃移二弟子入內淨處宿及旦主人留連忽失所在二弟子前行數里則自然已在道傍矣自霍桐回永康縣駐天寶觀觀有大枯松自然指之曰

甯志備考卷十

十

此松已三千年當即化石俄松果化石他奇幻皆類此

自然所遊行處多題詩句

見蔣防
志

馬自然湘貌醜臙鼻禿鬢大口飲酒石餘醉卧即以拳入口人有疾病告之即折薪草呵之與食病即立差嘗自吟曰昔日曾隨魏伯陽無端醉卧紫金牀東君謂我

無情賴罰向人間作酒狂後往梓州上昇

觀于
錄

顧况在洛乘春與二三詩友遊苑中偶坐流水上見一梧葉漂來取視之上題句云一入深宮裏年年不見春聊題一片月寄與有情人况明日亦于上流題一葉放之波中詩云花落深宮鶯亦悲上陽宮女斷腸時帝城不禁東流水葉上題詩欲寄誰後十餘日有人於苑中

尋春復得詩以示况詩云一葉題詩出禁城誰人酬和

獨含情自嗟不及波中葉蕩漾乘春取次行親孟詩

白尚書居易初應舉玉京以詩謁顧著作况况睹姓名

熟視白曰京師米價甚貴居亦弗易及披卷首篇有咸

陽原上草一歲一枯榮野火燒不盡春風吹又生顧况

乃大嗟賞曰道得箇語居亦易耳因為揄揚白聲名遂

振

顧况志尚疎逸近于方外有時宰曾招致將以好官命

之况答詩曰四海如今已太平相公何用喚狂生此身

還似籠中鶴東望滄洲叫一聲後吳中人皆言况得道

解化去

甯志備考卷十

五

至德中顧况子年十七而殤遊魂不離况所况悲啼不

已作詩哭之曰老人苦喪子日暮泣成血老人年七十

不作多時別其子應之曰若得輪迴當復為顧家子况

果復生一子七歲不能語其兄戲批之忽曰我爾兄也

何敢批我因敘數年前事無一不合蓋即非熊也見李

書故

吳郡有通玄寺孫權吳夫人捨宅置也晉建興二年有

漁人夜見二石神像浮於水面光明燭天郡人因迎入

郡奉之通玄寺梁簡文帝為制石佛碑則天時改通玄

寺為重雲寺開元五年賜重雲金魚字額而舊通玄寺

則移置鹽官縣東四十里鮑郎市其後二像失一里人

補造以並之

地見吳記

張子紹謫大庾時得目疾後為永嘉守中風辭祿還鹽官紹興二十九年三月望夜夢人引至一寺見懸已像其中駭曰何以得此人曰公異日當主此地然待公見了玉帶即來今尚未也及寤名門人即暉語其事皆謂玉帶吉徵疾愈且大拜也至六月二日疾頓除即日拜謁先墓既往所親家宴集居五日與諸生讀江少虞所集事實類至章聖東封丁晉公取玉帶事怒曰丁謂真奸邪雖人主御物亦以術取因廢卷不憚而入是晚疾乃復作遂不能言翼日革玉帶之夢蓋如是驗云見郡志

甯志備考卷十

三

定邊後乃復起累官大京兆先是二十年前先生一夕夢遊天帝所觸譴瀕危俄見一石室光明如晝室中扁春回二大字則其事蓋前定矣先生因是作紀夢詩有九重天上春回日二十年前夢裏身之句

祝主事某家有牧羊兒年十餘歲一日牽羊歸就午食庖婦故不與兒去泣於田間一道士過見之問曰汝何哭告以饑甚道士出懷中黑丸大如龍眼授之曰食此當得飽勿嚼碎兒吞之覺腹中充然道人戒曰勿語人也遂去兒暮歸不求食明日亦不饑如是者五六日庖婦疑其盜他食白主人主人窮詰之兒乃吐實主人異之乃令他兒與俱仍往前處囑曰若道士復來則一人

力挽其衣一人歸報二兒如言往則道士又至矣語兒曰何故洩吾語兒曰畏主責耳道士以一手支其額一手擊其項前黑丸自喉躍出復藏諸懷兒問此何物曰此所謂交黎火棗也時主人聞報急趣將及百步則見道士雙足陷入土中稍近益下僅露其首既至則甯然滅跡矣視地絕無隙穴及回首而道人已在隔岸拱手欲從末由也自是收兒食如故吾鄉載區人蘇盤時為祝塾師親見其事親陸梁庚巳編

紹興辛巳冬虜人南侵朝廷遣大軍東屯以遏其衝時主將每遣小校四出偵探有何兼資者領眾至六合西忽見一軍自西北來其行甚疾號令下寨兼資與所部

甯志備考卷十

五

隱蘆荻中須臾聞傳令曰蘆荻中有人否一人曰彼生人與吾無涉兼資知其為鬼兵也乃向寨門請見曰某宋劉太尉下踏白軍也頃之名入見中一人坐有如天神而四人分坐左右兼資拜問神兵何事西向者曰此天蓬神司主事我四人則張巡許遠雷萬春南霽雲也兼資曰唐書言大王守城凡食三萬餘人信乎巡曰有之而實不然所食皆已死非生人也兼資曰張大王殺愛妾許大王殺愛奴皆以享士信乎曰非殺也妾見孤城危効死自刎許奴亦緣憂怖死因烹以享士蓋以堅衆心耳兼資顧雷面上一癩問曰何故雷曰當時實着六箭而五着兜鍪賊傳吾面中六矢不動吾亦當之亦

借此以威虜耳須臾行酒惟天神不食良久巡謂兼資
曰歸語汝主將吾奉天符助兵此虜狂悖尋當取其首
以報上帝語訖命引兼資出及至舊所無復人矣不半
月有皂林角之捷未幾逆亮有龜山之禍皆如其言觀

說着雜

張子韶云庾嶺舊傳有梅詩人往往借此為江南春信
余到此數年曾登嶺上徧覓不得一枝成一絕云詩人
嘗說嶺頭梅往往春風自此來我到嶺頭都不見空將
春夢又空回

張子韶謫南安居寶戒寺寺依城址多大蛇一夕登廁
足若衝門楔身幾倒躍然一物其聲如鶩急以燭索之
甯志備考卷十

言

乃一大蛇也兩頰時時弛張怒則烟焰噴人齒如棘刺
槎牙於外子韶平日不殺特令人殺之而為之偈曰含
怒蓄怨幻形至此反汝真性易生以死

子韶在南安有一老兵長在左右子韶恒於夜時與子
姪說文字或至二鼓老兵不去因謂曰汝老自去眠老
兵云每聽侍郎說書某便喜眠不着但恐諸小官人欲
睡耳子韶為引至燭下見其兩目熒熒口吻噲噲欲語
喜色滿面子韶大笑曰不意到此乃見知於此老

子韶居南安時堂之東廡有二燕巢一巢子燕已出且
空其一巢尚有數子待哺一日母燕出竟不歸諸雛悲
鳴不已子韶憐之為移置空巢冀其同類或飼之也已

燕至遽驚視不入輒去須臾復來啣一物至如乳哺狀子韶心喜更一二日復往視則見諸雛皆挺足張口死矣細視之口中一一皆有刺棘梗其喉舌子韶為嘆息久之曰物之妬尚如此世有妬人當艱難險阻之際而欲其相恤得乎

張子韶兒時嘗夜行通衢脚下若隱一物取視之乃庚釵也即仍納脚下久立不去家人問之亦不言已一婦倉惶來若有所失者急問之婦人以其小兒也置不答因又呼之云汝不失物否婦輒回云云乃使自取脚下物婦感謝子韶不顧而去時同行者群聚嘆息已既宦達有舉此事問其有意無意者子韶曰爾時吾年甚幼

甯志備考卷十

五

但知他人物應還他人理自如此豈論有意無意

張子韶請史至鄧攸遭賊追迫止携弟子以逃而懼已子之戀戀也輒縛之樹不顧而去攸後竟無嗣太謝太傅曰天道無知後鄧伯道無兒子韶曰天道不遠人情爾時即勢不能俱不得已而遺之路猶顧盼而幸其及乃至縛之樹使欲逸不得人情滅盡矣奈何咎天道已渡江得一妾甚寵問之乃即其外甥女遂終身不娶蓋天亦惡其不情而故以此愧之也

張子韶餉客一日餉客令庖人作鼎羊救致修潔庖人遂去故釜創於庭樹之陰火鼎方殷芬香暢達微見庖人以手加額作默禱狀須臾忽見一鷹俯首長鳴鼎味

四出流液於地肉皆狼籍群鷹翻飛上下櫻搏不已其狀甚怪時庖人色甚怒口若誚罵者子韶因叩之庖人云此間有一窮神某方禱之旋即致害意蓋欲先薦也子韶因笑曰吾聞人之鄙者目為窮鬼神亦有窮者乎予十日不食肉今因餉客而思一食亦既窮矣而又有神之窮者以勝乎鬼其說不得不書

張子韶曰余少年處鄉校看書必達旦一夕寒甚將四鼓偶爾得意看之尤力忽見燈側有類吾者危坐於前意以為鬼物也更增膏燈爍爍然有光神驚愈醒瞪目視之其形不易須臾定目靜觀乃不復見已而就睡朝起以語同舍同舍生云此公之元神為公所役故離形

甯志備考卷十

五

別處亦鬼物也後乃稍至四鼓即寢蓋理或然云

張子韶解尚書兼弱攻昧取亂侮亡二句謂蔡傳甚悞聖人之心豈忍乘人之弱而兼之亡而侮之仲虺此語乃戒湯也虺既歷言桀之惡湯之德謂桀當伐而又恐湯恃兵之可用將有不戒自焚之災故又戒之曰兼人者必自弱攻人者必自昧取人者必自亂侮人者必自亡蓋戒之之辭也後世如秦併六國便是弱昧亂亡之明證

于恕者張子韶甥也恕一日侍舅於新淦因會杲老和尚子韶令恕拜之恕云素不拜僧子韶云汝姑叩之恕遂舉中庸首節三句以問杲老曰凡人既不知本命元

辰下落處又要牽他好人入火坑如何聖賢於打頭一
着不鑿破怒云師能為聖賢鑿破否果曰天命之謂性
便是清淨法身率性之謂道便是圓滿報身修道之謂
教便是千百億化身怒得以告舅子韶曰汝拜何辭怒曰
拜固不辭不知果公於父母不拜何故子韶笑曰那得
此法來怒曰怒拜果公何法子韶因大笑曰子莫是禹
聞善言否怒笑而揖之此見橫浦集
顏真卿十八九時卧疾遇異人出丹粟許救之既愈因
謂曰子有清簡之名已誌金臺可以度世上補仙官不
宜自沈名宦之海若不能擺脫塵網去世之日可以爾
之形煉神陰景然後得道乃復出丹一粒授之戒曰抗

甯志備考卷十

五

節輔主勤儉致身百年外吾期爾于伊洛之間矣以下俱見

吳夢非志餘

唐宣宗龍潛時在鹽官師座下為沙彌時黃蘗運禪師
為首座一日黃蘗在殿上禮佛宣宗問曰不着佛求不
着法求不着僧求長老禮拜當何所求黃蘗曰常禮如
是事宣宗曰用禮何為黃蘗便掌宣宗曰太麗生黃蘗
曰這裡是甚麼所在說麗說細隨後又掌

無垢先生未貶南安時一日寓鹽官小蘭若忽夢水行
陸步遠至一所城郭山川風俗人物的的在目已亦寓
一蘭若似悒悒不樂者覺而記之不數日有南安之命
及近南安城舉目所見宛如夢中舊遊也入城其人物

風俗亦然入所寓僧舍亦復如是不覺嘆息事固有前定者

無垢先生居恒每懸本朝諸名公畫像晨起則盥手焚香拜之且日宵中微有愧怍見諸公有何面目一夕風雨大至多所漂毀懸像狼籍滿地先生起見終日不樂或解之曰諸公以先生禮意太勤假風雨去耳先生曰豈有此理諸像則韓魏公司馬溫公趙清獻蘇長公諸公也

先生謫南安十四年談經自若手不停披每執書就明倚立庭磚歲久雙趺隱然掌手執一扇過數夏破即補之一皮履污敝闕裂亦不易頭上烏巾用疏布漬以墨汁溽暑致墨汁流面亦不問也書用秃筆故紙衣食一切無棟擇其麤惡皆人所不堪云

甯志備考卷十

天

或曰張無垢家舊畜犀帶一勝文理縝密中有一月影遇望則見蓋犀牛望月之久故感其形於角理或有然張天雨九成六世孫悟楊許遺書於茅山其師亦莫能測趙孟頫楊維禎謂在陶貞白上其為文學韓愈詩宗大歷諸子書逼李邕畫木石似蘇軾時虞集楊益載劉基姚公綬諸名流交口推重焉

施德操與張無垢友善一日賦楊柳有春風兩岸客往來紅日一川鷺去留之句無垢見之曰此吾友彥執詩也不見柳而柳自在其中詩之工美未有過於斯者

焦中山千一承事世居鹽官州西隅雍熙四年三月夜
夢一將軍威勇絕倫自稱許遠旦起即塑其像於家奉
祀歷四十五年至天聖九年遂捨地立祠思張巡同時
報國並塑其像時王可回曰中山一邑之義士為立坊
於本巷號忠義坊其里即名忠義里孫焦貴字天爵中
浙試甲子解元

餘杭宋某家有妖術子孫世其傳恒剪紙作人馬衣甲
驅之作祟萬歷初年甯城喧傳有妖魔每乘夜入人家
凡睡床上者便有物壓之問眩欲絕是為黑青一時額
俱貼符咒及天師神將夜則各畜水鳴鑼以待亡何忽
滅咸謂宋相公家收歸去也

甯志備考卷十

三

庚申七月旱米價騰貴諸素封皆珍米俟高直於是萬
姓嗷嗷奔糶無所一二雄黠者遂率眾撞大戶之門乘
機搶掠時別駕胡公署縣眾拽之出踉蹌市里至推跌
折其指丞簿悉逃竄如是者十餘日居民震恐適練兵
把總季常知烏合之眾易於驅散乃密令武士數十各
持兵器忽由安戍門突入詭云督府遣兵剿亂賊喊咆
四起一時亂者煙消雲舉而去至今人多知季常之知
云

永樂間曹景暉以癸士進士與館選稱五鳳飛齊飛之
一值大駕謁陵上指石人問何物奏云仲翁科臣劾之
遂調外時好事者為占一絕云翁仲如何作仲翁皆因

書讀欠工夫才拙豈宜林翰苑只好蘇州作判通
甯邑絕少名筆獨立武官奉真道院四字筆法道勁的
條顏魯公書而縣衙帥正二字亦為趙松雪筆安國寺
宋理宗御書碑名妙智之閣字法雄渾入神惜寺僧不
韻埋沒於金剛墻壁間耳

僧真中守藏院一日晒經龍鳳陡作飛去三函兩函落
橫塘民家其一飛至蕭山縣界一人得之檢視有海昌
藏院印記乃渡海送還遂成完璧

菊花燈為甯邑三絕之一然大即不能圓美惟雙忠廟
一架大如五石瓠小亦如三斗盞精美絕倫真二百年
物也一縣令載去風濤大作仍遣茶還後乃燬於回祿

甯志備考卷十

辛

併鐵梨檻一具長三丈餘者亦煨燼焉

麻衣和尚不知何許人長九尺魁岸絕倫冬夏但以一
麻衣蔽體赤脚露頂每食可三四升饑亦可數日行則
群小兒涕隨之或施以錢即散與群兒有厚施之金帛
者不受也亦好言人家禍福間用符水療人疾

甯之縣衙相傳有一女妖為紫螭首蛾眉艷冶絕世其
去來往往出自古井蒲陽林侯在事時女嘗游戲來親
狎或退公默坐女輒為之和墨雜掃侯亦不以屑意人
以此服侯之膽云侯名恭章萬曆己亥進士

雙忠廟協祀五公其籤每公各占二十祈者先期齋沐
及往路遇人勿與揖亦勿言笑則籤必有奇驗不則得

罵籤蓋中有數籤多著謔語名曰罵籤所以懲不恪也
相傳籤句為張子韶先生撰撰成擲潮水而祝之曰逆
流而上則用言未已果逆流上遂送之廟云廟籤頗多
奇驗但語

甚但鄙恐不
可以誣先生

萬曆十六年亢旱禾盡稿百計求雨不得邑令陳公所
敏乃仗劍斬龍王廟之龍首須臾怒潮奔湧殿中柱礎
皆沒官吏望海拜識罪潮乃退

許睢陽祭鑿文為世所稱有太先鋒蚩尤後殿蒼龍持
弓白虎捧箭語其祭城隍文有智井鳩翔老堞龍攫其
與張巡真文武全材也

甯誌備考卷十終

甯志備考卷十

甯誌備考卷十一

當湖鈇叟趙惟稟輯

遺文

綠遠堂記

陳申謨 邑令

余至海昌之二年既葺故亭而新之勝曰仰高矣直亭而南不十步有堂巋然上漏旁穿左右之柱苟勿壞前楹僅有存者三之一就其中增崇之為室方丈今亡矣不知廢於何年追尋遺址尚可想見詢之里人張似之云綠遠之名得自張橫浦先生蓋取王荊公一水護田之句諷在職者使知農田為重務意也余特加修緝以著遺範堂環向皆牕戶無所恃為面易傾圮稍於其西

甯志備考卷十一

遺文

一

記

立壁俾無頽陽橫雨之窘移植酴醾於後即廢址為架敷條舒蔓其下可坐十人餘則盡循其故春夏之交雲隴收黃雪縹堆白稻田桑野葱蒨彌望主人休其心於觀相彈琴不下坐見穎粟堅好之實邑民相與飽食而嬉里胥足不及門賦輸告辨吏責塞矣若乃春月流天惠風飄香燦朱日之韋紅爛花燭之流光合栝促全酣歌醉舞委治課於亡何有之鄉則非先生命名之意余恐有耽斯堂之勝而以民事為緩者故併書以記

仰高亭記

陳申謨 邑令

海昌邑治凡為遊憩之所五茲亭表出本末下瞰河兼盡登臨之勝他莫及也屋犬敞日益甚客來不旋踵去

之懼將壓焉予初至官歲仍饑終日理訟牒局束廵案上無暇絃歌之適足跡不至亭者累月明年春一雨涉兩旬椽撓瓦墜向之傾者今且扑又甯許亭之有無失今不葺異時者或訪故址於荒榛草棘中間所從壞必謂余始也余固因其傾而正之易其撓者而新之前除有古桂參立如拱揖然主人立亭上笑語聲落亭下市之東西行者必舉首駢肩以望亭故有名不雅馴乃取杜子美句更以今名顧余方折腰五斗負弩矢役事上官走吏持一紙文書至庭占報小緩則出不孫語低頭愧見野人其為卑辱莫甚每一登亭窺月窟之清華挹玉宇之涼颼使人心開目明飄飄然若凌青雲而上層

甯志備考卷十一

二

霄霄直將扶飛僊以遨遊也豈不亦甚可樂哉後之覽者能勿謂余以卑之無甚高論幸矣時在淳熙十有一年九月既望三山陳申記

丞廳記

陳昱謨邑丞

縣之吏長曰令貳曰丞丞之品卑而於縣無不當治實替令者也官稱疑丞已見於古自秦漢後又有丞相之號逮今宰輔之屬御史之副卿監之佐皆置丞焉雖小大之治貴賤之位邈然不同其為貳以替其長則均矣且百里以為縣付之一令政無巨細事無緩急是非予奪悉聽裁決有簿以謹籍有尉以職警惟丞無所專凡令之治皆得而可否之丞之事豈不重與令賢若才則

拱手坐觀其成否則必責於贊佐詎可虛丞也顧勢偏
位等丞多犯權令不少貸則令與丞或不相容而儒者
畏此至不事事時充其員焉耳昌黎公記藍田壁曰勢
反出簿尉下意正謂此國家修明百度董政治官自崇
甯來縣有令者悉補丞鹽官為杭支邑負山帶海戶三
萬布穀饒衍商賈阜通賦多訟煩加於諸邑吏不勝其
治分於丞者良亦不簡乃縣之有丞也甫十年設官之
初每事草具解舍隘陋而又枝梧補苴殆不堪處政和
六年余來為丞偶值賢令繼治得以委蛇退食顧所居
圯壞壞意一新之明年乞厥費於常平使者得錢十有
五萬又遺利稱是孟冬始作增故易新為楹四十

閱八十有五日而成夫詔令簿書廬舍皆治具也可廢
一乎為治者獨奉詔令嚴簿書至廬舍則不以經意謂
奉養之私疑於嫌至不易一瓦木以博甯靜名蓋不思
之甚也又奚奉詔令嚴簿書之足云因記以告來者政
和八年朔正月朔旦建安陳昱記

丞廳後記

張少良謨邑人

廬陵歐陽公克世丞鹽官之明年歲大稔民輸無逋迺
丐財餘於縣庀材募工因故宇之敝而葺新之由寢至
堂貫以大屋傍設牕檻內自庀區前及門廡增新易舊
各當其所於是丞之居遂甲於邑寮邑人張少良因其
請而為之記曰官有舍居者治之職也人情為已亦然

便安自適卑庠是耻其習於窮陋頽圯不振以苟贏其身者非窘於財則憚於役非鹵莽於奉職則忌不以利遺後人賢與能弗為也然官有閒要則役有難易丞邑佐也束手令下不得擅舉必咨可於文令文墨奔走之吏不足使令於他司則丞乃往往獲用平居庭可設雀羅一旦興役孰與共事者公之為是舉也孳孳乎其勞且難哉舊宇改建於政和之八年迄今五十餘載公之前歷政不利七年之中以家難若病且不祿不及終更者凡六人其懷章而不至者又幾年用是廢益甚公至則有壓焉之虞徙客浮屠舍及瓜纔數月耳工既集終其去不一日居焉原其用心秋毫不顧已而塵若是非

才足以副其志弗能也昔魯有叔孫子所館必葺去之日如始至左氏書之君子以為忠公今葺而弗居賢於叔孫子矣述其事以諭來者少良所不敢辭也公字似之文忠公之曾孫云時在清熙四年正月 日

宋縣令舊題名記佚其半

無名氏

天下之職惟縣令於民為最近古以為教化之本今以為仕進之漸古之秩優而任簡故教化淳而風俗一今之勢輕而責重故仕進而賢愚混古得之於擇才今失之於限考故雖有慈惠強果通敏端潔之士跼於位卑權小而欲設施事業振起功利安可得哉以是及期而來任滿而去苟逃瘵官馴至美爵者比比然其間能期

會簿書督責賦稅便民不敢越郡而訴吏不能肆已之巧者亦足為善令矣大梁劉君誠之以文章登進士第以器能被當塗薦試刃茲邑希蹤往哲以恩撫焚與春同熙以威肅奸與秋同列刮磨病弊修舉廢闕有一未及歎然於中嘗欲以下脫簡按查題名在天聖中有劉舜卿在嘉祐中有劉拱在紹興中則有劉偉劉開士敘中所謂劉君誠之未知其謂誰也按張無垢作續題名記云縣舊有題名自雍熙至崇甯止查崇甯以前止有劉拱拱在嘉祐五年去崇甯已歷英神哲徽諸帝亦幾五十年矣其在拱後者又不知誰為記也姑存其疑以俟

甯志備考卷十一

五

宋縣令續題名記

張九成撰邑人

無為胡熒與立紹興戊午三月以學行承天子命來宰是邑下車之明日出條教數章告吏若民行之期年百廢具舉頌聲載塗郡太守部刺史交章論薦邑中士君子至交袂相賀蓋喜斯道之復見也縣舊有題名悉書前令名銜自雍熙至崇甯止胡君慨然曰盤盂有銘几杖有戒所以警不明而懲不恪也令賢不肖指其名以詢於衆雖百年如前日事使人恐懼敬慕其可廢也哉乃考諸圖牒稽諸父老得十有四人刊於碑陰且求余為記余辭不獲命因為之說曰昔公琰非百里之才淵明有束帶之嘆後世動以藉口是皆聖門罪人昔吾夫

子為委吏則曰會計當為乘田則曰牛羊茁壯長使推而宰天下即伊周事業也百里之地有民人有社稷足以行吾所學又何蔣陶二子之足法哉後之君子毋惑於邪說毋忘胡君恐懼忻慕之意庶幾見吾夫子用心而不為聖門罪人紹興九年三月二十五日左奉議郎充秘閣修撰提舉江州太平觀紫金魚袋張九成撰併書

宋監稅廳題名記

朱錡監稅官

姑蘇朱錡司征海昌之一年訪諸故老得中興以來居是官者凡三十人嗟歲月之遄邁恐姓名之湮沒謹書而刊於廳事之棟庶後之君子因有攷焉開禧丁卯良

甯志備考卷十一

月中翰識

宋買納廳題名記

王墀撰買納

廳有記所以記居官者姓氏去來之月日也其人賢固將因姓氏月日而得之其不賢亦將因而得之是則廳之有記非徒姓氏月日之謂勸戒之道實寓焉是烏可已鹽官有監肇自太平興國所以總納諸場之鹽課如上管下管蜀山巖門南路袁花黃灣新興皆隸於此其廳治在縣南一里許考之圖經舊曰臨平監而後改今名總催煎場十而今止存八至其所以更廢之故則缺焉不書歲合八場之額以石計者凡十三萬九千有奇在臨安四場中為最大宜其體存事備乃問之廳記則

闕如也豈歲月之久其間或有所湮廢耶抑亦事務叢
委不暇顧也余竊念之因求諸故實則紹興以前已無
得而考紹興以後名氏僅存而大畧亦可睹矣則其為
不暇顧與或有所湮廢也固宜有如此年海鹽之郭公
棐金華之唐公仲義皆自是更秩人多稱之而亦於是
不及豈其不屑也或曰不然彼二公者近不及半歲遠
纔越歲餘或承前人廢弛之後或當好事紛更之始補
苴罅漏因事制宜如錢熒於混淆則為之名分件別而
使籍有所考如鹽患於耗折則為之拖欠還剩而使責
有所歸上下始安詞訟乃息鹽塲至於今不廢繫詳之
力也且子三年於此不有彼之勞安有子之逸不有彼

甯志備考卷十一

七

之始安有子之終然則非彼責而實子責也余曰然於
是以其得諸故籍者紹興以來凡十有八人悉刊諸
石使來者有攷云慶元三年閏六月初吉文林郎監安
臨安府鹽官縣買納鹽塲山陰王堦記併書

催煎廳題名記

談鑰謨催煎

漢會稽郡海鹽故武原有鹽官唐代宗時權鹽杭有塲
臨平有監今之鹽官縣即武原之舊鹽官買納鹽塲即
臨平監之舊而蜀山諸塲即杭塲之舊也蜀山名見隋
志在縣西南二十七里瀕海斥鹵催煎官寓治焉又西
南十餘里有巖門山亭巒相接總曰巖門蜀山鹽塲紹
興海岸傾圯乃移治於邑南百許步兼下管催煎淳熙

中又兼上管今所統之場四俗稱西四場者是也鑰叨
第赴調授任於此及缺聞鄉先達言父祖為是官時事
簡課辦自初官至秩滿率用賞極選階私竊慰幸謂賞
非所覲得優暇習故書足矣暨至眎事按籍則職務叢
委課或虧負文移呵問時時有之與所聞弗稱豈時與
事異耶抑因仍以至是也載念古昔廳有壁記所以識
名氏為勸戒聲叟營道刺史之作最為直筆今邑官諸
廳悉有之此獨虛闕嘗有意焉承乏之三月竭慮補鑄
事稍就緒會邑甚早使者以朝命差稽察賑濟督課之
外賦廩勸分為日不給既又被鹽使檄監仁和納場又
易押黃姚袋兼本司主管文字今年二月始力請得還

以溢額槁格得錢三萬又得石於邑長因詢訪前政得
龍渡以來十八人命工鐫刻疑者闕之若其人之如何
鑰踈戇無能測識稽諸既驗則已有持節衣繡者把麾
凝香者乘二車而五子蟬聯桂籍者階陞朝列而後嗣
登瀛握蘭今為本道憲使者其間蹭蹬不偶者亦不少
去此永遠而未躋膺仕者亦有焉雖福善之應則有未
盡而天定之際或不可知使繼此者觀之庶幾有攷且
得以屢書貽後云清熙十六年十二月朔吳興談鑰記
併書

南南路鹽場題名記

陳桂催煎官

官所居有題名所以紀去來之年月使後人有攷也催

煎卑職越在海濱不與邑官等去來若不足計然此場課額以石計者歲六萬五千有奇較他場差重彼皆有壁記而此獨闕至創始更革之因亦無所質訂豈舊皆武臣充此不以是事為急耶抑廢弊久因仍不暇及也今撥隸帥府場事一新又更端之大者是烏可無記因詢前政嘉定前姓氏湮沒已茫無可據自壬午改用文臣得吳文林而下數任請刻之石間以示後其攝職者去來非一莫記月日姑隨所傳繫於正任之下庶併有攷云時淳祐五年仲秋朔日監臨安府鹽官縣南路鹽場兼浙西安撫使司僉廳永嘉陳桂識

放生池記

傅益謨邑尉

甯志備考卷十一

九

宋有天下餘二百年列聖相承專以仁覆宇內郡縣之官惟思所以奉行上意雖動植至微之物各得遂其生長之宜故於震索之日守若令必率官吏致嵩呼之祝且集羽毛鱗介之屬為亭以臨縱之盡臣子報上之義也鹽官放生池舊在安國寺左歲月滋久亭圯不治地復隘陋無所容不足以推大好生之德然邑通天府令多疲精神於簿書獄訟欲更創而新之未遑也聖上嗣位之四年沛澤洪深浹洽萬類朝奉郎知縣事臣施枱考書三上人安以舒百物順成乃經理縣之北郊面湖為亭三間基址宏敞波流洋洋延袤通達即放生之名以揭於勝克廣帝心虔祝皇壽俾曰飛曰潛翔舞歡躍

極天淵之樂獲與斯民偕躋仁壽之域顧不偉與是役也不勞民不侈費始於七月之初以八月晦日落成邑人聚觀嘉賢令之愛君也為刻堅珉以傳永久時在慶元四年

顏魯公碑記

米黻撰

魯公為盧杞所忌李希烈反杞首議遣公往諭諫者甚衆德宗問杞對曰真卿朝廷重臣忠義聞天下誰不懼服臣常父事之今遣使不為賊憚則辱國紛紛之言何足聽陛下當自斷之母惑衆意德宗不能奪遂遣之入知公不還矣親族餞於長樂坡公既飲乃躍上梁跳躑謂餞者曰吾前江南遇道士陶八八得刀圭碧霞餌之

甯志備考卷十一

十一

自此不衰嘗云七十後有大厄當會我於羅浮山此行幾是與次汜水恍遇陶笑謂曰吉吉指嵩少而去後公死於賊賊平家人啟瘞狀有金色爪髮皆長如生人歸葬偃師北山先塋後有賈人至羅浮山遇二道士奕即而觀之道士問曰子何來曰洛陽其一笑謂曰幸托書達吾家許諾即札書付之其題曰至洛都偃師縣北小顏家及往訪之則塋也守塚蒼頭識公書大驚問狀皆公也因與至其家白之家人大哭卜日開壙發棺則已空矣嗚呼杞欲害公之人而不能害公之僊也烈杞等賊耳賊之殺人有常形公之死且不朽又况不死耶元祐三年適賭郡人新公之祠因得謁拜公像其英氣僊

骨凜然如在嘗閱洛中紀異載公前事考史所載祀拜公於中書與對德宗之言姦人表裏無迂則公之僊復奚疑公之大節紀載多而論次於林公之文為備固已激忠義之頽風沮陰邪之羞魄至仙真事吾又以刻於碑陰為貽續僊傳者襄陽漫士米猷記

魯公祠記畧

曾子固撰

畧曰公初以忤楊國忠黜守平原知祿山必反預為備祿山既舉兵公與常山守杲卿乘其後賊之不敢直窺潼關公與杲卿撓其勢也公在肅宗朝數正言宰相不說斥之已與為御史唐旻所構輒斥李輔國遷太上皇於西宮公首率百官請問起居又輒斥代宗時元載欲

甯志備考卷十一

十一

有所壅蔽公極論之又輒斥德宗時楊炎虜杞相益懇公所為連斥之會李希烈陷汝州杞即請以公使希烈而公遂死余觀唐之朝臣多畏怯觀望有能一忤於世失所而不悔者益寡至於歷忤大奸顛跌頓撼經七八死而始終不以秋毫動念者惟公一人非篤於道能如是乎此足以觀公之大也夫世之治亂不同而士之去就亦異若伯夷之清伊尹之任彼固各有義焉夫既自比於古之任者矣乃猶瞻顧徘徊隱忍汙世其可乎故孔子惡鄙夫不可與事君而多殺身以成仁者若公非孔子所謂仁者歟

一經堂記

貢師泰撰尚書

一經堂者海昌朱肅齋氏名之以訓其子叅政周公伯
溫所書也肅齋之子鏞從余遊間致其父言請余為記
余謂六經並載聖人之道何獨取一經豈不以漢韋賢
有一經教子之說耶不然將先明一經而他經從可明
也夫經之目有六為說不同而道則未嘗不貫於一三
五以降歷世益然遠然其垂訓立教不過數十言而止
至吾夫子贊序刪正更述作可謂極盛實亦不過數百
卷而止耳以數百卷之書明數十言之旨簡易精潔如
天地運行如日月照臨其道未嘗不廓然而公燦然而
明也及秦漢諸儒各出已見務為專門論議詆訾朱紫
混淆於是簡冊之多棟充牛汗既以湮塞聖道礫裂經

旨不可究極而近世科目之設則又餌之以著述誘之
以詞章盡之以記誦假之以經術遂使海內之士疲精
竭力靡然向風恣為新奇之言巧飾頗辟之見一切逢
迎苟合以邀進取而六經始為釣功名利祿之具矣嗚
呼大道之晦一至於此可勝嘆哉向非周程張邵朱呂
數君子者出孰能發微言於既昧之中尋墜緒於不傳
之後乎而今之學士大夫執其全書因以潛觀默識旁
通曲鬯則亦幸矣然亦有讀書萬卷而實無一言之得
者有深一言之要而終身守之不失者其故何也道之
明與不明而已是故明經所以明道道明而經無不明
而鏞也又文公諸孫強志善學其庶幾有得於此與不

然雖日誦六經無益况一經哉

謁雙仁祠記畧

沈友儒撰邑人

余作協忠廟記既成忽夢有二神者謁余而請曰吾烈不減張許蓋為我記余曰諾寤意必兩顏公也蓋甯自錢武肅王立廟祀唐平原太守顏真卿而以其從兄常山太守杲卿為之配扁曰雙仁蓋取殺身成仁之意皇明正德九年建祠安化坊迨嘉靖己酉參伯玉公暨邑侯高公重脩之時崇德呂納言東滙已有記而神復見夢於余余曷敢辭乃齋沐瞻禮而為之言曰唐自天寶之末綠山兵起河北二十四郡望風奔潰常山陽順而陰謀之斬其假子李欽湊首挫賊鋒至糧竭矢盡而

甯志備考卷十一

十三

城陷見執卒罵賊以死其忠肝義胆嚴霜皎日不啻也其弟犄角平原克清土門同日歸者十七郡四方義旅遂爭奮而起使賊不得直窺潼關唐室再造視控扼睢陽保障江淮者甯有畢乎平原策祿山必反預為守具首發逆謀且慨從李萼乞師之請斬首百萬功何偉也歷事四朝正色危言卒為國忠輔國元載炎祀諸奸所構而殞於賊臣李希烈之手曾南豐謂公顛跌頓撼至七八而卒無秋毫顧慮誠知公之大矣嗟乎玄宗不蔽於國忠而任所臣以展其才未必滋逆胡之亂使德宗不惑於盧杞而相清臣以行其學未必激希烈之叛奈何內信讒邪坐觀忠義之俎醢天下幾何而不解體乎

夫褒揚忠義所以砥世風弭不軌也今而後廟貌傾頽將必有繼王高二公以鼎新之者豈惟慰在天精爽將千古奸人之魄於是乎魄禡其於世網人紀有賴哉

安化王祠碑記

沈友儒撰邑人

王之先山東青人也在宋初家世以將顯迨徽宗朝有諱稟者以都統屢立戰功靖康間鎮守太原粘沒喝攻圍竭力捍禦久之糧盡援絕城遂陷乃與子閻門祇候苟入告原廟抱太宗御容抗辭罵賊俱赴汾水死事聞追封安化郡王謚忠肅子荀贈右武大夫恩州刺史建炎四年高宗駐蹕臨安褒錄死節特與故太傅安化王賜謚忠壯召其孫沆詣行在襲封前爵恩賚甚渥賜第

甯志備考卷十一

十四

鹽官邑治之西北安化坊有旨家屬所居處州縣長吏加意撫存以為堅守死節者勸沆居是邑鑿河洩潮亦有功於民焉沆子三忠恕謙忠龔武官都督恕登隆興元年進士判維揚謙登慶元五年進士任三江鹽監主管恕生珍珍生輝紹興四年進士任朝奉大夫十一傳元季避兵有勝一之弟勝二遷居海鹽橫山勝三遷北門後徙蕭山勝四以嫡裔承祖祀隨兄勝一遷居靈泉里生子二明賓賓於洪武間以楷書薦繇中書舍人遷禮部郎中明生禧宣德間以稅殷薦知河間府禧生本本生雄正統間以賢良薦經歷後軍督府土木之難扈征有功宏治間雄子端從孫梅以邑庠生呈董學吳公

即三管墩朔祠祀之嘉靖壬子祠燬於兵火隆慶元年復朔復被燬三年十月明府陳公復議朔五年夏五月而祠成余按宋史金人犯中國其所下城率以虛聲脅降惟太原堅守踰二年為賊所憚則知安化王者不徒以身殉國而震懾強虜保障晉陽厥功不在巡遠下也云云

移建安化王祠記畧

鮑觀光謨邑令

有宋安化王王公忠烈貫日星父子一轍余承乏茲土因脩祀事典得王遺事讀之使人毛髮欲豎非所謂青魂血化千年為碧者耶祠在三管墩去邑治五十里年久圯壞碑仆像毀殊不稱崇祠意查得縣西有安化橋

甯志備考卷十一

五

橋東安化巷有安化坊則王之舊第當在此然王謝燕泥墮百姓家令人歎歎弔遺烈耳余視縣之東偏有隙地謂足安王之靈乃出官帑肖王像其中歲時致祭以昭報也查王之支齋可二千餘指而祭田僅六畝余因為規料每人月出銀一分不能者半鏹一文亦足致孝思殷饒者什伯惟聽則一歲所積足當中之產再歲可知矣三年五年又可知矣即增飾殿宇焜耀河漢不亦可乎然後以宋書所載王事鐫之貞珉與天壤同敝王氏子孫其有意乎慎毋惜阿堵俾前烈之不光也

重建衙齋記

趙維寰

甯學之教諭齋舊在明倫堂西方幅畝許為屋三層層

三間旁有側披以褊甚簷外幾不容武室中黜黜處室者如處井底云且不知建自何年余以天啟乙丑抵甯則敗堵頽垣中外相望洞如矣視其樑柱朽者半蠹者半每風雨至左堂右殿若張兩腋護之以是得不傾然不傾於飄搖不能不傾於蠹朽其積漸也余怵然省曰吾道之窮至是乎朝不食夕不食而為此免死仕也不死於饑餓乃死於巖墻耶戒行李勿入徘徊東北顧得經閣之下棲焉蓋余自辛酉鼓盆隨侍唯一二諸孫暨蒼頭四五輩原無須曲房邃室也顧閣最高爽其上八牕玲瓏以望海觀濤奇絕而集風雨亦奇惡丙寅秋孟之朔狂飈猝發剝牕紙盡水從閣上注卧榻欲浮傳言龍

戰岌岌乎殆哉不勝性命之憂矣自是乃厓轍乘之慮還就衙齋謀畫撤其舊而新之或謂余曰脩葺學舍有司事也何自苦余曰不然今天下事大半廢於諉卸余竊鄙之當事者方以非身履其地也故秦越視而余又誰諉乎則又曰緝舊易耳圖新難子祿入幾何能堪此余曰凡今仕塗之感額官貧者皆欺人也余祿誠微佐以羔雉為子孫庀田舍則不足為戶牖計綢繆則有餘矣或又曰子非家於是而安用是長慮為余曰人生在處遠廬誰為我家者必以我家也營之非我家也置之子必能必瓊臺瑤宇之不為荒烟墟墓乎吾吾非家於是而繼吾至者皆吾徒也莫長於傳舍而家為逆旅子

何見之跼也於是八月朔鳩工歷九月杪竣役而余遂以十月朔徙行李宅其中蓋甯學教諭齋之重建始此不可無記記其址齋後故有蔬圃余併入之廣其址可二畝記其屋屋仍三層層廣為五間其前一層中三間為講堂東側一貯文卷西側一虛以寓客其第二層中一間為便坐東二為書房臥室西二一貯書籍一為庖庖宜徙後側披余鮮家累聊取便耳後五間以居童僕記門徑則最前為墻門門外有照墻墻之前後有甬路皆砌以磚避泥淖也記屋壁內壁編竹塗墜而粉白其外壁則盡用並方磚夾砌之其址盡實以石俱易圯也記外護則自後一層以及前兩層之周圍皆累土築墻墻

甯志備考卷十一

十七

必斷椽覆以瓦懼易墜也記簷前天井凡三縱三丈或二丈一丈橫數如其間數夏可以納涼冬可以就日其在余書室前者結竹屏隔之植薔薇木香以蔽外脩竹數竿以藉蔭而猶餘隙地可埒雜卉則有意焉而未逮也記榜額講堂題曰嚴尊門則題曰桃李勿忘其所有事也總記工費百二十金有奇先是總憲陸公秉虛檄縣助工二十金而謝侯劍緒亦割贖錢約三十金凡官錢之給自縣者屬局大使鄒某司出納而余所自捐別有籍要即以甯士所入用之甯庠非有損於余也時在丙寅冬仲陽生之旦當湖鈍史趙維稟記

安化王喬紀畧

許令典邑人

吾邑自日角以來若張若許若顏以奇節衛社稷俎豆
千秋者何其多也迄宋之季靖康之厄則有抗辭罵賊
赴汾水死之王稟若繼三忠而起又何烈也自宋至今
其登進士者四徵入尚書郎二千石督府叅軍者三士
水之難則又有叅軍雄踵前武焉又何纍纍若若之不
替也嘉隆以來學使者至無不錄其後以青其衿其在
於今則王某是繼其後者將為纍若乎將為芹藻乎羸
史曰張許顏三先生之功烈如彼其高也尸祝其如彼
其久也而後之附梁公者紛紛也乃登進士赴弓旌者
不少概見何與水有原木有本食其報於俎豆紳紳自
有不爽者所從來遠且正矣余故因安化之派以迪世

甯志備考卷十一

六

之混淆疑是者淮陽太守許令典書

圖經舊序

樓漳撰

國志之設尚矣自元和郡國缺寰宇九域等書皆受

命於朝缺之內一無所遺卷帙至繁缺其大綱

而已厥後郡各有書缺則登載已詳足以備史家之

採擇開卷而知其人之才否然搜討賁博而簡別不能

精紀務實述而去取或不當敘詳異則易失之怪書人

物則多失之夸列守宰善政而載筆者亦與焉龔黃復

生人且不信乃併與其可傳者掩之皆圖誌之疵也海

昌為今畿縣令尹古格潘侯景夔下車以來慈祥臨民

儒雅歸吏政成暇日撫臨安志全書增攷故蹟命秀士

相與訂正之歷代之沿革山川之向背風俗人物賦役
土產凡一邑之所當問者會粹滿編而以碑碣紀咏次
之將與斯人仰許睢陽之餘烈挹張無垢之遺風以庶
幾於起敬起慕垂受代而書成將鋟之木邑尉王牒崇
謨漳外弟也介以請於家君敘其事於編首機務鮮暇
乃命小子書之敢誦所聞以塞嘉命先祖缺 岐公頃
歲由工部郎知處州作括蒼志繪郡境為圖以便觀鑒
遂不失圖經之旨後有作者雖或加詳實本諸此云時
在嘉定二年立冬之日

顧况集序

皇甫湜

吳中山泉氣狀英淑恠麗太湖異石洞庭朱實華亭清

甯志備考卷十一

九

淚與虎邱天竺諸佛寺鈎錦繡絕君出其中間翕輕清
為以為性結冷淡以為質煦鮮潔以為詞偏於逸歌長
句駿發踔厲往往若穿天心出月脇意外驚人語非尋
常所能及最為快也李白杜甫已死非君將誰與哉君
字通翁諱况以文入仕其為人類其詞章曾從韓晉公
於江南為判官驟成磊落以績入仕著作不能慕甚為
衆所非為江南郡丞累歲脫縻無復北意起屋於茅山
意飄然若將續古三僊以九十壽卒湜以童子見君揚
州孝感寺君披黃衫白絹鞞頭眸子瞭然炯炯清立望
之真白圭振鷺也既接歡然以我為楊雄孟軻顧恨不
及見三十年於茲矣知音之厚曷嘗忘諸去年從丞相

涼公襄陽有曰顧非熊者在門訊之即君子也出君之詩集二十卷泣請予發之涼公適移蒞宣武軍余裝歸洛陽諾而未副今又稔矣生來速文乃題其集之首為序

平夷頌序

董穀 邑人

洪惟我太祖高皇帝奄有九有今上皇帝君臨萬邦太平二百年三代以下全盛之治無有過者乃今東夷兇黠狡戾至為反側我叛人逋竄沙嶼誘至亡命利動貪商始於辛壬延於癸甲東南幾省橫罹兵燹皇天厭亂默授哲人俾我本兵胡公文武全才代巡

奇制勝克當聖心爰委重寄超遷中丞提督軍務陞總

甯志備考卷十一

二十

制大展經畧延攬獨斷與神為謀勦撫隨宜機變莫測丙辰徐海授首丁巳王直革惡面元惡就虜群醜咸歸乃肅清瀚海之風濤洗滌邛山之腥穢上以舒九重之宵旰下以措萬姓於衽席偉哉績乎是宜寵頒新命位絕留都以奏膚功惠此南服昔勒石燕然徒誇兵力樹碑淮蔡示侈武功豈若今不殺之威行於徼外折衝之妙荒彼大東頌聲曷可已乎頌載遺咏

從吾道人說

王守仁撰

海甯董蘿石者年六十有八矣以能詩聞江湖間與其鄉之業詩者十數輩為詩社旦夕操紙吟鳴相與求句字之工至廢寢食遺生業時俗共笑之不顧以為是天

下之至樂也嘉靖甲申春蘿石來遊會稽聞陽明子方
與其徒講學山中以杖肩其瓢笠詩卷相訪入門長揖
上坐陽明子異其氣貌且年老禮敬之又詢知其為董
蘿石也與之語連日夜蘿石辭彌謙禮彌下不覺其席
之彌側也曰吾見世之儒者支離瑣碎修飾邊幅為偶
人之狀嘗不屑其所為以為世豈真有所謂聖賢之學
直假道於是以求濟其私耳故遂篤志於詩而放浪於
山水今吾聞夫子言忽若大寤之得醒吾非至於夫子
之門則幾虛此生矣將北面夫子而終身焉陽明子曰
有是哉吾未或見此翁也今之後生晚進稍知執筆為
文詞記誦訓詁則已侈然自大不復知有從師學問之

事間有從師學問者則哄然共非笑之指點若怪物翁
以能詩訓後進從之遊者徧江湖蓋居先輩矣一旦聞
予言而棄去其數十年之成業如敝屣求北面而屈體
焉豈獨今之時未見若人將古記載所傳亦未多數也
夫君子之學求以變其氣質氣質之難變者以客氣為
患不能屈下於人遂至自是自欺飾非長傲卒歸於究
頑鄙倍故凡世之為子而不能孝為弟而不能敬為臣
而不能忠者其始皆起於不能屈下而客氣之為患耳
苟惟理是從而不難於屈下則客氣消而天理行非天
下之大勇不足以與於此則如蘿石者固吾之師也而
吾豈足以師蘿石乎與之探禹穴登爐峰陟秦望尋蘭

亭之遺跡徜徉於雲門若耶鑑湖剡曲蘿石日有所聞
益充然有得欣然而忘歸也其鄉黨之子弟親友與其
平日之為社者或笑而非之或作詩招之反且曰翁老
矣何自苦若是蘿石笑曰吾方幸逃於苦海揚鬣振羽
雲霄之上安能復投網罟而入樊籠乎去矣吾將從吾
所好遂自號曰從吾道人陽子明子嘆曰聞之嘆曰卓
哉蘿石血氣既衰孰能挺持奮發若少年英銳者之為
乎真可謂之從吾所好矣夫世人從其名之好也而競
以相高從其利之好也而貪以相取從其心意耳目之
好也而詐以相欺亦皆自謂從吾所好矣抑知吾之所
謂真吾者乎夫父慈子孝忠信忠篤真吾之好也天
下之所同好也將富貴貧賤患難夷狄無入而不自得
焉斯之謂從吾好也矣夫子嘗曰吾十有五而志於學
是從吾之始也七十而從心所欲不踰矩則從吾而化
矣蘿石踰耳順而始知從吾學毋自以為既晚也充蘿
石之勇其進於化也何有

魯公史評

宋史臣

史評畧曰語云慷慨就死易從容就義難夫死事之臣
何代無之即顏氏一門駢首遇害者三十餘人然皆激
於一時之義未有凌頓折挫久而彌厲如公者方公在
虜營虜露刃以前坎庭以待積薪以脇濱於死者百矣
而卒引義以自決至遺書訓子自為志銘其從容就義

不更有難於臬卿之死乎曾子固有言唐之名臣忤時者不之乃且起且仆歷七八死而不悔者惟魯公一人余何以易斯言哉

鄉賢議

陳善

夫鄉賢之祀所以表前懿勵後來蓋朝廷風世令典顧近代所進舍有未盡協於至當之議者在昔賢固不系之為寵辱而非所進而進焉為黷祀非所舍而舍焉為失人於風世初指則悖謬甚矣即如海昌賢祠所列六朝迄今共計二十有九人而產自昭代者過半豈不斌斌稱盛乃以查公約之賢不得與於俎豆之列何哉夫論定於桑梓而禮舉於黌序今鄉評皆知仰止閔齋先

甯志備考卷十一

三

生而黌校不為追發奉常之議以請於主者詎不為闕典乎余於是不能無嘆

按陳先生議以閔齋先生未入賢祠為黌校咎似也余則以公論出自黌校此第可許於百年前耳今之黌校師生所聚族而謀者大較皆阿堵事其有議及士品風勵云云者必以為迂且怪尚可厚望之古道乎如余鄉馬廓庵孫雲衢兩先生清風介氣真是廉立頽俗而其子孫貧且弱曾無為之表章者乃以過侍御片言鳴之當道兩先生始得與於俎豆之列則夫閔齋先生事當有任其責者似未可為黌校咎也雖然雲間陸平泉先生為鄉國鼎呂當道亦既採輿論登之俎豆而其孫彥植

有所感情至抱其主以出若將沈焉然則閔齋而果
賢也亦安在其必祠余蓋感余邑賢祠之濫溢而於
海昌之四十年來不入一人也竊有取焉

問病劄與許杞山

孫一元

得書知台仲抱病然為衆生病為己身病己身病日用
動息篤敬以涵養之久則粹面盎背衆生之病亦化矣
此道沉溺已久獨吾台仲可以語此暑益蒸幸宜勉幸
宜勉

賀入諫垣劄與杞山

王守仁

榮入諫垣聞之喜而不寐非為台仲喜得此官為朝廷
喜得台仲也孟子云人不足與適政不足間惟大人為

甯志備考卷十一

二

能格君心之非一正君而國定碌碌之士未論其言之
若何苟言焉亦足尚矣若夫君子之志於道者則不然
必時然後言又不專以敢言為貴也去惡先其甚者顛
倒是非固已得罪於名教若搜謫瑣屑亦君子之所恥
也向時格致之說近來用功有得力處否若於此見得
真切則所謂一以貫之如前所云亦覺瑣瑣矣

慰唁疏與許杞山

王守仁

吾子累然憂服之中顧勞垂念至勤賢郎書幣遠及其
何以當道不可須臾間屈喪亦學也而喪者以荒迷自
居言不能無荒迷耳學則不至於荒迷也故曰喪事不
敢不勉甯戚之說為流俗忘本者言喜怒哀樂發皆中

節之謂和故哀亦有和焉發於至誠而無所乖戾之謂也夫過情非和也動氣非和也有意必於其間非和也孺子終日啼而不嗑和之至也知此則知居喪之學固無異於平居之學矣聞吾子近日有過毀之憂輒敢以是奉告幸圖其所為大孝者可也賢郎器質甚美適當冗結不及與之一言殊負遠來不久便還林麓後會尚有可期草草佈謝不盡

論學劄與許杞山

徐愛

邇聞希顏守中誦吾兄德業日新篤志聖賢之學時與陽明先生言之未嘗不喜動顏色蓋當吾道孤子之秋而得如吾兄挺然特立之資為之先鋒則凡疲兵弱卒未有不知感奮者如是復何憂不濟耶學力易畫聖道無涯更望益新舊業遂登聖域恃知愛何敢以已所未能乃遂不以告也

甯志備考卷十一

三五

論學劄與許杞山

鄒守益

長安之別歲律八改宦轍參差坐缺動定之敬頃會從吾道人備知習靜養高超然邛壑某為多病所困弗獲乘棹款門以奉新得懷如之何良知之教精瑩明澈如明目中一塵不可伏就使金屑玉屑一或入之病與塵等高明深造自得當有以發師門之蘊何以垂教鞭其不逮

論學劄與許杞山

邵銳

銳多病廢業入秋體力漸佳又苦俗累縈擾不能凝靜
讀書可嘆可嘆竊謂吾人須有溝壑喪元之志始可以
自立必有省察克治切已功夫始可以有成不然徒恃
意氣撐駕一時畢竟何益而僕躬自蹈之日益狼狽吾
兄千萬終教幸甚

論時事劄與祀山

邵銳

國是漸搖黨事且起吾人忍自敗壞一至於此遠臣過
計寢食靡甯奈何奈何子材德業日新真是豪傑相
觀之益尤有深望

春回卷跋為查給諫

陳繼儒

劉禹錫云官不前定何名真宰王鑣云緣業先定吉凶

甯志備考卷十一

二六

乃來此皆為數所縛也余不心肯此言夫定數之說不
過為躁人下一清涼散耳若忠臣孝子孤憤激烈爾時
成敗生死已置度外有鬼神無從把握者從來真忠孝
決為上帝所憐春回枯木自是定理若查先生之抗疏
觸譴業瀕死而卒賜環回思二十年前夢象若持之券
也此豈數之所能制乎語云造化本無心衆生自造化
蓋先生造化在手夢先告之耳

唐吳府君墓誌君台州刺史

羅隱撰

黃巢之叛天下騷動杭之豪傑橫戈執挺以衛鄉里者
八人時立八都之號太傅渤海府君居其一焉君諱公
約字處仁姬周盛族全吳胃裔今為杭之餘杭人官地

屬餘始以勇膽智畧為郡邑推以禦衆功晉御史中丞
抗改硤石為訓齋所推鋒破銳日著聲績累官秋曹民
部二尚書自始及末為將三十年家無長物斯亦名將
之高節也乾甯四年六月二十一日啟手足於硤石之
私第享年五十有八以明年正月卜宅於錢塘之新亭
鄉桐扣山之原禮也君娶樂陵石氏生男一重裕河間
邢氏夫人繼焉生男二曰重禮曰重禔女二人未笄將
葬君嗣子以隱鄉里之舊既請銘其墓矣而復以詩一
章文其美於道之隅詩曰吳山蒼蒼吳水泱泱降生英
靈為公為王以巖缺旅以奠封疆派而別者我亦鷹揚
取直之功捍衆之績雖從本軍實展良畫乃自西佳遷

甯志備考卷十一

五

於硤石主君東伐諸將西征賈以餘勇資其銳兵藉山
霧廓京口波清耳從貂冕始拜東卿吳會紛紜淮夷奔
競驅其凍餒犯我疆境躬勵精卒恭承上命雪霽松貞
風中草勁元戎承制聖主酬勞優游渥澤司元望高所
謂鷄省全資豹韜乃頌異寵乃正華資大國綱紀雄藩
羽儀牀間牛鬪杯裏蛇疑天胡可測神亦難知有仁於
時有功於物一代殊勲二品清秩不謂不達何獲何失
瑞馬祥羊金箱玉室 守秘書省著作郎賜緋魚袋羅

隱撰文

唐舒論墓誌銘

名佚

論望出天水郡公諱璩父平論平之第二子時年廿有

四貫杭州鹽官縣靈泉鄉以元和九年甲午歲十月十四日終於天長鄉之私舍以其月三十日窆葬於當縣西南四里買裘氏地論未婚父平併其兄弟恐陵谷變遷桑田改易勤為誌記 詞曰青青松柏落落澗石蓬蒿裏中長歛魂魄缺閉泉門千秋永隔

唐梅府君墓誌銘

名佚

梅氏之地望在汝南府君之世業居海昌祖諱羅父諱慶皆遨遊時世適迹邛園府君慶嗣子也未及弱冠即蒞齷職遞歷衆局至於首統遊刃其間廿餘載自後頓懷高尚香思退休缺 千家倏遷十稔乃殫知已薦缺 赭山未越月而政聞缺 司差劾浙東監盜不踰年而盜

甯志備考卷十一

天

伏法自是姦人懼反訟於公公自夏初雪濫於越會廉察榮公鑒其寃尋與申白上命未回而公邁疾奄然長逝春秋五十有四娶廬江何氏夫人君無賢嗣有女一纔及笄以咸通 年十二月廿五日歸窆於鹽官縣之昌亭鄉新建營禮也爰勒貞珉永期不泯銘曰缺 之缺 兮必摧玉之堅兮必缺 魂之往也不回缺 之逝也永訣缺 之缺 兮缺 隙之光兮電掣嘆兮悼兮向泉扃是缺

唐萬府君墓誌銘

名佚

君諱仁泰字國甯其先扶風郡人祖翹父清君清次子也招隱不仕里仁于居性耽琴書情欽義友 泰山其頽梁木斯折以元和二年二月廿七日邁疾終於私

按監字疑是鹽字

按營字是營字

第春秋五十有四以其年十月十九日寔於杭州鹽官縣蘭陵鄉 硤石市東一里娶彭城劉氏生男某次楊次璵次通二女各適它姓摧巒缺棘悲消響震恐後桑田變海故勒貞珉為誌銘曰玄宮冥冥兮曉不開魂魄蕭蕭兮帝方哀愁雲靄靄兮雨添淚松柏颯颯兮風缺唐鄔府君墓誌銘

名佚

鄔君諱某厥先太原人晉既喪亂遷於江南府君即有唐故侍御史元某之次孫也性好古以書籍耕鑿缺出處不撓於時待鄉親交友以缺固未嘗失之矣夫人顧氏少負邑里之譽賢德節行缺於府君和若宮徵生三子長曰頌次曰某季曰昇並聞詩禮君甫順耳順而

甯志備考卷十一

元

諸子尚未成人但可終於溫清何遑仕宦也居喪之情殆至毀滅貞元中時艱賦煩故頌為運漕之使星行晨驅號泣之誠傷感路人十五年春正月比自維揚旋於海昌乃謂二弟曰宗墓廣眾塋隴櫛比乃相與卜地得海昌里之一墟南去古墟三十步欲報之恩缺更病迭起缺 生墳鄉人助之無取也孝矣哉銘曰海昌之里馬牧之墟孤墳歸如歸生之餘送終伊何家有孝子卜兆伊何青鳥是缺 千歲蒿里百年遄已

雲村老人墓記銘

自撰

雲村老人伯台氏名相卿許故族居杭之海甯靈泉里晚徙紫雲自稱雲村老人云老人生世七十九年嘉靖

三十六年秋寢疾知不起且慮子若孫徇俗飾終將乞
藪文証我蒙羞入地無絕已時已恐來世有稽無徵也
則手書於墓石曰雲村老人平生行業無可紀撰先古
系緒載於湛若水志皇考封給事中府君葬語中老人
以成化十五年九月十六日生於外祖父俞氏三歲失
哺少長善病弱冠始為學甫壯於仕于 朝給事中歲
餘自免歸久之以中外諸司薦 詔補原秩辭疾乞致
仕以竄籍鮑即鹽課司奏聞報 可於是結屋紫雲山
中水石幽勝處食力詠志讀書彈琴無一跡抵親交城
市四十許年而終嘉靖三十四年四月島夷突犯海防
老人走折左股一捫之頓踊呼號曰人同有生之樂而

甯志備考卷十一

三

吾獨不免殷憂畢此生哉夫天之賦我者學未克見於
道父母之生我也老乃更殘其遺忘親不子負天非人
奈何尚猶立覆載戴面目名人也乎痛恨不終食輟也
老人長子聞過先老人死晚舉少子聞造過子敦儉敦
儲儲質美而殤儉子令已令甲令丙嘉靖三十六年八
月初九日鷄始鳴號老人夢指畫太極圖動靜交處已
而吸清露三巨觥味爽而寢遂病日彌留銘曰
嗟夫子乎冥驚畏途冒襲慙譽一真旋隙衆患攸萃室
嗜辛螫巷賂群吠物匪胥戕事有必至聞之先民知我
希而我貴吾乃不得與此吾徒生死而已爾

雲村老人像贊

自謨

少也英英長也稜稜壯也錚錚衰以耄也螿坯敲哺遺
身世兮普騰唯進而昧夫時之不可挽也幾難免乎世
則退而遊於物之所不能役也聊復得此生已夫

又

自譏

昂七尺而中空空酣羣籍而理夢夢志將身挽一世風
還前古而力莫之從若夫攘攘沾沾費辭喜事與餘子
較身後之名也厚靳全慵生而進如讓退如螿尚剡薦
乎何有沒而碑不文墓不封况社祝兮奚庸士論安所
物色畫史若為形容於穆一元吾其大同

祭臯蘇將軍廟文

宋高宗

畧曰胡馬來此緣逐金牛牛沒尾掉空回可羞拔劍自

甯志備考卷十一

三

別曾無怨尤至今父老能道所由云

云

祭張橫浦文

方滋

乾道三年十一月乙丑朔敷文閣直學士方滋遣嗣孫
靖昭祭於張公子韶尊兄之墓嗚呼海內知己如公幾
人梁壞山頽晚缺安仰日月遠矣聲容隱然永懷平生
方寸屢折造官荆渚寄徑近郊王事有程汎掃無路姑
馳一介致敬九原云

云

祭張橫浦文

史浩

紹熙元年歲庚戌八月癸未朔太師保甯軍節度使致
仕魏國公史浩委姪壻知鹽官縣事陳恕敬祭於無垢
先生待制侍郎張公之墓惟公學承正宗文肩前輩卓

行珠玉淨無瑕類射策廣庭英俊如蝟公以萬言奉當
大對臚唱哀然名喧海內持橐從班表帥在位退食私
室門多旌旆一世人龍孰不愛畏浩掌郡庠時適相值
傾蓋忘年雅推聲氣端笏趨隅薦牘見舉公之舉詞深
有旨味識超幾先意傳經外惟此八字三宵不寐思而
得之實錄無愧予婿宰邑近公墓隊命掃松楸嘗加葺
治追念知己臨風墮淚云云

雙廟祝文

吳由讓邑令

咸淳三年令吳由率同官寓公邑庠諸生以十月十六
日巳巳祭許公於廟蓋公盡節之日也曰由幼讀書而
知有睢陽戰守之烈茲試令而獲武原忠義之卿私竊

甯志備考卷十一

三十一

為幸因與邑寓楊君均訂之舊史曾之通鑑參之長歷
夫然後知睢陽陷於孟冬之九日後七日而公竟以不
屈死爰於是日載舉祀事於廟庭之下以補舊典之缺
以慰邦人之思云云楊均撰侑祭樂章載圖經不具錄
雙仁祠祝文 辛自修邑令

李唐不競胡虜遂猖河北諸郡倒旗迎降惟公兄弟鼓
車堂堂誓死僇力江淮之防賊下矢石披襟以當罵不
虛口烈日秋霜生以忠進死以忠亡二難抗節千古流
芳某忝職茲土祀典孔彰尚冀靈爽福爾鄉邦

雙仁祠祝文

吳堯時邑令

嗟哉二公赫赫精忠遭時不造羯胡肆克漁陽鼙鼓雲

擾京東閔中失守河北望風二公倡義盡瘁鞠躬起兵
討賊期建茂功夫何天欲畀公以完節遽爾糧盡而矢
竭城陷被執怒激奸雄比死而罵不虛口臨難而抗節
致忠難兄難弟今古誰同某職司是土敬仰高風屆值
秋仲聊備樽俎以報厥功尚祈昭格錫祉無窮

安化王祠祝文

鮑觀光邑令

惟神忠貫星日勇撼天山始為都統茂績班班太原鎮
守砥柱狂瀾死殉國難氣湧江湍父子一轍忠孝兩全
天子駐驛錄後臨安褒忠錫爵賜第鹽官百世之下餘
風可觀某等宦轍雲窩瞻仰英肝報功崇德脩此豆籩
神其歆格薰蒿曖然

甯志備考卷十一

三

按曖字偏旁疑从小或
从日

甯志備考卷十一終

甯誌備考卷十二

當湖鈍叟趙維寰輯

遺詠

東湖望山歌

顧况

浴鮮積翠棲靈異石洞花宮橫半空夜光潭上明星啟
風雨壇邊樹如洗水淹徐孺宅恒乾月墜洪崖井無底
主人載酒東湖陰遙望西山三四岑觀有咏橫山故居
志悞載之硤

石崇
福寺

送姚杭州詩

顧非熊

浙江江上郡楊柳到時春整起背城鴈帆分向海人
嶠雲侵寺壯汀月隔樓新靜裡更何事還應咏白蘋

甯志備考卷十二

一

被執示程千里

許遠

鼎烹且不避桎梏任相欺一死人臣事孤心天地知楚
囚休對泣漢將欲何施萬古綱常地男兒正此時

其二

漢道本全盛神州何陸沉妖氛欺白日燐火照丹心蘇
武節柯還在色胥恨自深從容就歸路先拜獻陵陰

死別吟

許遠

睢陽睢陽兵力疲噫朔雲慘慘妖氛吹噫吾徒死節真
男兒噫緩我死兮將安為噫屍我東兮骨我西噫泉臺
妙算能無施噫左為風兮右為雨噫滌盪腥羶萬餘里
噫死別死別斷腸兮噫臨風泣血天還知噫此恨綿綿

無絕期噫

題雙廟

王安石

兩公天下駿無地與驕驥就死得處所至今猶耿光中原檀兵革昔日幾侯王此獨身如在誰令國不亡北風吹樹急西日照牕涼志士千年淚冷冷落奠觴

安國寺浴

蘇軾

老來百事懶身垢猶念浴衰髮不到耳尚煩一月冰山城足薪炭煙霧蒙暘谷塵垢能幾何脩然脫羈梏披衣坐小閣散髮臨脩竹心困萬緣空身安一牀足豈惟忘清淨兼以洗滌辱默坐無多談此理觀要熟

題僧爽白雄鷄

蘇軾

甯志備考卷十二

二

斷尾雄雞本畏烹年來聽法伴脩行還應却置蓮花漏老怯風霜恐不鳴

次施彥執韻

張九成

新詩究見故人面思入江山氣象雄幾歲不堪青草瘴今朝還喜鯉魚風高秋木落雁為伴久雨江深吾欲東他日樽前如把臂莫驚我已白頭翁

聞彥執有辣螺詩聊復為作

張九成

乾坤中空繞滄溟千奇百怪闢露形鯨鯢龜鼉突相撐蚶蜃蚌蛤角介犂是中有物入眼生羊腸蟻蛭分縱橫入口小辛美且清薦酒百盞壺亦傾有如汲直官漢京諫諍雖切心原平肩吾作作詩翻手成士龍筆力敵相

勅嗟我才短誰歌賡欲往侑生愁頽羹句澁音梗君莫
輕雄豪猶勝蒼蛇鳴

夏日即事

張九成

拂袖歸來好親朋笑語真山高多爽氣溪迴只清簾
幕深無暑琴樽靜照人短衫吳縠細團扇越羅新翠竹
書千卷滄波釣一輪身閒人自遠心淨世無塵月出
千峰外風生萬壑濱庾公樓上興曾點舞雩春高論傾
今古長歌動鬼神勲名吾已判朝市任紛紛

偶成

張九成

庭院無端作許寒好花無處壓欄杆東君今歲知何意
勒住羣花不得看

甯志備考卷十二

三

雨中海棠

張九成

玉腕紅輕不耐寒無端風雨苦相干曉來試捲珠簾看
菽菽飛香滿畫欄

懷汪聖錫

張九成

美玉藏精璞明珠媚深淵天清氣缺明光景露涓涓或
者輒按劍奇才歎難全之子英傑人聲名何軒軒妙齡
魁四海終始皆稱賢過眼不再讀悟心非口傳文真翻
手成識超餘子先森森列五岳浩浩朝百川謂年未三
十當握造化權陶甄到唐虞修潔偕淵騫誰云一戢翅
沉滯十二年衆論殊未諧子心方藐然磨礪盡箭鏃刮
洗成混圓上造羲軒外下極宣政前討論分本末鈎頤

窮繇緣遥遥數千載恍然落眼邊斯文天其興子能常
躡顛試看桃李花三春何鮮妍未及瞬息間飄零墮風
烟青青高松枝霜雪彌貞堅子如識此理聊卧白雲巔

寓館黃灣

楊璿

望望人烟市行商日滿塗四邊山勢合渾如蜀川圖

題廣濟橋

楊璿

控扼金牛勢青山面面扶居人投足易功百鄭乘輿

題知監廳

楊璿

鹽課書常息民情政事醇公庭無一事花柳醉娛人

題浦上

楊璿

舊日寒潮浦如今但有名人烟一帶盡古岸酒旗橫

甯志備考卷十二

四

題浦口

楊璿

市浦樓船滿南商上落頻晨昏二潮水衣食一方人

題硤石山

施德操

何處登臨眼最明雪峯住處一川平潮隨海月生時上
峰在雲天靜處橫幢蓋神扶喬木影風雷井閉古泉聲
靈蹤鑿盡翻惆悵何日山報道成

悼嶽祠効白氏諷諫體

施德操

巍樓掙空勢嶒嶸神靈之宇宜高明雕欄綺煥丹青
上有碧瓦聯缺堯當時何繇有此屋邑人輪成欲求福
捐金倒廩不計資工師代盡南山木宮祠落成今幾年
帝君來兮從羣仙開陽閉陰宣化權雲車風馬何翩翩

邇來荒涼廢修葺香錢歲被官拘入社會不來香火寒
塵埃撲面靈官泣人間萬事有廢興祇今白晝門常扃
山祇海若擁空缺粉黛剝落無威靈虛亭無人春寂寂
細草沿階土花碧荒池廢井綠生衣燕雀羣飛聲唧唧
古人理財生諸民今人理財取之神神人之寃無所訴
上帝居高弗下顧

題許公

王綸

親將已柄授巡兄却向軍中稟令行此事便應千載祀
兒曹休向問功名

題南將軍

王綸

一死於心果不難曹柯心在炳如丹空留矢缺浮圖上

宵志備考卷十二

五

誰不教渠滅賀蘭

弔王忠肅祠忠肅王稟謚

楊由義

太原城下屹行宮雲樹籠葱掩碧空鐵馬無聲汾水急
滿天風雨泣英雄

思雲操

汪應辰

自我去家兮越歲踰年心搖搖兮如旌之懸為子為臣
兮忠孝冒全我將全歸兮繫綬與組我因乘高兮獲見
親所悲兮悲兮彼雲之駐兮此雲之逝兮

御書邑人王恕詩

宋孝宗賜僧人
惟仰

天與清才壓孟郊品題光景到秋毫春工十絕搜
此詩名日更高

御書僧守璋詩

宋孝宗賜僧

草深烟景重林茂夕陽微不雨花猶落無風絮自飛

題請書林首絕不重錄邑

鍾必萬

其二

歲寒誰是最相親鶴骨龍髯兩故人更約梅花作三友不妨清澹過今春

其三

客來屐齒謾留痕坐見春回笑語溫他日摩娑訪遺跡料松生子竹生孫

題仰高亭邑志雖載不全

鍾必萬

長安去天一尺五天高不知高幾許仰觀黃道轉星辰

甯志備考卷十二

六

俯覺青山滿塵土憶昔廣安平步上二十年間勞夢想孤亭盤薄醉魂醒岩桂婆娑詩枝痒眼前雖感杜陵句誰識胷中高妙處雙鳧既是從天來五斗端非折腰具萬物矯首待春膏百里化風歸一陶勿使下民或啼號仰看官長天樣高

題仰高亭邑志雖載不全

俞允成

我聞陶彭澤折腰顏忸怩又聞汲滎陽耻之弗屑為二公固高節可敬不可師君亭曰仰高同趣而異宜既能了官事不墮官事癡弦歌有餘閒登覽無遐遺盡洗簿書塵吟哦少陵詩壯氣干氣層霄幽懷挹芳枝但覺心地寬無問吏役卑本來天姿高更以高自期碧落看橫

翔大書豈吾欺

其二

誰着危亭 缺閒月華桂影傍欄杆一同盡覆花陰底
四顧還缺境界寬獨有壯懷凌廣莫更無纖翳礙高寒
此名便是君清節只許時人矯首看 缺

題仰高亭

張少良

危亭駐崇崗漣漪浸飛影登臨何所見翼翼參萬井中
有老與稚柔金雜頑礦所以亭中人俯仰要三省陳侯
諫諍姿鐵面霜花冷臨民氣藹然陽春回淑景初來村
吾民驚此膚骨痛正色振頽綱讒口不得逞期會非吾
事吾方務綏靖符移急星雷 缺一笑領更縛狐兔空

甯志備考卷十二

七

民安雞犬靜聲和天地應一飽周四境回首念焦熬令
人發深微城南去天幾有位不敢請平生江湖憂布衾
寒耿耿侯今 缺政成著身必禁省披心翊明聖苦言同
骨鯁察吏考本原百度隨手整坐致補袞功貴富非天
幸 缺風高遺芳歲年永

題仰高亭

田質

危亭芟蕪出蓬蒿底事標名曰仰高擬待垂天鼓鵬翼
仰恢餘地試牛刀舉頭見日知尤近引手捫星益自豪
從此青雲可平步豈應州縣尚徒勞

題仰高亭

姜 缺

陳侯大雅姿要是社稷器詞源瀉河漢曾次極涇渭平

生運斤手不斲郢人鼻補袞曾未施割鷄聊小試二年
來拊摩一意用慈惠夜村無吠犬朝畦有馴雉河陽滿
縣花紅紫不入背西風落殘夢獨憶小山桂後圃僅如
掌乘間洗荒穢築亭寄幽爽解危愜素志如延古僊伯
凜凜千餘輩披服翠雲裘紹以黃金珮寒香得朝領
客時一醉不學靖節翁把菊嘆憔悴高風端可仰反語
無乃戲清霄況咫尺平步可睥睨行看王堂上薇藥對
軒砌但恐說此花勞君發清涕

題仰高亭

曾伋

岩堯帝闕非人世九虎守閤人莫至

黃魯直送秦小游
守餘杭有欲攀天

虎闕之句君曾奏諫入明光軒陸嵒嵒夢遊企自言平生

甯志備考卷十二

八

燈火讀肯為一官心使足聖賢事業在簡編仰止高山
繼英躅竭來海縣勞施設撫字恩深吏民悅欲求惠澤
滄瘡痍矯首曼蒼向誰說當年惟有杜陵老愛國憂民
鬢如眼看叢桂憶詩人哦詩名亭寄幽抱名亭之意
自有尚此心豈為供吟賞興來舉酒揖明月環視八荒
天一掌君今未用恨幽獨且將秋芳嗅清馥會看九萬
穩扶搖四海蒼生咸矚目

題光華亭

魏伯恂

亭高爽塏聳牙簷萬種森羅共一川坐便江山歸舊觀
欣看童稚望郵船柳烟烘日塵迷渚麥浪降風翠拍天
民物熙熙樂康阜可無詩酒與君傳

題光華亭

葉亨中

郊原極目如平掌
華館飛翬瞰碧川
砌草漸嘶征客馬
岸楊行艤督郵船
春光駘蕩烟花渚
山色依稀鴈鷺天
自是規模壯今昔
清名留與後人傳

題光華亭

陳士良

無訟深巖晝下簾
光華新制挽雲川
尊前醉客堪投轄
柳外遊人趁畫船
積翠迷烟芳草渡
輕陰潤雨養花天
令君仁政饒和氣
流入都城萬古傳

題光華亭

郭知運

仁政頻書大有年
初新亭宇俯平川
軒楹擺極連雲稻
門廡夷猶盡鷁船
聊向琴堂消暇日
每逢刺史自開天
甯志備考卷十二
九

便膺帝簡分符竹
畿甸歌謠處處傳

又題

倦客東來路幾千
歸心長在舊山川
欲依花縣不欺政
先艤春江下水船
洗拂空隨洗缺雨
落成遙想落花天
眼前新識翬飛宇
海邑真成永遠傳

題光華亭

耿弁

風軟香塵撲帽簷
行春小队照前川
棊亭已卜持金節
領客須檣載酒船
藍尾正逢寒日雨
鰲頭直過落花天
蘭亭高會今重見
還作江山勝事傳

其二

晝靜棠陰覆畫簾
主人才思若增川
治同蜀郡先興學

仁比 親挽船且趁鳴絃閒暇日不妨把酒艷陽天
河陽春色知多少總入詩人好句傳

題光華亭

竇思永

幾點飛紅亂撲簷半篙新綠浩盈川旋裁官道千株柳
少駐星臺萬斛船邱壑盡從方寸地姓名已上九重天
沙堤便築朝京路留得新詩句句傳

其二

東風醉帽整高簷鯨量懸如海納川珮印豈無金作斗
行觴應有玉為船紅燒蠟炬三春夜寸碧浮空一雨天
赤縣使華新奏課剡章爭入置驛傳

題光華亭

張少良

甯志備考卷十二

十

侯館荒夷四十年忽驚華宇俯長川臨流遠拂隨堤柳
鑿沼新移玉井泉瀟灑頓忘身外累寬平自適性中天
脫簡

送劉少府之鹽官

我祖南昌尉時危隱去僊劉郎從宦日天子治平日燥
茗山中火熬波海上烟吳民不為盜惟此橈君權

次前韻

馬用

自古鹽官邑人呼尉作僊及瓜稽吉日枉駕省衰年時
泰銷兵地春和煮海天徒勞不足嘆前路好加鞭

題雙廟

曾伋

天寶承平四十秋當壬年玉食幾王侯漁陽兵起乘輿

出死節如公更有否

其二

國憑節義壯鴻基激厲頽風屬聖時曾屈帝尊親降輦
可因祈福幸公祠

其三

獨守孤城抗祿山疾風勁草見艱難應知苟簡事君者
到此誰云不厚顏

其四

篇釋留題盡昔賢讀之英氣凜然寒時人不曉推崇意
却與叢祠一例看

六州歌頭題雙廟

劉過

甯志備考卷十二

十一

行闕知何處胡塵暗猶拜望臣力盡孤城陷賊誰收飲
恨捐軀血染荒原草地慘天愁憤當時有劍不斬賀蘭
頭缺 路隔神州 缺 問何人為有遺策

缺十一字

如彷彿見貔貅香火神西道神馳整

轟戈矛風悉罕吹寒葉響颼颼千古人民祈賽中興後
還有人否喚南豐老子傍柳系吾舟酌酒同遊

重題雙廟

郭知運

唐祚中不振孽胡恣奸驕君德弗克終治亂在一朝渠
魁睥神器四海俱動搖向來為厲階其迹亦冰消中興
功孰盛張許冠百僚堂堂二公烈千古名不凋義膽及
華嶽忠肝齊斗杓平生慕節義卜居祠匪遙丹青就湮

睢陽舊事說着淚先
流男兒漢曾百戰肯
得因死未休

鬱古屋風蕭蕭英靈如可問激懦討昏妖

雙廟迎神歌

楊均

月維良兮日既望雁淒淒兮靡草黃潔骨俎兮桂椒觴
迎生氣兮睢之陽龍媒蹀躞兮元雲翔佇想五公兮下
瑤堂儼如在兮曠祀舉肅雍列兮羅簪裳

送神歌

楊均

裸獻終禮紀具靈禋禋迴霄駭人祇分福祉聚

題雙廟

文天祥

起師哭立元義氣震天地百戰奮雄姿嚮妾士揮淚睢
陽水東流雙廟垂百世當日令孤潮乃為賊遊說

題清遠樓

文天祥

甯志備考卷十二

十一

高閣晴空上登臨憶舊遊竹床虛卧月松戶半扁秋山
截鳥飛處江流天盡頭相留惟少憇立思得冥搜

過平原有感

文天祥

平原太守顏真卿長安天子不知名一朝漁陽動鞞鼓
大河以北無堅城君家兄弟奮戈起二十七郎連城盟
賊聞失色分軍還不敢長驅入咸京明皇父子得西狩
由是靈武起義兵唐家再造李郭力賊人牽制公威靈
哀哉常山賊鈎舌公歸朝廷氣不折崎嶇坎坷不得去
出入四朝老忠節當年幸脫安祿山白首竟陷李希烈
希烈安能遽殺公宰相盧杞頓日月亂臣賊子歸何所
茫茫烟草中原土公視於今六百年精忠赫赫雷行天

飲西湖

貢師泰

十年不到西湖上
此日重來意倍親
尊酒暫陪天上使
畫船猶待水邊人
題詩香積箋
花舊度曲聲傳
玉樹新歸醉小樓
明月曙開元
鐘鼓正朝真

送有亨姪還錢塘

貢師泰

嗣宗諸姪仲容賢
客路飄零雪滿顛
曾為頌椒畱子美
却思蠟愛僧虔
十年江湖三杯酒
百里谿山一釣船
何日兵戈得休息
敬缺

海歌

貢師泰

黑面小郎棹三板
載取官人來大船
日正中時先轉柁
一齊舉手拜神天

甯志備考卷十二

十三

又

出得蛟門纔是海
虎蹲山下待平潮
敲帆轉艙齊着力
不見前船正過焦

又

大星煌煌天欲明
黃旗上寫總漕名
聽得柁樓人笑道
早催春運到燕京

又

隻嶼山前放大洋
霧氣昏昏海上黃
聽得柁樓人笑道
半天紅日掛帆樯

又

四山合處一門開
雪浪掀天不盡來
船過此間都賀喜

明朝便可到南臺

又

千戶火長好家主事事苦辛不辭難明年載糧直沽去
便着綠袍歸作官

又

大工駕柁如駕馬數人左右拽長牽萬鈞氣力在我手
任渠雪浪來滔天

又

碇手在船功最多一人唱聲百人和何事淺深偏記得
慣曾海上看風波

又

甯志備考卷十二

十四

亞班輕捷如猿猴手把長繩飛上高你每道險我不險
只要竿頭着脚牢

又

上蓬起柁氣力强花布纏頭袴兩襠說與衆人莫相笑
喫酒着衣還阿郎

敬翁築居退隱

薩天錫

新築軒楹遠市城小庭幽寂勝蓬瀛總含海月瑤琴靜
簾捲溪門石榻清黃菊尊前常細詠綠楊絲底獨閒行
松閑盡日無人到耳畔那聞月旦評

題般若臺次橫浦先生韻

黃伯劑

寺古僧應少地偏心有扁憑高通梵望懷遠眇胥靈深

蟄虬藏翠斜飛鷺界青休文已今已去佛像寄誰銘生
嘗與邑令刁文叔來遊臺上

題真如怪石

董將

茲山翠成堆峭骨乃如許化工妙融結石罅走青乳當
年女媧氏煉此不及補岳岳至於今丈室枕其股我來
手摩娑松陰日亭午初疑道士羊亦類將軍虎坐久饑
腸鳴試作先生煮

城海甯謠

吳奎

隋有鹽官城漢無鹽官城唐有鹽官城宋無鹽官城荒
城蕪沒知何代惟有東流水常在蓬萊清淺幾桑田精
衛年年塞東海前年無城禦邊烽去年無城機行空今

甯志備考卷十二

五

年長城高百尺誰其主者陳元龍重門鐵鎖黃金鑰刁
斗無聲夜停柝七星掛城明月低萬戶千門慘清角何
當四海車書同蒼生樂育康衢中明年開城看歌舞城
南城北春花紅

貞母阡

胡奎

石門山前箭如雨朝別良人暮為鬼石門山下百尺泉
一日身死名千年至今石門山下路烈婦人稱萬家墓
墓前斜日一僧歸即是當年十歲兒

題雙廟

朱祚

天寶落日昏四野胡塵起一朝漁陽城遂作單于壘潼
關潰秋濤藩籬總頽靡倒戈競趨降恬然不知耻惟公

挺忠節恨賊入骨髓江淮保障地其責歸於已醢妾食
三軍捐軀輕六矢力窮援亦絕百戰殊未已邊月冷烽
烟陣雲昏睥睨城崩壯圖屈罵賊猶斷齒生分為忠臣
死分為厲鬼生死誰所無君獨盡斯理孤忠露丹心
千秋耀青史至今仰高節神像遺鄉里香雲護綺牕金
碧輝丹宸我來請祠下歎歎獨垂淚再拜重咨嗟如公
今有幾

題雙廟

高啟

維昔天寶末君王寵奸虜雄邊委強兵遺患同養虎叛
聞遽西幸骨肉棄榛莽河北二十州義士誰禦侮兩公
起誓衆慟哭告立祖橫身過其衝江淮保安土孤城無

甯志備考卷十二

六

全堞百戰霜月苦力窮援不來嚙齒罵益怒殘兵日飢
疲秋風仆旗鼓男兒不生降一死冠今古故鄉有遺廟俗
祭巫屢舞丹青網塵中爽氣可 睹嗟今屬喪亂戎馬
正旁午臨危肯捐軀如公未多數獨立為悲傷斜陽下
寒楚

歌行為雙廟

聶大年

睢陽城中箭如雨百戰兵疲食荼紙將軍力盡孤城危
三十六人同日死當時南八真男兒嚙指出血空淋漓
賀蘭擁兵坐不救肯與社稷同安危諸君赤心思報國
慷慨殺身全大節死為厲鬼亦何雄誓欲復讐終滅賊
堂堂廟貌海昌城歲時蚩饗通精誠皇天后土鑒忠義

萬古千年垂令名悲風蕭蕭撼庭樹讀罷穹碑毛髮豎
方今六合久清甯不辨魚麗分守處

題雙廟

孫子良

國破君何在艱危寄此身孤城抗全虜一髮引千鈞諸
葛終憂漢色胥空入秦可憐忠義友亦作說降人

題貢師秦墓

潘良

大元禮部中華士古墓殘陽草樹陰出處一時誠自畧
網常千古竟誰任冠裳天地分夷夏風景江山是古今
王氣東南排日月桃源始卜避秦心

題硤石

高季迪

硤石頗奇怪長江出連山絕壁兩峰開行舟過其間高

甯志備考卷十二

七

處難解登陰藤裊難攀旁垂兩痕古仰露天光慳不知
真宰意隨地設陰艱一夫據蜀閣二世憑秦關賴此非
要區爭奪得少間徘徊佇望久日暮飛雲還

望海

楊仲宏

海門東望浩漫漫風颯無時縱惡湍墨霧障天陰氣盛
滄波涵日曉光寒豈無方士求靈藥亦有幽人把釣竿
搖蕩星槎如何馭別離塵土亦何難

觀海二首

易履

辰登江上臺海色揚潮時茫茫坤軸中天水何淋漓東
踰扶桑國西接王母池朝宗此禹域百粵來珍奇蒺藜
蓬萊山飛僊渺難期我欲往從之蛟鼉浩紛披寥寥乘

槎意日暮徒興悲

其二

大化不可測崇卑分濁清滄溟會東南有泄亦有盈周
流始一氣蕩蕩漪難名秦嬴獨何愚駕石希僊靈豈不
念茲水而與天齊傾彼哉精衛魂何如白鷗盟鯨波期
弗沸中國有皇明

登海昌城樓望海

高季迪

百川浩昏東元氣流不息混茫自太古於此見容德積
陰漲亘濤萬里失空色鴻鵠去不窮魚龍變難測朝登
茲樓望動盪豁身臆始知滄溟大外絡九州域日出水
底宮烟生島中國寬疑浸天濫怒欲吹地是常時風雨
興海若不受職長堤此宵潰頻勞負薪塞况今艱危際
民若在墊溺有地不可居瀕洞風塵黑安得擊水游圖
南附鵬翼

偶成

朱靜庵

異鄉久為客風雨阻歸程兩岸數峯碧孤舟一羽輕蓬
牕殘燭在烟樹蚤鴉鳴坐待東方曙依稀見海城

送海昌沈志行之官永平

楊榮

憶昔先皇乘六龍網羅俊彥俱登庸當時簡拔入中秘
二十八宿迴蒼穹峒堯鳳闕五雲表育養羣才何濟濟
文追韓柳唐代風字通鍾王晉時體子於是時方少年
雲霄步武如飛僊胷中彪炳燦霞起筆端變化生雲烟

蹇予亦作金閨客出入鑿坡最相得列班共造鴛鴦行
振羽時鸞鸞鳳翼坐來倏忽三十春殘星落落如故人
羨子受命佐薇省愧我承恩居禁宸子歸泣血知幾載
千里雲山隔江海竭來官舍遂論心兩鬢蒼蒼顏未改
皇恩威德加遠方尚資豪俊防邊疆子行正好畫籌策
撫綏士伍撫忠良方今四海昭文治不以成平忘武備
佇看茂績著明時廊廟尚需膺重寄

遊金粟寺

張甯

金粟名山碧海邊上方樓閣近諸天人推轉藏聞清梵
自洗殘碑認往年南渡龍章千古在西來像法一燈懸
登臨不見懷人處回首孤雲思惘然

甯志備考卷十二

尤

重遊

張甯

溪深容小艇山峻露層臺林葉經霜盡河冰近午開閒
雲僧出定暮雨客曾來遡遡浮生路經過知幾回

遊金粟山

王守仁

金粟峰頭縱遠觀山林不動萬松寒飛崖瀉碧壁雨初
歇古澗流紅春欲闌佛地移來龍窟小僧房高借鶴巢
寬飄然更覺離塵世一笑天風振羽翰

春日同王文美觀海

陳白沙

春草盈門綠未涯隔汀人唱浪淘沙一春剛到融融處
細雨初開澹澹花僻地豈堪畱客久連床端合拜君家
明朝愛向醅醕別笑脫藤蓑付酒家

望海

孫一元

絕頂天風吹鬢毛長風東去望中遙沙邊烟浪浮珠牡
島上人家住翠鰲萬里閒情窮海嶽百年無事只漁樵
聯翩盡日歸來晚看到潮聲月色高

贈董蘿石登壚峰絕頂

王守仁

道人無奈登山癖日暮猶思絕淺雲巖底獨行穿虎穴
峰頭清嘯亂猿羣清溪月出時尋寺歸棹城隅已款門
可笑中郎無好興獨留僧坐共黃昏

中秋泛月湖

許相卿

喜君來值中秋日抱病同登澈墅山澤國夜濤悲夜永
海風天月破天擘撫時長劍虹光動寄興滄浪鶴共閒

甯志備考卷十二

六

良友百年能幾會清歌劇飲未須還

其二

一年好月是中秋向夕呼舟抱病遊大地清輝翻白晝
良宵幽興屬滄洲湖山夜色孤蓬遠天水寒光兩鏡浮
酣坐不知吟嘯永欄干北斗掛峯頭

送許杞山會試

孫一元

角巾快一識相對殘陽紅多路笑我拙收功與子同山
青去鳥外春滿片帆中憶恐釣竿手畫眉終未工

與許杞山識別

王激

十載論心地浮生恨轉蓬夕陽驢背上孤燭雨聲中握
手風烟暮臨觴客淚空別情對江水無語共流東

其二

客鬢風花外修途夢未醒自憐遊子眼幾見故人榮歸
路逢寒食蓬窓復短檠浮生苦多事應為二毛驚

聞許台仲携友去田雲上

王守仁

見說相携雲上耕連簑應已出烏程荒畝初懇功須倍
秋熟雖微稅亦輕雨後湖舫兼學釣餉餘堤樹合開行
山人久有歸農興猶尚千峰夜渡兵

是夜提兵津南

訪台仲九祀山中

孫一元

山水經年到尊壘十日畱柴門沙月動木榻水雲流同
愛名山隱難忘帝國憂何時解朱紱散髮共滄洲

其二

甯志備考卷十二

三

下榻山中夜論交海上村百年同意氣雙淚獨乾坤木
葉風江亂秋燈霧樹昏滄洲終日好白首釣魚輪

黃鶴樓

許相卿

樓臺仙迹古城隅尊俎英僚勝會初全楚雄圖歸指顧
清湘幽憤入躊躇江光蜿蜿晴虹迴沙渚娟娟野日虛
客子自多雲水意扁舟却羨洞庭漁

其二

一雨江城五月涼重樓危檻俯蒼茫煙蕪七澤浮元氣
晴樹千村動夕陽後四句佚

和黃鶴樓韻

董灃

樓上逍遙生晚涼仙人黃鶴去茫茫曾城落日搖南浦

古渡寒烟繞漢陽，疊嶂半空衡嶽近。掛帆十里楚天長，
勝遊本自緣王事。亦有新詩寄漫郎。

其二

鶴樓千尺壯江隅，冠蓋登臨曉日初。雲物臺高閒徙倚，
江湖天遠重躊躇。人歸香靄孤帆細，鳥落平蕪大野虛。
玉節丹梯憑畫檻，嘯聲應徹楚江漁。

留別許司諫

林俊

鶴袍元本不戀漁，策精力曾如老去何。混迹策由能自
許，諸君克舜望應多。直從聖學開天縱，薄與斯民乞歲
和。海上山靈驚往別，閒身還屬素雲窩。

送別許司諫同年

子時送還鄉

陳沂

甯志備考卷十二

三

暫離青瑣乞還鄉，雨館寒燈戀別觴。我以故人心繾綣，
君緣禡子色淒涼。孤鴻叫夜連雲遠，衰柳驚風夾路長。
世事多艱須自慰，聲名休負在巖廊。

送許司諫同年

趙漢

天涯送客望江鄉，去住何心共此觴。碧落雲閒孤劍倚，
早秋風急舊袍涼。祖行取祝邛園便，報國甯論歲月長。
並馬趨朝憶明發，曉星幾點殿西廊。

過吳興寄懷許台仲

夏言

碧海東南望，吾憐九祀山。美人隔烟水，長日掩雲關。
白雪難同調，黃精可駐顏。杖藜春日裏，那得共躋攀。

其二

多病耽幽卧新春辭故山自憐去住意可是利名關念
子空勞夢逢場不破顏青青湖上柳春盡為誰攀

懷許司諫

文徵明

茶磨清風不可攀高人先我十年閒懶搖玉佩聯青瑣
故毀銀魚卧碧山新水旋開田二頃紫雲深占屋三間
若為便置蒼生望見說青青鬢未斑

寄許台仲同年

夏言

九杞山人不出山不將一字落人間予今已作山中客
何日相從一破顏

客夜有懷九杞山房

王激

一別嘉禾月正昏三年無分共寒溫愁來顧影空相憶

甯志備考卷十二

三

老去逢人不敢言歲暮客懷悲畫省夜深歸夢遍山村
明星天畔瞻新野心事何時對榻論

懷杞山許司諫

邵銳

夕郎懷舊業歸憇紫雲山肥遯嚴陵並高風徐孺問海
天孤鶴遠塵世一官閒為憶逃君久脩然謝往還

寄懷許台仲

應大猷

紅塵滿路半侵衣迢遞鄉思晚更凄日邁有心慚故我
月明無主照空扉生平曾次百年在別後形神兩度非
寄語東南舊知己長安車馬近來稀

觀化

杞山自謨時疾

管領雲泉四十春乾坤閒處老閒人却憐故物還元化

光燭星河射海垠

廣薤露歌

自譔同前

薤露聲那復歌有生歸盡定不易苦調哀切將奈何齊
橫漢季等黃土曳紼之徒祇合歌樂送我歸山阿哀樂
於吾兩何有達者玩世生死造化昧端倪我今獨解衆
悟理則那

輓司諫許先生

高賁亨

倏忽金陵五十載流光去去交盟在扁舟日夜憶錢塘
白頭那敢慚傾蓋素衣使者朝來奔對之一慟消神魂
生平翫麟豈斯盡崇名廣譽齊崑崙我初欲遊秦山道
空谷無人長蓁草一夕俄聞千古談始信神仙在峰嶸

甯志備考卷十二

二百

從茲不厭相顧頻南北殊途道自親諫垣崇高匪君志
拂衣早與茶山隣茶山嗟峨出塵表我亦曾過聽啼鳥
主人為我開綠醅我秋月相看同皎皎嗚呼此樂期再
尋天胡使我悲懷深薇言在膺猶耿耿我將絮酒明初
心當時同盟有應子招邀灑淚茶山陰

輓許雲村尊師

吳遵

一笑金門早掛冠半生孤迥隔塵寰挽回光岳千年氣
壁立東南萬仞山吾道忽驚流水逝元精應逐白雲還
却疑矯矯凌風履猶在斜陽紫翠間

輓許雲村尊師

聞人嘉言

落落高標跡自畸拂衣歸採故山芝平生城市無雙履

何物榮衰到兩眉青瑣當年空諫草白頭終日尚書帷
倚天夜向東南泣不見文星浙水西

輓許司諫先生

僧法聚

滄洲歲月卧歸雲出處先幾見獨真蔬食之餘青鎖日
石田耕老碧巖春文章珍世聯鐘鼎聖學悲時失鳳麟
光霽未涯瞻仰地海門風月為傳神

睢陽歎

李東陽

將軍有齒嚼欲碎將軍皆有背血成淚生為將星死為
厲盡是山川不平二心人同心金不利天與一城為國
蔽強兵坐擁腹相視孝子忠臣竟誰是千載功名亦天
意君不見河南節度三日至

甯志備考卷十二

二十五

八月十六日夜懷友

吳寬

秋色平分昨夜過纔看月好澹星河海東游氣消俱盡
天上清光減未多有酒却嗟無客共新詩其奈故人何
欲知賸得人間勝獨坐樓頭對素娥

平夷頌為吳公梅林

董穀

頌曰茫茫巨海南國之紀際天蟠地浩無涯埃中有鬼
方羸秦伊始是曰倭奴聚若蜂蟻殺斂天性颿檣長技
叛服靡常為患東都漢隋唐宋羈縻唇齒胡元肆伐莫
雪厥耻於赫高皇中配元黃華夏澄清猥抗于襄內治
斯茂重譯未王逖彼東南有此小邦萬里梯航界於扶
桑册封攸頌朝貢是常爰命東甌增治金湯百八斯年

樂郊炎荒嚼火燎原桃蟲惟鳥勿謂何傷靡大非小重
僻逋逃潛伏洲島日深歲蕃轉相號召挾彼有徒突如
掠剽四明瓦解三吳雲擾淫毒蒸天血流成潦大將偃
旗疇能致討皇帝曰吁亂其所養維諸廷臣慎擇以往
代朕南巡用昭罰賞桓桓胡公象簡惠文乘傳至止燁
如神人指揮顧盼秋肅春溫宵中兵甲數萬橫陳一鼓
大捷氣振三軍公方蒞止有命自天維卿獨任閩外之
權歲在甲寅火中成軍賊寇于垣我矢于原萬夫用命
一劍芒寒我陳于野賊逸于渚鼓砲雷轟矢石如雨元
克既殲百靈順序爰休爰止勞我多士露布霄蜚捷音
晝駛公燕于堂鼙鼓遶遶逢逢笙磬雍雍吳儂戴公尸

甯志備考卷十二

二十六

祝無窮男遂獲鋤歸安女紅伊誰之俾伊誰之功天心
亦從歲復大豐德威既揚格彼冥頑憬若有覺面縛叩
關頓首輸誠城惟乞平反公笑受之予以溫顏罪人斯
得一矢不煩浙水安流吳山雄峙氛祲既消瑞應斯至
粃粃仙獸不知其世皓踰鶴齡元奪鳥翅虞獻於廷光
照階砌砌屬僚仰賀奔走軍吏天子萬年公亦千禩方
歌九罭行躋三事萬方屬望蒼生攸暨

遊大尖山時松茂桃復盛花

徐渭

萬松滴千山妙翠不可染割取武陵源固是天所遣秦
人跡無有雲中叫鷄犬夜泊漁舟來下山尋不足

題筠谷

沈周

山中種竹千君子谷裡埋頭此衲師昨夜清風清夢熟
數聲敲玉是醒時

其二

筠谷山翁矍鑠哉萬竿修竹手親栽寺門一夜春雷動
多少龍孫破石胎

題西郊別墅

王穉登

小園臨湍結薜蘿主人日涉趣如何幽花時灌寒猶好
小鳥春來雨亦歌雅稱琴尊清畫賞不妨樵牧夕陽過
政成京國歸閑樂只讓溫公五畝多

題雙仁祠

趙立

力挽朝綱怒激胡却將生死付洪爐成仁澤及江河遠
報國心懸日月孤正氣千年歸伯仲精靈終古照珊瑚
登祠拜罷重回首今日風塵謾有無

甯志備考卷十二

三

春回紀夢

查秉彛

憶昔函封拜宸紫宸未緣牢落歎風塵九重天上春回
日二十年前夢裡身世身事已忘吾有我達觀須信幻
猶真清朝自是多才雋江漢何妨有逐臣

題春回卷

許令典

折檻非沽直授荒蒼蒼主仁賜環慚報草吹黍喜春生

春回贏得春常在
簪紱於今識世臣

夢去來

題春回卷

曹 勳

敢言去國此身輕
戀闕猶慚補聖明
臣節自應沾雨露
君恩原不廢雷霆
生前一夢心猶赤
死後千秋史自青
諫草已焚詩句在
江湖真有未忘情

甯志備考卷十二

二十六

